

СТЕПАН
ТИМУШЕВ




ЗУМЫШ
ПАРМАЫН

Коми
книжной
издательство
1986

**СТЕПАН
ТИМУШЕВ**



Сыктывкар
Коми
книжной
издательство
1986



THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CHICAGO

84.3КО
Т 41

Рецензент **Л. А. Лыткин**

Тимушев С. Ф.

Т 41 Зумыш пармаын: Повесть.— Сыктывкар: Коми
кн. изд-во. 1986. 144 л. б.

Пер.: 75 к. 4000 экз.

Степан Фёдорович Тимушев дыр кад уджаліс журналистикаын. Но такбд бттшбттш гижльвліс кывбуръяс да висътъяс. Ибзбдліс колхозной тема вылө «Зумыд кок йылө» повесть.

Неважөн гижөм «Зумыш пармаын» повестяс автор гижөма Кулөм-дінса крестьяналөн кольөм нэмся нелямынөд воясө асланыс нарти-тысьяслы паньд кыпөдчылөм йылысь. Надейтчам, мый тайб гижөд-сө нимкодпырысь лыддясны кызди школаын велөдчысьяс, сідзи и пөрнөй йөз.

Т 4702290000 — 007 — 19 — 86 м
М 128(03) — 86

84. 3КО

Первой юкөн

ПРАВДА КОРСИГӨН

I

1841 вося декабрь 24 лунö Государственной эм-
бурьяс кузя министр его сиятельство граф Киселёвлөн резиденцияса парадной подъезд дорын сулалисны мужикьяс. Найö локтисны татчö водз асывсяньныс, и көть Финской заливсянь пöльтис лэчюд улыыс төв да некымынысь заводитлис слөт сорөн сапкыны лым, пыр на виччысисны.

Изйөн вольсалөм Невской проспект. Звöйкйөн доддялөм карета төвзыштис мужикьяс син водзын да здук мысти саялис. Нева дорсянь быттьö гымыштис. Петропавловской крепостьса пушка юөртис самодержавной столицаса олысьяслы лун шөр кад.

А регыд сэсся и пемдыны кутис. Зарния канделябрьясын öзтөм сисьяс сявкнитисны графской резиденцияысь. Небеса сэзьдис. Асыв-войвылын ломзис öтка яр кодзув. Виччысь-ысьясысь öти — ас кыөм ной дукöса да еджыд шапкаа, паськыд пельпомьяса, шөркодь тушаа мужик — видзöдлис тайö кодзув вылас, пөрччис шапкасö да куймысь пернапасасис.

«Вой кодзулöй мяян... — думыштис мужичöй. — Тэ тай мяян парма весьтын моз жö дзирдалан тані. Изйысь тэчөм тайö көдзыд кар весьтас...»

Ышловзис. Бергөдчис. Графской öшиньясысь öти вöлі торйөн югыд.

«Ачыс, көнкö, сэні пукалö, — мөвпалис мужик. — Небеса-сянь кодзув и то меліа дзирдыштлö, а сійö му вылын. Некымын воськов да оз тай петкөдчыв. Дасөд лун виччыся. Да-а-а...»

Бөрья кывьяссö шуис гораа:

— Да. Öти асылö воим, Герасим, — вочавидзис орччөн сулалысьыс, кодлы Герасим вöлі сөмын пельпомөдзыс. Сійö, нинкөма кокнас тапикасигтыр, зыралыштис турдөм кияссö, пыдөджык суйис юрас гын шляпасö, весиг нейджыд ноппыс йөктис мышкас. — Эк, олөм, олөм. Оз öд прöста шуны: «Ен-мөдз — вылын, а сарөдз — ылын». Мунам, буди?»

— Гашкө, мыйкө юөртасны на?— шыөдчис коймөд.—
Виччысьыштлам.

Буретш тайө кывъяссө шуигөн парадной өдзөс воссис.
Дзирдалысь ливреяса привратник петис кильчө вылө да
матыстчис перилө дорө. Мужикъяс пөрччисны шапкаяснысө
да улөдз копытчылисны.

— Мый виччысянныд?!

— Милостивец,— сетис гөлөссө кузь мужичойыс.— Вись-
талөй графлы, мед жалитыштас.

— Дасөд лун виччысям. Енмогысьөн корам,— содтис Ге-
расим.

И мужикъяс, милөстина корысь бобыльяс моз, нюжөдис-
ны кияснысө перилөлань.

— Его сиятельство Павел Дмитриевич лөсьөдчө рожде-
ственской ёлка вылө. Регыд гөстяс воавны кутасны. Веса-
сьөй. Мед дукныд эз кыв!

И клопкис өдзөссө.

— Да. Аски өд рөштво лун, Герасим.

— Кодлы выя көвдум, а кодлы и...— ышловзис Гера-
сим.— Мунам трактирө, Максим. Мунам шог вылысь пыз-
йыштам,..— да содтис сэтшөм кыв, мый Максимөс весиг кез-
нитөдис.

— Эн ёрчы. Енмыд өд ставсө кылө.

— Кылис кө эськө...

Трактирын, кытчө мужикъяс веськалисны Питерса улича-
ясөд бура дыр шөйтөм бөрын, вөлі тырыс йөз — на кодь жө
тошсялөм дядьөяс. Ыж ку пасьяс, азиямьяс, ас кыөм ной ду-
көсьяс, извозчикьяслөн тулупьяс сорласисны пызаньяс сай-
ын. Пырысьяслы ныраныс өвтыштит жаритөм яйөн да шома
капустаөн, чериөн да винаөн, вөв ньылөмөн, чеснокөн, куш-
манөн да лукөн. Сук табак тшын да ывласянь пуркнитөм кө-
дзыд ру пыр өдва төдчисны ылі пызаньяс сайын пукалысь-
яслөн мыгөрьясныс.

Герасим да Максим пуксисны порог ув пельөсө нейджыд
пызан сайө, корисны морт өти стөканөн курыдөс, зыртөм
кушман, зөрья рок да рудзөг нянь. Юисны.

— Курыд матушкаыд, да морөс увтө шонтыштө,— увлань
өшөдчөм съөд уссө чышкыштит да нисьө ёртыслы, нисьө ас-
лыс шуис Максим.

Герасим восьтыштит тшөть кодь съөд ус-тош пиө дзевсьөм
вомсө, кымыньтит сэтчө стөкансьыс кизьөрторсө, ружөктис да
исалыштит кыза солалөм небыд рудзөг нянь шөрөм.

— Курыд, шуан? А, гашкө, мян синваысь тайө куры-
дыс?

И, быттьо, сылөн кывъяс вылө вочавидзёмөн мөдар пельössянь кыліс чирөм гөлөслөн лывкйөдлөм:

Ок тэ, доля, менам до-о-оля,
Курыд олө-өмө-өй ме-на-а-м...

— Со кодкө абу жө рад аслас олөм-вылөм вылас.— Роч кывъяссө мырдысь корсялөмөн шуис Герасим.— Тіян, шуан, помещикъяс, а ми көть и государственной крестьяна, правда-сө сьөкыд жө аддзыны. Мыйта прөмыс кыйлам, чайтам ов-мөдчыны, керка-карта дзоньтавны, а Мамонтов Прокө — рыныш туйөд юр — өстатки грөшнымөс пычкас. Воттө кульөны, ямскөйтө мынты, рекрутчинаысь деньга сет...

— М-м-м. Рекрутчина? — ымөстис гажмыштөм Максим.— Менам пей, Рөманөй, сизимөд во салдатын. Көнкө пө тіяланьын, Вөлөгдаын.

— А он мынты — медбөрря мөстө петкөдасны, көдзыд чижевказын колодкаө дорөмөн видзасны,— долис ассыс Герасим.

— Сизимөд во Рөманөс синмөн эг аддзыв. Мамыс кувсис... Косьмис коньөр...

— А ме подөн Питерөдз вои. Төлысь чөж. Көм-пасьөй вылам орис...— мураліс Герасим.

— А кольөм во сикт джынным сотчис. Юр сюянінтөг коллим,— окайтігтыр аслыс элясис Максим Мирной.— Волгаматушкаө көть увлань юрөн дзумгысь, да вөльной светыс пыр на тай жаль.

— Аслыс сарлы прошеннө мөдөдім. А сетасны-ө сылы? Соссьөны сысысь...— Герасим казавтөгыс кучкис пызанө. Тыртөм стөканъяс триньмунөмөн чеччыштлісны.— Ачыс Балин прошеннөсө гижис. Сет пө сар-батюшколы. Кыдз тэ чайтан, Максим Мирной, роч друг, жалитыштас мянөс сарыд, петас милөстысь?

— Сарыд? — очмис Максим.— Ылын сійө, ы-ы-ылын...

— Мися, эм сылөн милөстысь?

— Ог тө-өд...

Пызан вылын көдзаліс рок тасьті, кодөс гажмөм мужикъяс эз и видлыны. Найө видзөдлісны өта-мөд выланыс гудыр-мөм синьясөн, сэсся Максим суйис питшөгас кисө, кыкис нейджыд дөра ёкмыль, корсис сэтысь кык гривенник. Герасим гудйысьыштіс тасма йылас өшалысь биваысь, пейис сымда жө.

— Содтам Рөштво рытъя ради.

— Мый лоны — ло.

Корисны содтөд.

— А миян Волга вылын шуоны...

Максим эз удит помавнысö. Кык пызан сайын коддзöм извозчикъяс костын лыбис зык — мыйкö эз юкны. Верзилö кодь мужичöй пöрöдис пызансö да öттшöтш сы сайын пукалысьяссö. Кучкис орчча пызан сайын пукалысь дзор дедöлы.

— Ставсö пузувта! Некодöс ловйöн ог лэдз!— öвтчис гырнич кодь кулакъяснас буянитысь.

Эз вермы кутчысьны Герасим. Сылы быттьö аслыс кучкисны, кор аддзис пöрысь батысь кодь жö джоджö усьöм дзор дедöс. Сувтис. Воськовтис.

— Тэ сйöс мыйысь? — киргöмөн юалис извозчиклысь.

— А тэныд... сйö жö ковмис?

— Видлы.

Максим Мирнöй сöмын аддзылис, кызди буянитысь морт, вомсö векуштöмөн, ырыштчис Герасим вылö, но син лапни-тигкості ачыс пласьтмуні.

— Кар-раул! Пöлиция! — горöдис стойка сайын сулалысь трактирщик.

И став пукалысьяс, зульгысь-сьылысьяс звирк чеччисны пызан сайысь.

— Мунам татысь, Герасим... Миянлы тані бурсö виччысьны нинöм, — кутис нуöдчыны Максим Мирнöй.

Ывла выв ыркыдыс пальöдыштіс найöс. Кык керка кост мунöм бöрын Максим сувтовкерис, видзöдліс Герасим вылö.

— Повтöм тэ. Неыджыд и эм, а збойлуныд...

— Вöралысь рöдысь ме, ошъяскöд вермасьлі... — виччысьтöг шамыртис волжанин другсö коскöдыс, лэптыштіс. — Ляскöбта кө — лы-сьöмыд торпыригöдз разалас.

— Но, эн дур, тырмас, — весиг повзъыштіс Максим.

— Да менам öмöй вын-эбöс? Вот овлöма важöн Көтийöм пöлөн Пера-багатыр. Сйö — да!..

* * *

Его сиятельство граф Павел Дмитриевич Киселев талун асывсяныс скöр. Столоначальникöс, коді пыртис кырымавлыны бумагаяс, нинöм абуысь нимтіс бөлбанөн.

«Рöштво бöрад, буракö, пöкмелляыс эз веськав», — думыштіс столоначальник, коді бура тöдис аслас министрлысь модасö: юны кө нин, мед пызан сайын зульскысьтöдз. Павел Дмитриевичлөн и збылысь потіс юрыс, көть асыкав. Сйö некымынысь нин, восьтыліс секретнöй шкапсö да пöрöдалис вомас кузь кока румкаысь — пöкмелля эз прöйдит.

Но эз сымда пöкмелля вöсна скöрав аслас подчинённойс вылö его сиятельство.

Сылөн пызан вылын некымын лун нин куйлис öти прошение, кодос сетысыс быд лун виччысис подъезд дорын — тайос граф тодис столоначальниклон быд лунья висьталомысь — да виччысис воча кыв. Кутшомко Усть-Куломса зыряна-самоедьяс Герасим Сладкостиев да Гаврила Попов эясысны асланыс общества крестьяна нимсян вотьясон дзескодом выло да корисны, медым сийо — императорской министр — видлалис налысь коромнысо, чирыштит местной начальствоос.

— Чинтыны налогьяс? Со мый думыштомаось! А кытысь его величестволон казнао доходьс? — ас кежас сернитис граф.

Рoштво рытъяо сийо тшoктис вoтлыны асныра эясысьясос. А куим лун мысти воис императорской главной квартираса командующей генерал-адъютант да кавалер граф Бенкендорфсян пакет, кони воли татшом жо эясьом, но император Николай Павлович ним выло нин. Его сиятельство Александр Христофорович корис тодмавы, коди сетис кырымавтом гижодсо.

«Гижома öти морт — киподтуйыс öткодь. И грамотная гижома. Кутшомко смутьян-разночинец либо сэтчос ссыльной...» — шуис аслыс государственной эмбурьяс кузя министр.

Граф Павел Дмитриевич Киселев лыддис асьсо либералон. Куим во сайын, нелямын куим аросон сийос индисны министрон. Сийо лыддис, мый коло мездыны крестьянаос крепостной правось, но сидзи, медым таысь воли дворяналы выгодно: од и Павел Дмитриевичлон эмось именияс, эмось холопьяс, од и сылы Питеро быдса обозьясон мододоны управляющейясыс и нянь, и вый да яй, и кольк да ма, и яблoкьяс да чери...

Та вoсна жо крестьянской вoпрoсьяс кузя некымын секретной комиссияын сийо пыр сулавлис дворяна-крепостникьяс дор.

— Крестьянаос коло мездыны, но мутог, — со сылон вежсытом девизыс.

Но главнойясы сылон министерской уджын воли казналысь доходьяс содтом. Тайо туйсо сийо аддзис государственной крестьяна тшот весьто. А найо государственной крестьянаыс, тшотш и эсийо зыряна-самоедьясыс, кодьяс нам чожныс промышленитоны дона зверь куяс, кодьяс динo дас онас, гашко, отчюд волоны губерняса чиновникьяс, короны чинтыны вотьяс. Кывлытом делo!

Не ко Александр Христофоровичлон пакетыс, Павел Дмитриевич эсько сидзи и вунодис налысь эясьомсо. Да код тодас, мый вoчьсо царлон фаворит да временщик юрын? Жандармьяслон шеф оз зев ошкы министрлысь крестьянаос

мездём йылысь либеральничайтёмсө. Усяс дум вылас да коркө и юалас, мый вөчөма сылөн гижөд серти. Бенкендорфлөн өд паметьыс абу на дзик слаб, көть ачыс абу нин сэтшөм том.

Татшөм думьяс бергалісны министрлөн пөкмелляя юрын. Сійө звөнитіс. Пырис столоначальникыс.

— Босьтөй копия да препроводительнойон мөдөдөй Вологдаса гражданской губернаторлы расследуйтөм вылө!— шуис и бергөдчис мышкөн.

— Слушаюсь, ваше сиятельство,— улөдз копыртчыліс чиновник да мөдөдчис петны. Но порог дорын нин сувтовкерис:

— А мый висьтавы эсію мужикыслыс?

— Висьталөй, мый жалөбасө видлалөма. Вермас мунны гортас. Воас кө ещө — сьылі тшуптас сетавы. Ставыс! Мед талун некод оз лок.

Та бөрын граф дорывв пөрөдіс ещө кык румка да вугыртис небыд креслөас.

II

— Лун-мөд петалам на вөрө, а сэссия ковмас гортлань сетчыны: вермас улыдыны. Кадыс өд тулыслань синө. Видлы, Пиля, пусьөма абу яйыс,— тшөктіс сартаса би дорын пукалысь мужичөй да веськөдчыліс, видзөдліс пидзөс костас топөдөм зверлысь джынвийө кульыштөм кусө да нюмдіс. Сэссия содтіс:— Төлка пон. Оти пинь туй оз төдчы. Первой сортөн мунас. Со тэныд, Пиля, и лоө выль дөрөм-гачыд.

— Мен эськө, батьө...

— Мый тэн, мый «эськө»?

— Гудөк кө ньөбны...— полігтырйи висьталіс ассьыс думсө Пиля да заводитіс юкавын сартас.

Кыз конда керйысь тшупөм ляпкыдик кыйсян чомйын жар. Курыд сирөд тшын муртса на удитіс петны юрйылөд, и өні гөвкьяліс юр весьтын вөсньыдик лөзоват слөйөн. Изйысь тэчөм горйын кельыдлөзөн, гөрдөн, вижөн пөртмасис жар өгыр, кыз пу крук йылын өшалысь пөртйын булькөдчис йөра яя шыд, а мөдын варкөдчис сюра-рок. Неуна калькөдыштөм ичөтик өдзөс дорын куйліс Буско да нускис бөж улас нырсө сүйөмөн: мудзөма лунтыр зверь бөрсаяд вөтлысигөн.

— М-м... Гудөк, шуан?— недыр чөв олөм бөрын шыөдчис бать. Сійө помаліс зверөс пөрччөдөм, бергөдіс ортсылань гөнөн, шылькнитіс юрладорсяныс да бөж йылөдзыс небыд кусө, пөльыштіс да зөвтис.

— А тэ, Пиля, гырddзатö видлы ассьыд курччыны,—
серам сорөн шуис батыс.

— Матын эськö да ог судз,— вочавидзис Пиля.

— Сыын öд ставыс и эм. Öд мыйта ми уджйöзаöсь пуля-
порокыс гөлöва Мамонтовлы. А водзвыв босьтöм кык мешöк
пызтö помнитан? Вотсьыд недоимкатö? Вöвным коксö
öдва кыскалö, гöрас-кöдзас кö таво тулыс, пасибö. Вильöс
колö ньöбны. Тэ эн видзöд, мый бур кыйдöс шедис — ставыс
инасяс пыдöстöм пельсаö моз. Но, вай ужнайтыштам. Бус-
ко, на!

Бать шыбитис понлы кульöм зверлысь тушасö, сямöд доз-
йын пожъялис кисö да судзöдис джаджйысь мöд сямöд доз.

— Бөръя сукаръяс сөям. Тшамъяад öд эз нин коль.

Пуксис. Чөвтис пöртиö морт вылö кык ид сукарөн да шер-
дынсö вештис пельöслань. Гудыртис шыдсö ыджыд пу паньөн,
паньыштис, пöльыштис, видлис вом дорнас.

— Пилип, шыдсö солавлин?

— А кöни солыд?

— Кöни пыр овлö.

— Öти чепöль абу.

— Эк-ма. Дубөн лоö панявны. Зато мышным сола,— и
бать заводитис тэрмасьтöг панясыны.

Пиля батыс бöрын виччысьöмөн лэдзлывлис паньсö шыд
пöртиö, дыр пöлясис да, кöть и ёна сямалис кынöмыс, пискаа
вайöдлис паньсö вом дорас. Сйö öни думайтис эз нин гудöк
ньöбöм йылысь, а батыслөн кывъяс вылö корсис воча кыв.

«Пызан вылын дуб — мышкын сола... И мыйла сöмын та-
дзи? Кымынöд во нин дас öти арöссиянь батькöд вöрала,
мыйта зверь-пöтка кыйлам, а пыр кок йылö сувтны огö вер-
мöй. Жöникöдз вои, а войпукö мунигөн пасьтавны нинöм.
А öд ми сиктын абу медся гöльяс, ас няньөн на вотö вуджам,
весиг суседъяслы на батыöй отсалö, кор мыйөн вермö...»

— Сөй, пиö, мед кöть и дуб. Яйсö лэпты. На, со тайö лы-
сö вильöд. Лун-мöд, мися, сöмын и кыйсям, а сэссия гортö.
А, гашкö, и Герасим нин Питерысь бур юөръясөн воис.
Да-а... Миян ног кö лоис, сэки и недоимкаясысь мынам. Кев-
мы, пиö, аслад гудöк вöсна.

Чусалисны горйын öгыръяс, вочасөн вевттысисны руд
пöймөн и сöмын трачкöдчöмөн сотчысь сартас югдöдыштис
пукалысьяслысь чужöмнысö. Батыс гöгрöс тошка, муртса
тöдчыштö арся ур гөн рöма ус. Найö кыкнанныс вурлисны
кыса кöмсьыныс резьдалöминъяс. Батыс мыйкö вомгорулас
муралис-сьылис, а пиыс чöv олис. Кыкнанныслөн вöлины ас-
ланыс мөвпъяс, но гораа на йылысь эз висьтавны. Медбөр-
ти эновтисны уджнысö, петавлисны кокни могөн ывлаö, перна-

пасасисны да нюждчисны лосалом керйысь вочом нар выло, кытчö вöли вольсалöма арнас на косьтылом эжөр.

Дыр эз вермы унмовсьны Пилип. То сылысь первой чомрöдлис синсö, ойбыртö нин вöли, да друг луддзис кокбөрляйс, бытбö йöктöм водзын, а сэся батысь заводитис шкоргыны ныргорөн, и ун воши. Том вöралысь восьса синъясон дзоргис сап пемыдас, думайтис аслас шуд йылысь.

«Матö кыксё ветымын ур ку куйлö тшамъяын, кык тулан, руч. Йöраос неважөн суöдисны. И зверь ку, и яй эм... А талун со и ассым удаллунöс төлкми петкөдлыны — низьос лыи батысь водзджык. Тайö öмöй абу прöмысь?..»

Думайтис Пилип и аддзис нин асьсö, кызди сийö нуö дона низь кусö купеч лавкаö, ньöбö сы выло тальянка-гудок, кутшöми тай Прокö Саватълөн. Мунö со сийö вичко дорсян гортланьыс, а нывъяс корöны сылысь:

«Пиля, ворсышт».

«Восьтлыв ассыд мыла гөлөсатö, Пилипка».

«Пилипка, а Пиль!..» — кылö Пиля зэв мелі гөлөс да төдö: тайö Наста — Пөлудь Ондрейлөн нылыс.

Пиля кöсйö бергөдчывны Насталөн гөлөслань, но ныв кутö сийöс юрöдыс, небыдик чуньяснас топöдö нырöдыс да юалö:

«Пилипка, ворсыштан öд, но?..»

— Но! — друг кылö батыслөн гөлөсыс.

И Пиля гөгөрвоö, мый ставыс тайö вөт. Сийö восьтö синъяссö: батысь удитöма нин шонтыны төрытья шыд да рок. Сидзкö, колö чеччыны, тэрмасьöмөн пасьтасьны-көмасьны.

Дуб яя шыд талун кажитчис Пилялы ещö на чöскыдтөм-джыкөн. Сийö радпырысь уськөдчис крöшитөм яй сорөн пуөм сюра-рок выло. Од сюрасö мамыс пöжаліс йөв пытшкö гудыртөм шыдöсысь вöсни рудзөг коркаа пирогö вöчалөмөн. Сийö неуна шома кöра, но выялыштöма да и сола. А главнöйыс — батысь сэтчö крöшитöма тшөтш и йöра яй.

Сейыштөм бöрын пемыднас на ая-пия мөдөдчисны Вуктыл йывлань. Найö талун шуисны дзоньтавны тар койтьяс, медым гортö лэччылөм бöрын Пилялы позис öтнаслы нин кайлыны шедөмторйысла: батыслы лоö некор — ковмас дзоньтавны гөр-агас, горт гөгөр уджалыштны.

Лөз төдчигөн найö вöлины чомсянь ылынöсь нин и эз төдны, мый найöс виччысьö рытнас...

* * *

Зверь мыччыштис ёсь ныр-вомсö кыз пожөм вужъяс улысь, исалыштис сынөдсö, сэся чургөдис юрсö да наян синъяснас

видзодліс вольной свет вылас. Сійо кывзысьыштис: рытыв төв вайис сирод тшын дук. Но тайо эз повзюд зверос. Быд пöрийо пöпутной төлön воліс тайо дукыс сёлön позйодз. Недыр мысти вужьяс костод розысь мыччысис зверлön би рöма тушаыс, а сэссия и пашкыр бöжыс. Руч пуксьыштліс поз дорас, бара гөгөрбок исалыштис неуна тіралыштан нырнас, кытшовтіс сывтырья пожом гөгөр, чатортчыліс дзирдалысь шонді выло да некымынысь тьякнитіс.

Колис здук-мод, и вужьяскостса розысь чаром выло турбыльтчисны вит вижов мач, но эз кырбокса горув, а вывлань, көні пукаліс энь руч.

Зверь водіс гож водзö, а сёлön ичотик пияныс сатшкысисны еджыд кынём дорас да заводитісны нёнясьны.

— Пинь-пинь-пинь...

— Чуфирки-чир-чир...

Ловзис водз тулысья вөр-ва. Веськыд пожомьяслön пашкыр туганьясыс гөрдöдыштисны асья шонді югөрьясысь, а бокша горувса шор визьын вöлі лөзоват рөмыд.

— Тук-тук-тук-тыр-р-р!— кос кондао сярöбтіс лэчыд да ён нырнас гөрд юра сизь.

— Кот-кот-ко... Тюфф-чуф-фышш, чуф-фышш.— Кылө котсисны да сёласисны койтны заводитысь тарьяс.

Тайо кадыс ручлы медся бур. Сылы öні оз ков төлын моз кыйявны кузь пеля көч бөрся, нинөмла и исасьны поснидик кок туйяс дорын да, дыр виччысьом бөрын, чечыштлөмön сунгысьлыны лым толао ичотик шырла. Кокниджыка шедö сёян: од чаром вывті котортны — абу небыд толаті келавны. Öні муö лэччылысь тарьяс да сёлаяс öдийджык шедöны.

Легөдчө пашкыр бөжнас нёньодчысь руч, чошкөдлө дженьыдик пельяссö, нюлө ёсь кывнас вом дорсö: неважөн на позьяс чөсмасис гөрд сорса тарөн.

Но мый тайо? Сюсь пельнас наян зверь кыліс чаром кузя шаргөм. Руч звирк чеччис, кватитіс вомас небыд гөна писö, котортөдіс пожом улö. Сэссия мукөдсö пырталіс пөтка гөнön вольсалөм позьяс. Шаргөм матысмис. Со сійо друг лөнис дзик поз дорын. Кыліс: «Кхе-хе-хе!.. Сэссия: «Ж-ш-ш-х-х...» — пөкат горувляньö. Руч эз мыччы нырсö, руд гын шляпаа, мыш саяс пищаля мужичöй исковтіс поз дорсянь шор визьлань да, кой бедьнас йөткасиг, мышкыртчөмön кавшасис мөдар бокша паныдыс. Со сійо сувтыштліс, мыйкө кыскис питшөгсьыс. А недыр мысти зверлön нырысыс кыйис кутшөмкө аслысьяма дук.

«Кежала пöпуттьö Елесь Габö чомйö, шойччышта, а сэссия и водзö,— думайтіс лызя.— Эз на кө ая-пия гортас лэччыны,

гашкө, и сѣянтор аддза, табакнысö водзöсальшта. Да öд найö öнi вöрынöсь, дерт, эз на кö лэччыны гортаныс».

Нопйыс сылөн вöли кокни. Некымын дас ур куыд ёна вольсö эз зэвт. А пöтка яй гортö нуны эз жö ков дай: мый шедыштіс — вочасөн вильöдіс. Лыйём урöс пышйöдöмысь куим лун сайын понсö ёна нöйтiс, и пон энóвтiс кöзяинсö. Кык сутки пукаліс чомйын, виччысис понлысь бөр воём, и быть ковмис мöдöдчыны гортлань: ачyd öд зверь-пöткатö он туяв ни он увт.

Татшөм думъяс сорөн сійö эз и тöдлы, кыдзи воис Вуктыл бокса яг нырдö, кöни вöли Елесь Габö ая-пиалөн чомныс. Ныриса Буско эз увт, гөгөр вöли лөнъ. А со и чом да кыз сюръяяс йылö вöчөм тшамъя. Матыстчигас лызя нарошнö гораа кызöктiс — чомйысь некод эз пет. «Абуöсь кöзяевыс», — думыштіс. Сэсся пöрччис лызьсö, вöсьтіс öдзöссö. Чомйын шоныд. «Вөрö мунöмаöсь», — гөгөрвоис морт. Восьса öдзöсöд тыдаліс гор весьтын öшалысь пöрт. Виччысьтөм гөсть лэдзис сэтчö сармөм кисö, лэптiс пуөм йöра яй, горша сатшкысис пиньяснас да заводитiс мурзөмөн пурны-сёйны, быттьö вежон нин тшыгъялөма. Пöрт рекмөм бöрын петiс тшамъя дорö, но матыстчыны эз лысьт.

«Код тöдас? — мөвпаліс «гөсть». — Елесь Габöйд наян — гуся пезьган вермис пуктыны...»

Гыжъялыштіс гынмөм юрсиа балябөжсö, бөр пырис чомйö, заводитiс шарöдчыны стен джаджйын и ки улас веськаліс... небыд гөна. Первойсö сійö повзъыштіскöдь, сэсся босьтіс тувйысь кусö, вöськовтіс öдзöс дорö, и югыд водзын сылөн синъясыс дзирдыштісны войся кöинлөн моз, мыш кузяыс быттьö йиа ваөн койыштісны, вомкөтшъясыс вежынтьчылісны.

— Низь, низь!.. Сöмын на косьмыны удитöма. Айда, Габö — варыш син. Шуда, öкаяннöйыд...

Кöсийс бөр пыртны дона кусö да öшöдны важ местаас, но кокыс эз кывзысь, а тіралысь княсыс шамралісны небыд гөнсö, ёкмылялісны кусö да асьныс суюыштісны няйт дукöс улö. «Гөсть» тэрмасьмөн сувтіс лызь вылö, вöчис вöськов-мөдöс, но друг сылы юрас воис медлөк мөвпыс. Сійö öдйö бергөдчис бөр, пырис чомйö, кватитiс кос сартас да заводитiс пöльтны пöим улысь кольөм öгырсö. Сирөд сартас öзйис öдйö. Кос пес, нар вылын кышакылысь эжөр регыд мысти ыпнитiсны яр биөн чом стен бердын. Гусясысь вöсьтіс юрйив öшинь, вöсьсөн жö колис чом öдзöссö. Сувтіс лызь вылас, кватитiс койбедьсö, шапкасö пöрччывтöг пернапасасис, и вошис пуяс сайö. Сійö кöин моз кыйкнитлывліс син еджыд-

нас и мый вынсыс пондїс туводны көрт кодь топыд чаром вывти, кытчө весиг лызь туйыс эз коль.

А Вуктыл бокса яг нырдын ыпъяліс Елесь Габөлөн кыйсян чомыйыс, трачкөдчөмөн ымралісны кыз конда керьяс. Слабиник рытив төв нуис курыд тшынсө сэтчань, кысянь воис еджыд дукөса. Тшын дукыс эз сет спокой энь ручлы...

* * *

— Эн-ө өдзөстө восьсөн коль? Тэ өд, буракө, бөрын петін? Вермис төвру пөлыштны — огыртө и нөбөдіс стен бердас. Пиля, кылан? — гашкө дасөдысь нин юаліс пиыслысь Габө, көть эськө и ачыс эз эскы, мый вермис лоны тадзи.

Пиля пукаліс вөвлөм чом местаын ломалысь ноддя дорын юрсө өшөдөмөн, чөв оліс. Да и мый вочавидзан? Батыс ас вылас абу рад, а шуны веськыда, мый Пиля петіс чомыйысь водзджык — оз отсав. Батыс и ачыс бура төдө, кызди сійө пыкис кыз зорйөн өдзөссө да пернапасаліс чомсө. Но кысянь лоис пөжарыс? А главнөйыс...

— Абу чомыйыс жаль — выльөн арнас вермим тшупны, а куыс, куыс... Отнас джын прөмыс дон сулаліс... Эк-ма! — вийсис Габө.

«Со тэныд и тальянка...» — ышлолаліс Пиля.

Сотчөм чом дорө ая-пия воисны суткиөн-джынйөн мысти, пемыднас нин. Помалісны тар койт лөсьөдөм. Төрыт асывнас вөлі топыд чарөма, лун сьөмөснас, көть и небзьөдліс, но регыд бөр кынтіс. Буско эз вермы кутчысьны исавны. Да мый исалас? А чарөм вылын лызь туй он аддзы. Да и пемыднад мый аддзан?

«Озйис-ө огырсянь? А өзтіс кө кодкө?.. Кыдз төдмалан? Ки-коксө некод абу кольөма... А, гашкө? Гашкө... Мый «гашкө»?.. Ок, енмөй, енмөй, мышкөн бергөдчөмыд миянлань...» — аслыс лөвтис Габө ноддя дорын пукаліг. Асылөдзыс эз куньлы синьяссө, думайтис, думайтис...

Сөмын асьявылыс ойбыртліс и Пиля, чепсасис ун йывсьыс, герчкис пиньнас...

А мыйөн югдыштис, ая-пия тэчисны нартө став прөмыссө, коді вөлі тшамъяын, ещө өтчөд видзөдлісны чом места вылө да жугыля мөдөдчисны гортланьыс.

* * *

Дарья некыдз на эз виччысь верөсыслысь да пиыслысь воөмсө, но эз повззы, эз шөйөвош, кызди овлывлө мукөд нывбабаыскөд друг виччысьтөмтор лоигөн. Сійө буретш вөлі лэч-

чөдө Эжва дорө юктавы ассыныс пөрысь вөвсө да, кор ад-
дзис асья рудобын сьөкыд нарт кыскысь ая-пиаос, радпы-
рысь пернапасасис:

— Сла-бог, кыкнаныс дзоньвидзаоьс локтоны.

Но и паныд эз котөрт сывсө шевгөдөмөн: Габө эз радейт
чиктылана нимкодясьөмтө. Дарья тэрмасьтөг лэччөдис вөвсө
юкмөс дорө, кыз зорйөн жугөдис войнас кынмөм йисө да му-
жичөй моз заводитис шутляявы:

— Тю-тю-ю-ю-у-у...

Дом поводсө пуктис вөв сьылі вылө да воськовтис локтысь-
яслы паныд.

— Көчөн али сюзьөн?— юалис Дарья. Сийө казяліс, мый
ая-пиа нартсө кыскөны сьөкыда.

— Сюзьөн,— шпыньмунис Габө, нюмдис паськыда, ус-тош
костөдыс мьиччөдліс еджыд ён пиньяссө. Сэссия содтис:— Сө-
мын сюзьыслөн лысөма юрыс...

Пөрысь вөв кыліс көзяиныслысь төдса гөлөссө, гөрөктис
да, юрсө улө-вылө пыркөдиг, матыстчис нарт дорө. Габө вось-
ковтис вөлыс динө, шылькнитис бурьсьөдыс, лапкөдыштіс пась-
кыд лапанас пельпомас да долыда шыөдчис:

— Аддзан, Пиля! Воронкоыд поклонөн паныд воөма.
«И гөр-гөр»— шуис. Уджалыштны на көсийө. Но, мөдимө.

Габө ээлөдчис, Пиля эз кольччы батьсьыс, и нарт вөрзис.
Дарья пырис ая-пиа костө да кутчысис кыкнан кинас нарт
волысьясө, медым отсавны кыр паныд. Габө өлөдис:

— Вөвтө катөд.

— Воронкоыд тэа-меаысь горттө бурджыка төдө,— ви-
дзөдліс верөсыс вылө, нюмдис:— Аддзан? Пановтө нин.

И збыльысь. Пөрысь Воронко пыркнитис юрнас, рөдтыш-
тіс, петис көзяева водзвылө да заводитис дзурликтыны ньөж-
йөник. Друг сийө сувтис.

— Н-но-о! Восьлав!— горөдис Пиля.

— Энлы, пиө,— шуис мамыс.— Воронкоыд тэныд отсась-
ны сувтис. Аддзан, кызди бөрвыв видзөдлывлө?

Дарья шаркнитис-мездис ая-пиаысь юр вомөнныс суйыш-
төм лямканысө да көвьяліс вөлыслы сьыліас.

— Но! Воронко, гортө!

И пөрысь вөв лабутнөя вөрзьөдыштіс пельпомъяснас да
кокныдидика кутис кыскыны ас бөрсяыс нартсө.

Ая-пиа пөрччысигкөсті Дарья ломтис пывсян: төлысь вө-
ралөм бөрад жар пывсяныд да небыд корөсьыд мужикъяслы
ёна лөсялө. Сэссия чукөртис пызан вылө. Тайө пөрийө шома азя
шыд Пилялы кажитчис ёна чөскыдөн. Эз мыльсав и крөши-
төм небыд ид нянь, рыська шом йөв. Дарья пукаліс пызан
помын да нимкодясис: «Кутшөма ёнмөма Пиляным. Дзик жө

нин батыс... Сөмын пельпомъясыс неуна векныдджыкось.
Да синьясыс менам — лөзөсь, енэж рөмаось».

Сылысь мөвпьяссө торкис верөсыс. Рыська йөв бөрын
чышкыштис ки пыдөснас пань лопсө, шылькнитис ус-тошсө,
пернапасасис да юалис:

— Няньыд, Дарьюш, тырмис? Водзөсасьны эз ковмы?

Гөтырыс, тасьти-пань чукөртигмоз, видзөдліс гырысь лөз
синьяснас верөсыс вылө, нюмдыштис:

— Откөннад нө уна-ө сөян. Но лун кост мысти век на пө-
жасьлі. Ме өд абу Лазар гөтыр.

— А мый нө Лазар гөтырыс?

— Ме пө бара лун-мөдөдз пачөс ог ломтыв. И нянь көр-
тө пө ыджыд видз чөж эг кывлы. «А мый нө сөян?»— юася.
А пуд квайт пө тай тэсь пызь изөдлі да бырны жө нин кутис.
Гежөнь да сорөм вылын пө ола.

— Ха-ха-ха!..— сьөлөмсяныыс серөктис Пиля.— Тшыгъя-
лөма тай, коньөранөй.

— Тешыс водзын на, көть и синва сора,— водзө нуөдис
мамыс.— Ме и юала: «А мөскыдлы нө помөйтө көні шонтан?
Көдзыд пачад ваыд оз пузы?» Дивө босьтис Лазар гөтыр-
тө. «Сулалө,— шуө,— мөскөй да, кутшөм нө сылы помөй ко-
лө? Лун нель-вит кежлө өтпырйө гидас ыджыд пельсаө ва
катла да сәні и шоналө. А туруныс юр вывтырыс. Лясни ру-
зьөдыс таялөмөн нин сюяла. Зэв этша сөйө». «Оз и бакөст-
лив?»— юася. Марпаяд весиг чуймис: «Мыйла нө баксас,
нырув тырыс көрым да?»

— Мөскыс нө абу на вайсьөма?— торкис Габө.

— Энылы, висьтала помөдзыс. Тэ моз жө и ме юали. Мар-
па шуө: «Аски пө ва пыртлыны ковмас, сәки и гидас пырала,
видла пө вөрасө». Мөд луннас пырас гидас ва ведра гозйөн.
Видзөдө да — мөскыс кын. Со, вөлөм, мыйла оз баксы.

— Но и тэчас сылы лыткаас Лазарыс, оз кө сьылідзирсө
бергөд. Тьпу! Быдсяма урөсыд жө му вылад эм!— муртса
эз ёрччышт Габө.— А миян Калюкыд нө?

— Ошпи вайис. Куим баля содіс и, сла-бог,— вочавидзис
Дарья да петис лөдсавны пывсян.

Пывсян ваймигкості Пиля кайис пөлатьө шойччыштны,
а Габө заводитис разявны прөмыс нопсө да тэчны ур куяссө
пачводз джаджйө. Керка пытшкөсын вөлі ставыс сідз жө,
кутшөмөн кольліс вөравны кайигөн. Зэвтөм өш гадьөн туп-
көм кык ичөтик өшиньөд пырысь тувсов шонді югөр улын
тыдалісны кыз ниаысь вөчөм керка стеньяс, посводзсянь пы-
ран өдзөс, веськыдвылын сөйысь да изйысь вартөм пач.
А слюдаа өшиньыд Кулөмдінын гөлөвалөн, поплөн, писарь
Русиновлөн да Пөлудиевлөн сөмын на и эм.

«Налы тө мый,— руч ку видлалігмоз мөвпаліс Габө.— Став вөлөстьнымос ас кианыс кутоны. Оз ков, майбыр, миянлы моз вөрүн лым-ва пытшти собавны. Сё ветымын сайё овмос на вылө мышнысө синоны... Да меным ёнасө элясьны нинөм на. Семья абу ыджыд. Вөв, кукья-мөска, куим ыж да баляяс. А мукөдьяслы кутшөмджык?..»

Бара кытшовтөдіс синнас керка пытшкөссө. Абу озыр, но овны позьё. Керка ыджыд, көть көкьямыс пара кадриль йөктасны. Гырничьяс, нянь шомос, пельсаяс, сёян доздук — пачводз тыр. Сёр вылын шөрт пасмаяс, югыд пельөсын — кыан стан. Вөраса да киподтуя гөтырыс. Сы кодь вөсни да небыд доратө, сы кодь мича серьястө кыны матігөгөрын этшаон кужоны. Со нин мыйта свөлөк вылас гартөма! Ыджыдлунөдз став дас кыкнан бердсө кыас. Дөрөм-гач вылө асланыс пыш да шабді дөра лөө...

Асья ыркыдысь гөтырыслөн гөгрөс бандзибьясыс гөрдөдыштөмаөсь. Дарья томдырсяыс кодь на збодер, вылын морөсьяса, зіль да өдья. Сійө перйис сямөдысь кыөм ыджыд кудйысь кык пара еджыд шабді дөрөм-гач, небзьөдіс сера палич улын, тубраліс. Петаліс сарайё да пыртіс корөсь гоз.

— Герасимыс нө пыр на эз во?— юаліс Габө.

— Эз на кывсьыв.

— Дыр ветлөдлө.

— Питирыд өд абу Куж либө Носим. Другөн он восьлав.

— А, гашкө, пөпуттөё Балин ордө Айкатылаө кежис?— аслыс нин шуис Габө.

— Пиля, чеччы пывсьыны. Бөрас шойччыштан, Пилюк, лэчы, пывсяныд ваймис нин, көдзалас,— чуксаліс писө мамыс.

Сирөд конда пескөн ломтөм да кос кызд пу запескөн лөдсалөм пывсянын жар — пельтө чепөльтө, юрсинд чалакылө. Пиля лажынтчөма порог дорас, өдва лолалө, а батыс көтөдыштіс дэбыд ваон юрсө, койыштіс горйө, небзьөдіс корөсьяссө, дөра кушенчаасис да кайис вылыс джоджө, швачкө-кульө пөсь корөсьөн.

— Кучикыд поркьялас, батьө.

— Оз. Менам өд сійө дубитөма розгаон Мамонтов Прокө милөстьөн. Нолтө, койышт ещө.

Швачөдчис юрсянныс да кокөдзыс, чепөсийліс ывлаө, пурскысьліс лым пиө. Яйыс чимилөн * кодь гөрд. Бара корөсьясис да киськасис йиа ваон. Улыс дөрөм-гач кежсьыс лым вывті көмтөгыс да шапкатөгыс тапиктіс гортас.

* Чими — сьбла.

— Уф-ф! Аттьö, Дарьюш. Став лы-сьöмöй небзис.

— Ен мед сетас здоровье,— вочавидзис гöтырыс.— Пи-ляйд нö?

— Жарсö оз терпит. Пывсигчöж порог улын лажвидзис. Казяліс кöтшас лабичын пукалысь мужичöйöс.

— Эг-ге. Иван вок тай вöлöма. Здорово, пу кок, муса вок!

— Тэ, Гаврила вокö, пыр сералан. Эг öд ас вöляысь тайö пу торсö кöлав,— öбидитчис Иван.— Сарлы да Отечестволы вераöн и правдаöн служитигөн вошти.

— Но, эн забедуйтчы, вояка. Ме öд сідзи, гажöй быри да. Дарьюш, курыдторйид абу-ö?

— Некымын лун сайын на шуті, ог тöд, туяс оз.

Дарья пырис пач костö, сюра лагунысь кисьтіс ыджыд кыдз йöгысь кодйöм кык воропа дозйö кода сур, мыччис верöсыслы. Габö босьтіс гöтырыс кыысь йög яндовасö, нюжодіс вокыслы:

— Юышт, видлы моньыдлысь пуөмторсö. Тэнад öд, георгиевскöй кавалерлөн, кöть и мусукъясыд Носимад да Кужьяд уна, а пуысь-пöжалысьтö, кöнкö, öнöдз на эн корсь.

— Эн шмонит, Гаврил,— Иван пернапасалис дозсö да заводитіс чурскыны. Сэссия мыччис ведра джынъя тыртöм дозсö вокыслы.

— Молодеч! Елесь рöданым мунöмыд. Батьыд, покойник, кулöм водзвылас тайö яндөвасö кыкöс ректіс, аттьöалис, казьтыштіс тэнö и кресталис кияссö.

— Висьтавлін нин...

— Нолтö, Дарьюш, вайлы и меным.

Габö лолыштытөг ректіс йög дозсö, тшöктіс содтыны, шыödчис вокыс дорö:

— Но, писарлы отсасысь, мый бурсö верман висьтавны?

— Лютуйтö Мамонтов Прошкаыд, гуысь вөрзьөдөм ош кодь. Сарыдлы жалöбатö некыдзи оз вермы прöститны. Воас, шуö, Питирысь Герасим — колодкаö пуксьöда. А тэныд тюрмаөн грöзитчö.

— Кыыс дженьыд. Аслыс медым колодка көрсö эз ковмы видлыны-а. Герасимыд öд сьöрсыйс сарлысь грамота ваяс. Мед сэки видлас вөрзьөдны. А тэ видзөд Прошка бөрсяыс, подать книгаяссыд, төлк кө сюрас, ставсö бура видлав да торйөн аслыным пасьяв. Сöмын видзчысьöмөнджык.

— Кабалаöй абу. А Прокöйд быд лист лыдөн сетö.

— Тöда. Ачым таөдз сы дорын писарад вöлі. Сэки и казялі мошеничайтөмсö. Висьталі — вөтліс. Русиновыдкөд найö öні öтвылысь.

— А ті нö кутшөмджыка вөралінныд?

— Енасö ог элясь. Сöмын та йылысь мöдысьджык. Пы-
равлыв,— мунны лöсьöдчысь вокыслы шуис Габö. Кусöдiс
чигарка помсö да кайис пöлатьö шойччыштны.

III

Прокö Саватьлы гажтöм. Батьыс Митрей зятьыскöд тöрыт-
сянь эз на и янсöдчывны. Найö сёр войöдз пукалiсны ас ке-
жаныс, весиг писарлы отсасьысь Елесь Иванöс водзжык
ыстiсны волостной управаяысь. Вот кузя раскладной список-
сö вайисны сьöрсьыныс, игнаисны жырйö да и зунясьöны
кыкөн. Сэсся юсисны да бура дыр зыльгисны. А мый сёрни-
тiсны? Саватьлы веськодь мирской делöясöдз. Со и талун
зятя-тестя пöкмелитчыштiсны да бара пукалöны кыкөн, арта-
сьöны. Сотской Педöрлы тшöктiсны, медым пукалас управы-
ын да видзöдас, мый вöчö Елесь Иван.

— Сытöг артасям. Елесь котырыд лежнöг кодьöсь. Уна-ö
тэнад артмö?— öдзöс вossьылигөн кылис батьыслөн гөлöсыс...

Мед артасьöны. Саватьлы наöдз веськодь. Сöмын гортын
пукавны абу окота. Босьтлiс киас выль тальянкасö, заводит-
лiс дзизöдчыны — ворснысö кык во чöжөн лючки эз и ве-
лав,— но батьыс мыччылис выя блин кодь чужöмсö:

— Эн мешайтчы. Мöд вежöсö пыр ли мый ли.

Налөн керканыс еджыд, сиктын медся гажайнас — вичко
дорын, мир туй бокин. Майбыр, абу мукöдлөн моз трубатöм
да öш гадьён тупкöм öшиньяса. Куим жыр, шоньд посводз,
ыджыд сарай, пес лэбув, гид — ставыс öти вевт улын. Лым
ни зэр оз веськав.

Крепыда овмöдчис Саватьлөн батьыс вөлöстной гөлöваав-
ны заводитöмсяньыс. Квайт кукья-мöска, пара вöv, дас квайт
ыж. Мамыс оз удит дözьöритны став скötсö — слугаöс меда-
лiсны.

И керка пытшкöсас эм мый видзöдлыны. Самöвартö Пи-
тирысь судзöдiсны, гудöктö ньöбисны, рөмпöштаныд — став
тушанад тыдалан. А маличаясыд? Еджыд неблюй паркаыд?
Нимлун кежлас Саватьлы гөрд сатин дөрөм вурисны, роч
ной азам лöсьöдiсны, а сапöгыс — дзирдалö, гөлöньыс гу-
дök мек моз чукрасьö. «Станövöй да и ставыс!» — кор пась-
талiс Савать выль öбновкасö, горöдчис Тима Митрей.

Да и зепта дөньгаыд сус коль вылö Саватьлөн пыр овлö.
А вот гажтöм дас сизим арöса зонлы. Да и эм мыйысь гаж-
тöмчынысö. Войдөр вöли став ас коддьöмыс öтлаын ворсöны,
а öнi унджыкыс öтдортчöны. Поп Онисимлөн Питирим öмöй
друг? Сийöс весиг войпукö батьыс оз лэдзлывлы — часослов

да евангелие зунявны-велодны тшөктө. Поп пилы — попөн и лоны, а ме, гашкө, купечө пета. Пөлудь Оньө моз кута прилавок сайын сулавны. А то и приказщикос медала, ачым көзаятны кута...»

Пөлудь Оньөос казтыштигөн син водзас кыптіс збой сьод синьяса, кыз көсаяса, вөснидик коска Наста, Оньөлөн нылыс. Сьөлөм сертиыс сійө Саватьлы, да зэв нин Настаыс асныра. Войдөрлун войпукын сибөдчис, а Наста муніс мөд лабичө. А медся обиднөыс — ворсом улас йөктыны эз сувт. А сэсся ачыс матыстчис сы дінө, пуктіс кисө пельпом вылас да шуис:

— Прокопьевич, сетлам Габө Пилиплы гудөктө. Сійө кадриль ворсыштас, а ми тэкөд на-пару.

Сетны гудөксө Пилялы? Савать весиг пыркмунліс. А На-сталөн вильыш синьясыс, кисьмөм сьод сэтөр синьясыс короны, тшөктөны. А сэсся аскөдыс йөктыны көсийс!

И эз вермы откажитны. Сетіс. Пилялөн көть чуньясыс сарөгөсь, а планки вывтійд ветлөны пелька, сідзи и лывкйөд-лө гудөкыд. Йөктігөн Савать пыр зіліс топөдчыштны Наста бердө, а сійө век мынлывліс сыысь. И нюмьяліс эз сылы, а ворсысьлы...

Да, вермас-ө лоны татшөмыс! Кутшөм нө пөв Пилипыс Насталы! Од и батьясыс лооны паныд татшөмторыдлы. Ачыс сійө, Савать, кывліс, кызди масленича дырйи гажмыш-төм батыс шуис Пөлудь Оньөлы: «Тэнад өти бур төвар вь-лө доньясыны көсья!» Мөдыс вочавидзис: «Кисьмыштас да, буди, вөлисти?» Батыс: «Чөскыд вотөстө водзвыв чурай-төны». Пөлудь Оньө: «Тэкөд ми пыр ладмам».

— Саватий, Савө!— торкис мөвпяяссө батыслөн чукөс-төмыс.

— Ме тани, батьө,— пырис Савать.

— Котөртлы, пиө, Пөлудиевьясөдз. Оти парта вай. Со деньгаыс. Да көзяинсө рытйыны кор.

Саватьлы тайө вөлі и колө: бара Настаөс аддзылас, а гашкө и сёрнитчыштас. Тэрыба пасьталіс вьль азиямсө, кузь пеля көр ку шапкаасис и төвзыштіс.

— Соболю!— чукөстіс көин кодь паськыд кымөса сьод понсө.— Мөдім.

Кватитіс кузь льөм пу бедь. Понійыс ворсігмоз курччис бедь помсө. И кузь азиям пөланас шевкьяліг Савать мөдөд-чис лавкаө. Лавка пос помын кытшыльтчөмөн куйліс не-ыджыд руд пон. И Саватьлы лоис окота тешитчыштны.

— Соболю! Ус-пуррр!

Мамоңтовьяслөн Соболюыс лэптіс щөтьсө, куймысь гы-

рыся чеччыштөмөн воис руд пон дорё. Но модыс сөмын кыпөдліс юрсө, скөрысь эрыштчөмөн петкөдліс ёсь пиньяссө, места вывсьыс эз и вөрзъыв. Тайё дөзмөдіс Саватьёс. Сійё матыстчис куйлысь понлань да чорыдакодь тувкис бедьнас бокас.

И сэки лои виччысьтөмтор. Пон пелька чеччыштіс, чөв уськөдчис дойдысь вылө да чашнитіс роч ной азам морөссө, сэссия чепөсйис Соболю вылө, сатшкысис пиньяснас сылы пельвуж дінас да заводитіс летны. Сэссия пөрөдіс Соболюс, вожасис сы вылө и... Сөмын съөд гөн пондіс пыркавны-лэбны небзьём лым вылө. Эралөм, Соболюөн никсөм-ливзалөм сорласисны повзьём Саватьлөн ойзөмкөд. Но зон өдіё воис саяс, кватитіс бедьсө да уськөдчис дорйысьны. Сійё кучкис руд понлы өтчид, но модыс сатшкысьөма Соболюлы горшас, пыркөдө сійёс. Савать виччысьөмөн матыстчис, кыйөдіс боковөй понлы кучкыны юрас, но сэки лавкаысь друг чепөсйис дженъидик еджыд дукөса да ас гындөм шляпаа зон, чеччыштіс кильчө вывсянь. И эз на удит Савать өвтыштни бедьнас, кызди синсьыс сьакмуніс би, быттьө чардыштіс, а ачыс тьувгысис гатшөн потшөсбердса толаө.

— Буско, шыть! Буско!— кыліс сійё төдса гөлөс.

Пыркнитыштчис Савать, чышкыштіс доймөм нырсө — кыис мыйөкө лякөссис,— и вөлисти аддзис Пиляёс.

— Понъясөс пурөдан! Тэ, тэ!— эз аддзы кывсө Пилип, кыскыштіс асьыс понсө голя көвйөдыс да модөдчис катыд.

Савать сувтіс. Нырсьыс тюрөбөн петіс вир, юрыс ёнтіс, ачыс лым сюръя кодь, азам морөсыс өшалө лестукөн, а орччөн лимзалис Соболюыс, нюліс курччалөминьяссө.

— Ха-ха-ха-ха!— кыліс Савать.

Наста сулаліс кильчө вылас, киас ыджыд пу ведраа, съөд көсаясыс чеччалөны серамысла вылын морөс вылас.

— Бур асыв, Саватий Прокопьевич!— серам сорыс шуис Наста, бергөдчис да кайис поскөдыс, пырис керкаас...

А гортас батыс чуймөмөн юаліс:

— Мый нө тэкөд? Коді нөйтіс? Нырыд ставнас пыктөма.

— Поскөд лэччигөн вильді...

Савать эз лысьт висьтавыны, мый нөйтіс сійёс Пилип, арөсөн ичөтджык да тушанас дзоляджык Габө Пилип. Бур ещө, азамсө посводзас пөрччыны гөгөрвоис, мод керкаас тувйө мамыс сарапан үлө өшөдіс. Модысьджык мамыс вурыштас косясьсөминсө да, гашкө, оз кут төдчыны. Мамыс доръяс. Да и бара на кызкө позяс пөръявыны.

Матыстчис рөмпөштан дорө. Сы вылө видзөдіс каньлөн кодь виж синьяса, шыр гөн кодь юрсиа, кузьмөс чужөма зон.

А нырыс? Шөртыс лөзөдөма, пыктөма, быттö весиг пö-
лыньтчöма.

— Часлы! Водзөссö коркö сідз гөститöда!..— шамыртис
кулакъяссö Савать.— Наста кө некодлы оз висьтав, буракö,
некод эз аддзыв.

Кутшөм окота вöлі рытнас Карп Педөсь ордö ветлыны да
татшөм нырнад кытчö мунан? Көть эськö Педөсьыс, көнкö,
оз ёна кут видзөдны ныръяс вылад...

А первойсö веськавліс Савать сы ордö масленича рытö,
кор гөстьяс гортас ёнакодь гажмыштісны да зыльгисны пы-
зан сайын.

Помнитö Савать, быттö йөктіс, и Настаөс сывъявны
босьтчыліс. Но ставсö вöтын моз. Очмис пемыдінын. Ружөк-
тіс. Кыпөдчис. Чайтіс аслас крөватын, көсийс сувтны, да
грымгысис джоджө. Бур, мый некыт эз доймы.

— Сё зарнийй, мый нö тэкөд?

Абу, гөлөсыс абу мамыслөн.

— Көні ме?

— Местаын, донайй, местаын.

Кодкö юковтіс сартас, пачысь пөим пытшкысь корсис
өгыр, пöльтіс. И сартаса би югöрын Савать аддзис еджыд
дөрөм мыг кежысь сулалысь көмтөм Педөссияс.

— Усигад эн доймы? Юрыд, көнкö, висьö. На, дитяйй,
пөкмелитчышт — дзик пыр бурдан,— и Педөсь кисьтіс не-
ыджыд сөй тасьтіö самөкур.— Менам өд бур, пыр и бурдö-
дас... Көть и вөйпöны менö сиктса, ме ачым на абу кулитана.

Карп Педөсь — комын арөса мунлытөм ныв. Да ныв-ö?
Сёрнитісны сиктын, мый дас квайт арөсөн сійөс мөс корсигөн
мырдөналөмаөсь зонъяс. Та вөсна и некод верөс сайö эз
босьт. Дөва мамыс кувсьөм бöрын оліс өтнас, и кодсюрө
зонъяс пиысь не өтчыд сибавлісны вой улö... Саватьлөн кыис
ачыс нюжөдчис тасьтілань.

— Көні нö пасьөй?

— Кытчö нö татшөм сёрнас мөдөдчан? Да өд усян бара
толаө.

Педөсь өзтіс мөд сартас. Мед сотчö — өшиньыс кыз
гыөра да и важ сукманөн тупкөма. Оні сёр нин — некод оз
во. Савать шойччыштас. А лөз төдчытөдзыс Педөсь садьмө-
дас сійөс.

«Педөсь прав. Мыйла войын мунны? Аски висьтала, мый
төдса зонъяскөд Донөдз кайлі...» — мөвпаліс Савать. А син
водзас мунлывтөм нывлөн небыд морөсыс. Сувтіс, шатовму-
ніс. Педөссия кутіс сійөс сылы гөгöрыс, топөдіс шоныд морөс
бердас.

— Лок, шойччышт.

Водтөдіс паськыд лабич вылө вольсалөм идзас вольпасьё.
А сэссия Савать велаіс войпуксянь кежавлыны тайё ичө-
тик керкаас. Деньгатор сетавліс небыд Педөсьлы.

— Мед сөмын бать оз төдлы!— кевмысьліс Савать.

— Ачыд гусьонджык кежавлыв,— гөгөрвотөма нюмъёв-
тіс Педөсь.

* * *

Рытнас чукөртчисны гөстьяс. Воис Онисим поп. Кыз рушку-
сө өдва төрөдіс горнича өдзөсөдыс, порог дорсянь на горө-
діс:

— Да благөслөвитас ен гөстеприимной көзяинөс да сы-
лысь чадөяссө.

Гөлөва Мамонтов воськовтіс паныд да сувтіс поплөн бла-
гөслөвитөм улө. Мөдыс паськыда өвтыштөмөн пернапасаліс
сійөс.

Недыр мысти поп бөрся пырис Пөлудь Онью. Сійө пөрч-
чис руч ку шапкасө, кыскис жилетка зепсьыс еджыд чышь-
ян, шылькнитіс сійөн бур воө быдмөм көчан кодь гөгрөс юр-
сө да дженъыдик кокъяснас быйкнитіс комнатаө, тэрыба
шыасис, быттьө төварсө вөзйис:

— Со и ме. Коригөн некор ог өткажитчы, и сёрмыны ог
радейт.

— Лок, лок, Андриан Алексеевич. Милости просим,—
кисө мыччис Прокө, матыстіс гөстьлы бөра улөс да шыөдчис
Русинов Митрей зятьыс дорө:— Сава Иллясө нө виччысьлам
огө?

— Буди, воас жө өд регыд,— вочавидзис писарь.— Да со
и ачыс лайкъялө.— Ошинь пыр видзөдлөм мысти содтіс сійө.

Сиктса старөста, кодөс кузь да вөсни туша вөснаыс ку-
лөмдінсаяс нимтылісны Сөрөм Пиньөн, өдзөсөд пыригөн
улөдз копыртчыліс. И сьөкыд вөлі гөгөрвоны, юрнас клёнгы-
сьөмысь-ө сійө виччысис али порог вомөныс воськовттөдз на
көзяевалы почтение сетіс.

— Эг сёрмы?— нывбаба гөлөсөн юаліс сійө.

И паччөрын куйлысь Саватьлы кажитчис, мый гөлөсыс
Иллялөн туша кузялаыс нюжалөма да сійөн и вөсни.

— Та кузя кокнад кө сёрман, дивө жө нин,— серамвыв
лэптіс старөстаө Тима Митрей.

Керка пытшкөсын рөмдіс нин. Көзяин вайис ыргөн под-
свечник, пуктіс сэтчө кыз сись. Өзтіс. И рөмыдыс пызан до-
рысь вешйыштіс горнича пельөсьяслань. Регыд мысти көзьяй-
ка пыртіс көчан тасьті, небыд көлөбьяс, льөмья ляз, вөсни-

дик чоланон вундалом кын удж*, контусь выйон киськалом зыртон кушман — ставыс кослунья вольога. А ачыс Прокон ветлис да шкапысь кыскис четвертной сулея:

— Позяс од, батюшко, курыдсо? Онi од абу на страшной вежон,— юалис поплысь йоза ради, коть эсько бура тодис, мый поп и ачыс вина вснайд оз артась ни чистой, ни страшной лунон.

— Тайо Христослон вирыс,— горд лук кодь нырсо тилигомоз муростис поп, сесся шевкнитис-пернапасалис пызансо. Содтис:— Сейом-юом — абу блудодействуйтом.

* * *

Сийо жо рыто вольны пукалысьяс и Елесь Габон ордын. Тани эз ойыны сисьяс, пызан вылын эз вон ни вина, ни сеян. Пачводзын, пешаын, трачкочомон сотчис сартас, кодос, гын тюни юрсо домлиг, кадысь кадон вежлалис Пиля. Пеша биыс муртса югдодыштис керка пытшкоссон. Водз пельосса пызан дорын пукалысьяс Пилялы тыдыштисны вуджорьяс моз. Батьыс, Михайло дядьыс, Родион дядьыс да Педьон Микита кывзисны Иван дядьсон. Кывзис и Филип.

— Чайтанныд, ас кошта вывсьыс гримобтис Сюзь Проконд татшом короминатон? Да ещон слюда ошиньяс, ромпостаньяс?— юалис Елесь Иван вокьясыслысь.

— А мый сэн юасьнысон? Тэ, бурджык, юорт мияны, мый вермин тодмавын?— торкис сийос Габон вокыс.

А Родион содтис:

— Дерт, эз небесаысь усь Мамонтовыдлы озырлуныс.

— Вот ме и шуа. Строчка сюрлис да и тодмалі. Кольом 1840 воын роскладка серти воттон перйомаось куимсе дас сизим шайт да сизимдас оти копейка вылон унджык,— юортис вольом салдат да педзыштис пызан сайын.

Габон чатортлыштис юрсо, тшочыда тошсон гыжъялиг мыйкон арталіс да шыодчис:

— Сидзко, быд тшын вылон кык шайт да дас оти урон да грешон-джынион. Лосьыд тай.

— Кыдзи сийо быд тшын вылон?— эз гогорво Габон Педьон Микита.

— Тэнад керкаын оти труба, менамын мод, Родьолон коймод. Артав, кымын керка Куломдинад?

* Удж — нельма (вылыс Эжваса ног).

«Быд керкаын өти пач, сідзнад — өти труба. Быд трубаод петө тшын...»— Педьö Микита пыдди думыштис дөмсьысь Пиля. Сійö важөн нин пельсö чошкөдөмөн кывзö гырысьяс-лысь сёрнисö да некыдзи оз веськав нырагезъя емнас шыла розьö. Зон весиг вунөдис вежны сартассö да казялис сөмын сэки, кор биыс воис пеша көртөдз да заводитис чискыны лөзоват кывйөн. Пиля кватитис виль сартас, но вöли сёр нин: сотчөм сартас помыс уси пеша ворйö, и керкаын лои дзурс пемыд.

— Эй тэ, вугыртін али мый?— дөзмөмпырысь шыөдчис батьыс.— Огö өд гораньөн ворсöй.

Зон шыбитис пидзөс вывсьыс гыньюрсö, чегис киас босьтөм сартассö да копыртчис пеша ворйын чусалысь öгыр дорö, заводитис пöльтны би.

— Сёрнитнытö и битөг тыдалö. Ог өд гөститöй,— дорйис Пилипöс Рөдиөн дядьыс.

— И гөститигөн быдсямаыс овлö,— пемыдын кылис Педьö Микитлөн гөлөсыс.— Арся Микöла дырйи пукалөны вөлөм миян öксы-баяръясыд Русинов ордын. А Митрей — мортыд топыд, сись вылад абу лышкыд. Öзтöма сөмын енджадж весът лампадкасö. Пызан саяд и пемыд — сёян-юаныс öдва тыдалö. «Öзтін эськө сисьтö, а то мыйкө омöля тыдалö»,— шуас Пöлудиев. «Ог өд сёянтö пельö сюялöй,— шыөдчис попадья.— Паньыд вомтö аддзас». Биасясны. Видзөдöны да матушкаыд шыд тасьтисьыд пань мышнас яйсö куталö.

Кывзысьяс ставныс ызöбтисны. А Габö содтис:

— Матушкаыд и югыдинас пö ылавлö да омöля аддзö. Кольөм во троица дырйи Прокö ордын гөститигөн Онисимсö пыдди вонйын Керчомьяса сера Тарасöс кокъяснас сывъялöма.

Ставөн гораа серöктисны.

Медбөрти Пиля öзтис жö бисö, и керка пытшкөс бара югдыштис.

— Главнойыс, другьяс-вокьяс, медым быдөн төдисны, мый вотсö верстайтöма абу законнöя, и недоимкаяс, кодöс лыддьöны волостной управаын миян вылысь, медым некод эз мынты,— чорыда шуис Габö.

— А мыйөн и мынтан?— ышловзис Педьö Микита.— Менам көшöлын вой төв шутьялö.

— А менам сымда жö деньгаыд, мыйта ки пыдöсын гөн,— содтис Елесь Миш.

— Аддзасны, энö полöй,— мурөстис Родион.— Медбөрря тайтöныд либö öсьтукныд Сюзь Прокö картаö вуджасны, вотныд и вешъяс.

— Н-но, оз!— грымöбтис нöш кодь кабырнас пызанö Га-

бѡ.— Колѡ ѡтвылысь сулавны скод вылын, ас дор унджыкѡс кыскыны. Быдѡнлы висьтавлыны Сюзь Прокѡ зятя-тестялысь мошенствонысѡ. Да и кад нин выльысь гѡловатѡ бѡр-йыны. Сроkyс важѡн нин колис.

— Правильнѡ,— вочавидзис Иван.

* * *

— Отец Ѣнисимлы колѡ висьтавлны православнѡй сар-батушколы верноподданнѡйяслѡн мог йылысь.

— Тайѡ стѡч менам санлы лѡсялантор. Пастырѡтѡм ыжъяс — стадаысь разіпельѡ янсѡдчѡны, Митрей Тимофеевич,— вочавидзис писарлы поп. Сійѡ прамѡя нин гажмѡма, ѡчереднѡй румка пѡрѡдїгѡн весиг вилкаыс ни паньыс эз сюр да куран кодъ кинас сапкысис капуста тасьтїѡ.— Ик... и-ик... Святѡй Иоаннлѡн шуѡма... И-ик-ик,..— Ѣнисим попѡс заводитіс сутшиктѡдлыны да сійѡ сїдзи эз и вермы висьтавлны, мый шуѡма святѡй евангелистлѡн.

Сы пыдди ассьыс властнѡй кывсѡ шуис Прокѡ:

— Чорыд кабыртѡг проповедьыд этша оталас. Тѡ, Илья Савич,— коксѡ нюжѡдѡмѡн пукалысь старѡсталы тшѡктіс гѡлѡва,— аски босьт кык сотскѡйѡс да кытшовт недоимщикъясѡс. А тѡныд, Андриан Алексеевич, ми список сетам, кодъяслѡн вотныс мынтытѡм. Прѡмыс сдایتіганыс и кутышталан. Казналы выгѡда — и ачыд дьѡбѡ он коль.

Пѡлудиев сѡмын довкнитіс кѡчан кодъ дзирдалысь юрнас. Сѡсся матыстчис кѡзяин дорѡ да вашнитіс кыв-мѡд пеляс. Сюзь Прокѡлѡн весиг вомкѡтшьясыс вежыньтчылісны, синъясыс сїдзи шармылісны, мый вот-вот ортсѡ быйкнитасны:

— Филипка, шуан? Саватьѡс? Н-но и проклятѡй Елесь рѡд. Мый батьыс, мый пияныс — ставныс ѡтсымаѡсь. Н-но да ме найѡс, бунтовщикъясѡс, тшѡктыла на шемела песны.

Сійѡ кѡсйис чукѡстны писѡ, но думыштіс, мый Савать, кѡнкѡ, узьѡ нин, да шуис ставсѡ стѡч юасьны аски.

Но Савать эз узь. Сійѡ кѡть и думайтїс паччѡрын куйлігѡн Карп Педѡсь йылысь, но калькалѡм ѡдзѡс костѡд кыліс комнатаысь сѡрнисѡ. Батьыслѡн бѡрря кывъясыс повзьѡдісны сійѡс: «Йѡзася, дзикѡдз йѡзася. И колѡ жѡ вѡлі Насталы тышкасьѡмнымѡс аддзывны. А эсїѡ Пѡлудыс бур жѡ...»

Рѳман Мирной тѳрыт вѳлі нарядын да служба бура нуѳмысь сылы сетісны талун кезлѳ увольнительной. Унтер-офицер Серебряковльсь вѳзйысис увольнительнойѳ и Рѳманлѳн другыс — Кирило Шутик.

— Сѳмын помнитѳй: ті и увольнительнойѳ ветлігѳн госу- дарлѳн служба вылынѳсь,— шуис Серебряков да содтіс:— Вичкоѳ энѳ вунѳдѳй пыравны. Кабакъясѳ волѳй, но медым вѳлі ютѳг.

Пелькиник русѳй уссѳ чунь помнас шыльѳдїг да гартїгтыр Рѳман Мирной мѳдѳдчис Кирилокод Благовещенской собор- лань: сыысь кындзи, мый начальство тшѳктыліс быть во- лыны вичкоѳ да пуктыны сись, налы вѳлі сетѳма мог — видзѳд- ны ненадѳжнѳйяс бѳрся да, казясасны кѳ мыйкѳ подозри- тельнойѳс, кутны тѳд вылын либѳ пыр жѳ вайѳдны «смуть- янъясѳс» участокѳ. Кѳть и эз кажитчы тайѳ Рѳманлы, но службабысь некытчѳ он пышйы. И со сїѳ вѳсьлаліс ѳртыскѳд тувсов няйт уличатї. Паныдасълісны кѳ унтерской либѳ офи- церской погона морткод, збодера сетлісны честь. Благорѳд- нѳй купечьяслы вежлива сетлісны туй. Мичаа пасътасѳм том нывъяслы мелїа нумъялісны. А съѳдасѳм пасъкѳма мастерѳ- вѳйяс, ремесленникъяс да базар вылѳ матыса сиктъяссысь воѳм кос пася, руд дукѳса, ыж ку шапкаа да пон ку кушен- чаа мужичѳйясѳс быттьѳ эз казясны. Да, муштруйтѳмаѳсь зонъястѳ сизим вѳнад,— нинѳм он шу. Кѳть эськѳ и эз вѳв съѳлѳм сертиыс жандармской командын служитѳмыд, да век жѳ армейской салдатлѳн серти олѳмыс танї вѳлі кокниджык, да и привилегияыс вѳліны ыджыдджыкѳсь. Дерт, эз вѳв любѳ конвоируйтны политссылнойяслысь этапъястѳ Вѳлѳг- дасянь Архангельскѳ, Сѳлѳвкиѳ, Вяткаѳ. Первойсѳ тайѳ Рѳ- манлы кажитчис весиг зывѳкѳн, да мый керан. И вѳчасѳн Рѳман миритчис аслас олан сямкод. Служитны кѳ и служит- ны. Танї кѳть неуна вѳляысьджык кылан асьтѳ. Видлы ка- зармаын кызь вит вѳтѳ коллявны...

Вѳсьлалісны кык друг Вѳлѳгда карса купечьяслѳн лабазъ- яс пѳлѳн, и быдѳн думайтіс асьыс. Найѳ быттьѳ эз кывны пѳвйысь вѳчѳм вѳсьса лавкаясысь ѳвтысь трескалысь да сель- дилысь, дьѳгѳдълысь да шѳммѳм капусталысь ныртѳ чазѳ- дысь дуксѳ. Налы быттьѳ веськодъѳсь вѳліны и лѳз енѳжын тувсов шондїлѳн мелї югѳръясыс, быттьѳкѳ эз кывны улича- пѳлѳнса пуяс вылын чавканъяслысь тьякѳмсѳ, эз казясны ку- йѳд чукѳрын гудйысьысь ракаясѳ. Найѳ талун абу служба вылынѳсь, найѳ абу нарядынѳсь, а гуляйтѳны. И налы ста- выс веськодъ.

Но... Улича чукуль сайысь друг кыліс подковъяслөн изйён вольсалём туйё зяльскём да тёдса тільгун шыяс... И Рёман Мирной да Кирило Шутик места выланыс кынмисны. Найо гоньгөдісны юрнысө, чургөдісны и сідз нин вылө кыпөдөм морөснысө да, кор чукуль сайысь тыдовтчис вороной вөв да рессораяса лайкыд коляска, пуктісны кияснысө кокардаа картуз көзыр берданыс. Коляска төвзыштис дзик на бердті да резыштис лым сора няйтөн.

— Хе-хе-хе, праздникөн тиянөс поздравитіс!— кылісны Мирной да Шутик серам.

Найо пелька бергөдчисны. Көрт забор бокин сулаліс киссьөм пася, гын шляпаа мужик. Көть и вөлі сылө нин, но мужик вөлі пыр на төвся шапкаа. Улөдз лэдзөм шляпа увтіыс на вылө дзоргисны сюсь синъяс, а гөгрөс ус-тош пиас сярвидзисны еджыд пиньяс: мужик пыр на вом тырнас вашъялісшпынныліс.

— Праздникөн, мися, поздравитіс благородиеныд, служивойяс, хе-хе,— содтіс мужичойыд.

— А тэ коді сэтшөмыс лоан? Кытысь? Мый пиньтө жерйөдлан?— выль шинель вывсьыс няйт васө казяліс да пузис Кирило Шутик.

— Лоа ме аслам бать-мамлөн пи. Кытысь — ачим төда, быдөнлы ог висьтавлы, и унасө больгыны некор,— эз повзы мужик да мөдөдчис мунны.

Но Шутик эз зэв лэптив серамтө. Сійө воськовтіс мужик бөрся да шамыртіс пельпомөдыс:

— А, гашкө, висьталан? Мыйся тэ сөкөл?

Төдтөм мужик бергөдыштлис юрсө, видзөдліс синкым увтіыс да пыркнитіс пельпомнас, и Шутик киө коліс важ пась лестук.

— Сулав, тэ! Документыд эм?

Төдтөм морт сувтіс да бергөдчис паныд:

— Со тай киад шамралан,— индіс пасьтор вылас,— мый ещө тэд колө?

— А, нолтө, осьлав миян бөрся. Тэ төдан коді коляскаас вөлі? Ага, он? Жандармской корпусса полковник, его превосходительство Соколов. А тэ гөрдлан мерин моз,— и Шутик кутіс мужикөс морөсөдыс.

Рам характера Рёман пыр на чөв оліс и сөмын өні шыөдчис:

— Эновт сійөс, Кирило, мед муно, кытчө мөдөдчөма. Сійө жө оз төд, гашкө, миянлысь полковникнымөс.

— Оз төд? Сідзкө төдны кутас. Нуөдам вай его благородие Серебряков дорө. Давай, Мирной!

Тайө кывъяссө кылөм бөрын мужичой сюся видзөдліс

русой усьяса салдатлы синмас, мерайтис кок увсяньыс да юрөдзис, сэсся кокниа вештыштис Шутиклысь кисо.

— Энлы, энлы. Кызди тэ сийос шуин? Мирной?

— Да, Мирной. Овыс сылөн сэтшөми. А тэныд сыысь мый, кокниджык лө?

Но мужичой эз кывзы Шутикос:

— Мирной? А нимныд абу Рөман?

— Кытысь менө тодан?

— Бать сертид Максимович?

— Да. Сидзи ыдждөдлөны.

— Волга вылысь.

— Тьфу. Да тэ нө мый, көлдун?

— Но, а ме батьдыды көсийси тэно аддзөдлывны.

Онi нин Рөман Мирнойлы воис өчередь юасыны төдтөм мортлысь.

— А тэ нө тодан менсьым батьос?

— Волга вывса Арзамас карбердса сиктысь Максим Мирнойос?

— Да, сийос.

— Тода.

— Важөн аддзылин?

— Рөштво вежонө.

— Тэ вөлин миян сиктын?

— Эг. Ми төдмасим Питерын.

— Питерын?

— Но да. Оти ночлежкаын вежон чөж орччөн узылим.

— И сийо казтылис ме йылысь?

— Эз кө өд казтыв, тэ йылысь эг кывлы.

— Энлы, другө Кирило. Танi сулавны абу лөсьыд. Мортыс меным юөр вайо. Жежалам со эсийо трактирас, варовытштам.

И Рөман Мирной нуөдис төдтөм мужичойос матыса трактирө. Бөрсяньыс довгис и Кирило Шутик. Сылы эз вөв лөсьыд, мый сэтшөм лөкысь көвьясис морт дорө, кодi вөлөм буретш корсьо сылысь өртсө да вайома юөр.

Пукалисны найо ичөтик няит пызан сайын куимөн, ньөжйөник юисны да вильөдисны сола треска. Пырысь-петысьясы кажитчис, мый киссьөм пая тошсялөм мужичой висьтавлө мыйкө гусяос жандармской командаса кык салдатлы. Но вермисны кө видзөдлыны йөзланьө мышкөн пукалысь өти салдатыслөн чужомас, то казялисны, кызди бандзиб кузяыс визувтөны синва мольяс. Мөд салдатыс лэдзчысьома гырдыда вылас да чөв оло, а мужичой пыр висьтавлө и висьтавлө...

Тапиктö подөн Россійскöй империялөн стольнöй карсянь Ку-
лөмдинса ходок Герасим Сладкостиев. Трактирын, батьсянь-
ыс юөр вайöмысь Рöман Мирнöй сетис сылы туй вылас эзысь
шайт да гусьöникөн шöпнитис войнас жö усйысьны Вöлөг-
даысь.

— Бур, мый мекöд паныдасин. А öд кодi төдас, мый вер-
мис артмыны,— шуис янсöдчигөн салдат.

— Ен да бур йöз,— шмонитыштис Герасим.— Аттьö бур
сöветсьыд. Олөм лоас, гашкö, и аддзысьлам на. Дзоньвидза-
лун тэныд, служивöй. Батьтö эн вунöд.

И Герасим мöдiс лойны тувсовъя няйт, петис кузь туйö.
Мунис медсясö войясын да асья кын вылын, а луннас вöз-
йысьлис шойччыштны туй вылын веськавлысь сиктса меддор
керкаясö. Пыралiс гöльджыка олысьяс ордö. Гöль мортыд
пыр нин нуждатö гөгөрвоас да медбөрьянас юксяс, а озыр-
ыдлысь и төлын лымтö водзöсөн он кор. Рöман Мирнöйлысь
эзысь шайтасö видзис медбөрья нуждаöдз. Лолывлiс кö ичö-
тик нопьяс кöвдум-мöд, некымын пуом картофель да пöжа-
лөм сёркни — шоныд луньясö некытчö эз и кежав: аддзас
вöлөкын косджык места, нурьясьыштас да лапья коз улын
час-мöд ойбырглөм бöрын бара шлапсьöдö. Тэрмасис воны
гортас, кöть и тöдiс, мый гөрны-көдзны гöтырыслы зятъыс
Ельöсь Габö да Рөдион сватыс отсаласны. Да уна-ö сылөн
и гөран-көдзаныс: рака котыр кö лэбзиганыс бöж увсьыныс
лэдзасны — куйöдавсяс. Пöлудь гöтыр öти тулысын кыём
дöрасö вольсалас — ставнас вевтъяс.

«А Благовещеннöй кежлö колö быть воодчыны»,— мөв-
палiс Герасим.

Пармаса кыйсьысьлөн ёсь синмыс быдтор казявлiс, сюсь
пельыс ставсö кылис. Шалсий-восьлалö водз асылын мир туй
кузя, а син водзас кос мылькьяс вылын чатöртчöны энэж-
лань пашкыр тугана пожöмьяс; сьöртас местаясын — лапьяс-
нысö шога öшöдöмаöсь ёсь йыла козяс; накöд сорласьöны
роймөм сямöда кызьяс, кодьяслы водзджык на восьтны
веж корьяссö — зарава эз на удит чепöсийны кын муысь, ме-
дым сетны пуяслы вын лолыштны морöс тырнас да мичмөд-
ны асьнысö веж сарапанөн; юяс пöлөн льөм пуяс сулалöны,
төвбыдөн турдөм росьяснысö небзьöдöны; сöмын лыабердса
бадьяс вылын еджыд исергаяс повтöг сьавкнитчöмаöсь — сэт-
шөм нин сийö баддъыд: первой дзоридзалас да вöлисти нин
корьяснас вевттьяс. А вот сус пуяскöд Герасим, кöть ку-
тшöма эз кыйяв, эз паныдасьлыв. Сус путö сийö енмөс до-
рысь вылөджык пуктылис; ён, пашкыр, төв и гожөм, ар и ту-

лыс чоскыд дука, небыд лысьяса — кавшасян кё вылөджык да пуксян сыв джынъя краж кыза увьяс костас, вошан. А бур гожомын сы мында коль быдтас — сомьын сяммы лэдзнытө, пөжны гуын өтчукөрө тэчөмөн да кильсө уськөдны, и өрекыс мешөкъясөн чукөрмас. А сыысь — өрексыс и выйтө позьө пычиктыны, да и рытъясын, майбыр, том йөзыд пиньнысө оз жалитны, сомьын трачкөны да небыд яйсө тяпйөнысөйөны.

Радейтө Герасим вөр-ватө. Но губерния лунвывса вөръясыд көть и ас ногыс мичаөсь, абу на тай Эжва йывса ягъясыд кодьөсь. Миян парма чурк бердын кодь вөр-ватө он на корсь. И зверьяснад и пөткаяснад озырөсь, и тыясыд чериаөсь. Босът көть Дон либө Кадам тыястө. А Вуктыл да Көтйөм пөлөн өмөй өмөлиникөсь местаясыд! — кайтис ас кежас Герасим. — А вот мыйла сідзи вөчөма, мый төвнас быттьө ставыс кулөма, унджык зверь-пөткаыс дзесбөма либө лунвылө пышйөны-лэбөны? Шуам: уткаяс, дзодзөгъяс, юсьяс полөны кодзыдсыд — не нин сёрнитны посниджык лэбачьяс йылысь... Герасим мыйкө дыра кезлө вунөдчылас, а сэсса бара аскөдыс сёрнитө, быттьөкө кодлыкө мөдлы вочавидзө: — Көдзыдысь полөны, шоньд да пөтөс местаяс корсьөны, а вот ас чужан-быдман мутө оз жө вунөдны — мыйөн шондөдас, пыр и миянө, войвылө поздысьны-быдтысьны бөр воёны.

А мортыд? — водзө юасьө Герасим да ачыс жө и вочавидзө: — Мортыд сийө миян йөра кодь жө — ён, нинөмысь повтөм, водзсасьө быд тужа-нужаыскөд. Көть эськө и оз жө век пет вермысьөн, кор Мамонтов Прокөяс да Пөлудиевьяс коддьөм законтө ас кианыс кабыртөмаөсь. Исправникыд на дор, уездса да губерныса начальствоыд на ордө тройка вөвнаныс сувтөны. Кырнышъяс!.. Ота-мөдныслысь синсө оз кокавны, көть и быдөн бурджык кусөк вылө горшасьөны.

Кырнышъястө казтыштөм бөрын Герасим син водзө сувтис ловъя серпас. Питерө мөдөдчөм водзвылын гөтырыскөд клөпкисны-вартисны тыла сю. Көдзлісны сийөс Пивью бердса выль сотчөмө. Гашкө, лэчкө шедөм дозмөр, гашкө, и мыйкө мөдтор вөсна, но матыса раскын карзисны-вензисны ракаяс. Чепөсийласны вывлань, чукөрөн сунгысьласны шочиник посни кызьяс костө бара качөдчасны да мырддьясьөны. И друг ракаяс чукөрө клутсигтыр вывсянь уськөдчис съөд кырныш. Сөмын тай эз ас кадө веськав. Таөдз ракаяс ас костаныс вензисны-зыкисны, а мыйөн казялісны кырныштө — ставныс өтвылысь карзигтыр вувзысисны сы вылө да бура ылөдз колльөдисны: кытчө оз ков, крукыля ныртө эн суй.

«А мый? Отка ракалы кө ковмис аслыс усыйсьны — ёнджыккөд он водзсась, а артельнад быдөн збойджыкөсь. Вот

эськө и миянлы колө сувтны өтвыв рыныш туйёд юра Прокөлы паныд,— төдлытөг воис вежорас Герасимлы бур мөвп.— Сиктса скод вылын босьтны да и вөтлыны гөлөваос небыд улөс вывсьыс, выльөс ас костысь бөрйыны. Шуам, Габөөс. Сійө делөтө төдө: ачыс писаравліс, и йөзтө оз кездовт. Вескыд мужик... Сэсся гижны сарлы, мый ми, государлөн крестьяна сылысь став индөдьяссө пörтам олөмө, сөмын мед миян пөвстын ылөдчысьяс эз вөвны. Ми өд абу помещик кабаала улынөсь, а государственной крестьяна...»

А сэсся:

«Сөмын вот өтитор ог гөгөрво: мыйла менө, обществоса ходокөс некөн матө эз сибөдлыны, быдлаын тодмышкалісны?...»

И бара выль мөвп:

«...Шуисны жө тэныд: губернаторлы индөд сетөма сар нимсянь. Гашкө, гортө воа да сэні съөд юр Прокөлөн дукус нин оз кыв. Сарыд, дерт, оз радейт, медым сылысь индөдсө эз кывзыны».

V

Русинов Митрей эновтіс Ручын да Дереваннойын кык гөтырөс (кыкнансө челядяөс), а коймөдысьсө со бура поздысис. И эз сы вөсна, мый вөлі мича да пашкыр юра, а — мудер. Гөлөва Мамонтов дорын кутіс ниртчыны, регыд сэсся и зятьөн сылы лои. Тшөтш и писарөн: ас морттө кызди он милуйт да лэпты...

Со и «веськөдлөны» өтвылысь гөлөва да писар, тэстязятя...

Русинов куйлө вольпасьын да нимкодпырысь арталө, уна-ө нин киллис кулөмдінсаяслысь сьөмсө аслас пай вылө. И мый позьө ньөбны да лөсьөдны аслыс тайө озырлун вылас.

— Митреюшко, батьө тэнө чуксалө,— кыськө воис да шуис гөтырыс, Опрөсь.— Мед пө өні жө локтас.

Митрей өдийө чеччис, тэрмасьөмөн кышаліс лөз ной эжөда ыджыд пасьсө да здук мысти вөлі нин тэстыс ордын. А сійө аслас уна жыръя керкаас пукаліс пыді вежөсын зумыштчөм сюзь моз.

Русинов казьяліс тайөс да сувтовкерис порог дорас.

— Мый нө лайкан моз пөтөлөксө пыкан. Лок, матыстчы пызан дорас,— тшөктіс тэстыс.

— Мыйкө лоис али мый?— юаліс Русинов.

— Весьшөрө вой шөр войын ог кор.

— А ме аски Ульяновоө көсья вөлі ветлыны...

— Он-о нин косьи кузь сарапана манакө вөзыйсьны?—
весиг эз лэдз помавнысö Мамонтов.

Русинов чöла нбылыштис тествыслысь тадзи шмонитöмсö.
Сэссия Мамонтов небзыштис:

— А öни делö йылысь,— тöдчöдис Мамонтов.— Гөлöва
тшöктис видлавны бумагаяс да стöчмöдны: уна-ö чукөрмöма
вотьясысь недоимкаяс, кодьяслөн?

«А збыльысьсö, вöлины-ö недоимкаясыс?— гыжыйштис
кудриа юрсисö Русинов: öд недоимкаясыс лоисны сы вöсна,
мый найö, тествя-зятя, асьныс ыдждöдисны вотсö...»

Тöдис тайöс и Мамонтов Прокö. Но öни колö вöли ставсö
стöчмöдны, медым бура дзевны став помьяссö. А друг воас
ыджыд ревизия?.. Көть Герасим Сладкостиев и мунис Питерö
гусьөн, нуис элясьöм, гашкö, аслыс сарлы, көть и гöтырыс
да тöдсаясыс висьтавлисны, быттьö пö Коммуö веськөдчöма
нажөвитчыны, но гөлөвалөн содис майшасьöмыс... Ельöсь
пиян, Габö, Рөдьö да Герасим унаысь грöзитчылисны правда
корсьöмөн... А кытысь öни найö корсьöны «правдасö»?..

Сэссия со и Усть-Сысольсксянь неважөн казтыштисны,
быттьökö пö Кулөмдинын перйöны абутөм недоимкаяс.

— Тайö, дерт, Иванлөн, гэнэд отсасьыслөн киподтуйыс.
Мыйкö, буракö, казялöма каналаыд,— шуис зятыслы Прокö.—
Колö сюсьджыкөн лоны...

— Ставсö вöчам!— вашьялис Русинов Митрей.— А ревизия
кö локтас, кужам на и мавгыштны. Чими чериён и руч
куөн... Немтор повнысö... Колö бурджыка думыштлины, кы-
дзи эськö паськыд вома норасьысьяссö топöдны...

VI

Прокö Мамонтовлы Ельöсь Габö да сы дор мунысьяс вöли-
ны горшас сатшöм лы кодьөн, кодöс ни перйыны, ни нбы-
лыштны он вермы. Эз мича синмөн видзöдны Кулөмдинса гөл-
лöва вылö и сылы паныд мунысьяс. Кор на Ельöсь Габö
вöли писарён, сэки нин унаысь мунлис паныд вот да мукöд
податьяс юклігөн, сувтліс гöльяс дор. И гөлöва гусьөн и явö,
лестьён и калымён начальство водзын мездысис Елесь пиысь
да сы местаö пунктис наян Русинов зятьсö.

Эз миритчы Габö. Мөдöдліс прошениеяс Усть-Сысольскö
и Вөлөгдаö, но некутшöм воча кыв эз воы. И со кольöм ар
нарошнойён мөдöдисны писькөс Герасимöс Питерөдз. Мед
сэни, стольной карас висьталö налөн шогьяс да могьяс йы-
лысь. Корсьö правдасö!.. Прошение государственной эмбурья
яс кузя министр ним вылö гижны отсаліс улыс Эжваса Ай-

кина сиктысь вöвлöм писарь Балин. Сійö гижлöма татшöм сяма жö прошение вит во сайын Изьваса нимсянь. Властьяс-лы паныд изьвасаöс ышöдöмысь Архангельскöй губернатор весиг тшöктöма арестуйтны Балинöс, но Изьваса войтыр абу сетöмаöсь ассыныс дорйысьöс. Кодзсысь көнöвал ним улын и тöдисны Балинöс Ельöсь Габö да сылөн ёртъясыс.

«Кöнi бара сійö öнi?— мөвпалiс ас кежас Габö.— Көнкö ветлö сиктысь сиктö, тöдмалö миян кодь жö сир курыд олöм-сö, зiльö отсавны увтыртöмъяслы. А, гашкö, и арестуйтiсны нин. Быдсямаыс öд вермас лоны Мамонтов Прокö кодь весь-кöдлысьяс дырйи. Менö тай со неважөн на чижевкaö пук-сьöдлiсны...»

Вöрысь воём бöрын кык вежон мысти Габö нуис тшамъяö кольлöм прöмыссö Пöлудиевлы: öд матысмöны тувсов праз-никъяс, ковмас и ньöбасыштны сэк кежлö. Прöмысыс, ур куяс эз этша вöв. Ещö и руч ку на кольлiс арся вöралöм бö-рын. Габöлы сöмын низыс, кодi сотчис вöрса чомйын, вöли жаль. Сійö некыдзи эз вермы гөгöрвоны, кысянь öзйис чом.

«Киссьöм ватö он курышт, тшынтö небесаысь он бер-гöд. Сидзи нин, буракö, ен шуöма»,— такöдiс асьсö Габö.

Купеч Пöлудиевлөн керкаыс да лавкаыс, кодöс, кыз шу-лiсны кулöмдiнсаяс, сизим томанөн игналöма, вичко шор кыр йылын. Вылыс судтаас некымын жырйын ачыс кöзяиныс семьяыскöд олö, а улыс судтаас — вузасяниныс, орччөн склад, кöнi видзö тöварсö да кыйсьысьяслысь примитöм прöмыссö. Бөрья воясö донтöм донөн зверь куяс ньöбöмысь, пуля-поро-көн да солөн вузасьöм помысь зумыда сувтiс кок йылö, весиг вина лавка содтöд стрöитiс. А сёян-юан уджйöзөн сетöмысь бара жö кучиктö пöрчöдас — Мамонтовлөн ки пöв, оз зы-вöкты лишнöйтö кабыртны. Да кытчö воштысьны мужикыд-лы? Мунны прöмыснад ылiджык сиктъясьö — лишнöй рöскöд. Сэсся öд и мукöдлаын оз жö мавтöм шаньгаөн виччысьны. И Пöлудиевлы бара жö уджйöза. Пикö воигөн сы дiнö жö и локтан.

Габö пырис лавкаас, чолöмасис кöзяиныскöд да вöлисти казялiс син пöла Лазарöс. Сійö, мыйлакö, друг йöжгыльтчис, быттö кодкö юрас кучкис. А Пöлудиев долыда шыасис:

— Милости просим, Гаврила Елисеевич. Прöмысөн тэнö.

— Аттьö,— вочавидзис Габö.— Неуна вайышти, гашкö, уджйöзöй мынас.

— А со Лазар Петрöвич шуда вöлöма,— шпыньмунис Пö-лудиев.— Видзöдлы, кутшöм ку вайис.

— Оз ков,— нора гөлöсөн шыöдчис Лазар да ещö на ёнджыка лажынтчис пельöслань.

Но купеч эз гөгöрво сійöс да долыда нюмъялöмөн чöвтiс

стойка вылө мольды гона низь ку. Габө босьтис кусө кияс, шылькнитис юрсяныс бөж помөдзис, ёкнитис морөспань весьтас. Но кутчысис, шуис:

— Шуда тай. Оз өд татшөм зверыд быдөнлы шед. Поздравита, Лазар друг, поздравита. Оні позьө и выль мөс ньөбны, и гөтырыдлы кашемир шаль,— босьтис Лазарлысь веськыд кисө да сідзи шамыртис, мый Лазарлөн муртса мөд синмыс доймөмысла эз чепөсы.

Пөлудиев нинөм эз гөгөрво. Сылы дзик өткодь, коді ва-йис дона кусө. Сійө мынтис сполна (дерт, и ачыс на дьөбө эз коль), со и ставыс.

А Габө топыда кутис Лазарлысь кисө да шуалис:

— Молодеч, молодеч. Удал кыйсьысь!

Сэсса друг шыөдчис Пөлудиев дорө:

— А өні видзөдлам куыслысь пель пассө.

— Низьсө өмөй кодкө пасйыліс,— шай-паймунис купеч.

— Овлө и сідз. Со видзөд.— Габө бергөдіс кусө Пөлудиевлань, гугөдіс веськыд пельсө да перйис сэтысь лөз сунис.— Аддзан, паса!— и сэк жө пызйыштис шуйга кинас Лазарлы.— Тайө тэныд низь куысь, а тайө — сотөм вөр керкаысь,— содтис веськыднас.

Пөлудиев и синсө эз удитлы лапнитны, кызди Лазар лэбыштіс порог дорө, зөтшмунис куричө да пласьтмунис гатшөн.

— Кар-ра-у-ул! Виис өд мортсө!— горзис купеч.

— Вины татшөмтө абу жаль, да ловсө босьтны ог көсйи!— низь кусө питшөгас суйыштіс, прөмыс мешөксө топөдіс да лөсьөдчис нин Габө петны. Но паныдасисны өдзөсас Семен Самарин да сотскөй Федор Елеев, кодьяс асывсянь локтөмаось купеч ордө пөкмелитчыны. Найө кылісны Пөлудиевлысь «караул» горзөмсө да усйөдөм поньяс мөз өдөбтісны лавкаө.

— Коді? Кодөс виис?!— өтпырйө горөдісны кык друг.

— Со Габө. Лазарөс...— кайтис Пөлудиев.

Көть кутшөм эз вөв ён Елесь Габө, но куимөн личкисны да көрталісны морттө. А сэсса пырис и полицейскөй частьса заседатель Ракин, коді оліс патеранас купеч ордын. И кыкисны Габөөс управаса пөдвалө. Пөлудиев, дерт, эз вунөд перйыны Габө питшөгысь и низь кусө да кольөдны куяс тыра нопсө.

...Елесь Родион да Габөлөн гөтырыс Дарья матө лун шөрөдз виччысисны көзяинөс. Но сійө эз лок.

— Эз жө өд көнкө гажмы?— кымынөдысь нин юалө Родион.

— Сэтшөм дивөтө ме ог на помнит,— вочавидзис Дарья да чукөстіс писө:— Пиля, котөртлы, пиук, Пөлудиевөдз. Төд-

мав, кытчө ылалис батыд. Эз жө, көнкө, Мамонтов ордө бара вензыны пыр.

Пилялы унаысь тшөктөм оз ков: өти кок пöлыс сэни — мөдыс тани. Локтө, быттьө көч бөрся вөтчысь пон.

— Батьөөс чижовкаө йөртөмаөсь. Пөлудиев лавкаын низь ку вөрөс, син пөла Лазарөс нөйтөма. Наста, Пөлудиевлөн нылыс, паныдасис, мянө вөлөм локтө. Ме и бөр.

— А-а-а... Со мый,— сөмын и шуис Родион.— Сидзкө, Филипп, Михайлө да Спиридон дядьястө эн вунөд чукөстны. Нифонт Опоньөс да Семён Ногиевөс тшөтш горөд.

И тэрмасьөмөн мөдөдчис вичко дорлань, сөмын шуис:

— Дарьюш, виччысь, регыд мездям.

...Габөөс дзумгисны управа пөдвалө. Зяльсмунис көрт иган, полицейскөй частьса заседатель мурөстис:

— Шойчышт, ыркөдчышт. Сэссия, гашкө, та бөрын и шоныдджык пельөсө веськалан...

— А тайөс ми видзөдлам на,— сөдзөдис пинь пырыс Габө да зэвтис пельпомьяссө. Тэрмасьөмөн көрталөм вөжжи личалис. Габө ещө выныштчис, и казялис, мый вөжжи дзикөдз слабмис. Мездис кияссө, разис кокъяссө. Пуксис. Чижовкалөн өшиньөд муртса төдчис тувсов енэж, көни гөвкъялисны еджыд ыж ку кодь кымөръяс. Ошиньыс вөли ичөтик — юрид оз төр, да и көртөн шөри тасалөма. Сы пыр он пет. А кыз плакаысь вөчөм, көртөн тасалөм өдзөс пыр, кодөс видзө сотскөй Елеев, он жө пышый.

«Но век жө видлам»,— вежөртис Габө да шыөдчис:— Педөр, а Педөр! Кызөктөм сертиыд кыла — тайө тэ. Он-ө лэдзлы асмогасьны?

— Виччысьыштлы. Ковмас кө, корасны и петкөдасны,— кылис сотскөйлөн кирган гөлөсыс.

— А ме кө ачым пета!

— Он пет. Стенсө он йирышт, а пөтөлөксө юрнад он кыпөд.

— А ме пета...

— Кытчөдз Мамонтов колодка пытшкө топөдөмөн оз мөдөд карө — өдвакө.

«Колодка пытшкө дорны? Тайөс Мамонтов вермас. Да и Пөлудиев оз коль бөкө: өд сы ордө и низь куөй, и став мукөд прөмысөй коляс. Пукөдөм бөрад, тюрмасьыд воан да, бөбыльөн колян...»

И друг Гавриллы чижовка пельөсысь ки улас сюри важ дөра чукөр. Тывкөрт, биа из, кос тшак вөлины бива көшөляс. «Ладнө,— шуис аслыс Габө,— чижовканыд управа улын, лун шөр луно тшын кө чепөсьяс, өдий кусөдчыны локтаньыд!»

Сэсса сійо тывкөртөн швачкис биа изйö, öзтис косьмөм кыз пу тшак, пöлтис да босьтчис дөра чукөрö. Кор биис ломзыштис, йөткис öшиньсö — тшын чепөсйис ортсйö.

— Пö-ö-жар!— горөдис öшинь пыр,— управаныд сотчö.— Пö-жа-ар!!!

Тайö горзөмсö медводз кылис гөлөва Мамонтов, кодi сэки буретш пукалис балкон вылас. Пöлудиевлысь гөстинеч коньяксö юөм да жаритөм дарөвöй көч яйөн чөсмасьөм бөрын гөлөва радейтлис пукавны балкон öшинь дорын.

«Мыйла нö тшыныс чижовкасынь?.. Кодi öзтис?»— сійö вунөдис нин коньякасьөм бөрад Габö йылысь. Повзис.— пö-жар кө ыпнитас, сотчас и сылөн керкаыс, став эмбурыс, кодөс чукөртис кыз-мый вермис. И чепөсйис гортсыс горзиг-тыр:

— Управаным сотчö!!.

Пельтөм звөнар Пашко клөнгис нин ыджид джынняянö: «Бом-бом-бом!» Кулөмдiн шызис. Кывтыдсянь и катыдладорсянь котөртöны йөз.

А Габö пукалө да шпыньялө. Сылы абу нин первойсысь ньылавны курыд тшынтö, эз нин öти ар да тулыс вөр керкаас му бердö копытчөмөн пукавалы, кытчөдз конда пес оз ваймы горйын. Сійö ньөжйөнник сотис чижовкаын став важ ротөссö, мый кольөма татчö на бөрын, кодьясöс пукөдлис Мамонтов. Медбөрын көсйис и улыс дөрөм-гачсö вывсыс пөрччыны да öзтыны, медтыкө йөзыс төдiсны: «Сотчис тай Ельөсь Габö. Бур и морт вөли!..»

И друг чижовка öдзөс дорын кылис:

— Сотскöй! Дурак. Мый нö тэ тани, бөлбан, сулалан! Управаным сотчö, а тэ!.. А тэ, дявөл пи!.. Вай ключтö!..

Габö чеччис да тшын пыр матыстчис öдзөс дорö. Мыйөн сөмын гольсмуни томан да усис көрт тас, выныштчөмөн чужйис öдзөссö да петис ывлаö. Чорыда чужйөмысь чижовка öдзөс клөнгис Мамонтовлы кымөсас да сійö чергысис-уси кыз тушанас да весиг пөрөдис сотскöйөс.

Чижовкаын кусөднысö вөли нинөм: öшинь дорын чискысь дөра ёкмыльясысь пöжар эз ло. А Габөс кутлисны нин вокыс да ёртъясыс, кодьяс воөмаөсь мездыны.

VII

Кор Габö тадзи мездысис чижовкаысь, Пöлудиевлы быть ковмис мынтысьны и Лазарён гусявлöм низыьсь, и мырд-дылöм прöмысысь. Дерт, отсалісны Родион да и мукöд су-седьяс. Но ещö на пыдöджык йиджтисны лöглунсö и купеч, и гөлöва Мамонтов, кодлön сьöд юра плешкö чеччыштліс сötаналön кодь сюр...

* * *

...А Гаврил пыр ёнджыка и ёнджыка виччысис Питерысь Герасимöс.

Друг кодкö кильчö öдзöсö таркнитіс. «Код нин вермас татшöм сёрön вöзйысьны?» Петіс посводзö, кывзысьыштіс. Сэссия кыліс тöдса кызöктöм да öдйö вештіс кыз пу игансö.

— Ловья... Воин, Герасим?..— сöмын и артмис Габöлön.

Найö кутчысьлісны, тапкөдісны морösаныс, мышканыс. И некоднанныслы эз эскыссы, мый бара öтлаынöсь, гортын.

Дарьяöс чуксавны эз ковмы. Сійö водзджык кыліс игöд-чöмсö. И мыйön верöсыс петіс, тэрыба пасьталіс дудник-сарапансö да пернапасасис:

— Кутшöм ен бара миянö кодöскö мөдөдö?

Но мыйön кыліс гөлөссö рөднöй вокыслысь, звирк чеччис да сывьяліс воксö.

— Герасим!.. Вокöй!..— сöмын и шуаліс Дарья да эз тöд, кызди и примитны дона гөстьöс.

Шöйöвошöмсö торкис Габö.

— Тэ, гөтырöй, этшаджык горзы. Петав Родион да Иван ордö...

— А! ме нö мый, ог вермы?— кыліс пöлатьянь Пилялön гөлöсыс.— Ог öд узь.

— Пилялы позьö, мед чукöстас ас йöзöс...

Дарья öдйö чукөртіс гөстьлы пызан: косьтылöм дозмөр, турипув, сола тшак...

Көть и эз озыра ов Елесь Габö, но аслас да гөтыр зіл луннас помысь помö быд во на судзсьыліс. Да и пиыс асланыс рөдас мунöма: кытчö он кесйөд, пыр дась. Зятя-шурина эз на вевьявны сайкавны аддзысьлөмсьыныс, а Филип бөрнин локтіс:

— Родион дядь коксö пыркөдö, Иван дядь здук мысти воас,— долыда юөртіс зон.

Вой шөр вылö видзөдтөг, Габö ордö регыдön чукөрмисны пöшти ставön, кодьяс вылö позис мыджсьыны. Елесь Иван чотігтыр воськовтіс медбөрьяяс лыдын, кутліс Герасимöс да пыр жö и юаліс:

— Кутшом юорясон воин, сватой?

— Торья бурсо ог юорт. Парадной одзосьясод пыравны эз лэдзлыны, сар-батюшко чай-сакарон эз жо гоститод...— Герасим чов усис, мудзопырысь шпыньмунис, кытшовтөдіс видзөдласнас мужикьясөс.

Нюжалом чов олөмсө торкис зумышмом Габө, Гаврила Елисеевич, кыдзи ыдждөдлісны ассыныс юрнуодыссьө кулөмдінсяс.

— Ми гижлім да юөртлім Усть-Сысольскө, гижлім-юөртлім Вөлөгдаө... Но ни өти воча кыв. Со и ходокным во джын воштіс. Да, да. Герасим эз вай некутшом воча кыв. Либө мянөс бөбйөдлөны, либө оз көсийны кывзыны прөстөй йөзөс. А сідзкө...— Габө думыштчис, көсийс шуны главнойсө, но сәки шыасис Родион вокыс:

— Мый «сідзкө»?

— А со мый. Благовещеннө мөд луно чукөртасны, кыдзи и пыр, вөлөстнөй скод, медым вынсьөдны, уна-ө көсийоны чукөртны таво кежлө вотсө казнаө. Ме вөзья со мый: вот мынтөмысь колө откажитчыны, кытчөдз оз лок выліджык начальствосьянь ревизия да оз пет эрдө, мыйта ми лишнөйсө да сідз шусяна недоимкаяссьө мынтім.

— Правильнө!— өтсөгласөн шыасисны ставөн.

— Но...— друг сетис гөлөссө Елесь Иван,— тырмас-ө миян вынным?

— Төдөмысь, ас кежаным ми слабөсь. Колө унджыкөн-көд сөрнитавны. Колө йитчыны керчомьясакөд, устьнемсакөд, вермам кө, пожөгса, помөсдінса да дереваннөйсакөд. Отув-йөн — ми вын. Откөн Мамонтовлөн да Пөлудиевлөн кумсватьясыс вермасны мянөс кос нбөрийөс моз чегьявны.

— Сідзкө?...— полігтыр шыөдчис Турьев.

— Сідзкө, ыджыд вен панам?— кывкөрталис Габө.— От-вылысь кутам сулавны помөдз.

Разөдчисны войтыр югдандорыс нин. Герасим кольччис узьны зятъыс ордө — өд налы колө сы мында на сөрнитны...

VIII

Воши унмыс Благовещеннө водзвылын и вөлөстьса гөлөвалөн. Чижевка одзөсөн клөнөбтөмысь плешас йөгыс көть и чиньштіс, но юрсө пыр на поткөдө — ёнтө, быттьө балябө-жас кодкө пу мөлөтөн таркөдө, да и нырвуж гөгөрыс пыр на лөзоввиж. Тайөс эськө позис на терпитны, а вот локтан скодыс спокойсө оз сет. Да и Усть-Сысольска уезднөй исправниклысь должностьсө нуөдысь Волковсьянь воис секретнөй гижөд. Сійө юөртис, мый Вологодскөй гражданскөй губерна-

тор Волховский тшөктіс кутны Усть-Куломскöй вөлөстьса крестьянин Герасим Сладкостиевөс, коді ветлөма столицаө элясьны местной властьяс вылө, да допроситны сійөс. Вөлөгдаө та йылысь специальной гижөд воис, быттьө пö норасьöмыс воöма граф Бенкендорф пыр государөдз.

И ещö юөртис Волков, мый Герасим Сладкостиевөс карын кыйөдöны нин төлысь джын.

«Сідзкө, и збыльысь Питерөдз мунөма!»— майшасис Мамонтов.

Мамонтов Прокö полис аслас шоныд места вöсна. «Габö зэв вермас шуны: ми пö тэнö огö признайтöй, миян выборнойяс пö тэнö эз бөрйивны. А Габö бөрся и мукөдьяс мунасны».

И збыльысь өд, государственной эмбурьяс кузя управление Вөлөгдаын котыртөмсянь выборнойяссö эз бөрйивны. И абутөм выборнойяс пыдди вөлөстьса гөлөва вöчліс, кызди аслыс колө.

Тайö медясö и кырлөдліс Мамонтовөс. Но друг юрас вирдыштіс спаситана мөвп. И көть вөлі сёр рыт да унаөн, көнкө, водны нин лөсьөдчöны, мөдөдіс Савать писö корны Русиновөс, Онисим попöс да Пөлудиевөс.

И со, ставниясөн да сьөд занавескаөн тупкалөм öшиньяса ичөт жырйын сиська би дорын пукалөны нельөн. Пызан вылын — четвертной «императорской», хрусталь румкаяс, пызя пирөгьяс тыра ыджыд төрелка да пачын шупөдөм-косьтөм дозмөр.

— Энө дивитöй, дона другьяс, бурджык сөянсö дасьтыны некор. Надейтча, батюшко оз öткажитчы благөслөвитны пызансö,— меліа шыөдчис Мамонтов.

Поп шылькнитіс небыдик кияснас кузь юрсисö, малыштіс тошсö да куймысь пернапасалис пызан вылө вайөмасö:

— Мед көзяиныс пыр лоас няня и сола. Ен оз лыдды тайö сөянсö грекөн. Ачыс Исус Христос шуліс апостол-ученикьяслы: юй — тайö менам вирöй, сөйöй няньсö — сійöй яйöй менам.

Русинов нюмдіс да суитчис:

— Тані эськө мөдкодьжык вир да...

— Митрей!— өлөдіс тестыс.

— Ставным ми божья тварьяс,— быттьө эз казьяв Русиновлысь кывьяссö поп.— Со босьтам тайö банйөм коркаа дозмөрсö. Бара жö божья тварь, вотөсөн, кызд пу гарйөн да турунөн пөткөдчө. Сөмын ен шуöма сылы лэбавны, а черилы уявны ваын.

Мыйөн Прокö тыртіс румкаяссö, поп пернапасасис да чурскөбтіс курыдсö, сэсся песовтіс дозмөр кок пөв да сатшкысис

чигъяс лэчюд пиньяснас. И сѡмын кыліс, кызди дзуртісны черлясыс. Эз кольны дьѡбѡ и мукѡдъяс.

Дозмѡрлѡн «лэбавсис». Но «тайная вечеря», кызди нимтіс Онисим поп нѣль «апостоллыс» сѣрнитчѡмъяссѡ, эз помась. Прокѡ Мамонтов тѡдмѡдіс пукалысьясѡс Волковлѡн письмѡѡн да скод нуѡдѡм йылысь аслас планѡн.

— Ме думысь,— шуис гѡлѡва,— Благовещеннѡ лунѡ отец Онисимлы ковмас лыддыны проповедь.

Поп чуймис, весиг пѡжалѡм лук кодъ нырыс ещѡ на гѡрдѡдіс.

— Проповедь, батюшка, проповедь. Сѡмын таѡдз ковмас сывны царствуйтысь император Николай Павловичлы «мноо-огая лета» да рѡзбойнѡй Степан Разинлы «ан-на-фема!»

— Но та вылѡ колѡ архирейлѡн разрешение,— заводитліс поп.

— А кодлы кутшѡм делѡ, мый вѡлі тайѡ лунас Кулѡмдинын! Да и проповедьсѡ лѡѡ царствуйтысь дворлы пѡльза вылѡ веськѡдѡма, великѡй империялысь вынѡѡрсѡ ѣнмѡдѡм вьлѡ.

Гѡлѡва Мамонтовлѡн кывъясыс шензьѡдісны весиг Русинѡс да Пѡлудиевѡс.

— Благовещеннѡ мѡд лунѡ чукѡртчас скод, кѡні ковмас вынсьѡдны тавося налогъяс вылѡ рѡсклад. А вотыс мунѡ сарлѡн казнаѡ. Миян смутьяньяс жѡ, Елесь Габѡ да мукѡд, вермасны сувтны паныв. Проповедьыс жѡ веськѡдас веруйтысьясѡс, медым кыв шутѡг кывзысьны верой и правдой сар-батюшколы служитысь начальствоысь. Оні гѡгѡрвонн, батюшко?

— Но, а эсѡйѡ — Степан Разиныслы «анафемаыс»?..

— Медым ассывным бунтарьясѡс ѡлѡдны: паныв кѡ кутасны мунны, и налы проклятиесѡ вичко ыстас.

— Но та вылѡ колѡ святѡй Синодлѡн решение.

— Да тѣ нѡ мый, отец Онисим — то архирей, то синод. Ми ѡд тані властыс, ми и вѡчам, кызди выгѡднѡ да кызди тшѡктѡ кадыс. Тайѡ миян пытшкѡсса делѡ, и став грексѡ босьтам ас выланым. Государлѡн делѡ вѡсна тѡждысьѡмысь некод оз мыжды.— Русинѡв да Пѡлудиев сѡгласѡн довкнитісны юрнаныс. Мѡдыс весиг кѡсйысис поплы вьль пѡдрасник вылѡ нѡй пома.

IX

Март помын коми парма пыркнитѡ ассывыс тѡвся унзільсѡ. Мездысьѡны лым шапкаысь пашкыр туганъяса пожѡмьяс, шонді водзын долыд синва моз тѣпкѡ коз пу лапьясысь войт-

ва. Тувсов кыа водз кыпöдчö асыв-войланьын, кельыдвиж рöмөн пуксьö чöла сулалысь ягъясьö да кыддза расъясьö. Лöсьöдчö петны шоныд гуысь пьяна ош: гуас ва воö да боксьö кöтöдö, унсö пальöдö. Тэрыба котралö тöвся еджыд пасьсьö вежны заводитысь энъ кöч. Сийö удитöма нин пьянасьны, нёнöдас öтчыд руд гöна мач кодъ пьянсьö да котöртö корсьны пипу раскысь юмов нисьö курыд веж кырсь, пышьялö наян ручысь.

Эжва сайын, яг нырддорса нюр бокин койтöны таръяс. Сöмын и кылан «кур-кур-р» либö «чу-фыш, чу-фыш». Чушкöнысьö ай таръяс, грöзитчöны öта-мöдныслы.

Муртса на енэжыс заводитис лöзöдыштны, а Пиля вöли нин яг нырдбердса нюрын. Регыд татчö кутасны чукöртчыны сылöм вутшьяс костö ай таръяс, медым чушьявны-чеччавны да, вожа бöжнысьö паськöдöмөн, бордъяснас коляс лымсö визийöдлöмөн, усьласьны öта-мöд вылас, шедöдны право аслыс пöв вылö. Овлö, мый весиг косясиганыс öта-мöдныслысь сорсьяссö гырöдз кокаласны, а то и синнысьö перъясны — садьтöм код мужикъяс кодбöсь.

Пиля весиг пицальсьö сьöрсьыс эз босьт — весьшöрö лыйöм шынас повзьöдан пöткаястö. Надеяыс вöли водзвыв пукталöм лэчъяс вылö. Öта-мöд бöрсяыс вöтлысигөн ай таръяс петляö юрнысьö сюясны. Да и ньöввужийыс оз ылöд. Зон ичöтсянь велалис лыйсьыны ньöвйөн. Свинеч пома сьöкыд ньöв шытöг лэбö да сизьдыштас кö, лэбач пыр жö павгысяс — сöмын суй лазъяд.

Пуксис Пиля водзвыв вöчöм чомйö, сайöдчис да лысьяс костöд кутис нимкодясьны кыаөн. Первойсьö асыввылыс кельдöдис, сэсся вочасөн енэжыс воссис, паськалис да кутис пöртмасьны гöрдов рöмөн, вештис рытывлань войся пемыдсьö, кусöдис пöртмасьысь кодзувьясьсö.

«Кур-р-кур», — кылис нюрбокса пожöм ягысь. А сэсся заводитис кургыны став ягыс, быттьö аслыссикас оркестр.

«Заводитчис, — шуис аслыс зон, видлис ньöввужсьö да ньöвьясьсö. — Регыд и чушкыны заводитасны». И сэк жö дзичом бердас жбыркнитис-пуксис гöрд синма ай тар, паськöдис бордъясьсö, шевгöдис вожа бöжсьö да чушйöдлгтыр котöртис нюр пöлөн, кытчö Пиля пуктавлис петляясьсö. Дыр виччысьны эз ковмы. Чуксасьöм шыö öти бöрся мöд вылисянь сунисны сьöд ёкмыль кодъ еджыд бордула мукöд таръяс, вöтлысьöны öта-мöд бöрсяыс, чеччалöны, усьласьöны öта-мöдныс вылö. Пиля зэлöдис ньöвсьö да лэдзис ньöввуж сөнсьö. Ньöвйыс сöмын шутөвтыштитис да зутшкис свинеча помнас пöткалы морöсас. Тар гатшасис, и сы вылö уськöдчисны кыкөн, ко-

кыштісны гөрд сорсас, а сәсся мөдісны тышкасыны ас коста-
ныс.

«Бо-ом, бо-ом!»— юрөбтіс сиктсаянъ вичко джыннан. «Бом,
бом, бом!..

«Звонар Паш кавшасьөма көлөкөльняө, асьявылө чук-
салө»,— гөгөрвоис зон. Сійө виччысис, кор энъ таръяс ләч-
часны муө да пөткаяс разөдчасны параөн-параөн, и сөмын
сәки петіс чомйысь да босьтіс лыйөм тарөс, мездіс ещө кыкөс
петлясьыс, сувтіс лызьяс вылө да веськөдчис гортланыс.
Праздник кежлө яй бара на лоис. Мамыс куштас таръяссө,
жаритас. Герасим дядьлы да мукөд гөстъяслы лоө, мый вай-
ны пызан вылө Ыджыдлун дырйи. Талун жө сөмын на Бла-
говещенньө, и яй сөйны енлы эскысыяслы оз позь.

...Асья сьывсьытөдз на Дарьялөн ваймис пачыс. Пиис
вотөдз удитіс дөзьөритны мөска-куканяөс, ыжъясөс, пөрысь
вөвсө да лөсьөдчис ветлыны вичкоө. Сійө вөлі пасьтасьөма
нин, кор Пиля пырис да перйис лазсьыс дзирдалысь бордь-
яса куим сьөд тарөс.

— Кутшөм тэ менам зіль да сюсь!— нимкодясис мам.—
Онi вай вод да узьышт, а ме ветла өбедня сулалыштны.

— А менам унмөй ньөти оз лок,— збояліс Пиля,— тэ
мун, а ме вежсьышта да вола жө.

— Кыдзи көсьян. Батьыд мунигас висьталіс, Онисим поп
пө ыджыд проповедь көсьйөма лыддыны.

— Меным окота жө кывзыны.

Лөз дукөса да көч ку шапкаа Пиля батьыс моз жө гы-
рысь воськолөн мөдөдчис вичколаны. Шөр улича пөлөнса
керкаяс дорын сулалісны рөзвальө, льөм пу ньөрйысь кыөм
көрзинаа додьясө доддялөм вөвъяс, оньышпырысь вуграліс-
ны, мукөдыс кручкисны-сөйисны турун. «Буракө, донсаяс,
кужсаяс да носимсаяс тшөтш воөмаөсь,— гөгөрвоис зон.—
Мыйкө гажа вермас лоны!..»

Татшөм мөвпөн Пиля воис вичко дорө, көні кыйялісны
вина радейтысь том мужичөйяс, мыйкө шөпкөдчисны ас ко-
станыс. Насаянъ неылын — сотскөй Елеев Педөр да Кирушев
вокъяс — Иван да Иов. Пиля эз на удит матыстчыны па-
перть дорө, орчөн лоис Опонь братаныс да кутыштіс дукөс
соскөдыс:

— Вичкоө он төр, тырыс йөз,— шуис Опонь.

— Кыдзкө-мыйкө писькөдча...

— Этайөяс мыйкө ас кежаныс тшөкөлдывайтөны,— ваш-
нитіс Пилялы пеляс Опонь.

— Ладнө, гөгөрвои. Ме писькөдча.

Пиля пөрччис шапкасө, пернапасасис да тэрыба пырис па-
пертьө. Но ковмис дзескыда писькөдчыны скөра броткысь

веруйтэсьяс пыр, бур, мый пельпомьясыс и гырэдзаясыс вынсялөмаось нин. Пиля төдiс: батыс көнкө вичко шөрланьыс, шуйгаладорас. Амвонсянь веськыд кырлөсланьын сулалисны купеч Пөлудиев, Мамонтов, Русинов, старшина Кузнецов. Батыс дорын өта-мөдсянь неылын Родион да Михайлө дядьясыс, бокинджык Иван дядьыс да Герасим чожыс, голь мужикьяс. Папертьсянь пыран өдзөс дорын — медся гөляяс, кодьяс яндысисны петны водзөджык асланыс дөмаса паськөм вөсна. Кыдзи помнитө Пиля, пыр нин вөли тадзи: эмбур серти юксьылисны кык-куим пельө сиктса да матигөгөрсä олысьяс — кулөмдинсаяс, донсаяс, кужсаяс и носимсаяс...

Зарни рөма иконостасьяс водзын рөмыдсө венисны уна лыда сисьяс, өдва-өдва ломзисны уна йөза лов шыысь, да налөн югөрын төдчыштисны тошка святөйяслөн зумыш чужөмьясыс. Купол улын мудера видзөдiс чукөртчөм йөз вылө главнөй ен — Саваоф. Лолалөмысь да ньылөмысь, сисьяслөн чадитөмысь, кадилө ладан тшынысь Пилялөн весиг юрыс гөгөрмунис, быттө тувсов ягса сөстөм сынөд бөрын веськалис курыд, тшына рынышө. Но батыс дорө сибөдчөм мысти збодермис.

— Его императорскому величеству Николаю Павловичу и всему царствующему двору-у-у — мно-ога-я-я ле-е-та! — юрөбтисны вичко пасьта сьылысьяс. И вичкоын сулалысьяс, веськыдвылын гораа, шуйгавылын видзчысьбөмнджык, а порог дорын слабиника-нора вочавидзисны куимысь:

— Мно-о-гая ле-ета, многая лета, многая лета!

И бара Онисим поп нюжөдiс:

— Раз-бой-нику и су-пос-та-ту Сте-па-ну Ра-зи-ну, ан-на-фема!!!

И вичкоын выльысь разнөй гөлөсөн быд пельөссиянь кылис: «Анафема!»

Мый сэтшөм «анафемаыс», Пиля эз төд. Да и унаөн-ө төдiсны енмөн да сылөн нимөн вичкосянь ёран татшөм кывьяс-сө? Со, шуам, «аминь» кыв, кодөс помланьыс век равөстлис дякөн. Кулөмдинсалы да матигөгөрсä сиктъясын олысьяслы сийө лои повзвөдлана кылөн. «Аминьөй-аминьөй!» — шуасны сиктса бабаяс, висьмас кө кодкө либө суседөс неминуца суас: скөтинаыс кулө либө сотчас керкаыс. Быд сиктын «аминьсө» ас ногыс гөгөрвоисны: өтияс — ен прөщаөн, мөдьяс — ёрөмөн, коймөдьяс — шензьөмөн.

И вот тайө «аминь» бөрас зон казялис — кык кырлөс костө петкөдiсны зарни да эзысь рөма аналойөн вевттөм пызан сьамоc. Шарсмунис-воссис вөлтарвесьтса занавес, и Онисим поп, став сулалысьясөс өтарө-мөдарө пернапасалөмөн,

локтис пызан дорё да ньёжйёник, медым ставыс чёласны да кывзасны, юёртис:

— Православной христиане... Талуныяё лэччис му вылё ен тшөктёмөн святой дух да пёлыштис непорочной дева Мариялы пытшкёсас Исус Христосёс, кодёс Мария непорочная и вайис Рёштво лунё да кодё лоис миян спасительён!..— чорвьёдис гёлёссё поп да кыпёдис кияссё вичко куполлань.

Поп ки бёрся Пиля чатёртчылис вывлань, быттьё кёсийс аддзыны сэтись шензьёдана да нинём тёдлытёмёс, но сёмын аддзис Саваофёс, кодё дзоргис вывсянь. А поп долис ассьыс:

— Ен нимён вынсьёдёма ставсё, мый эм му вылын. Ставыс, мый эм йёзлөн — «Иже еси на небеси». Мёд ногөн кё: «Эм ен небесаын. Сийё ставсё аддзё казялё да кылё!» И царство православной — енсянь. Евангелиеын гижёма: «Дорйы ассьыд матысатё да отсав сылы». А миян медматыссыс да ставсё ен нимсянь видзысьыс — сар-батюшка.

Танё эськё, быттьё, поплы и колёс помавны, но аслас кёсийсьёмысь кызди дугёдчан? И ковмис шыёдчыны йёз дорё Мамонтовлён кывъясён:

— Колё отсавны государ-императорлы, медым сийё вёчис роч государство-матушкаёс...

Танё поп эз аддзы бурджык кывъяс да равёстис:

— Ми ставён сарлён слугаяс, ми олам сёлён милёстьён сы шоныд борд улын. И ме ен нимсянь чуксала ставнытё ошкыны да мынтыны государён да сёлён чиновникъясён урчитём вот, кодё мунас сарлён казнаё, а сідзкё...

И друг проповедникёс торкис шуйгавывсянь гора гёлёс:

— Сідзкё, и миян Кулёмдинса гёлёва Мамонтовлы да сы бердын сулалысь мукёд вёръяслы?!

Чошмунисны пельясыс веськыдвылын сулалысьяслён. Гёлёва Мамонтов кельдёлдлс, сёсся гёрдёдс да кёсийё нин вёли петны вичко шёрё, медым горёдны, «кодё сэнё торкалё святой служба», но сийёс падмёдс шойёвоштём вёруйтисьяс пёвстын Елесь Габёлён лонь, но вына гёлёсыс:

— Отец Онисим, тэныд проповедьнад дзик нинёмла суитчыны мирской делёясёдз. Вот йылысь оз проповедьясын лётны, а обществолён скод вылын сёрнитёны!

И быттьё бомба усис вичко шёрё!

Отися горзисны «богохульник» Габё вылё. Мёдьяс дорйисны сийёс.

Некодён видзтём ыж котыр вылө зверь уськөдчө повтөг да джагөдө-пурө оз өтиөс, көть и өтинас, эськө, пөтө. Но эм кө повтөм видзсысь, көин ачыс лоө ыж кодьөн.

Кулөмдинса гөлөва Мамонтов вот мынтыны вермытөмъясөс дорліс колодкаө да пуксьөдліс көдзыд чижовкаө, мырддылыс «казналы пөльза вылө» медбөръя мөссө. Бөръя вит воон Кулөмдинса сө ветымын крестьянскөй овмөсысь эз нин этшаөн рөзөритчыны да дөра нопйөн мунны Коммуө корсьны кынөмпөт: государственнөй крестьянаөс мырдөн кутны эз вермыны.

«Курыд синваным коркө-некоркө сатшас и тэныд горшад»,— өрлісны Сьөд Прокөос асьыныс познысө энөвтысьяс.

Дөвөленөсь вөліны «пөрадокнас» сөмын Пөлудиев кодь няня-сола да сура-винаа өткымын олысьяс: өд вотсө перйылісны эз эмбур да нажөтка серти, а «реестрөвөй мужичөй» лыд серти.

Елесь пиян көть и олісны шөркодя да восө вуджлісны эз кө нин помөдз ашөр нянбөн, век жө эз тшыгъявны. Асланыс зільлунөн, некодөс нартиттөг, найө ньөжйөникөн кыпөдісны овмөснысө. Ковмыліс кө, пыр нин отсалісны өта-мөдныслы. И «крита ради» корысьлы кусөктө эз жалитны. И сулалісны йөзлөн правда вөсна.

«Ок, и тайө Елесь чукөрыс!— пыр водзө скөрмис Мамонтов.— Тальыштны кызкө колө найөс!..»

Но мынтөдчыны Елесь рөдвужысь эз вөв кокни: топыда өта-мөд дорыс сулалісны, да и Кулөмдинса унджык олысьяс Елесь пиянөс пыдди пуктылісны. Тайөс Мамонтов ещө бурджыка гөгөрвоис проповедь бөрын. Арестуйтны жө Габөос помкаыс абу...

Мамонтов жугліс сідзи нин дурмөм юрсө Благовещеннө рьтө. Сійө игнасис аслас жырйө да весиг өбедайтны чуксалөм вылө эз вочавидз. Сійө пукаліс да мөвпаліс, мый вөчны, медым скод вылө не сибөдны синмөн аддзытөм Габөос да Родьбөос и унджык чукөртны ас дорыс мунысьясөс. И друг син улас веськаліс Волковлөн письмөыс.

— Со кодөс колө корны!— гораа шуис Мамонтов.— Корны, медым земскөй исправник аслас властьбөн өлөдіс ыръянитысьясөс. Но кодөс мөдөдны Усть-Сысольскө? Колө морт, коді эськө кутіс өбида Габө вылө, лөгаліс да унджык вермис суклявны.

И сәки төд вылас уси Лазар, кодөс Габө прамөя пөвсаліс Пөлудиев лавкаын низь ку вөсна. И пыр жө мөдөдіс сы ордөписө. А мөдыс вөлі рад, мый лэдзисны гортысь, да здук мы-

сти төвзис нин кывтыд помлань. Кесйөдөмсө висьталөм бө-
рын вөрса шыш моз гусьоник кежис небыд морөса Педөсь
ордө.

Лазарөс дыр виччысьны эз ковмы. Сийө полігтыр таркө-
діс өдзөсө, и кор лэдзисны, порог увсянь на пөрччис гын
шляпасө да куимысь пернапасасис.

— Лок, лок, Лазар Петрөвич, пырав менам жырйө,— ко-
рис көзяин.

Лазарлөн сьөлөмыс ёвкмунис вичнас ыдждөдлөмысь, а
юрас вирдыштис: «Мыйысь тайө сідзисө меліасьө?» Тіралысь
кокъяснас воськовтис жырйө, сувтис өдзөс дорас.

— Лок, мися, воськовт да пуксы пызан дорас.

— Аттьө... Ме сулалышта.

— Кокъясад правдаыд абу. Праздникөн, Петрөвич,— ме-
ліалис Мамонтов.

Кор Лазар пуксис, Прокө орчча шкапысь перйис партө-
вөй доз, кык румка, нянь шөрөм, сола ельдөг да пуктис пы-
зан вылө. Лазарлөн весиг синьясыс шармунисны: «Мый во-
дзын бара?» Көзяин тыртис румкаяссө, мыччис өтисө Лазар-
лы, а кор юисны да няклялісны нянь сорөн сола ельдөгсө,
матыстчис да джын гөлөсөн шуис:

— Делө эм, Петрөвич. Надейтча тэ вылө.

— Ме пыр дась служитны верой и правдой.

— Вот и бур. Колө лэчывны карө, нуны срочной пакет.
Сөмын, медым некод эз казявлы, ковмас туйө петны войнас.

Казяліс Лазарлысь шемөсмөмсө да гөгөрвоөдіс:

— Он подөн. Сета верзьөмөн ассыым Воронкоос. Эн жа-
лит, тэрмөдлы. Вөлөкъясөд позьө ньөжмөдлыны, сет лолышт-
ны. А Дереваннойө да Ручө эн сувтлы. Аныбын, шыөдчы
сотской Казаринов Семө ордө да сет со тайө гижөдсө. Ворон-
косө сы ордө колян. Казаринов тэныд сетас мөд вөлөс и мө-
дөдас ямщиккөд Шойнатыөдз. Сэсянь бара жө менам гижөд
серти нуасны Көрткерөсөдз. И тэ суткиөң карө воан. Сөмын
некөн эн узьмөдчы. А мед туяд доддын он кынмы, со тайөс
сьорад босьт, да эн горшась, мед карөдз тырмас!

Лазар сөмын юрнас сөгласа довьөдліс. Неуна чөв олыш-
төм бөрын Мамонтов перйис жилетка морөссьыс вит шайта,
сы мындаыс Лазарлөн и во чөжөн өдвакө чукөрмыліс, да
шуис:

— Тайөс туй вылад да бөр локтігкежлад. Бура ветлан да
воча кыв кө ваян сысянь, кодлы адресуйтөма пакетсө, вот
мынтөмсьыд мезда.

Лазар эз виччысь татшөмсө. Вит шайта да ещө и вот
мынтыны оз ковмы, быдса мөс позяс ньөбны. Татшөм дон

вылад сійо вöлі дась көть пуан сир пöртйö. Радысла сöмын и артмис:

— Петнысö туйс кор?

— Талун жö. Пасьталан менсьым пасьöс, көмалан кучик сапöгöс, көч ку шапкаöс. Войясыд öд көдзыдöсь на. Мися, бура кө вöчан тшöктöмöс, и паськөмсö аслыд кольöдан. Гор-тад эн пырав — гöтырыдлы асьным юöртам.

И кор сиктса петукъяс горöдисны войшöрса «ку-ка-реку!», Мамонтов гидня дорсянь скачöн öдöбтис воронöй вöv, код вылын пукалис сьöд паяс, көч ку шапкаа морт, да саялис пемыдас.

Сылы колö тэрмасьны, ёна тэрмасьны, öд куим лун мысти кулөмдинсаяс чукöртчасны скод вылö...

XI

Тövбыд кыз йи улын чöла куйлөм бöрын, тулысьявыв Эжва заводитö зэвтны вынсö, вочасөн пöльтчö посни шоръяс, ёльяс да юяс тшöт весьтö, кодъяс водзджык мездьсыöны лым эшкынысь да чепöсийöны Эжва-мамныслань сяльгысь-дзольгысь шыясөн, а сэсся öтувтчалöны да вынсялöны, заводитöны ызгыны-бузгыны, путкыялöны асланыс туй вылын паныдасьысь вужляяс, буждöдöны берегъяс, вöтлöны тövся чукөрмөм став няйтсö. Эжва кыпöдö аслас морöс вылысь йисö, вочасөн чегъялö сийöс, йёткö, чöжö вынсö да ыльöбтöмөн вöтлö-весалö аслыс туй, медым сэсся лöня кывтны тувсов гож водзын дзирдалөм-нюмъялөмөн.

Тадзи овлö и йöз кост олöмын. Чöжсяс-чукөрмас нартитана йöзлөн терпеннöбьис, скөрлуныс да и петас-ызгысяс ортсö морöс пытшсьыс. Тадзи вöлі роч муын важысянь. Тадзи вöлі, сідз шусяна, смута кадö дворяналы, бояралы, воеводаяслы да мукöд озыръяслы паныд царь Василий Шуйский дырйи беглöй холоп Иван Болотниковлөн веськөдлөм улын крестьяналөн восстание дырйи, 1606-öд воö. Тадзи вöлі 1673-öд воин донскöй казак Степан Разин юрнуöдөм улын нартитөм-увтыртөм йöзлөн крепостническöй стройлы паныд тыш дырйи. Тадзи вöлі Екатерина втораялөн престол вылын пукалан кадö Емельян Пугачевлөн веськөдлөм улын крестьянскöй вöйна дырйи.

Кулөмдинын көть эз вöвны ни бояра да помещикъяс, эз вöv и крепостнöй право, но вöліны чиновник-взяточникъяс, кулак-мироедъяс, кодъяс польдисны гöль крестьяналөн нылөм-пöсь весьтö; уна во дорвыв явö и гусьөн пычкисны незаконнöй вотъяс да недоимкаяс, озырмөдчисны «государевöй казна» нимөн. И государственнöй, сідз шусяна «вöльнöй кре-

стьяна» пöвстысь петісны правда вöсна сувтысьяс, прöстöй йöзлөн ныршикъяс.

Сиктса скод вöлі шуöма чукöртны благовещенье бöрын куим лун мысти. Но гöлöва Мамонтов эз тэрмась — виччысид уездса начальствоöс, гашкö, и пöлицияöс: на дырйи кокниджык нюкыльтны синсбытöм Елесь Габöос.

— Мамонтов мыйкö наянитö,— шуис ёртъясыслы гуся чукöртчылігөн Гаврил Елисеевич.— И оз весьшөрö. Чайта, котыртö аслыс шайка, тайöс лэдзны оз позь. Делö дорö оз сибöд Иван вокöс. Кыйялöны шурин Герасим керка гөгөр.

— Мый нö вöчны?— юалис вокыслысь Родион.

— Аски жö чукöртны скод, медым сьöд Прокö тöдмөдiс, кутшöмджык вот кöсийö перйыны таво вылö. А сэки тыдовтчас.

— Но кызди чукöртан?— артмис Педөр Турьевлөн, кодысь гусяыс Габöлөн нинöм эз вöв.— Он öд быд керкаö десятскöй моз таркөдöмөн юөрт.

— А ми таркөдтөг, быд паныдасысьылы, быд ёртлы...— шуис Гаврил, нюмъевтiс да содтiс:— Сэссия, шуам, гöтырыд водз асывнас петас вала. Сiдз. А тэ сылы шöпнитан: талун пö скод чукöртöны, медым пö став мужичöйяс локтасны. Родионлөн гöтыр мөд юкмöс дорын. Менам — коймөд дорын...

— Мудер тэ, вокö. Абу мудер, а вежöра,— ошкыштiс Родион.— Тадзинад и збыльысь талун жö став кулөмдинса кутасны тöдны скод йылысь. А кутшöмджык кадö индыны скодсö?

— Та йылысь думыштi жö. Вичко ыджыд жынниан юөртас колана кадсö.

— Но кодi кöлөкөльняас каяс?— юалис Герасим.

— Ачыс Звöнар Пашко, дерт, оз смелмөдчы.

— Но кодi нö?— шыясис и Габöлөн пыр чöv олысь медичöt вокыс — Михайлö.

— Ачым. А ог кö, кодкö пелькджык на сюрас. Сöмын эн вунөдöй: миянлы колö лоны стен кодь топыдөн-крепыдөн. Öтувйөн ми — чегны позьтöм вын!

Йöз садьмытöдз на Габöлөн пиыс, Пилип кытшовтiс вичко гөгөр. Весьлунö Звöнар узьö аслас стөрöжкаын. Клёнгыны-чуксавны веруйтысьясöс оз ков. Узь пöттöдзыд да видзöд мича вötъяс. Кöлөкөльняö кавшасылыны вичко паперть öдзöссиянь ортсысяньыс тшупөдөн тэчөм кирпичьастi да валэччан трубаяс кузя том йöз велалісны ичötысянь. И зон пелька кайис вывлань, кутчысис көрт перилöö, зэвтiс сой вынъяссö да регыдөн лоис колана местаын. Сэссия шыавтөг лэччыліс пытшкөсса поскөдыс да папертьсянь пыран öдзöс дзирйö сюйис чегөм коса пом: видлы пырны, кор дзирйыс

топодо кортсо да оз сет воссыны одзосылы. А лэчынысо Пилялы абу сьокыд: Звонар Пашлон, медым асья звонитны эз ковмы порысьо-нэмо пошиктөмон кыподчыны колөкөлняодз, лэдзома ыджыд жыннянсянь ёнкодъ гез, кодон и дойдло жыннян кывсо. Тайо гезйыслысь помсо Филип кыскис-лэптис сажень кык вылно колөкөлня да соборкостса вевт выло.

«А оні виччысьны, кор батьлон керка весьтысь чепосья сьод тшын. Индом кадодз мамо пачсо оз ломты»,— аслыс шуис зон да вылысянь заводитис видзодны сикт выло. Со вичко дорын Полудиевлон лавкаыс, орчон кык судта управа — сылон жо керкаыс, а подвалас-гобочас — чижовка. Неылын — Мамонтовлон да зятьыслон, Русиновлон, керкаясыс, кодьясос тшуписны во-мод сайын. Гора вевдорын бара жо кымынко кык судта керка — вермана олысьяслон. А сэссия... А сэссия Эжва берег и шор улича полон ляпкыдик рыныш кодъ, юр пола вевтаяс — катыд помсянь кывтыд помодз — быттьо син полаосъ, кильчотомосъ, вежынтчёмаосъ порысь Огашлон пиньтом вом моз. Лунвывлань, Эжва сайын — Носим, сати юыс песовтчо Кужлань, коди оз тыдав, верст сизим сэтчодз. Войвылын — Дон сикт. Коть и оз тыдав, но сиктбердса джуджыд мыльксо аддзан. «Сэтчос водз садьмысь тьотояс, конко, виччысьоны нин ломтом пач дорын Ыджыд тысь чери кыйысьясос»,— мовпало сюсь синма зон да оз вунодлы видзодлыны батыс керка выло. А сьолөмыс: «Тук-тук-тук»,— быттьо вөзйысьо дукос увсяныс ортсо.

Со нин тшыналісны да заводитисны ваймыны пачьяс и куломдинсалон. Дырджык узьоны Мамонтов, Полудиев. Наны тармасыны некытчо: удитасны на!

Сикт важон нин садьмис асья унмысь, туй ловзис: керкаысь керкао, сарапан бож дорсо кутыштөмон, котралісны бабаяс, оти-модласянь тшыг скотлы турун зород пьдос колясьясла моддчисны сийос-мегырсо одва кыскысь вөвьясон мужичойяс. Пилялон кутис бырны терпенньоыс, од со ыджыд югыд нин, эз ко вөв кымора, эсько Эжва катыдса яг весьтын шонди нин ошаліс. И сэки бать керка весьтын трубаысь чепөсийс сьод тшын: мамыс озтис сирод чаг.

«Бом-був-бом! Бом-був-бом!..» — шызьөдіс куломдинсаясос ыджыд жыннянлон ылөдз кылана горыс.

Звонар Паш эз на удит гогороны, мыйла сытог шыасис колөкөлня, а Филип шурснитис нин кушенчаа кинас гез кузя колөкөлня да соборкостса вевт выло, чеччыштіс кык сыв судтасянь вичкобокса джуджыд толао, быттьо кузь пожом вывсянь ур. Бур, мый лымйыс войладор боксяныс абу на воли ена сылома, да и войыс небыд воли, чарөмтом. Сөмын

шуйга кок лапаяс мыйкө ёнтыштис, но пось вывсыд эз и ка-
зявлы, воис гортас да порогсө воськовтөм бёрын долыда
юёртис:

— Ставсө вёчи, кызди тшөктин, батьө!

— Молодеч! А мыйла нө чотан?

И сөмын сэк кылис зон, мый заводитө доймыны шуйга
кокыс. Нюмдөмөн вочавидзис батьысы:

— Чеччыштигөн, буракө, чорыдджыка зутшкыси.

— А ноны, Дарья, пөрччөд питө да өдийдзык шонид
турун ваын коксө пөж. Чукөст Огаш ичиньтө, сийө татшөм
делөясак мастак,— еджыд дукөссө пасьталиг, тшөктис бать.

— Ме вола жө...

— Он! Куйлы да кывзысь мамыдлысь да Огаш тьөтөйд-
лысь,— тшөктис бать. А сылысь кывсө ни Пилип, ни мамыс
некор эз вуджлыны.

* * *

Ыджыд жыннан шыысь Мамонтов звирк чеччис вольпась
вывсыс. «Оз-ө нин сотчы көнкө?»— воис вежорас. Улыс
дөрөм-гач кежсыс чепөсийс өшинь дорө да шай-паймуни:
управалань сикт кыкнан помсянь мөдөдчисны мужичөйяс,
кияснаныс шенасисны да, буракө, ас костаныс вензисны-төл-
куйтисны. Черьяс, багырьяс ни ведраяс некодлөн эз вөвны.
«Сидзкө, абу пөжар»,— гөгөрвоис гөлөва да тэрыба пасьта-
сис-көмасис. А сэк коста управа дорө чукөрмис нин морт
ветымын, и йөз чукөрыс вочасөн содис. Мөдысь өшиньө ви-
дзөдлігөн Прокө казяліс йөз чукөрысь еджыд дукөса Габөөс.
Сыкөд орччөн сулалисны Родион да Мишка вокьясыс, Гера-
сим Сладкоштиев да став «разбойной голытьба-гөрлопаньяс»,
кодьяслөн мөд во нин артавсьөны недоимкаяс. «Но коді нө
джыннианас клонгис. Гашкө нө Звөнар Пашкоөс ышөдисны.
Стөкан самөкур вылад сийө дась көть и дявөллы, служит-
ны,— мөвпаліс гөлөвалысь медальсө сьыліас өшөдіг да зеп-
тас казенной печатьяс дзебиг.— Но морө, петкөдла ме сылы
пуж!»— коймөдысь өшиньөд видзөдіг казяліс, кызди куим
мужик кыкисны управалань пыксысь да мездысьны зильысь
зятьсө — писарь Митрей Русиновөс, мөдласянь вайөдисны
вот чукөртысь казначей Мирон Тимушевөс. Гөлөваө канди-
дат Ефим Попов да старшина Кузнецов сөмын на тыдовтчис-
ны сикт шөрын, найө тэрмасисны управалань. И сөмын сә-
ки, кор матысмисны сотскөй да десятскөйяс, кодьясөс индав-
ліс ачыс, Мамонтов смелмөдчис петны управа керкаө. Бөр-
сяныс, Елесь Габө юрнуөдөм улын ызнитисны-пырисны вар-
овмөм мужичөйяс.

Лөз нойон кышом пызан сайо пуксьом бөрүн Мамонтов ортсыодис морөссыыс медальсо — властьлысь символсо — да стрөга, но ньөжйоник, медым ставон кыласны (а унаон управа пытшкө эз торны да сулалисны восьса өдзөс сайын ыджыд посводзын), юалис:

— Мыйся асныралом? Коді тиянос татчө корис? Мый колө?!— содтыштис гөлөссө. Сийө быттьө морөснас кылис, кыдзи мырдон вайөдом да мыш саяс сулалысь писарь Русинов да казначей Мирон Тимушевлон повзёмнысла тиралоны кокъясыс.

Управао чукөртчөмъяс чөв олисны. Мамонтов збоймыштитис.

— Тани государственной учреждение! Ме ещө отчид юала: мый, мися, тиянлы колө, мый көсьянынд?

И сэки пызан дорө матыстчис Елесь Габө.

— Тэ лөньджыка сёрнит, гөлөстө эн лэпты. Горзөмыд-чиршөдлөмыд оз отсав,— шуис гөлөвалы.— А көсьян кө төдны, мый колө ставлы, сёрнит обществокод төлка-лада.

— Но ме көсья төдны...

— И төдмөдам. Мыйла ті көсийлинныд обществолысь скодсо нуөдны төрыт, но ылөдинныд да некодлы эн юөртөй? Вочавидз.

— Виччысям уездной начальствоос.

— Медым повзөдны гражданинаос?

— Мый, тайө допрос? Но ме тани гөлөваыс, а абу Елесь Габө!— заводитис скөравны Мамонтов.

И сэки суитчис Герасим.

— Гаврил Елисеевич сёрнитө общество нимсянь.

— Көзяиныс тани ме на, ме и распорядитча!— морөсас тувкис сьөд Прокө.

— А ми корам төдмөдны обществоос, ыджыд-ө вот ковам быдөнлы мынтыны,— шыөдчис Родион.

— Уездной начальство вотөдз да вынсьөдтөдз нинөм ог висьтав!

Габө гөгөрвоис, мый Мамонтов наянитө, и сыкод бурөн ладмөдчыны он вермы. Сийө гөлөссө содтытөг шыөдчис чукөртчөм йөз дорө:

— Кывлінныд, мужикъяс? Уездной начальствотөг пө нинөм ог висьтав. Правоыс, буракө, абу. А кутшөм право серти тэ, Мамонтов, доран колодкаө да видзан чижовкаын бөбыльясөс, пөрысьясөс да пычкан налысь недоимкаяс? Кытысь недоимкаясыс артмисны?

— Сө кристос, дорліс куим сутки кежлө да видзис чижовкаын. А мый менам эм, кутшөм нажөткаысь мынта вотсө?— йөз чукөрсянь шөшкильтис пиньтөм Пөлик дед, коді кынөмпөтсө шедөдө христа радион корөм помысь.

— Кывлін, Мамонтов? Мый вочавидзан Пöлик дедлы либö Педöр Турьевлы, кодлөн семьяыс олö тшыг нисьö пöт? Кутшöм право серти тэ да зятъид быд мужичöй вылö тувъяланныд öтыджда вот, а онö вермöм да озырлун серти?

— Дышъяслы некор озырлуныд эз да оз и шедлы!— горöдчис старшина Кузнецов.— Колö водзджык садьмыны да сёрöнджык водны.

— Тэ, ва шыр, ланьт! Корсянь нö нин тэ да Пöлудиев водзсö садьмылинныд? А воттö мынтанныд ставкöд öткодъöс.

— Правильнö, Габö! Кырссый найöс, вир юысьясöс!— горöдисны öтпырйö некымынөн порог дорсянь.

— Его императорскöй величество водзын ставөн öткодъöсь,— смелмöдчис писарь Русинов дорйыны тесьсö.

Но тайö сöмын ызъöдис йöзöс. Герасим петис водзö да крапкис:

— Сарöдз — ылын, енмöдз — ылын. Со мыйла тi и кулянныд гöль йöзлысь кучиксö!

— Тэ öд ачyd сар дорöдз ветлöмыд, мыйла нö и енмöдзыс эн кавшасьлы!— гежöдик пиньсö жерйöдлiс Мамонтов.

— Вöтлыны сьöд бубуляöс пызан сайсьыс!

— Мырддьыны медальсö!

— Асьсö дорны колодкаö!

— Ешö и жерьялö...

Быд пельöссиянь горзiсны збоймöм мужикъяс.

— Ланьтöй, скöтъяс!— камöбтiс лöзöдтöдзыс скöрмöм Мамонтов.— Властьлы паныд мунны?! Тюрьмаö кöсьянныд?

Габö матыстчис Мамонтов дорö да чорыда шуис:

— Ми кö скöтъяс, тэ тайö скöтсö джагöдлысь кöин! Пöрччы медальтö да пукты печатьстö.

— Тайö нö... Бунтуйтны? Ме губернаторлы...

— Кöть сэсса кодлы... А öни пöрччы медальтö, а то медаль чеп йылас и öшöдам. Но!..

Эз кöсйи татшöмсö Габö, но Мамонтов ачыс вайöдис та-öдз. Мамонтов пикö вöмөн видзöдлiс скод вылö чукöртчöм войтыр вылö, но дорйысьясыс вöлины этшаөн. Да и йöзыс ёна скöрмисны. Сэтчö жö Елесь Габö котыр... И сийö пинь пырыс моз шуис:

— Эв кö нин кöсьянныд, обществолысь скодсö шуам восьтöмөн. Сöмын, гражданина, кора: энö ёна горзöй, медым гөгöрвоинныд ставсö...

Мамонтов пыр на надейтчис аслас посол, син пöла Лазар вылö: «Арталöм серти Лазар воис öти суткиөн. Гражданскöй исправник Волков дыр вылö перекладнöйясөн воас талунаски. Эв на вермас лоны, сьöрсьыс некымын полицейскöйöс

ваяс. А сэки... Видзёдлам, коді кодос. Кодлы пуксыны тюрмао, а кодлы козьяинон лоны?»

Нем виччысьтог кыліс Елесь Габолон вынйора голосыс:

— Йозодам общественной приговор! Куломдинса крестьяна отвылысь шуисны...

Мамонтовлон чошмунисны пельясыс. «Шуисны» кывсө тодчодомыс быттьо сьокыд кувалдаон камгис сылы юрас.

— Тавося апрель первой лунсянь вештыны удж вывсьыс онийодз вовлом голова Прокопий Мамонтовос, сылысь зятьсө, Митрей Русиновос налогъяс-вот перйомын властьысь вывти муномысь да крестьянаос дзескодомысь,— лыддьодліс Елесь Габө.— Шыодчыны уездной да губернской начальство дорө, а ковмас ко и царствуйтысь государь-император, его величество Николай Павлович дорө, медым мододасны следственной комиссия да видлаласны мянлысь став водзти гижлом жалобаяс!

И керкаын юрөбтис:

— Пра-а-вильно! Правильно, Гаврила Елисеевич!

Татшөм голосъяс бөрас йожгыльтчисны и Русинов, и старшина Кузнецов, и казначей Мирон Тимушев... Скод выло сөрөнджык воом Ондрей Пөлудиев, коді эз нин удит пискөдчыны другъяс дорас да сулаліс посводзын бөрьяяс лыдын, кань моз гусьоникон кыйкнитіс гортас.

— Кыдзи тиян ногон, куломдинсаяс?— юалис Габө.

— Кыдзи тэ — сидзи и ми!..— кыліс сө голөса воча кыв.

Елесь Габө шылькнитіс дзормыны заводитчөм гөгрөс устошсө, нюмьөвтис да шуис Мамонтовы:

— Верман чечыны аслад улөс вылысь. Пөрччы сьылісьыд медальто да пукты пызан выло государственной печатьяссө. Тэнө чөвтө общество.

— Тайө — насилие!— тіралан голөсон чилөстис Прокө. Но вөчны нинөм — пөрччис зарни чеп йылын морөсас ошалысь медальсө, перйис зепсьыс государственной герба резиновой да сургучной печатьяс, пуктис лөз нойон вевттьөм пызан выло да букыша видзөдомон шуис:

— Ставсьыс вочавидзан, Габө. И он мыной розгаысь ставныд. Да, да, ставныд!— грөзитис вовлом голова.

— Родион, Герасим, лэччөдой сийос кутузкао, мед ыркалыштө,— тшөктис Габө.

И кор Мамонтовос нуөдисны йөз чукорын воссьөм колас-тод подвалө, коні неважон на вөлі Елесь Габө, вовлом голова эз лысыт видзөдлыны сиктса ни оти голь мортлы синьясас. А видзөдліс ко, адззис помтөм лөглун да нимкодясьөм.

Колө вөлі мыйкө вөчны, мыйкө шуны сиктса крестьяна-

лы... «Мамонтовос арестуйтм, медальсö да печатъяссö мырд-
дим, а сэсса мый?»— пессис юрас Елесь Габöлөн мөвп. Но
эз дыр. Крепыд вöля да решительной морт öдийö аддзис
петан туй.

— Мужикъяс!— шыödчис сийö скод дорö.— Ми вöчим
джын делö, мездисим мыйкö дыра кешлö нартитысьысь. Но
кöзянтöг, шулöмаось, керкаыд абу керка. Уездысь началь-
ство да ревизор вотöдз колö бöрийыны выль гөлöваос.

— Но öд эм гөлöваö кандидат,— кылис веськыдвывсынь,
көнi сулалiсны крепыдджыка олысь мужикъяс.

— Чöрту кандидаттö!— öттшöтш вочавидзисны гөл-
войтыр.

— Мамонтовкöд öтвылысь вирнымöс пычкисны!

— Гаврила Елисеевичöс!

— Габö-ö-с!— юрöбтiс зал.

— Энлöй, энлöй!— лөнъöдiс Габö. И кор ызгöмыс лөн-
ныштiс, лабутнöя содтiс:— Менö оз позь. Öти-кö, ме зэв
скөр...

Залын серöктiсны.

— Мöд-кö, уездной начальство, а вермас лоны и губер-
няын, шуасны— лöгыс ради пö став вöлöстьсö Мамонтов-
лы паныд ышöдiс,— водзö нуöдiс Габö.— А тайö сöмын
кывыв сылы лö. Колö, медым тайö печатьсö кутiс да госу-
дар-императорлысь власть медальсö нöвлiс морт, кодлы
общество эскö, дöверитö, медым сулалö йöз дор, дорйö, а оз
кедзовт найöс, олö налөн тужа-нужаясөн. Ми,— чорзьöдiс
гөлöссö Гаврил,— огö его величество император Николай
Павловичлы да сылөн престолонаследниклы паныд мунö, а
сöмын асланым меставывса нартитысьяслы паныд. Правда
ставсьыс дона. И ми сийöс корсям. Герасим неважөн воис
Питерысь. Эскам, мый мяян норасьöм оз вош весьшөрö.
Россия-матушкалөн сар Николай Павлович гөгөрвоас мян-
лысь курыд синванымöс.

Эз тöдлы Елесь Габö, кутшöм кыввора вöлöма. Пыр-
джык зумыш, лишной сёрнитöм йöз водзын. Кор ковмис кыв
кутны ставсьыс, сийö лоис Онисим поп дорысь бурджык
проповедникөн. Весиг гөгрöс чужöм вылас пöсь чепöсийс.

— Ме думысь,— чöv олыштöм бöрын шуис Габö,— власть
медальсö да гербöвой печатьсö позяс дöверитны...

— Петырлы,— шыödчис орччөн сулалысь Герасим.— По-
пов Петырлы. Сийö мужик шөр овмöса, но пыр гөльджыкъ-
яс дор.

— Сöгласнойöсь!— ошкис скод.

— Абу горш рöдысь,— кывкёрталiс Габö.— А нолтö,
Петрöван, петкöдчыв йöз водзö.

Мужикъяс чукорысь петіс лöz ноя пызан дорö дөмаса азяма, пелькиник тушаа мужичöй.

— Ачыд ещö швеч-Петырөн нимтысян, а азам соскыд пыр дөмаса,— серамö бергөдіс Габö выльөн бөрйөм гөлөвабс. Тайö бара кыпөдіс мужикъяслысь серам да ошкөм:

— Немас-дөмас...

— Медтыкө суниссö бура кужис путшкыны, а дөмасыд сюрас...

— Кулөмдинсаясыд өд абу нинкөмөн вузасьлөмаөсь...

Ыззысьясөс лөньөдіс Габö:

— Чөвлөй, контусь карсаяс! Серамыд да шмонитөмыд ас местааныс колöны. А тэ, Петыр Матвеевич, скод кö сувтіс тэ вылын, пуксы тайö пызан саяс.

— А мый колö вöчнысö?— раминика шуис шөйөвошөм мужичöй.

— Кывзам писар Русиновөс,— водзö юрнуөдіс Гаврил.— Мед висьталас, кутшөм вот арталісны тесьыскөд мян сьылі вылө, кутшөм недоимкаяс көсйöны чукөртны.

Митрей Русиновлы воштысьны некытчö. Керка тыр йөз, а син водзын он чепөсйы, он небось сывдысь. Ва вылын тіралысь леторос кодь, дзöран кияснас перйис ящикысь ведомость да нюжөдіс выль гөлөвалы, но Петыр вештіс ведомостьсö да шуис:

— Ті Мамонтовкөд лөсьөдинныд, тэныд и йөзөдны.

И мыйөн сөмын төдмасисны, мый кольөм вося серти быд мужичöй душ вылө да рекрутскöй сбор вылө вотсö содтөмаөсь матö кык пөв, лыбис сэтшөм зык, мый өшинь стеклөясыс муртса эз потласьны.

— Мый нө, кольөм гожөмын няньным унджык воис?

— Гашкө, мөсным ставнымлөн кык куканьөн вайсис!

— Бөръя кучикнымөс кульны лөсьөдчөмаөсь!..

— Кутшөм закон серти?..

Матвей Петыр өдва лөньөдіс скодсö. Ковмис суитчыны и Габöлы.

— Русиновлы вочавидзны нинөм!— зыксö вевтыртіг ыджыд гөлөсөн шуис сійö.— Гижөмаөсь пөтөлөкысь. Вайö, мужикъяс, шуам сідзи: ревизия вотөдз вотсö не примитны. Сöгласитчам кö, сөмын джын вылас. Ме вözья— ёна гөльясөс мездыны вот мынтөмсьыс да на пыдди содтөд суйны кыз рушкауяс вылө. Тайö— өти. Мөд-кө, тшыгъялысь семьяслы магазейя кумысь выль няньөдз сетны көть нин пудйөн душ вылө нянь. А та могысь...

— А магазейсыс өд ключыс Пөлудь Оньö ордын,— шыасис кодкө.

— Сдайтас, некытчö оз воштысь,— вочавидзис Габö.—

А нянь юклыны ковмас комиссиян, сылы жö и список лöсьöдны нуждайтчысьяслысь.

— Вот тайö правильно!— горöдисны мужикъяс.

— Тэныд эськö коліс лоны гөлöванас!

— Бөрйим нин да,— нюммунис Габö.— А сылы отсавны бөръям вит мортöс да выль выборщикъясöс.

— А казнасö, чукöртöм деньгасö код ордö?— шыöдчис кодкö.

— Пöлинö, муртса эгö вунöдöй. А нолтö, вöвлöм старшина Кузнецов, восьтлы кöрт ящиктö, уна-ö тэнад сэни? Да эн ышнясь, а зільджыка.

Решеткаа чуланьсь петкöдисны казна ящик, восьтісны, арталісны.

— Стöч кык сюрс шайт. Ассигнациясөн,— юөртис Елесь Иван, кодлы тшöктісны лыддыны деньгасö.

Сэсса ящиксö бөр игналісны чуланö да ключьяссö сетісны выль гөлöвалы.

Русинов да Кузнецов та бöрын кöсйылісны петны, но Матвей Петыр мыйкö шöпнитіс Габöлы да шуис:

— Скод нимсянь тиянös йöртам Мамонтов дорö. Отлаын гажаджык лöө виччысьны уездной начальствотö. Петкöдöй найöс чижовкаö да крепыда томналöй.

Мöд юкөн

КÖИНЪЯС ДА ЫЖЪЯС

I

Тулысын Кулөмдинса крестьяналөн коймөд юкөн семьясын ыджыдлун кежлö эз нин пöжавны пирöгшаньга. Магазиысь юклөм этшаник пызьсö видзисны че-пöльясөн, сорлалісны гырйын поснөдöм кос ныв пу кырсь пызьөн, идзасөн, жугйөн. Кодлөн выльөн лысьтісны мөсьяс, кылöдисны курыд няньсö йөлөн, сола тшакөн да капустаи. Но и тайö вөлöгавыс эз быдөнлөн вөв тырмана. Татшөм тулысыс сиктын абу нин медводдза. Сё ветымын семьяысь ветымыныс тувсавлісны тшыг нисьö пötөн. Мужикъяс элөдлісны тасмаяссö, пыктөм кынöма нывбабаяслөн кадысь

водз чукырössылысны лөзөдөм син доръясныс, гачтөм-көм-төм челядь шондіа лунъясө пөжсисны гожд водзын либө йөжгылясисны поснидик өшиньяс дорын да вичысисны мамныслысь көть нин кутшөмкө кынөм пөрийөг.

Сэтчө жө, кыскө воис сьөд висьөм, синіс сідз нин эбө-сысь усьөм йөзөс. Весиг выль вичко стрөитөм ковмис дугөдны. И быд вежон кладбище вылын содісны выль гуяс, кыптісны жугыль крестьяс. Да, дзескыд кад воис Кулөмдіно.

Сиктбердса туй пөлөн да водз кушмөминьясын довья-лісны чурвидзысь ордлыа вөвьяс, нюкыртчөм вөраа мөсьяс. Сөмын ыжьяслы вөлі кокниджык. Найө лэчыд пиньнаныс йирөны керка бердө вайөм пипу да пожөм кражьясысь вижоват кырсьсө. Лымйысь кө мездмас асланыс ку пасьта му, ыжлы шедө нин көрымыд.

Ловзьө тувсовья му, писькөдчө ёсь йывнас вежд турун. И тшыг мортлы гөньө гумйыд сөян, пожөм ли перйө, коляоз өктө, а сөсса и шомкор коркө-некоркө петас. Бара жө нюкыртчөм рушкүтө поэбө тыртны. Ва вөсьсөмсянь чери позяс кыйны. Но өд колө и гөрны-көдзны. Көть кутшөм сьөкыд, а мужик видзтө медбөрья ид шердынсө, мед нин көть арнас пөттөдз семьясө вердны. Но арсө, выль няньсө оз быдөн аддзывны: өтиясөс тшыг вөтлө озырджык Керчөмьяө да ыліджык сиктьясө, мөдьясөс бөрөн көкөн кыскөны кладбище вылө.

Педөр Турьевлөн гөтырыс косьмис-косьмис да и муніс мөдар югыдө. Педөрлөн кияс вылас коліс нель ныла-пия. Кык писө ковмис нуны Ульянаса манастырө, сетны пөслушникөн, көкьямыс арөса нывсө катөдіс Дон сиктө да медаліс кага видзны көть нин кынөмпөтысь. Оти кагасө босьтіс видзны Елесь Габөлөн гөтырыс, Дарья. Шөгсис Педөр, да юртө өшөдөмнад олөмтө он көкньөд. Сэки и воис отсөг вылө Елесь Габө.

— Ветлы Нэмдіно. Мутө ми ая-пия гөрам-көдзам. А тэ служитышт общөй делөлы, кыскы асладорө сэтчөс мужикьясөс, мед өтувтчасны местной начальстволы паныд. Пожөгө, Помөсдіно да Керчөмьяө ас войтырөс жө сөрнитчыны мөдө-дам. А Иван вокөс да Герасимөс карө ыстылам юөртны уездса начальстволы асланым делөяс йылысь да корны ревизия. «Мед көть шөгсө неуна вунөдлас өтувья делө вөсна төждлунөн — думайтіс Габө.— Мужикыс крепыд характера, ставсө венас».

Матвей Петыркөд да матыссаяскөд сөрнитчөм бөрын скодсянь куим лун мысти Мамонтовөс, Русиновөс да старшина Кузнецовөс чижовкаысь лэдзисны, но налөн керка

бөрся индісны кыйодчысьясос, и вöвлөм кöзевалөн вöлі тöдса быд воськов. А Русинов вежон кык эз лысьтлы гортсьыс петавны.

Кулөмдінын бытбөкө ставыс лөнис. Сөмын гөль йөз збойджыка кутісны ветлөддыны сикт кузя, вöляджыка лөлыштісны. И виччысисны... Виччысисны, мый лоө водзө. Мый ваяс локтан гожөмыс да арыс.

* * *

«Егорей кө — ваон, микөла — турунөн». Тадзи важся приметаяс серти шулөмаось Эжва вожын. Примета эз ылөд: тувсов ёгорей кежлө * ва и збыльысь воссис. Кулөмдін весьтөд Эжва кывтө тэрмасьтөг, лөня, весиг Носим да Куж бердса чукыля коджьясө оз мытшасьлы. И мед кылалө: ю восьбөм бөрын позвө и курьяясө ытва дырйи чери кыйны пыравны да и ветельясөн позяс кыйсьыны. Пыр нин содтөд сөян гөльмөм-рекмөм пызан вылын.

Но Елесь Габөлы черила ветлыны вөлі некор — пырджык Родион воыскөд управаын либө сиктса гөль войтыр ордын. Гөтырыс, Дарья, ёнасө та вөсна эз төждысь: Габө вермас дорйыны асьсө, да и сиктса унджык олысьыс вөліны сы дор. Сылөн став төждлуныс да сьөлөмыс йитчисны мамтөг кольбөм, кок йывсьыс усьмөн слабитөм ичөтик Машук бердө. Отка пыись кындзи Дарьялөн Габөкөд некод эз вөв, и Педөр Турьевалысь нывсө видзис асьыс моз, а гашкө, и меліджыка на. Ещө и сы вөсна, мый Педөрлөн гөтырыс — поконица Оксинья,— вөлі Дарьялөн нывдырся пөдругаөн, да и верөс сайө мунөмныс бөрын пырджык өтлаын юклісны став шөгсө и гажсө.

Гортас вайөм бөрын Дарья пывсьөдіс-мыссьөдіс Машукөс, вердіс пыригтөм нянь сора пөжөм йөлөн, гаровтіс сөстөм рузумөн да водтөдіс шоныд паччөрө, шебраліс ыж ку пасьөн. А сөсся пөшти асья вылөдз вурис аслас важ сөстөм сарапанысь ичөтик платтө, корсис сундук пыдөссьыс Пилиплысь ичөтдырся вурун носкисө.

Асья пач ломтысигкості Дарья петаліс гидө, лысьтіс мөссө. Сійө посводзас на кыліс садьмөм Машуклысь бөрдөмсө, тэрмасьбөмөн пырис керкаас да кайис паччөрө.

— Ма-а-мө... Ма-а-мук... — слабеник гөлөсөн бөрдіс куим арөса кага.

* Тувсов ёгорей — овлө май квайтөд луно.

Дарья босьтис, топөдіс морөс бердас бөрдысь нывкаөс, косөдіс чужөмсө рузумөн да меліа шуис:

— Ме тані, мамукыд, та-ні...— и ыльөбтис нывбабалөн синваис, өти войт усис кагалөн чужөм вылө да быттьө шензьөдіс сійөс: абу мамыслөн кодь төдса мыгөрыс, но сэтшөм жө небыдөсь киясыс, сэтшөм жө мелі гөлөсыс.

Дарья сысьяліс мөс вөра йөвсө, юктөдіс кагаөс. И Машө первойсысь нюмьөвтис сылы, быттьө эскис, мый тайө и эм мамукыс. А нывбаба видзөдіс кагалөн кельыд чужөм вылас, гураньясө вөйөм енэж кодь кельыдлөз синьясас, шыльөдіс сөдз шабді кодь еджыд юрсисө. И морөс вылас курыд гөрөдыс вочасөн небзис-шоналис.

— Донаөй менам... Рөгыд справитчан, кок йылө сувтан, котравны-ворсны кутан.

И бур төждлунөн ныв рөгыд крепаммис. Бандзиб вылас кутис мыччысыны лежнөг йыв дзоридз рөм, бан бокьясыс гөгрөсмыштісны, вом дорьясыс гөрдөдыштисны. Бырисны мича веж кудриа юрсыыс лөм-аняяс.

— Дзик жө нин поконица Оксинья кодь, мичаник,— радліс Дарья.

— Медтыкө мамыслысь кодь олөм-вылөмсө эз төдлы, мед шудаджык вөлі,— шулываліс узысыс кага вылө видзөдіг Габө.— Кодлыкө өд колө жө лоны шудаөн.

И зумышмыліс: «Кымын шудтөм на эм Кулөмдінын, кымынөс виччысьө корысьлөн сумкаыс, оз кө нинөм вежсысь бурджыкланьө? Сар милөсьта,— водзө мөвпаліс Габө,— сійө гөгөрвоас миянөс да кокньөдас олөмнымөс. Мөд ногөн оз вермы лоны...» Сэссия ньөжйөникөн чеччас вольпась вылысь (Педөр Турьевлысь кагасө быдтыны босьтөм бөрын Габө пырджык узьліс гөтырсыыс торйөн), пуксяс кильчө вылас да видзөдө мөвпалігтыр асья кыа вылө, кытчөдз оз быйкнит вөр йывсянь шонді.

А юрас жуөны мөвпьяс: «Мыйла та дыра оз вочавидзны скодлөн шыөдчөм вылө Нэмдінса, Керчомьяса, Пожөгса да Помөсдінса крестьяна? Налөн олөмныс абу жө бурджык. Эз өмөй гөгөрвоана сёрнитны ыстөм йөз? Гашкө, аслым коліс кайлыны? Но оз, оз позь меным энөвтны Кулөмдін. Воасны уездысь, а миян юрнуөдысыс оз ло. Надейтчыны швеч-Петыр вылө тырвийө ог вермы. Дерт, эм Родион вок, но сійө вывті өдйө өзйысь. Вөліны кө гортын Герасим шурин да Иван вок. Но найөс мөдөдім карө. И со матө нельөд вежон нин оз кывсыны, быттьө ваө вөйисны. А өд кад нин бергөдчыны, вайөдны сьөрсыыс уезднөй начальствоөс...»

Пиля коддьомлы ловзъысь тулыс вайё мѳдкоддьджык мѳвпъяс. Вонйын кѳтъ и ыркыдджык на, но маличаа том зонлы тайё веськодъ. Мѳвпнас талун сійё бара вѳлі сикт катыдын, Кужийё мунан туйсянь неылын, кытчѳ рыгъясын чукѳртчылісны гажѳдчыны том йѳз. Пилялѳн син водзас бара кыптѳ мыгѳрыс Насталѳн. Вѳснидик коска да зумыда гѳрддзасьѳм морѳса, вылын юра ныв быттѳ сулаліс дзик орчѳн, кѳнкѳ вон саяс. Кыз кѳсаыс плавгысьѳма морѳс вылас, гѳрд вом дорыс тіралыштѳ, быттѳ кѳсийё прысьмунны серамысь, а кысьмѳм сѳтѳр кодъ синъясыс дзирдалѳны сотысь ѳгырѳн...

Со Пиля мыш сайсяньыс бара кылѳ нывлысь мыла гѳлѳссѳ:

— Войся сюзь моз ѳтнад зутшвидзан...

Пиля дрѳгмуніс, бергѳдчис. Дзик орчѳн сулаліс Наста. Сьѳлѳмыс вѳрзис морѳс пытшкас, заводитіс тѳрыба тіпкыны. Но кутіс радлунсѳ, веськодъпырысь здоровайтчис да вочавидзис:

— Тѳ тай со рыгъя бобув моз жѳ мыйлакѳ петѳмыд кусан кыа дорѳ.

— Мыйла нѳ сы дыра эн петкѳдчыв?— зонлы веськыда синмас видзѳдїгтыр юаліс ныв.

— Висьѳдчи да батьѳ эз лѳдз.

— Коньѳрѳй. Видзѳда да пыр на чотыштан.

Ныв видзѳдліс гѳгѳрбок, абу-ѳ кодкѳ матын да оз-ѳ кывзысь налѳн сѳрнийѳ. Сѳссия матыстчыштіс да шѳпкѳдѳмѳн сорѳн шуис:

— А ме тѳда...

— Мый... тѳдан?..— повзъыштіс зон.

— Тѳда, мыйла висин да чотан.

— Кузь бѳжа катша висьталіс?

— Ас синъясѳн аддзылі...

— Мый аддзылін?

— Да тѳ, Пилюш, эн пов. Ме некодлы, некор ѳг висьтав.

Но и збой жѳ вѳлѳмыд... На, босьт.

И зон аддзис ныв кыысь мичаа вышивайтѳм тугъя пома табак кѳшель.

— Ме ѳг куритчы,— заводитіс пыксыны зон.

— Эн ыдждав. ѳні кѳ он, коркѳ кутан,— мырдѳн сюйыштіс кѳшельсѳ зонлы пытшѳгас Наста да тѳрыба, быттѳ поліс торкѳмысь да йѳзасьѳмысь, висьталіс:— Ме водз асывсянь пукалі аслам жырыын вичколаны ѳшинь дорын, вышивайті тайѳ кѳшельсѳ. Друг ковмуні ыджыд джынниан... Чайті, кѳнкѳ пѳжар... Видзѳда да кодкѳ кѳлѳкѳльнясянь гез кузя

исковтіс, а сэсся паперть вевтянь кыдзи тай звиркнитас толао. Ме пыр и тоді тэнö...

— Сорасьöмыд, ме сэки тар койт вылын вöлі.

— Тарьясыд көлөкөльняад оз койтны,— нюмдіс ныв.— Да и шапка сертийд тоді. А сэсся котөртін. Прокö Савать либö поплөн Питирим тэ моз оз смелмөдчыны. Прöщайтлы, добрöй молодеч!

И Наста тэрыба лэччис горув, быттьö эз и вöвлы.

«Весиг аттьöавны эг удит,— думайтис Пиля.— Окыштны эськө кисьмөм вом дорас, кутыштлыны морөс бердö, да абу тай ми серти вотöсыс...»

Но көнкө сьölөм бердас поздысис надея.

* * *

Шонді пискөдчис тэрмасьтөг. Первойсö сийö гусьöникөн, быттьö кыйөдчис, корсьысис зэв ылі Из гөра сайсянь петан туй, дзевсясис пожөм да коз пу лапьяс улын, кысянь югдөдіс енэжсö, но полис на мыччыны дон кымөссö. А ныв, улыс дөрөм кежсьыс, разьөм көсаа, пукаліс аслас ичөтик жырйын, векнидик слюда öшинь дорын. Елесь Пилипкөд төрытъя аддзысьlöмыс да сёрниыс öні сылы кажитчис вөтөн.

«Но и мый, ме кө восьті ассьым сьölөмөс?— эз нин öтчид юав ассьыс Наста.— Пиля абу сиктса мукөд зоньяс кодь: оз ышнясь да и быд удж выlö сямьс эм. Ас вöснаыс сулавны кужö, а ковмас кө и быдторйысь дорьяс.

Мыйкө гуся, морөс улас дзеваса, кыкис нылөс Габö Пиля дорö. А мый, и ачыс на том вежөрнас эз тырвийö гөгөрво. Гашкө, зонлөн удал-повтөмуныс, гашкө, батыслөн кодь жö зумьд тэчасыс, кузьмөсиник, но мича чужöмыс, паныдасьлігөн мелі видзөдласыс, вермас лоны, и быдлаö сямлуныс? Но мыйкө век жö торйөдіс-төдчөдіс Пиляөс сиктса мукөд зоньясысь. А тайö нин нывлы эз вөв веськөдьөн.

Вөр йывсянь кыйкнитис-мыччысис шонді, сьвкнитис нывлөн лысваасьөм син лысьяс вылас зарни югөрөн. Ныв чышкыштіс еджьд дөраөн синьяссö, ышловзис:

«Некод оз төдлы, некод оз кывлы... А ме тэнö, Пилипушко, некодлы ог вузав, некод выlö ог веж...»— шөпнитис быгөртчөм вом дорьяснас ныв, пернапасасис да вөлись водіс небыд гөн вольпасьö».

«Гымыд чардышттөг оз овлы, битөг некор тшын оз пет»,—
важисянь шулөмаось коми войтыр.

Кулөмдинын лыбөм зык кок йылас сувтөдис уездса, губернияса да весиг стольной карса начальствоос: исправниксянь — Вөлөгдаса гражданской губернаторөдз, а сэсса кывсис и царской министрьясөдз да весиг жандармьяслөн шеф, генерал-адъютант граф Бенкендорфөдз. И быд документын, кодьяс отарсянь и модарсянь мунисны эстафетаон, гижисны: «Вологодской губерниясы Кулөмдинса крестьяналөн бунтуйтөм да начальствоолысь кывзысьтөм йылысь». И эз төдны Елесь Габө да ськөд отвыв мунысыя, мый вөчсьо уна лыда государственной канцелярияслөн кыз өдзөсыя сайын, кутшөм воча кыв воас налөн норасьөм-корөмьяс вылө.

А Кулөмдин виччысис. Виччысис Елесь Габө, виччысис и Прокө Мамонтов. Габө виччысис Иван воксө да Герасим шуринсө, кодьясөс модөдис Усть-Сысольскө, округса управляющей ним вылө письмөон. Прокө виччысис Лазарөс исправник Волковсянь воча кылөн. Бөрө колис ыджыдлун, прөйдитис троица, а юөр некоднаныслы эз во. Мый нө лонис, кытчө вошины нарошнойяс?

* * *

Уездной исправник Волков пукалис жара ломтөм кабинетын. Некымын ыджыдкодь румка вина юөм бөрын (өбедайтны винатөг эз пуксьыв) сийө тшөктис костөдыштны кабинетысь воссян өшиньсө, разис китель кизьяссө да пызан улө коксө нюжөдөмөн нисьө пукалис, нисьө куйлис. Недыр, мысти торкөдчис да пырис письмоводительыс, пунктис пызан вылас пакет да виччысяна сувтис өдзөс дорө.

Исправник жугөдис пакетысь сургучьяссө, восьтис да мыйкө дыра кушмөм плешсө зыралег, лыддис. Сэсса казялис виччысысь письмоводительөс да стрөга юалис:

— Мый нө мыр моз зутшвидзан, Егор? Али мыйкө ещө эм?

— Да, ваше благородие. Кулөмдинсянь нарошной виччысьо тиянсянь примитөм.

— Мед пырас.

Лазар полгтырйи воськовтис порог вомөн, пөрччис шапкасө, улөдз копыртчылис да шуис:

— Ыджыд чолөм, кузь нэм да став бурсө, ваше благородие, сийө тиянлы Кулөмдинса гөлөва Мамонтов да модөдис тиянлы со тайө пакетсө.

— Атгыё Прокопий друглы. Кутшөм сылөн здоровьеыс?
— Сы йылысь, көнкө, ачыс гижө,— смелмөдчис Лазар,— менам делё сетны колана киё пакетсө да виччысьны воча кыв.

— Овмөдчин кытчө?

— Сөмын на вон.

— Сідзкө, мун да шойччы. Деньгаыд эм?

Лазар муртса эз ошйысь вит шайтаён, но ас кадө казяліс да вочавидзис:

— Кос няньтор сьöрысь.

— Эй, Егорей!

Письмоводитель тэрыба пырис, быттьö сөмын и виччысис чукөстөм.

— Нуөд тайöс... Кызди тэнö нимтöны?

— Лазарён. Бать серти — Петрович.

— Нуөд Лазарöс трактирö. Висьтав трактирса көзяинлы менам нимсянь, мед олан пельöс сетас да вердас-юкталас. А тэнö, Лазар, кор ковман, тайö мортыс корас.

Мамонтов, «нижайшöй поклоньяс» да уна лестнöй кывьяс бöрын, исправниклы юөртис, мый Кулөмдинса крестьянаöс властылы паныд ышөдöны Елесь вок котыр да налөн рөдвужыс, а юрнуөдö «бунтарь» Елесь Габö, кодöс Волков тöдö водзти писаралөм серти. Тайö Елесь Габöыс пö нөйтис Лазарöс, кодi ваяс пакетсö, а сэсса пö уськөдчыліс и сы вылө, гөлөва вылө. Благовещенье бöрын Кулөмдинса гөлөва көйö чукөртны скод таво кежлө вот вынсьөдөм могысь, а вотыс, недоимкаясөн, кольөм вося серти ыджыдджык, а та вöсна полö зык лыбөмысь да корö тэрмасьбөмөн локны господин исправникöс некымын жандармкөд, медым лөсьөдны пöрадок, а ковмас кө, и арестуйтны «смутьян» Гаврила Поповöс да мукөд юрнуөдысьясöс, кодьяс весиг вичкоюн поплөн проповедь дырйи благовещенье лунö буянитисны.

И ещö юөртис Кулөмдинса гөлөва, мый общество нимсянь Елесь Габö вермас мөдөдны уезднöй карö ассьыс йөзсö: воксö, вöвлөм салдат Иван Поповöс да шуринсö, Герасим Сладкостиевöс, кодi ветліс сарлы жалөбаён Питерөдз.

Мунны Кулөмдинö? Көть Лазар и воис карөдз кык суткыысь регыдджык, но Волков тэрмасьны эз көйы. «Оти-кө, рөспута заводитчис,— мөвпыштіс исправник,— мөд-кө, кытысь ме срочнöясö босьта жандармьяссö, менам кыин кө сөмын инвалиднöй команда?»

Но не сөмын та вöсна нюжмасис исправник. Сійö эз вöv збойяс лыдысь да лыддис бурджыкөн не суйсьыны «зі позйö», кызди нимтіс ас кежас Кулөмдинöс. «Ачыл пуин рок-

сö — ачылд и паняв!» — кывкорталіс исправник Мамонтов йылысь думайтігөн.

А вöвлöм салдат Иван Поповлөн да Герасим Сладкостиевлөн карö лэччöм йылысь юöрыс тшöктіс пыдісянджык думыштчывны. Губернияса начальство секретной гижöдын тöдмöдіс Герасимлөн Питерö ветлöм йылысь да тшöктыліс Волковлы кутны бөр локтігас, тöдмавны, кутшöмджык норасьöмъяс да кытчö мөдöдлісны, ковмас кө, видзны весиг арестын, а сэсся ветлыны Кулөмдіно да места вылын тöдмасьны делöясөн. Но Герасим тывйö эз шед — көть и быд туй вожын вöліны Волковлөн кыйöдчысыя.

«Сюсь мужик, вежөра, лэчкө юрсö кокныыда оз суй, — гөгөрвоис исправник. — А öні, тыдалö, ас кокнас менам киö воас. И колö чайтны, Елесь Габö бöрын сиктас медся нималанаяс лыдын».

Волков тöдіс, мый кулөмдінсаяс некымын во нин гижöны незаконной денгя перйöмысь жалöба бöрся жалöба. Гашкө, Мамонтов Прокö и збылысь чайтö асьсö удельной князьөн, но кутшöм делö таöдз Волковлы: öнөдз казнаö Кулөмдін обществосянь денгяыс воис исправной, а тайö государственной крестьянасянь — главнойыс. Сідзкө, тöждысьны ёнасö нинöмла.

Волков эз бöрынтыльы, төвся туйөн кө вайлісны Мамонтовсянь йөра туша, пөтка, чөскыд чери. Тайöс лыддылыс козинөн, а эз калымөн. Да и денгяөн кө «козьнавлісны» — эз шулы взяткаөн. Исправниклөн да поплөн зепныс пыдöстөмөсь, уна төрө. Да öтрасөн öмөй тадзисö вöчліс? А кытысь да код тшöt весьтö волісны козиньясыс, сылы вöлі веськодь: öти жалöванной вылад лышкыдатö он овмөдчы.

Трактирса көзяин исправниклөн тшöктöм серти сетіс Лазарлы ичотик пельöс, көсйысис вердны казенной рöщöt вылө надейтчөмөн. Лазар лунтыр шөйтіс карса уличясөд. Шöрас вöліны купечьяслөн казенной стрöйбаяс, а гөгөрыс — ляпкыдик пу керкаяс. Тувсов няйтыс тані тырмис жö. Сöмын Всехсвятительской да Спасской уличяяс пöлөн пу москяс нюжалісны.

Первойсö кабакө пыралöмысь виччысис, вит шайтасö эз көсйи видзны: öд гортас воём бöрын позяс төвнас кувсьöм мөс пыддиыс ньöбны ялавичөс. Куим лун мысти кутіс горт вöснаыс гажтөмчыны. Заводитчис рөспута, и бөр кайны Кулөмдіно оз ло кокни. Воссяс ва, гуйяс тшыкасны — подөн ни вöлөн, да и вит ю ковмас вуджны: Сыктыв, Көрткерөссянь — Эжва, Шойнатясянь — Висер, сэсся бара жö — Эжва, Аныбö да Носимсянь — Кулөмдіно. Сэсся öд и кодза кад вöө. А исправник пыр на эз корлы, мыйкө виччысьö-нюж-

масьö. Кутчысис, кутчысис Мамонтовлөн вит шайта бердö, кызди воймöм кондалөн сисьмысь увйö, и чегис увйис да жмоткысис-уси. Эз вермы терпитны да перйис дöра торйö гартыштöм витасö питшөгсьыс, дыр бергöдлiс син водзас, бөр дзeбис, бара кыскис.

«Пöлтинник видза и тырмас»,— шуис аслыс Лазар, пернапасасис да петалис кабакö, ньöбис пöлöвинка, тупöсь джын рудзөг нянь, сiмыштöм нин сельди. Сэссия игнасис аслас пельöсö да пöрöдис первой румка, исальштит нянь чепöль. Ректис румкасö, весиг эз чукиртчыв. «Роч курыдыд» недырмысьт биөн шонтыштит морöссö, öдйö разалис став вир сөнъясöдыс туша пасьталаыс, чепöсийс юрас да ки-кокас. Лоис кокни да долыд. Мöд румка бöрын Лазар юрын бергалис нин «шондiбан», а пöла синсьыс чепöсийс синва войт.

Но вежöрсö Лазар эз на вошты. Пöлöвинкаыд кажитчис этшаджыкөн, бара петалис тöдса кабакö да ньöбис партöвöйöс. Кока румка бара öти бöрся мöд ветлöдлiс пызан вывсьянь да вомöдзыс. Гудыртчöм син пöла Лазар аттьöалис нин «бур сьöлöма» гöлöваöс да «ыджыд милöстя» енмös, вомгорулас нюжöдлiс:

— Те-е-бе-е бо-о-га-а хва-а-ли-им, те-е-бе-е...

Кылис кө кодкö ортсысянь, дерт, чайтис, мый пельöсса ичöтик чуланын баксö янсöдöм меж.

Кокни заводитны — сьökыд дугдыны. Пельыстöм пыжтö визув ньылыд да пöпутной тöлыд ва шöрöд кылöдöны, косьяс да гыяс вомөн чагйöс моз песöны-чеччöдлöны. Татшöм визулас первой румка бöрын и веськалис Петыр Лазар. Асывнас сйö садьмис юр висьöмысь, быттö кодкö балябöжас нöшкөн тiвкöдис: сэтшöма жувгис-ковгис юрас. Вомыс косьмö, кылыс зуд кодь чорыд, а морöссö нюкиртис-гудралис. Терпитны эськö пöкмеллясö, но Лазар лыддис, мый татшöм висьöмсьыс бурдöдчылöны сöмын...

Пöкмелитчöм бöрын збоймис. Абу öд весь шулöмаöсь: «Чöртыд пö öд содтöд радейтö». Чöртыс сiдзи быттö и шöпкöдö пеляс: «Петав да петав ещö». И Лазар бара петалис партöвöйла да ректис тшыг кынöм вылас: сейны эз пыр, весиг трактирса öбед дорö оз петав.

И мöдис кывтны ва шöрöд пельыстöм пыжөн, кытчöдз витнан шайтыс эз быр. А сувтны оз вермы: ырзьöм пытшкöсыс водзö корö и корö биа васö. Эз вермы терпитны, петис базарö да вывсьыс Мамонтовлысь пасьсö донтöм донысь вузалис... А пась бöрся и кучик сапөгсö коксьыс иналис. Та бöрын трактирö эз нин волив, адззысис ас кодьыс жö другьяскöд... Да и кызди сэссия пасьтөг да кöмтөг локтан трактирщик ордö?

Воліс корны исправниксянь письмоводитель, но трактирщик сөмын кияснас шевгөдліс:

— Мөд вежон нин оз ов. Кытчө воштысис — төдны ог вермы.

...Аддзисны Лазарөс троица лунө Кырувса потшөс бокысь. Турдөма-лөзөдөма вежөдысь турун вылын. Юөртисны исправниклы, корисны пөнятөйясөс, гижисны протокол.

— Но и дурак! — сөмын и шуис Волков да тшөктіс дзебны кладбище бокө.

Вайөдісны кык арестантөс да тшөктісны шойсө идравны. Сетісны рөгөжа, медым гартыштны покойниксө. Оти арестантыс дыр видзөдіс покойниклөн чужөмө, сәсся пыдісянь ышловзис, пернапасасис да аслыс шуис: «Со көні аддзин аслыд смертьтө, Лазарь Петрович».

* * *

Вөвлөм салдат Елесь Иван да Герасим Сладкостиев петісны туйө ва ямны заводитігөн неыджыд пыжөн.

— Войяс өні югыдөсь. Позьө переменаөн пыжад и узьыштны, а Эжва-матушкаыд кылөдас, сөмын бөжав. Энө вунөдөй кыснанъяс босьтны, гашкө и чери курччас. Пыр нин сөян. Да и кыснанасьысьяс вылад полицияыд веськодяджык видзөдө: быдсямаыс өд овлө. Карад начальство дорад кыкнанныд эн суйсөй, бурджык, Иван кө пырас. Сійө писарлы отсасьысь, сылы и кивывджык скодлөн решение йылысь юөртны. А Герасимлы син сайынджык колө лоны, — велөдіс мунысьясөс Габө.

Ямысь ю кузя выльөн сиралөм да мавтөм пелькиник пыж кывтіс өдйө, кывтісны мужикъяс пөшти лун и вой. Берегө петавлісны сөмын сикт костъясө — пувыштны пызя рок, код коста вугралісны кельчи-ёкышьяс, пузьөдны пув корья ва и — бара водзө, сөмын пельысьясныс дзирдышталісны гож водзын либө төлысь югөр улын. Войяс көть и ыркыдөсь на вөліны, но зіля сынысьяс тайөс эз казавны, а недыр кежлө унмовсьыны водлісны пыжпыдөсса пөвъяс вылө вольсалыштөм кос турун вылө лун сьөмөснас, кор шонді меліа шпыннияліс енэжын, а небыдик төв вайліс лунывысянь гөгөрвотөм чөскыд көр.

Карө Иван да Герасим воисны асьяыв. Пыжсө сувтөдісны Изкар улө, көні видзисны асьыныс пыжъяссө сэтчөс олысьяс, лэптисны васянь вылөджык да пөрөдісны кымыньөн. Нуөмысь повны эз ков: быд крестьянинлөн пыжыс вөлі да мукөдлысь некод эз вөрөд. Татшөм вөлі комияслөн важысянь гижтөм закон: мөдлысь не нуны, йөрмөм мортлы отсавны.

Герасим нуодіс другсö важ тöдса ордö, кöні шойччыліс да дзєбсясис Питерö ветлігөн. Клыков Макар оліс кырыывса первой радын, мир туйсянь бокрын, нинöмөн йöз син водзын эз петкөдчыв, лишной сёрнитöм. Сійö эз суитчыв венъясö да пырджык вöлі йöз чукöрысь янасын, быттö табунысь торйöдчöм вöв. Гöтырыскöд кыкөн и олісны, верстыö пияныс важөн нин юкиссны, аслыныс семьяс лöсьöдісны. Куимнанныслы отсаліс кыпöдны виль, квайт пельöса керкаяс. Видз-муысь, керкагөгöрсä град йöрысь кындзи, öткажитчис: пияныслы ставсö юкліс. Тöвнас пырджык оліс Сизь тыбердса яг нöрысö вöчöм ичөтик керкаын, кыйис зверьпöткаöс, гожöм-арын матіса тыысь чери кыйис, вотчис, чукöртіс кузь тöв кежлö пув да тшак, вузавліс карса базар вылын.

Ставсö тайöс Герасим висьталіс кыр паныд кайигөн. Кильчö öдзöсö таркнитöм шыö петіс шөркодь тушаа, паськыд пельпомъяса да кыз сыліа ар ветымын вита ён мужичöй.

— Кодöс нин та воддзасö новлөдлө?— улыс еджыд шабді дөра гачсö öти кинас кутіг, а мөднас гөнсялөм морөссö гыжъяліг, шыасис сійö.— А тайö тэ, Герасим, кутшöм ен нин новлөдлө? Таво мөдысь нин воан. А мөдыс нө коді?

— Вöвлөм салдат Иван Попов. Елесь Иванөн сиктын шуöны,— быттö полкөвöй командирлы доложитіс Иван.

— Помнитан, Питерö ветлігөн висьтавлі,— казьтіс Герасим,— Габö зятълөн вокыс.

— Мый нө ми кильчö вылас зутшвидзам. Пырöй керкаас, воинныд кö нин,— корис кöзяин да бөр гольс игналіс öдзөссö.

Вöлі югыд нин да биасьны эз ковмы. Кöзяин кöсйис мөд жырсьыс пальöдны гöтырсö, но Герасим öлөдіс:

— Оз ков, Макар Кириллөвич. Миянлы эськö неуна шойччыштны.

— Кöсьянныд кö, позьö паччöрын кöть гөбöч вылын. Сарайын, дерт, кодзыдджык на, кöть и гөна эшкын верма сетны.

Мужикъяс пöрччысигкоста Макар пыраліс гөбöчö, петкөдіс пув да тшак тасьті, небзьöм шома капуста, некымын ид көлөб. Сэссия петаліс посводзö да пыртіс косьтöм дозмөр, сола ёді. Ставсö тайöс чукöртіс пызан вылө.

— Милости просим. Нурьясьыштöй кузь туй бөрад,— сьөлөм сетіс пашкыр ус-тошка кöзяин.

— Миян öд эм жö...— заводитліс разьны нопсö Иван, но Макар панийс.

— Талун — менсьым, аски — быдён ассьыс,— тадз, бу-
ракё, шулёмаось.

— Абу дзик тадзи. Миян гөлөва Мамонтов да купеч
Онё Пёлудиев, пöжалуй, мөдногджык вöйпöны. Талун пö
тиянылысь, а аски быдён ассьыс.

— Пыр на вензянныд?

— Весиг ён зыкё воим.

— Да-а,— нюжөдiс кöзяин.

— Подён воинныд? Сыктывсö нö кызди вуджинныд?

— Пыжаось ми, Кириллович. Тiян берегö лэптим да пö-
рөдiм,— вочавидзис Герасим.

— Сидзкö, видзөдыштавла луннас, мед челядь оз дур-
ны... Шуанныд, сэсся зыкөдз асланыд начальствокод воин-
ныд? Оз шензбөд, оз,— шуис кöзяин да недыр чөв олыштөм
бöрын содтiс:— Миян тани сидзи жö... Ставсö курыштöмаось
Сухановъяс, Кузькоковъяс, Комлинъяс, ставнас веськөдлө-
ны. Босьтам көть Суханов-купечос. Абу прöста купеч, а
помещик. Улыс Човйын имение. Сэни сылөн мельница. Кар
шöрын — кабак да магазинъяс. Медпаськыд көдза ыбъяс да
шылыд туруна видзьясыс — бара жö Сухановлөн,— кöзяин
чөв олыштiс. Сэсся шөпкөдөмөн, быттьö полис кодлөнкө
кывзысьомысь, нуөдiс водзö:— А гöль мужикъяс янасаось.
Быдөн аслыс тильө-пессьö. Сикт сиктысь торьялёмаось, öта-
мөд вылас лөгалöны. Слөбөдаса Зеленечсакөд сура празд-
никъяс дырйи косясөн да зорьясөн косясьöны, Көджпом-
са — Кырувсакөд. Вильгортö да Давпонö гөститны ветлыны
полан: оз кö вöлыдлысь гужияссö вундавны либö асьтö
колскөдны, ещö бур на. А поп вичкоын амвон вывсянь лөв-
тö: «Все люди бра-а-тия!» — нерис попос кöзяин.

Таысь, кылö, садьмис гөтырыс да вежос öдзос костөд
мыччис мичаа гартөм бабаюрсö:

— Мый нин равзан?

Кöзяин рама вочавидзис:

— Бур гөстьяс со воисны, вот и сёрнитам. А тэ узь. Оз
кö нин унмыд лок, пет да лук градтö кодйы.

Кöзяйка кыв шутөг саялис. Варовмөм кöзяин кывкөрталис:

— Братья пö. Кутшөм нö меным проклятой Суханов-Шы-
пича — вок, кор мышсьыд кучиктö кульны дась...

Мед не дзескөдны кöзяеваос, Иван да Герасим паччөр
да гөбөч вылө водөмысь öткажитчисны, а шуисны узыштны
сарайын турун вылын, ыж ку эшкын улын. Да и вермас ло-
ны, пыралас кодкө, аддзас паччөрысь бокөвöй мужикъясос
да и разөдас Изкар пасьта, а төв йылö лэдзөм кывтö он кут.
Сарайö жö кöзяева кындзи некод оз кай.

— Кызди кöсьянныд,— сөгласитчис кöзяин.— А ме ог

нин вод. Шонді со петө, лэччыла тiянылысь пыжнытө видзөд-
лигмоз ю вылө. Вой кежлас Сыктыв вом вевдор лыа пöлөн
подольникъяс вöйтавлi, видлавны колö, эз-ö кодкö кöлась.

Эшкынөн шебрасьöм бöрын Иван шуис:

— А прамöй мужик тайö Кириллöвичыс, веськыд сөвестя
морт. Кыдзи нö сыкөд тöдмасин?

— Кольöм арын мянö волiгөн Балин сөветуйтiс. Ковмас
кö пö, корсь Клыков Макарос, сiйö пö надёжнöй, ас морт.
Да и не кö Кириллöвич, менö, гашкö, Питерысь воигөн на
и тшапнитiсны карын либö Сыктыв перевозын. Кириллöвич
кольбодiс войын мöдлапöv пыр Озёлөдз, велөдiс, кыдзи Сёй-
ты да Маджа пыр петны Пезмөгö, сетiс ассьыс кыса лызь
пара. Но, а Пезмөгсянъыд ме Эжва берег пöлөн весь-
тасалi Вой Покаөдз, а сёсянь туйыс гортöдз тöдса... Да тэ
узь, шойччыштны колö.

И юыштöм бöрын мудзöм мужикъяс регыд мысти узисны
нин гöна эшкын улын.

Садьмөдiс найöс Макарлөн гөтырыс, арлыд вылө видзөд-
төг, чужöм вылас мичаник съод синкымъяса нывбаба. Юк-
мöсысь пыртöм сөдз кöдзыд ваөн мыссьöм бöрын кöзяин
пуксьöдiс мужикъясöс пызан сайö. Пызан вылын паськыд пу
тасьтын руалис свежöй чери. Кöзаяйка, Матрена, пачысь кыс-
кис ыджыд чугуна да лөдiс мөд тасьтiö пöсь юква, а кöзяин
лэптiс залавкаысь выль партövöй.

— Шудаöсь тi, удача вайинныд. Öти подольникö ыджыд
сир öшйöма, öдва сакалi, а мöдын со тайö,— индiс пызан вы-
лын куйлысь пес плака кодь ёдi вылө.— Талун субöта, лом-
там пывсян, небзьöдам лы-сьöмнымöс. Тэрмасыны оз ков и
кадысь водз начальство синъяс улö петкөдчыны нинöмла.
Мунанныд выльлунö.

Сэсся кисьтiс сулеяысь кык стöканö, мыччис Иванлы да
Герасимлы.

— Ачыд нö?— артмис Иванлөн.

— Ме сэсся ог!— серöктiс кöзяин.— Ме сöмын ыджыд
праздникъяс дырйи. Паныдасьöмным лои праздник кодьнас,
а сэсся — тырмас.

Кöсийлысны пыксьыны и Иван да Герасим, но мелi кö-
заяйка кисьтiс аслыс чуньлыс кодь румкаö, чокнитчис. Кыдзи
нö öткажитчан!

— А менам Кириллöвич мед видзөдас. Сiйö велалöма
нин,— вайлис вом дорас румкасö, кötöдыштiс паръяссö,—
юй на-здоровье, сёйöй мый ен сетiс.

Сибыд да мелi кöзяин-кöзаяйка ордын вöли гортын кодь,
но неуна яндзим — со öд воисны кортöм гөстыяс дась нянь-

сов вылө. Матрена казяліс виччысигтыр сёйёмнысö да бурөдіс:

— Да ті энө полөй-родөй. Сёйём-юёмнад миянөс онө кедзөвтөй. Лоөй гортаныд моз.

Рытъявыв көзьяйкалөн ваймис пывсяныс, и куим мужик лэччисны мыссьыны. Пывсянын и сідзи нин лолавны нинөмөн, но көзьяин койыштис гор вылө көш тыр пөсь ва. Жара ломтөм горлөн весиг изьясыс трачкөбтисны. Иван лажынътчис дзик джодж бердө. Кор пөсь руыс разалис, сійө казяліс Клыковлөн паськыд мыш вылысь гөрд визьяс, но юавны эз лысьт. Макар казяліс Иванлысь видзөдлассө да ачыс висьталіс:

— Том дырйи на гажа юрөн Матрен дорө көвъясьөмысь урадниклы кок йывсьыс усьмөныс пеляс лөсөбтылі, кык вежон лазаретын куйліс. Но и серөдлісны нагайкаөн куш мыш кузя. Кызь витысь гөститөдісны. Бур ещө, арестантскөй ротаө эз мөдөдны, а вермисны. А урадникыс, лы ни ку, век жө воши. Кывсьыліс, быттьө, Дырнөс сайө ельдөг вотигөн ыла-лөма. Гашкө и сідзи, да мед инө, царство сылы небеснөй,— не то збыльысь, не то серам сорөн помалис Клыков да босьтчис ружтөмөн пөвсавны паськыд мышсө. Эз кольччыны көзьяинысь и Иван да Герасим.

III

Уезднөй начальник Воронежкыйөс неважөн на мөдөдісны Усть-Сысољскө да эз на удит төдмасьны став делөясөн, мый вөчис уездын. Да и татшөм важнөй мортыд эз ёна усьлась делөясыд вылө. Кар кузя рессораа кољаскаөн мунигөн сійө турвидзліс небыд пуклөс вылын, быттьө аршын нбылыштөма, кокардаа картузыс чатөртчөмысла тайкө усяс юрсьыс, еджыд лайкөвөй перчаткиа княссө кресталөма морөс вылас, а зарни чепта да югыд оправаа пенсне пырыс кельыд синьясыс дзөргисны кучер юр вомөн кытчөкө ылө-ылө. Талун сійө буретш вөлі лыддьө Волковлысь рапортсө, көні исправник төдмөдіс Кулөмдінса гөлөва Мамонтовлөн письмөөн да «бунтуйтысь» крестьяна нимсянь мөдөдөм жалөбщикъяслөн воны вермөм йылысь. Но Воронежкыйлы эз нин вөвны гусятөрйөн кулөмдінса делөясыд. На вөсна и вуджөдісны сійөс Яренскянь Усть-Сысољскө. Вөлөгдаса гражданскөй губернатор Волховский тшөктис: «Примитны мераяс». Но коді медводз мыжа? Мамонтов, коді өкуратнөя мөдөдө казнаө чукөртөм вөтсө, али найө, кодьяс во-мөд нин дугдывтөг норасьөны? Да и сөмын-ө кулөмдінсяс?

И зэв нин нюжмасьысь исправникыс. Мамонтов мөдөдө-

ма письмөсө благовещенье лунө, төлысь сайын, а начальстволы Волков рапортсө сетө сөмын на. Гашкө, письмөйс туйын сёрмис? И ещө шензөдө: казётөм письмөсө мөдөдөмсянь Кулөмдінсянь эз волы некутшөм юөр, быттё сәні ставысь шы ни төв.

Правда, Вөлөгдасянь юөртлісны кутшөмкө Сладкостиевлөн столицаө жалөбаөн ветлөм йылысь, но предписание серти сійөс карын кутны эз удайтчы. Волковлөн нюжмасьөм вөсна быдса мужик кос лыа моз полиция чуньяс костөд исковтис. «Ковмас, буракө, асьсө Волковөс топөддыны»,— вөчис вывод Воронежский.

Кабинет өдзөс пыр мыччис юрсө секретарыс, ручлөн кодь ёсь ныр-вома да көзалөн кодь тошка.

— Мый нин ещө?— коса юаліс Воронежский.

— Ваше высокоблагородие, вөзйысьысь,— лискаа шыөдчис секретарь.

— Коді сәтшөмыс?

— Мужик.

— Тодмышкав. Меным некор.

— Сійө висьтасьсө: Кулөмдінса общество нимсянь воөма.

— Кулөмдінсянь, шуан? Мед пөрччысьсө, сет тяпи, а то няйт сапөгнас ковөрсө лякөсьтас да нбылөм дука пасьнас кабинетысь сынөдсө тшыкөдас,— көрліс нырсө ыджыд начальник.— Эны, босьт пакетсө да пырт меным, а мужикыс мед виччысьсө.

Кулөмдінса скөд йылысь да гөлөва Мамонтовөс вештөм, печатьяс да казна мырддьөм йылысь лыддьөм бөрын уездной начальниклөн чужөмыс гөрдөдіс, голя сөнъясыс зэвтчисны да мундир воротникыс лоис дзескыд.

— Виччысим, нюжмасим, господин исправник. Бунт, настоящөй бунт!— камгис пызанө кулакнас да горөдіс секретарыслы:

— Пыр жө мөдөд Волковла! Оти кокыд мед тан, мөдыс — Волков ордын!

Посыльнойыс вөлі Елесь Иван. Герасимлы шуисны не на петкөдчывны начальство водзө. Иван пельсө чошкөдөмөн кывзис Воронежскийлысь горзөмсө. «Ииджис, тыдалө, вежөрас»,— мөвпыштис аслыс.

Недыр мысти кузь шашкасө кинас кутыштөмөн управаө пырис исправник Волков. Иван көть кыдзи эз зиль, но посводзө петан өдзөс дорсянь сёрнисө кывны эз вермы.

Воронецкий эз лыдды коланаөн примитны да кывзыны мужикөс. Кулөмдінсалөн гижөд вылө кыз лөз карандашөн гижис:

«Исправник Волковлы. Матыса кадө төдмасьны места

вылын да примитны колана стрөг мераяс. Юрнуодысь бунтаръясөс вайодны карө!» Сэсся тшөктіс Волковлы:

— Мужиксө пуксьөдны заложник пыдди.

Елесь Иван эз на төд, мый виччысьө сійөс. Волков петіс окружнөй начальник ордысь мыжа морт моз да сөмын шуис:

— Ветлам ме ордө,— и мөдөдчисны орччөн.

Миянлы төдса нин кабинетын, кодлөн өшиньясыс Сыктыв юланьын, да на пыр бура тыдалө берег кырыывса Троицкөй собор, исправник пуксис аслас пызан сайө да меліа юаліс:

— Сідзкө, тэ Кулөмдінса писарлы отсасьысь, вөвлөм салдат Иван Елисеевич Попов.

Иванлөн эз на вун воинскөй уставыс:

— Так точно, вашброды! Отставнөй радөвөй Иван Елисеев Попов. Служитлі его императорскөй высочество великөй князь Константин Павловичлөн гренадерскөй полкын. А өнөдз Кулөмдінса писарлы отсаси,— морөссө чургөдөмөн рапортуйтис вөвлөм салдат.

— Сідз, сідз, Иван Елисеев Попов. Ой, ме өд дзикөдз вунөді, пуксьы со татчө мекөд паныдөн. Норасьөмсө тэ гижин Гаврил вокыдлы?

— Так точно! Ме. И кырымпасөй Габө бөрын менам жө.

Волков мыйкө мурөстліс вомгорулас, веськыд водз чуньнас зыртыштис пель боксө. Сэсся босьтис гижтөм гербөвөй бумага лист, перө-ручка да мыччис паныда пукалысь Иванлы.

— Личнө ме тэнө, Иван Елисеев Попов, ог төд. Но кывлі. Тэ кө гижин тайө письмөсө общество нимсянь да ачыд вынсьөдін налысь корөмсө аслад кырымпасөн, медым ме эски тэныд, мый тэ буретш сійө мортыс, кырымась со этатчө,— индіс бумага лист помө исправник.

Иван босьтис бумагасө, ручкасө, но друг шпыньмуніс, а синъясас өзйис лукав би кинь. «Э-ге... Тэ исправник наян, а ме тэысь абу жө бөбджык, медым кырымасьны водзвыв допрос лист вылө. Тэ сюян сійөс пызан ной улад да бөрас көть мый он гиж. А менам кырымпасөй лоас. Оз, тадзи оз ладмы...»— воис вежөрас. Синкым увтіыс видзөдліс Волков вылө да корис:

— Господин исправник. Вай ме, бурджык, мөдысь кырымась кулөмдінсалөн письмө улас...

Волков гөгөрвоис, мый наянитөм эз артмы. И кор Иван кырымасис, шуис:

— Да, гижөмыд тэ... Сідзкө, тэ, вок чукөрыдкөд өтлаын, көсьян мыждыны гөлөва Мамонтовөс вотьяс ас вөляысь содтөмысь да незаконнөй недоимкаысь?

— Сёрниыс абу сөмын Елесь пьян нимсянь, а став обществосьянь,— лөня вочавидзис Иван.

Волков лэчыда видзөдліс вөвлөм салдат вылө, мөвпалыштис да звөнитис тильгунөн. Пырис письмоводитель-рассыльной. Исправник тшөктис вайны кык стөкан чай, сөмын чытыртліс син пөвсө. Письмоводитель копыртчыліс гөгөрвоёмөн да здук мысти пыртис кабинетө поднос вылын кык стөканысь кындзи төрелка вылын преникъяс да кампет. Оти стөкансө, кытысь Иванлөн нырыс кыліс вина дук, исправник мыччис сылы.

— Прөстит, Иван Елисеевич. Тэ өд туй вывсянь, мудзин, көнкө. Шонтысьышт.

— Эв ыджыд аттвө, ваше благородие.

— Тэ өд, дерт, эн өтнадөн лок?

— А коді нө меным, салдатлы, отсөг вылө колө?

— Пөпутчик, дерт...

— А-а-а,— гөгөрвоис Иван.— Додзсянь тай кутшөмкө Парась твөтка локтис. Льөмьюө вотөдз вөтөдіс.

— А сэсся некод эз вөв?

— Паныдасьлісны подаяс. Да өд ме татысь некодос отөд. Служба вылө мунігөн томиник на вөлі, а өні... Мый нин и шуан. Со тай, чотігтырйи, кытөнкө мыр вылын либө колода вылын пукалышта да, дзурликта.

Волков заводитис дөзмыны: «Татшөмыд бурөн оз на воссы!»

— Герасим Сладкостиевыс тиянлы рөдня?— юалис сэсся.

«Висьтавны? Дудки!»— вежөртис Иван да смела вочавидзис, но эз сы йылысь, мый өтлаын воисны:

— Рөдня не рөдня, а сватөн лоө.

— Сійө ветліс Питерө?

— Важөн нин гортын.

— Сарлы пө норасыны ветлөма?

— А кодлы нө сэсся? Од сар-батюшкокысь кындзи коді нө медбура гөль йөзсө, ассьыс пөдданнойяссө доръяс?

— Правильнө, Иван Елисеевич. Царь-батюшкөыд весьшөрө ассьыс йөзсө оз энөвт. Мамонтов вылө ті, кулөмдінсаяс, элясянныд, гашкө, и вернө. Но бунтуйтанныд! Да-да! Бун-туй-танныд!— лэптис гөлөссө важөн нин скөрмөм исправник, көть и скөрлунсө пыр на кутис.— А медым видлавны став гижөдьяссө, колө, мед татчө локтисны Гаврил да Родион вокьясыд, Герасим сватыд. Мамонтовсө ми корам жө. Оні тэ гиж вокьясыдлы, мед локтасны карө. Тани и видлаам тиян костын вензьөмсө.

Иван гөгөрвоис исправниклысь кывъяссө стөча: ылөдлөмөн корны, а сэсся...

— Ваше благородие. Куломдинсаяслон гижома, медым места вылын видлавын делосо. Вот эськө отлаын кө ветлам мян сиктө...

— Тэкөд отлаын? Стражникьясөс!— быри терпенньоыс исправниклөн, равостис.— Кытчөдз бунтарьяс оз локны, сэтчөдз кутан пукавын! Да, да!

Елесь Иван сомын копыртчыліс да пинь пырыс сөдзөдіс:

— Аттё вина сора тшайсьыд. Водзөстө Куломдинын юан. А меным пукавынтө ветлом дорсьыд кивывджык: чота да сы вöсна.

Кыйөдчысь Макар Клыков аддзыліс, кызди кык пищаль костын нуөдісны Иванос. Бурджыксө сійө эз виччысь.

— Делөыд лөк,— пыригмозыс на шуис Герасимлы.— Ивантө тюрьмаө нуисны.

— Сідзи и төді! Сідзи и төді!— Герасим дузгөдчис, мьджис зэвтөм кабыр вылас кудриа дзормыштөм юрсө да содтис:— Бур другой, Макар Кириллович, ковмас менсьым Иван сватос кызкө-мыйкө мездыны.

— Кырнышьяс гыжйысь мездысьны оз ло кокни,— вочавидзис Клыков.— Ме со кызди мөвпала: Волков ачыс мездас Иван Елисеевичос, сомын колө кужөмөн делосө котыртыны.

— Кызиджык?

— Ме чайта, исправниклы өні быть ковмас ветлыны Куломдинад. Тшөктасны. Иван Елисеевичос кө сьорсьыс оз катөд, чайта, и Габөныд оз бөбьяв.

— Но, но... Водзө.

— Отнаслы Волковлы, мед көть и босьтас аскөдыс куимнель стражникос, быдса вөлөстьлы не водзсасьны... Лэдзас кө Иванос — ачыс бурөн лэччас, оз кө... Кузь туй костад тай быдсямаыс овлө...

— Тэ, пөжалуй, прав. Но кызкө колө юортны Габөлы?

— Медводз тэныд, аслыд на колө сайөдчывны...

— Дзевсясьны! Татшөм кадө!

— Енасө оз и ков. Нуөда ме тэнө аслам вөралан-чери кыян керкаө — Сизь ты бокө. Сэні лун-мөд олыштан, а сэк коста ме төдмала мыйсюрө да юорта. Ме бөрся некод оз кыйөд. Муна чери кыйны и ставыс. Сөян тэныд менам чомыын тырмас...

...Асья войнас, кор Изкарын быдөн на узисны, Сыктыв дорө лэчисны кык мужичой, лэдзисны ваө пыж да кывтисны Эжва горув. Чов улө вотөдз домалисны да кежисны видзьяс вомөн яглань. Сэсся ты помөд векнидик вис вомөн вуджис-

ны потшьяс кузя да воисны яг пельсö, козьяс да пожомьяс костö саялём вöралан керкаö.

— Тані и заводитчö менам чös туйö,— тöдмөдiс Макар.— А весьтас тасьянь Озёлөдз верст дас сöмын и эм. Ёнасö татчань волысьяс зэв на этша, арся вотöс чукöртысьясысь öтдор. Тэ, Герасим, эн гажтöмчы, лункост мысти юöртор вая. А öнi лэччыла чери кыйыштны: тыртöм ноппiөн эськö мед сиктса оз жö аддзывны.

Эжва йывса кыйсьысь-вöралысь мортлы вöрса чомйын уджыд пыр эм. Макарöс виччысигмоз Герасим путшкис-гартiс вöв бöж сиысь да кудельысь бура уна лэч пекля, кöзьяин-лөн лэчыд черөн пöрөдiс дас сайö конда, чинталiс, поткөдлiс, тэчис кыйсян керка бердö, пелькөдiс и сiдзи нин пельк ола-нинсö.

Колис лун, колис мөд, коймөд... Клыков кöйысис волыны лункост мысти, но прöйдитiс витөд сутки, а сийö пыр на абу. Герасимлысь кырлөдлiс морös увсö, но надейтчис-виччысис. «Абу сэтшöм мортыс, мед ылөдлыны. Öтчыд мездiс, мездас и мөдысь»,— мөвпалiс чусалысь бипур дорын пука-лигмоз. Видзьяс вомөн, тысайса лым еджыдөн дзоридзалысь льöм пуяс вомөн рытя кыа югөрьяс улын муртса тыдалiс Тентюковоса нöрыс, а катыдынджык — Сыктыв берегса соборлөн зарниасьысь купольясыс да крестьясыс.

«Со и троица-богородица прöйдитiс, а ме пукала вөр шөр вöрын шыш моз. Турун пуктан кад матысмö, а ме...»— кайтiс аслыс Герасим, и нем виччысьтöг, кöть и эз вöв полысь рöдысь, дрöгнитiс.

— Тэ аскöдыд нин сёрнитан?— кылис мыш сайсьыс тöдса гөлös.— Дöзмин виччысьнысö?

Тайö вöли Макар. Сийös Герасим виччысис ты дорсянь, а воис веськыда ягсянь, кöни нитш подйис небыд, пуксис кыз конда краж ылö орччөн.

— А ме думайтi — весь пукалин тайö луньяссö, а тэ со мыйта пес кералöмыд.

— Весьсö овны абу велалöма.

— Герасим, тэныд ковмас тэрмасьны гортад. Юөр эм.

— Тöдмалiн мыйкö?

— Да. Аддзыли Иван сваттö.

— Но дивö! Аддзöдчывны весиг лэдзлiсны?..

— Лэдзтöг аддзысьлим. Ме куим лун код улö лэччысьöмөн шöйтi кар шöртi да тюрьма дортi. Тöдса бабаяс аддзисны да, кыла, шöпкөдчöны: «Изкарса Макар пö бара томдырся мозыс юсьöма... Коньөрöй дай Матренай... Скөр öд вöли том дырйиыс Макарыд...» А меным сийö и колö. Троица коймөд лунö тюрьмасьыд, кытчö пырнысö öдзöсыс паськыд да

петнысö векни, кык стражник петкөдiсны Иван сваттö да ещö кодöскö. Нуöдiсны эз пристав ордö, а Кырувлань. Ме и думышти: лэччыся код юрөн да и... Отчыд кө повсышта либö морöсöдныс шамырта — мöдысь он кор. Да... Эз артмы. Нуöдiсны стражникъясыд Кырув вичкодорса кладбище дорö, а мыйла? Первойсö эг дöгадайтчы. Вöлöмкö, кодöскö дзэбныгуавны. Ме, дерт, йöз дырйныд матыстчыны эг смелмöдчы, а кор гуалiсны рöгöжаö тубыртöмөн да стражникъясыд бөр кутiсны нуöдны, шатласигтыр мöдöдчи вичкодорса кладбищесянныд орччөн, горза: со свя-я-ты-ми-и, упокой! Иван сватыд да стражникъясыд матысмисны ме весьтö да и горöдi:

— Господа стражникъяс! Кутшöм грешникöс нö гуалiнныд?

— Кулöмдiнса Лазарöс, медым муыс сылы лоас кын, — шуис гусьöник Иваныд, а сэсся содтiс:— Габöлы висьталöй... Тöдöмысь, Мамонтов ыстылöма...

Герасим дыр видзöдiс чусалысь бипур вылö, сэсся ышловзис:

— Понлы — пон и места. А меным ковмас тэрмасыны гортлань.

Макар Клыков эз гөгөрво, мыйла татшöм öдйö шуис мунны Кулöмдiнö Герасим: колö, сiдзкö, колö! Сöмын юалис:

— Бөр пыжөн?

— Аттьö ставсыс, Макар Кириллöвич, аттьö, бур морт. Пыжыд öнi меным лоас уткалы катша бöж кодьөн. Бурджык — подөн. Пыжыс медым тэныд миян кулöмдiнсаяссянь казтыланторйөн коляс. А öнi петкөд менö Озёлöдз. Сэсянь ме туйсö аддза нин.

Озёлын пöся сывйыштчылöм бöрын торйöдчисны кык мужик, кодъясöс медъёна йитiс му вылын правда корсьöм.

* * *

— Лазарöс, сiдзкö?— нисьö юалис, нисьö вынсьöдiс Елесь Габö.— И висьталiс, мый гуалöма Иван вокöй?

— Шуöма кө, сiдзи!— вочавидзис Герасим.

— Да, да. Лазарыд тулысбыд нин эз тыдавлы. А ас вöлясыс сийö öдвакö лэччис карад... Сiдзкö, и збыльысь ыстылисны...

— И миянысь водзджык мöдöдöмаöсь. Сöмын вот ськөдсö нин мый лоис?

— ...Асылыс садьмис öтка петуклөн чуксасьöмысь. Петук быттö дыр абу сёйлöма да скöралiс-горзiс:— «Перръя сьвтö!»

— Тьпу,— сьöлыштитö Онисим поп,— со öд мый, öкаяннöйыд, сьылö. Часлы, ме тэныд петкөдла, дугдан сьывны.

Онисим петіс сарайо, кутіс петуксо голяодыс, петкөдіс кильчо помас. Но кор Онисим лосьодчис сапкыны юрсо, петрөван пыркнитіс бордьяснас да сатшкис ёсь гыжъяссө поплы киас. Эз и төдды «благочинной», кызди повзбөмысла чер пу помыс зяткис асыс. Да өд кытчо? Некор и некодлы эськө эз лысьт висьтавны...

— Честь труда, отец Анисим!— кыліс сэсся Мамонтовлысь гөлөссө.

Поплөн кисьыс усис черыс, а юртөм петук чеччаліс-бергаліс да резіс вирөн. Но эз дыр. Мамонтов бөрся вөтчысь понйыс тшапнитіс сійөс да пышйөдіс ва дорө — сымда и аддзылісны.

— Матерел!..— ёрччыштіс поп да шыбитіс черсө жытник костө.— Мый могөн нин, Прокопий?

— Аски, буракө, купальнича лун?

— Абу «аски», а талун асывсянь.

— Кад нин видз вылө петны...

— Петыр лун бөрын...

— Водзджык, батюшка, ковмас, водзджык.

— Мыйла нө?

— Таво гожөм ытшкысь-куртысьсөс он медав.

— Медалам. Тшыг кынөмыс тшөктас страдуйтны.

Тадзи төлкуйтісны поп да чөвтөм гөлөва.

Мөд сёрни муніс Елесь Габө ордын.

— Бара али мый поплы ковмас ытшкыны?— шуис Родион.— Мамонтовлы да?

— А мый нө, ытшкам!— өвтыштіс кинас Миш, Габөлөн нельөд вокыс.

— Став лоөмаыс бөрын?..— мөвпалана шуис Гаврил.

— А ме, вокө, чөвта зорөд, и аслым пай вылө коля торъя пинькостъясө. Менам өд мөскөй да вөлөй ойдлывлан видз выв турунтө оз жө мыльөстыны.

— А мый, Мишө,— тапкис кыз чуньяса ки пыдөснас кымөсас Габө.— Тэ тайө төлку думыштөмыд. Турунсө налы пуктам, огө кө шөриөн көть нин коймөд пайысь. Но колө водзджык мукөд мужикъяскөд сёрнитчыны. А өд вермас лоны Донса либө Кужса медасясны. А найөс лэдзны оз ков. Эз кө нин сувтны миянлы отсөгөн, медым и мөдлапөлө оз вуджны.

— И тайө дзик збыль,— вынсьөдіс Родион.— Но өд ни Мамонтовыд, ни Пөлудиевыд да попыд абу жө дзик мөмөтъяс. Шуасны: «Государстволөн видз-муыс, миянлы сетөма. Көсьям кө ытшкам-куртам, огө кө...»

— Тэ, Родион, гөгөрво. Вөр увсьыс видзьяссө вөчлісны миян дедъяс да батыяс, асьным на бадьсьыс да рассьыс ве-

савлім. Сідзкё, миян нбылём-посьён найёс вёчёма. Турунсё Пёлудиевьяс да поп эз кодзлыны, сійёс — ен быдтіс. Коді идралас — сылы и лоас.

— Но мый та вылө вочавидзасны уездса, губернияса начальство? Вермасны содтөд мыждыны миянёс?

— Ми петім правда вёсна вермасьны, и өні нинём нин бёрынтьчыны,— Гавриллён синьясё вөйёма ыджыд мөвп...

IV

Петыр лун бёрын кулёмдінсаяс ставён петісны видзьяс вылө. Стияс ветлёны гортсянь — налён видзьясыс дзик Эжва сайын, шылъыдөсь, ойdlөм бёрын турунаөсь. Пырей, гөрд бобөнянь пушкыртёны — кевны сьёкыд, морөсөдз быдмөмаөсь. Овтыштан лэчыд косаөн да туруныс лёддзён пөрө. Вештавтөг ытшкынытө он вермы. Мөдьяс войколөн ветлёны Кулём юбокса нюрьясө да вутшкөсь тодьясө. Эжөр да зөридз көть и оз лёка быдмыны, но пөтөслуныс тай налён слаб, да и идравнысө абу кокни. Татшөм видзьясыс «енмөн кедзөвтөм» семьяслөн.

Елесь Микайлө медасис поплы. Уджсьыс ёнасө эз доньясь, сөмын вөйпис: өні пө видз кост, ульлун кад да кос яйтор пө пусьыны эськө, рок пуыштны шыдөс да шөмйөв. Юалис поп, уна-ө пө деньга ковмас, мый вылө Микайлө вочавидзис:

— Мөскыд да вөлыд деньгатө оз сөйны, а меным, мый кори, мед быд лун вөлі. Од косаыд ачыс оз ытшкы, а слабмөм пельпом вечикнад зорөдыд оз кыпты.

«Оз кө ёна доньясь, кынөмпөт вылө кө рад страдуйтны, деньгаыд и аслым на оз мешайт»,— думыштіс горш Онисим да көсьысис лункост мысти вуджөдны сөян. Миш жө көсьысис страдуйтны узьлөмөн, мыйла нө отарө-мөдарө Эжвасө гудравны, коса төчитны гортө волөмысь өтдор.

Водз кыпалө тайө каднас войвылын шонді, недыр кежлө и саймовтчылас Джеджым пармалөн джуджыд мыльк сайө, медым сетны страдуйтысьяслы неуна ойбыртыштлыны. И поводдяыс пуксис мича: луннас вуджөр сайын вый сылө. Лун шөр гөгөр көть и лёдзьяс дөзмөдчөны, а вой улө геб да ном кос турунысь кыпөдчө, но тайө өмөй падмөдас мужикөс. Сэсся өд Мишлөн и гөтырыс абу ляб рөдысь. Тушанас көть и ичөтик, но мөдөдчас нуны покостө — верөслы любө: сөмын пельпомьяснас вежньөдлө-өвтчө да паськыд каджйыс лайкьялө. Дас кык арөса пиыс, ичөт Миш — мамыс рөдын, буракө, латшкөсіник, но покоснад ёнасө оз жө кольччы.

Асья небыд турун сөмын шалскө коса улын. Ачыс Елесь

Миш покосын медбөрүн быттьокко, но овтыштас вына сойяснас отаро-модаро да сыв пасьтао вольсышто веж турунсо. Кыподчас шонди-мам енеж шорлань, заводитас пожны-косьтыны — ма да улльов корон ытшкөм туруныс овто. Жарджык лоо, пиыслы тшөктас пуны ид пызя рок. Сейыштасны и бара водзо: эня-пия ытшкөм турунсо бедьсон бергодлоны-пыркодоны, мед одйоджык косьмас. Ачыс Миш зорөд пиньяс сутшкало.

Прокопей рытъяо поп ачыс воліс видзөдлыны, кыдзи муно уджыс.

— Бог в помощь, Михайло Елисеевич,— шуис Онисим.

— Аттьо, батюшка. Ен отсөгөн и уджалам,— вочавидзис Миш.

— Тэныд и збыльысь ко енмыс отсалө-а?

— Коді водз садьмо да сёр водө — сылы и енмыд сетө. Тадзи, буракө, важ йөз шуломөось,— Мишлы кывйыдла зептас пырны оз ков.— Батюшко, тэ өд, буракө, куритчан? Табак чеполь он-ө аддзы?

Онисим суйліс кисө гырдыдзаөдзыс гач зептас, перйис кытыр ас быдтөм-чирийөм махорка, кисьтіс Мишлы гын шляпаас:

— На, курит на здоровье.

— Аттьо, батюшко. Онитө, луннад ещө нинөм на, а вот рытъядорыс өкаяннөй геб-номйысь мездысьнытө, ок и сьөкыд.

Поп сэк коста кыйкнитліс синъяснас да казяліс: Миш зорөд пиньяссө сатшкөма абу отилао, а торйөдлөма. Ыджыд, сизим-көкъямыс пинькост пыдди вөчөма кум-неляос. Юалис:

— Мыйла нө, Михаил, зорөдьяссө торйөдлін? Водзджык ставыс вөлі отлаын, а өні?

— Оти-кө, батюшко, чукөртны кипом нөсиланад ылысьыд сьөкыд. А сэся өд тэчан уна пинь косттө да быдсямаыс вермас лоны: гым-нөвйөн лыяс либө арнас утка бөрся вөтлысьысь зонъяс вермасны зорөд улад пырны, куритчасны... Тэныд жө бедаыс — көрымтөг колян.

— А өд, буракө, Ручын ли Дереваннөйын вөлі во вит сыйын татшөмыд.

— Вөлі, батюшко, вөлі. Манастырса зорөдтө пө дереваннөйсаяс сотломөось.

— Но, меным гортө кад. Аски өд прокопей лун, асья сьывны ковмас. А зорөдьястө, Михаил, потшан?

— Рудзөг вундытөдз потша. Скөттө өд оз на лэдзны.

Поплөн бурмис сьөлөмыс: «Төлкөвөя вежөртө, көть и ышнясьысь рөдысь, но абу Габө вокыс кодь».

Выль ыджыд зык Кулөмдінын лыбис некодлы виччысытөг, көть и куслөм бипурын чусалисны на биа өгырыяс.

Гожся страда дырйи, быттьө, ставыс лөнныштіс, быдөн-лөн вөлі локтан төв вөсна төждысьөм. Унаөн весиг эз локны прокопей луно вичкоо: водз асывсянь мунісны видзьяс вылө чөвтны төрытъя турун юръяс, куртны, тубравны косьмысь турунсө лёдзьясө. Уджалис поп видз вылын Елесь Миш, матыссаджык видзьяс вылын вөліны и Габөлөн да Герасим шуриныслөн семьяясыс. Сөмын обществоса крестьянаөн чөвтөм гөлөва Мамонтов пасйис асьыс нимлунсө, көть эськө и эз эв нимкодъпырысь. Сылөн видз вылын куртісны Лазар гөтыр да шөр арлыда ещө некымын дөваяс, кодъяслы заптыны турунсө вөлі некодлы. Мөстөм дөва — сэтшөм жө бобыль, сөмын и оло пыш-шабді вөдитөмөн, төвбыд печкөмөн да дөра кыөм помысь кынөмпөт аслыс да челядыслы шедөдө.

Лазар гөтыр Мамонтов кывъяссиянь төдіс, мый верөсыс муніс нарошнөйөн карө, мый бура кывзысьөмысь мынтөма нин сылы да воөм бөрас бара на мынтас. Но колис тулыс. Со и гожөм шөр, а Лазар пыр на эз вөв. Челядь Лазар гозьялөн эз вөвны, и нывбаба чайтіс, мый верөсыс медасис карын нажөвитчыны.

Оти лёддзын куртіс и мунытөм ныв, крут морөсьяса Карп Педөсь, кодлысь меліалөмсө шөри юкисны Мамонтов ая-пиа. Кор вичко көлөкөльнясянь юрөбтісны джыннъянъяслөн тоньган-буган шыяс, бабаяс пернапасасисны Великой Устюгса юродивөй Прокопей-праведнөйлы, коді быттьөкө, попъяс висьталөм серти, ю паныд катөма зібтөг ни пельытөг молитва лыддигтыр да сувтөма Устюгө.

— Не кө Прокопейыд, ковмас тшыглы коктө нюжөдны, — пызя рок пөрт дорө пуксигөн шуис Карп Педөсь. — Сы вылө и став надеяным.

— Омөльтчөмыд тай, Педөсся, самөкур пуигад. Чайтан, ог төдөй, кодлы ныр курыдыс, а кодлы и кошталөмыс вичмылө?

Педөсь, дерт, гөгөрвоис, кодлы тайө инмө, но терпитіс. Сөмын меліджыка шуис:

— Ен водзын ставөн мыйкө мында грекаөсь. Вай, Пекла, восьт рыська йөв туистө, кодөс тай төрыт вайліс Прокөлөн Саватьыс. Сейыштамөй да куртны ковмас, — Карп Педөсь видз вылын явө вөлі көзьяйкаөн.

Поп видз вылын зорөд чөвтысь Елесь Миш ёсь пельяснас кыліс: сыв ветымын сайын, бипур дорын заводитісны чилзыны-горзыны бабаяс.

«Мый нин, кодос юконы Проколон куртысьясис?»— думыштіс да сатшкис куим вожа пу виласо турун юро.

— Эз-о нин пурсыны?— юалис готырыслысь.— Ковмас ветлыны.

— Сідзко, ме ино котортла,— вочавидзис готырыс, чечыштіс шор пыкода зород вылысь да пызыштіс-котортіс, сомын гожьялом кокчерьясыс дзирдыштісны.

— Но и баба — бийо коть вао,— нюмдіс Миш. Но друг кыліс готырыслысь городомсо: «Лок ойдиджык!»— да чепос-йис орча видз выло.

Воис и аддзо: Педось шашаритчома Лазар готырлы дзугсьом юрсиас да песо-лето, быттьо койо юр кусо кульыштыны, а модыс сатшкысьома гыжьяснас Педосьлы моросас да дась косявны мороссо. А бипур дорын чилзисны куим нывбаба, кодьяс полисны сибодчыны, дорйысьны. Елесь Миш некор эз ертчыв, а тайо порйо городіс:

— Пон бож нюлысьяс!— сэсся сийо кокниа торйодіс тышкасысь бабаясо, сувтіс шора костас да юалис:— Мый но эню юкой, катшаяс?

Няйт чуньяснас синвасо тилигтыр Лазар готыр шыасис медводдзаон:

— Михайло Лисеевич, а тэ видзодлы туйсас.

А туйсас, кодос Эжва йывса мужикьяс куим повстон вочлісны, воли шомйов...

— Тьфу!— солыштіс Миш.— И тайон тиянос вердо Прокко Мамонтов аслас нимлуно?

— Ме тай шуи,— заводитіс Лазар готыр,— мися, шева номырьяс мододома Прокко готырыс... Педосьлы... Прокосо любитомысь...

Педось энъ ош моз, горзюмон вылысь вувзысьліс Лазар готыр выло. Миш одва и кутіс сийос...

— Ок и бобьяс, бабаяс,— сэсся нырсо корломон исалис туйссо да шуис:— Туйссыс сись чери дук кыло, мыскавтөмпожьявтөм дозьяс, колөко, шоммом йовто вежон нин видзюмаось да тиянлы и мододомаось...

И вылысь ыззисны бабаяс. Они нин ставон отвылысь, они найо дасьось волины чашыны Мамонтов гозьяос.

А Мамонтов Полудиевкод, Русинов зятъыскод да аслас чадоясыскод обедня борын лосьодчис пасыны ассыс нимлунсо. Поп Онисим дарйодом да пернапасалом борын ыстысис нерпалом выло да локны эз койысь.

«Эз ко и мед. Медсяыс — корны чин чином, а остальнойыс сылон дело, мед, колөко, зуняло ассыс евангелиесо»,— шуис аслыс Мамонтов, коть и эз вов енасо доволен.

Печатьяссö, медальяссö да казна ящиксö мырддьöм бöрын вöлöстнöй управаын сылы местаыс эз нин лö. Да и унджык кадсö управаыс вöли сургуч печать улын. Швеч Петырöс кöть и бöрийсны сы пыдди, но кöч сьöлöма, сийö эз вöв гөлöваөн, мый шуасны Елесь чукöр — сийö и вöчас. Асьсö Мамонтов пыр на лыддис гөлöваөн. Уездса начальствосянь эз на волы да öдвакö и воас вежöм йылысь индöд. И кöть нырсö лэптыны крестьяна водзын эз нин лысьт, но асьсö пыр на кутис кöзьян моз. А сиктса старöста Кузнецовöс, вот чукöртись Лодыгинöс, сотскöй Елеевöс и аддзыны эз кöсий: кутшöм нин дорйысьяс, асьныс шыръяс кодьöсь.

— Кузь нэм да бур шуд, сватушко. Вай нö тэнад здорöвье ради ещö öтиöс пöрöдам, — торкис Мамонтовлысь мөвпсö купеч. — Да тэ эн жалит. Ланьтисны и чöv усясны миян мужикъясыд.

Пöлудь Öнью неуна гажмыштöма. Войся сюзь синмөн вездöдис Митрей Русинов. Гöтыръяс мыйкö ызгисны-бызгисны ас кечаныс.

— И тэнад здорöвье вöсна, Андрей сват, — лэптис румкасö Мамонтов да сідзи эз и вайöд вом дорас. Öшинь улас лыбис бабаяслөн горзöм. Сийö содис, содис прудйысь петöм ва моз, содис улича пасьта.

Мамонтов керкалань локтисны йöз. Медся водзынöсь Лазар гöтыр да Педöсь. Накöд орччөн — кывтыдпомса дöваяс, кодьяс медасьлисны ытшкыны-куртны. Бöрсяныс некымын мужичöй, кодьяслөн пельпомьяс вылын шондi югöр улын дзирдалисны косаяс да вилаяс.

— Мый налы ковмöма? — öшинь пырыс индис кыз йөгöсь чуньнас Прокö.

А кильчö помас горзис нин Лазар гöтыр:

— Петав, Прокопей, мыччыв нимлун кузяыд асьыд крука ныра паськыд рожатö!

Сьöкыд вöли гөгөрвоны, кодi мый ызгис. Йöз жö вочасөн чукöрмисны и чукöрмисны. Бабаяс мыш сайö матыстчисны мужикьяс, на гөгөр котралисны көмтöм челядь. Мамонтовлөн понйыс нетшкысис кыз чеп йылысь.

— Тэ, зять, энлы петкöдчыв. Ме ачым разберитча, мый налы колö, — Прокö петис пызан сайысь, лэччис вылыс судтаысь да сувтис перилöа кильчö вылас. Медым эз довъяв, сийö паськөдис кокъяссö, мыджсис перилö помас да равöстис:

— Мый? Куртинныд и гөститны локтанныд, бабаяс?! Талун öд прокопей лун. Гашкö, кодлыкö лежнög кокас сатшис? А? Ме тэнсьыд юала, Лазар гöтыр!

Педöсь тувкис Лазар гöтырлы мышкас да шöпнитис:

— Эи пов, койышт ныр вомас.

Лазар гөтыр көть и косіник, но абу полысь рөдысь. Да и верөсыс, мед көть омөлик, кытчөкө со вошис, абу и абу, код төдас кытчө мөдөдөма лөк Прокөыс... Нывбаба воськовтіс водзө, сэсса бергөдчыліс пыр унджык чукөрмысь йөзлань да койыштис веськыда чужөмас вөвлөм гөлөвалы туисысь шомйөвсө.

— На, ачыд жөрит нидзув-лельбястө нимлун кузяыд?

Мамонтов көсийс мыйкө горөдны, но паськыд вомыс да са кодь тошкыс, вышивайтөм дөрөмыс лякөссисны лөз ва сора шомйөлөн. И морөсөдыс да лөз ной гач кузяыс веглясисны номыръяс. Йөз акнитисны: «Мый нө тайө?»

Лазар гөтыр пузис шоммысь рокөс моз да горөдіс:

— Со мыйөн вердө тшыг нывбабаястө миян гөлөваным. Лун и вой турун пуктам, а сійө...

Буретш сэки дорйыны тестыслысь честьсө чепөсийс Русинов Митрей. Кузь кокъясыс көть и гартчисны, но юрыс палялыштис. «Тесть вөсна!..»— шуис Митрей да шамыртис Лазар гөтырөс лезьмөм юрсиөдыс. И сэки сылы тшөка улас зяткөбтіс небыдик, но топыд ки: тайө Педөсь петіс водзө да петкөдліс ассыс сой вынсө.

Елесь Миш локтіс бабаяскөд өтлаын. И кор Русинов кыпөдчис кок йывсыс да көсийс сетны водзөс тесть вөснаыс Педөсьлы, Миш матыстчис да зутшнитис ныр вужъяс:

— Баба вылө кисө лэптө!— сөмын и шуис.

— Содты, Мишө, мед водзөс оз корны!

— Пөвсышт ещө,— горзисны ышмөм нывбабаяс, кодъяслөн лөглуныс чөжсис эз нин өти лун-войөн. Кысянькө воис да чепөсийс кильчө вылө Елесь Габө, некод эз и казавлы. Видзөдліс перилөө шашаритчөм Мамонтов вылө, сэсса орччөн лясвидзысь Русинов вылө. И ставөн чөв усисны.

— Мый лоис? Мыйся зык?— юалис гөлөссө лэптытөг, но кылісны ставөн.

— Гаврил Елисеевич, он өмөй аддзы.

— Аддза. Номыръяс нимлунъя Прокөлөн морөс вывтыыс веглясьөны. Но...

— Елисеевич,— морөссө чургөдөмөн матыстчис Педөсь,— өд тайө номырөсь да лельөөсь шомйөвсө, тьфу, миянлы видз вылө мөдөдөма...

Педөсь көсийс на мыйкө шуны, но Габө падмөдіс:

— И правильно вөчинныд, мый синмас шева туиссө койыштінныд. А тышкасьны...

— Вины кыкнаннысө оз ло грек.

— Тэ, Михайлө, китө эн пежав. Локтасны губернатор, а гашкө, и ачыс царевич, найө и мыждасны кызди да кодөс ковмас. А ті разөдчөй!— тшөктис йөзлы.

Сэсса босьтис киняулөдыс Прокө Мамонтовос, тшөктис Микайлө вокыслы пыртны Митрей Русиновос.

— Мый тэныд колө, Гаврил Елисеевич?— горничаас пырөм бөрын юалис Мамонтов.

— Менымтө нинөм, а вот тэныд мый колө? Ме тэныд кымынысь шули: эн кедзовт прөстой йөзсө, эн измөд налысь сьөлөмсө.

— Ме эг мөдөд...— видлис правдайтчыны Мамонтов. Но пыр жө морөсас сылөн яндзимысла выльысь ыпнитис помтөм лөглун, и сэтшөма герчнитис пиньяснас, мый өти пинь шөри чегис. Ок, эськө вермис кө!..

* * *

Вой шөр бөрын енэжыс потлис некымын пельө: чардыштіс сідзи, мый весиг эшкын улын куйлысьяслөн син водзас югнитлис. А сэсса чашмуні-косьөбтіс да ставыс тур-тармунліс. Та бөрын чардалөм да гымалөм мөдөдчисны өти бөрся мөд. Повзьөм бабаяс весиг эз удитлыны пернапасасыны. Сэсса катшөбтіс йиа шерөн, коді вежсис быттьө мельнича прудйысь визувтан шорөн.

— Свят-свят, святой Илья пророк!..— кевмысис Лазар гөтыр, коды паччөрас жебмөм керка вевтсаныыс тюрөбөн пьськөдчис зэр ва.— Енмыд ёрис мянөс, грекө вөйөмьясөс...— повзис да чепөсйис паччөрсаныыс улыс дөрөм кежсьыс. Видзөдліс ошиньөд да муртса садьтөгыс эз усь: Карп Педөсьлөн ыпьялө керкаыс, быттьө косьмөм рудзөгөн шөтөм рыныш. Ошинь увгыс кодкө вуджөртис котөрөн, а коді — пемыднад да зэригад эз төд.

Ыджыд зэр кусөдіс пөжарсө, колис сөмын сьөдасьөм керьяс, киссьөм стрөпилө да пөтөлөк улын чишкасьөм-сотчөм Педөсьлысь шойсө, мыськис котөртисьлысь кок туйсө.

Пөжар вылө сөрмөм йөз быд ногыс вөйписны, мыйла өзйис буретш Педөсьлөн керкаыс.

— Кокни бөж дора вөлі...

— Чардбинас Прокопей-праведной мыждис грекьяссьыс...

— Эз кө кодкө водзөс косөд коньөр Педөсьялы...

* * *

Котөртны эськө Насталы кывтыдлань туй кузяыс, но збой ныв веськыдаліс вичко шор вомөн: матынджык. Шор вомөн чепөсйис көмтөм, вөснидик ковта кежысь, весиг абу чышьянасьөма. Котөртис, том морөс тырнас лолаліг, сэтчө, көні ыпьялө би. Мый эськө вөчис тайө биас, ныв и ачыс на эз

төд, гашкө, бисыс мездіс кодөскө, гашкө... Да мый сәні «гашкөыс» — сотчоны, колө мездыны. И дас сизим арөса На-ста пелька чеччыштис шор вомөн: «Веськыда, веськыда, өд-йөджык!»

Кузя быдмөм рудзөг му пельөсын Настаөс кодкө скон-йыштис-уськөдіс.

— А-а-а! — горөдіс ныв, но өдйө воис садяс. Бөж дор улас лөсьөдчис пырны Савать. Сійө пелсөдліс нывлысь кияс-сө, көсийс песовтны кадж улас, никсіс-ружтіс порсь моз. А Наста парсаліс, кыті веськаліс, курччасис. Но Савать вөлі өнджык. Сійө топөдіс нылөс нянь бөрөзда костө. И сәки На-стала мездмыштөм кияс шедіс няйт шмак, став вынсьыс ляс-көбтіс Саватьлы синмас...

— Кодъяс тәні!? — кыліс збой том гөлөс тільсьысь-пес-сьысьяс дорын.

— А-а, тә, молодец! Гуляясөс куталан? — Елесь Родион-лөн пыис — Опонь сатшкис гыжъяссө Савать юрсиө да ләп-тіс кок йылас.

— Мый нө лоис? — кашкигтыр котөртись Пилип воис здукөн сөрөнджык.

Насталөн косясьлөм ковтаыс, ляссьөм рудзөгыс висья-лісны ставсө.

— Кө-ө-өсийс... — бөрдіс ныв. — Көс-йи-ис, зверь рө-дыд... — да сьөлыштис Саватьлы чужөмас, яндысигтыр сайө-діс косялөм ковтасө да сарапансө. — Бурөн эн лэдзөй!..

Пөжар бөрын Кулөмдінын выль лөк юөр разаліс:

— Прокө Савать вичко шорбокса кыз пуө өшөдчөма...

— Аминьөй-аминьөй!.. — дзикөдз шөйөвошисны бабаяс.

— А кывсьө, быттьөкө, батыскөд ветлывлөмаөсь...

— Господьөй, видз грешникъясөс...

И чөвтәлөны пернапасьяс, муноны поп ордө висьтасьны став вөвлөм и абутөм грекъясысь.

V

Наста куйліс висьөм улө лэдзчысьөмөн торъя чуланын кык лун. Көймөд луннас петіс гортсьыс да гусьөникөн котөртис Елесь Габө ордө.

Гаврила Елисеевич өна и чуймис татшөм вөвлытөм гөстя-ыдлы.

— Настук, пуксьы. Мый нө лоис?

— Нинөм эськө сәтшөмыс, да...

— Ачыд кө локтін, мыйкө неладнө нин...

Ныв ырөстөмөн бөрддзис. Сәсся уськөдчис пидзөс вылас:

— Габө дядьө... Ме-ме...

Габö мелиа шылбодис мича сьод юрсисö. Такöдис.

— Настук, мый нö тэкöд?

— Ме, ме радейта...

— Кодöс нö?

Нывлөн пельпомьясыс сыркмунисны. И муртса кывмөн вом дорьясыс шöпнитисны: «Тәнсьыд питö, Пилипушко-öс...»—И бара сöдз синва ыльöбтис Габöлы пидзöс вылас.

Габö некыдзи эз виччысь татшöмсö. И важысянь-ö Эжва йывса нывьяс дöверитлисны татшöмтор жöникпулөн батылы? «Дивö да и сöмын,— мөвпыштис бать,— но и пи менам быд-мö. Быдмöма тай: эстшöм ныв кö вийсьö сы понда...»

— Пилипыд эськö мян абу шыблас морт да...— сöмын и кужис шуны бать.

А ныв быттö мездмис морöс вылас личкысь сьöкыдысь, сувтис, мича синьяснас веськыда видзöдлис Габö вылö да шуис:

— А Педöсьтö сотис Прокö Савать, со кöть пернапасея. Сэссея некодлы.

— Мыйла нö, сидзкö, сийö öшöдчис?

— Ме вöсна.

— Кыдзи?— шöйöвошис Габö.

И ныв висьталис став вöвлöмторсö. Габö кывзис да аслыс эз эскы: кыдзи вермис лоны, мый эз казав сэтшöмторьяс сиктса йöз олöмысь? Тайö олöмас да венас, вöлөмкö, не сöмын батыяс, но и ныв-пияныс везьясьöмаöсь...»

— Тэ, Настук, та йылысь некодлы на эн висьтав?

— Эг...

— А батыд нö?

— Сылы ме татшöмтортö ог висьтав...

«Но и но,— гыжйыштис юрсö Габö ныв петöм бöрын.— Важ йöз шулöмаöсь: сус коль пö пусьыс ылöдз оз усь, лежнөг вужйысь пö öмидз оз пет. Абу тай сидзи. И мый сöмын аддзöма менам Пиляысь тайö тувсов дзоридз кодь нылыс, код вылö и видзöдлыны любö. Бур да ыджыд сьölöма, буракö, абу бать рöдас».

Мөвпьяссö торкис Пилип, кодi воис Кулөм ю вомысь че-ри тыра туйсөн.

— Пуксьыв, пиук, со этатчö,— нисьö мелиа, нисьö скöрьсь шуис бать да индiс сывтырья пожöмысь лöсалөм скамья вылö, а сэссея пöрччис коссыйс паськыд тасмасö.

Пи эз вочавидз кыв ни джын. Пуксис да виччысяна видзöдлис зумыш батыс вылö. Но Габö эз ырыштчы, а öшöдис тасмасö орчча тув йылö.

— Сидзкö инö джагöдинныд Прокö Саватьтö Опонь во-кыдкöд?— гөлөссö кыпöдтөг юалис пийслысь.

Пилип ыпнитліс, сәсся лым вылын быгалом шабді дора кодь лоис. Садяс воис батыслон лонь голосысь:

— Петав да өдйө кор Опоньос, Герасим да Родион дядь-ястө...

Вок да шурин тәрмасигтырйи өтпырйө моз быйкнитисны өдзөсөд, муртса көсяксө эз люкавны ыргөнөдз гождьялом кымснаныс.

— Пуксьой,— индіс Гаврил.— А Пилипыс нө көні?

— Кук йөр дорө котөртис Опоньос чукөстны. Сәні йирөм турун коляссө ытшкө да...

Мыжаяс моз порог улө сувтисны Пилип да Опонь. Но Габө тшөктис налы пуксьыны джодж шөрө баддысь пелөм джек вылө.

— А кори ме тиянөс, шуриной да вокйө, судьяс пыдди. Откөн ме судитны ог вермы, колөны этша вылө кык... кыздинин, Герасим?

— Присяжнөйяс.

— Вот, вот, присяжнөйяс,— шпыньөвтис Габө.

— Да эгө ми, батьө, сйө ачыс джагөдчис!— уськөдчис пидзөс вылас Пилип. Сы бөрся джоджын лоис и Родионлөн Опоньыс.

— Тэ, зонмө, эн мудерит, а висьтав, мыйын делөйс?— шыясис Родион.

— Сувтөй, молодечьяс, да кывзөй. Сюркнялөй пель саяныд, мый ми тиянлы висьталам,— тшөктис Габө, недыр чөв олыштис, виччысис, кор пиыс да племяшыс воасны ас садяс, да заводитис:— прокопей лунся рытсө помнитанныд? Мамонтов Прокө өшинь улын вөлі зык. А сәсся гымалөмөн зәрис да со и өні на нбөжйөнник шливгө, вөвдөм турунъяс сисьтө.

— Но и мый?— торкис Герасим.

— Но и сотчис, бытбөкө, гимнөв кучкөмысь Карп Педөсьлөн керкаыс да и ачыс көзайкаыс.

— А коді нө өзтис? Гашкө, Педөсьяыс самөкур пуигас юсис да и өзйис?— шуис Родион.

— А өзтисны кө? Мед мынтөдчыны Педөсьясыс?— водзө туясис Гаврил.— Мед кодсюрөлысь нййтсө оз лэпты...

— Өзтисны и эм!— горөдіс Пилип.— Мамонтовлөн Саватьыс сотис... Сәсся некодлы...

— Сәсся Саватьыс жө и Настаөс!..— шуис Опонь, но өдйө бөр тшөкмунис.

— Мый Настасө?— юалис Родион.

Опонь полігтырйи видзөдліс мужикьяс вылө:

— Ме... ми Пилякөд котөртим весьтас, шор вомөн пөжар вылө. Кылім горзөм... Поплөн рудзөг му дорысь. А сәні...— зон джөмдіс.

— А мый сэні?— юалис зумыштчөм Габө.
— А сэні... а сэні...— мыкталис Опонь.
— Но, но,— тэрмөдліс мыйкө гөгөрвоны заводитысь Герасим.

— А сэні,— шыасис Пилип,— Прокө Савать пелсөдлө Пөлудь Оньө Настаос. Но ми и... Эсійө... Но...

— Мездінныд?— юалис Герасим.

— Мездім...

— Саватьыс ёна повзис...— торкис Опонь.— Став мыжь-яссыс...

— И ачыс өшөдчис?— юалис Родион.

— Ачыс, батьө, ачыс. Сө ей бог, ачыс. Мед, буракө, мын-төдчыны мыжсьыс.

— А миянлы татшөм пажтө, эз жө вөв окота мездыны...— шуис Пилип.

— Да-а. Делөяс...— сөмын и артмис Герасимлөн.

— Сыын өд и эм, делөяс,— содтіс Габө.— А мый эськө ті бочавидзинныд, исправник кө кутас юасыны?

Зоньяс өшөдісны юрнысө. Найө некыдзи эз виччысьны татшөм юалөмсө. Да и некор на эз вөвлыны татшөм суд вылас. Збоймыштіс Пилип:

— Оз, исправник оз юась. Некод нинөм эз аддзыв. Кулөм мортыд нинөм оз висьтав.

— А Наста?..

Со кытчө джөмдісны зоньяс. Да, Наста төдө, но...

— Настук оз вузав... Од лөк Саватьыс немортө көсйис вөчны сійөс... Бать, а бать, тэ кытысь ставсө төдмалін?— кевмысяна шыасис Пилип.

— Меным быдтор колө төдны, кадыс сэтшөм,— ыджыда ышловзбөмөн шуис Гаврил.— А ті — некодлы кыв ни джын. Вомныд мед вөлі топыд иган сайын. Настук вөсна ме ог пов. Вежөра и сьөлөма ныв.

Батьыслөн тайө кывьяс бөрын Пиля быттьө везйись мездмис. Сөмын и артмис:

— Сійө сэтшөм, сійө оз вузав.

Габө недыр чөв олыштіс, видзөдліс вокыс да шуриныс вылө, юалис кыкнанныслысь:

— Гашкө, прөститны? Кыдзи, тіян ногөн?

— Суд вылын мыжаяс дырйи та йылысь оз сёрнитлыны,— шыасис Герасим.— Ме со мый көсья висьтавны том йөзлы. Кывзөй бура. Дуракьяс ті. Да, да. Дуракьяс. Сы вөсна өмөй ми панім венсө, медым...— Герасимлөн гөрддзасис горш діныс.— Сы ради ли мый ме Питерөдз ветлі, медым ті, зырымбедьяс, ас арлыдатө өшөдінныд?

— Найө мездісны нылөс,— дорйис зоньясөс Родион.

— Но и лёк вочисны мян отувья делёлы,— шуис Герасим.— Но, Савать джагодчис. А сэссия мый? Некод эз тóдлы, некод эз аддзыв, некод оз висьтав! А колó вóлі Саватьсó вайóдны домалóмóн татчó, медым судитны, и батсьó отлаын, став йóз син водзын. Онí жó Мамонтовлы кóзыр: быттьó, великомученик Савватийóс дзедас.

— Везжóртíнный? Гóгóрвоинный, пиян? А гóгóрвоинныйд кó, кывнытó пинь саяныд крепыда кутóй,— шуис Габó да шеныштíс кинас:— А онí...

Зоньяс гóгóрвоисны сийóс да петíсны керкаысь. Налон петóm бóрын мужикьяс неуна чóв олыштíсны, а сэссия первойсь лыбис ас костаныс вен. Медводз шыóдчис Герасим:

— Тэ, зяттьó, быттьóкó дорьян пияннымóс?

— Шаньóсь войтырыс быдмóны...

— Быдса морт óд бырис, кóть кыз сэни эз ло.

— А тэ эськó, ачyd, мый вóчин, суин кó татшóмторнас?

— Мда... Делóяс...— ышловзис Герасим.

Чóв олыштóm бóрын Гаврил шуис:

— Тыдалó, кокниа мян делóным оз помась. Сьóлómон кыла. Ме думысь, колó Дереванной туй костó сувтóдны ассьыным йóзóс, мед вóлины мян синмóн и пельон. Надея эжва йывса сиктьяс вылó ичót, óдвакó воасны отсóгон.

* * *

Прокопей нельóд лунó дзедисны-гуалисны кыкóнóс. Карп Педóсьлысь сотчóm лыяссó нывбабаяс кольóдисны Куж туйбокса шойна помó, бóрдыштíсны, талялыштíсны небыд лыасó, сувтóдисны дзор дядьóяскóд óтвылысь кок улас крест, пернапасасисны.

Лóзóдóm чужóма Саватьóс сьылóдисны. Онисим поп зарни риза, тшыналысь кадилóнас óвтчигтыр, куимысь кытшовтíс «новопреставленной Савватий» горт гóгóр, но гу вылóдзыс эз жó мун: «Коскóй висьó»,— шуис поп. Дзедис Мамонтов ассьыс óтка писó, кодóс и пи пыддиыс эз лыдды, абу пó менам, и — ставыс. Абу пó ме кодь!

VI

Июль помланьын кóть и войясыд абу на ёна кузьóсь, но пемыдóсь, торйон нин кор пыдóстóm небесасó тупкасны кыз кымóрьяс. Татшóм войясó чери овлó рам. Сийó лóня куйлó да вóрóдыштó бóжнас лыа кóса помын либó колода бокын. Пемдытóдзыс на Пиля да Опонь заптíсны сирóд кос пес, лэччóдисны ва дорó «кóза» да азьласьяс. Илля лун матысмó,

кызд нӧ свежӧй черитӧгыс. Мам вундас рудзӧг кольта, вартас, изас, и арся праздникӧ пӧжалас капуста коръяс вылын вежӧд кӧра кӧвдумъяс. И долыдджык овлӧ, кор кыскас пачысь банийӧм чери ладка. А мамыс Пилялӧн пуны-пӧжасьнытӧ сяммыліс, пуксян сӧйнытӧ да кывтӧ тӧкӧтьӧ он нбылышт.

Кык зон кӧсийӧны ниң вӧлі пыжӧ тӧчны кыбан пессӧ, кор мӧдлапӧвсянь кыліс:

— Вуджӧ-дӧй!

— Кодӧс нӧ вой улас вайӧ?— шыӧдчис воча вокыс дорӧ Опонь.

Пиля кывзысьыштис, сӧссия вочавидзис:

— Носимсалы тайӧ каднас локны нинӧмла. Да и найӧ асланыс пыжӧн горт весьтаныс эськӧ вуджисны. Дереваннойса пырджык луннас волӧны.

Ю сайсянь бара горӧдісны. Ӧні ниң некымын гӧлӧс. Зонъяс кывзисисны. Войся ю кузяыд кылӧ бура. Кодкӧ рочасис, ропкис.

— Мый нӧ, Опонь, вуджалам?

— Вуджалам инӧ,— вочавидзис Опонь да горӧдіс:— Локтам!

Но берег дорӧ сибӧдчытӧдз Пиля юалис:

— Кодъяс нӧ лоанныд? Кысянь воинныд?

— Дырджык нюжмасьӧй!— скӧрысь горӧдіс воӧмъяс лыдысь ӧти.

Лыа дорын вуджрасисны нӧльӧн.

— Ёрчыны кӧ кутанныд, лыа дорас узянныд. Миянлы ӧд абу на дыр асладорӧ сыныштны.

— Вуджӧдӧй, бур пьян, а то изӧймитам-кынмам,— кевмысяна шыасис олӧма морт.— Карсянь ми, исправник миянкӧд.

Асладор берегӧ воӧм бӧрын мужикъяс петісны пыжысь. Сылӧн, коді вӧлі гарыштчӧма плащӧн, сапӧг гӧлень боксыс тыдаліс пӧшти муӧдз кыссысь пуртӧс. Куимыслӧн, кодъяс шынеляӧсь, мыш саяныс ӧшалісны пишальяс, а помас чурвидзисны кузь шытыкъяс.

Зонъяс нарошнӧ вылӧджык лӧптісны пыжсӧ.

— Нуӧдӧй миянӧс Пӧлудиев ордӧ,— тшӧктіс исправник.

— Нуӧд, Опонь. А ме пыжӧс домала,— шуис Пилип. И мыйӧн сӧмын воысьяс саялісны амбар пельӧс сайӧ, котӧрӧн кайис гортас.

— Эн али мый кыбнытӧ мунӧй?— юалис батыс.

Пилип висьталіс воӧм йӧз йылысь, кодъяс да кутшӧмджыкӧсь.

— Исправник, шуан, куим шынелякөд? А Иван дядьыд накөд өз вөв?

— Эз. Вөлі кө өд, төді жө.

— Кыбөмтө тавой ковмас эновтлыны. Котөртлы Герасим да Родион дядьястө чукөстлы. Мишөс тшөтш и.

* * *

Пөлудь Оньө отсаліс исправниклы пөрччысыны, ачыс кыкис кокъяссыыс сапөгъяссө, чөвтис пельпом вылас шоныд ыж ку пась, көмөдіс ас гындөм небыд тюниөн да вөлисти юалис:

— А служивөйястө нө?..

Инвалиднөй командаса куим салдат пыр на сулалісны поро-
г дорын, виччысисны.

— Ме думысь, суседьяс ордад мед узьмөдчасны,— шуис Волков.

— Менам, эськө, ыджыд керкаыс да...— шуис Пөлудь Оньө.— Пывсянөй еджыд, ыджыд, төрыт на ломтылі. Шонтысыны да и пось ваыс на пөртъяс тырмас, медым мыссьөны кузь туй бөрын. Сисьсө ме сета. Дерт и сөян аддза.

— Сөгласенөсь?— юалис исправник.

— Пывсянө кө и пывсянө, ваше благородие,— вочавидзис вөвлөм салдатъяс пөвстысь өти.— Сөмын тай табакным быри.

— Табакнад ог кедзөвт,— шыньмунис Оньө.— Но, инө, петамөй, тані орччөн. А ужнайтнытө чукөста.

Пывсян, кызди и шуис көзяин, збыльысь ыджыд и еджыд, мукөд татчөс олысьлөн керка пытшкөсысь бурджык. И ваыс, көть и абу нин сэтшөм шоныд, но пөртъяс эм. Көзяин вайис ыргөн подсвечник вылын кыз стеаринөвөй сись да көйысис:

— Мыссьыштөй, ачим чукөста.

Сылөн петөм бөрын өти шуис:

— И таысь нин аттө. А то туй чөж сарайясын да көдзыд кумьясын йөжгылясим.

— Эн нин шу, Ермил. Волковыд, дерт, миянкөд өти керка пытшкө оз узьмөдчы. Вай, бурджык, неуна ломтыштлам горсө, пескыс тай пөварняас. Сэсся и мыссьыштам, да, оз кө көзяиныс вунөд, и ужнайтам. И пөрччисны-кокньөдчисны мужикъяс, мыссисны-керисны.

Сөйны-юны өти пызан сайө салдатъясөс эз корны, но ассыыс кывсө көзяин эз веж — вайис вина штоп, небыд нянь, пуөм яй, сола чери да яндөва тыр ырош.

— Тадзи тшөктис его благородие...

А югыд горничаян еджыд скатертбөн вольсалөм пызан сайын гусьөн сорөн сөрнитісны коньяк доз дорын кыкөн.

— Ме и шуа, господин исправник, корны Мамонтовос талун нинюмла. Да и опаснө: Елесь Габолон синьясыс да пельясыс быдлаын. Казяласны, и войся зык вермас лыбны,— өлөдiс кöзяин.

— Зэв нин тай тiян Габöныд?— ырьянитiс Волков.— Ме сiйöс гыж улö нальышта.

— Да и оз лок Прокöйд, талун сöмын писö гуалис. Прокопей луно аслас вöнь вылö öшöдчöма. Сэссия и гөлөвалон пöдружкаыс сiйö жö луннас сотчис...

— Но и но... Делöяс тiян Куломдiнын. И ставыс, дерт, Елесь котырсянь?

— Енмыс тöдö...— ылöсас вочавидзис Пöлуднев. Сiйö и ачыс на тырвыйö эз гөгөрво, кызди-мый вöли. Сöмын кыв ни джын эз казты, кутшöм зык артмис Прокопей луно номырöсь шомйöв туис вöсна.

Водтöдiс гажмöм исправникöс небыд гөн вольпасьö да асылöдзыс синсö эз куньлы, пукалис öшинь дорын, кыйöдiс, а друг да гажмöм салдатьяс не сiдзи куритчасны, уськөдасны биа чигарканысö?..

* * *

Мöд лун асывнас бөр шуровтыштiс, и кöть вöли шочиник кымöра, но зэр эз повзьöдчы. И мужикьяс асланыс семьяысыс код мöдöдчисны видзяс вылö куртны кöтасьлöм турунсö да öшлыны сырсаяс вылö, разöдлыны-тöлöдны водзтi чукöртлöм юрьяс да тэчны тшöкыд пыкöдьяс вылö. Вуджис мöдлапöвса поп видз вылö и Елесь Миш: колö вöли помавны медбөрья зорöд, пуктыны аслас участок вылысь вöла-мöскалы тöвся кöрым. Кадыд öд оз виччысь: рудзөг едждö — ковмас, кöть и ичöтик сёрöмьясö, вундыны да чукöртны-тэчны, медым сэссия чапөн вартны выль нянь. Мöдöдчис видз вылö и Елесь Габö. Гөрин-кöдзин, сiдзкö, идрав, лöсьöд семьяидлы запастö. Семьяыс, дерт, абу ыджыд, Турьев Петырлысь нель арöса нывсö, кодöс öнi гöтырыскöд быдтiсны асьыныс пыдди, лишнойөн эз лыддыны, но во гөгөртö колö жö бергöдчыны. Габö вöли петö куран-косаөн аслас заворöд, кор сы дорö матыстчисны шынеля кык тöдтöм морт.

— Гаврил Елисеевич Поповыс тэ лоан?— юалис öтиныс.

— Ме тай водзтi вöли-а,— ньöти шöйöвоштöг вочавидзис Габö.

— Тэнö корö господин исправник Волков.

— Кытчöкö?

— Тшöктiс вайöдны,— вочавидзис Ермил, кодöс индiс старшöй пыдди Волков.

— А мыйла нө вайодны? Ме и ас кокөн верма ветлыны. А мырдысьөн кө — ог мун. И нуодны он вермөй. Бурджык, служивөйяс, восьлалөй ас кежаныд. А ме локта, короны кө нин... Тян служба — кывзысьны, а менам — не пыксьыны.

Гөтырыс, Дарья, кодлы морөс бердас топөдчөма еджыд кудриа ичөтик ныв да коді мөдөдчөма жө видз вылө, синкым увтис видзөдліс стражникьяс вылө, пуктіс сөян тыра нопторсө да шуис:

— Ветлы, ветлы, Габө, талун, буракө, ог нин куртөй.— И бөр пырис гортас, көні Пилип кыйөдчис өшинь пырыс.

Салдатьяс мунисны. На бөрся недыр мысти мөдөдчис и Габө, кучик лазья, козьянас чер, коскас ош виан пурт, гын шляпаа.

Пиля гөгөрвоис мамсө пыригмозыс на.

— Ме дзик пыр,— сөмын и шуис да тэрыба лэччис ва дорө, медым юөртны дядьсыслы. А Дарья кытшовтіс суседьяссө: сьөлөмнас төдіс — салдатьяс эз весьшөрө волыны.

Волков сулаліс вөлөстьса правление кильчө пос вылын. Сыкөд орччөн вөліны Прокө Мамонтов, Митрей Русинов, старшина Кузнецов да вөвлөм сотскөй Елеев.

— Көні нө Елесь Габө смутьяныс?!— стрөга юаліс Ермиллысь.

— Ачыс локтө, ваше благородие.

— Мыйла онө вайөдөй под ружьём?

— Ачыс жө локтө...

— Ду-у-рак!— Волковлөн шамыртчисны княсыс да сійө нин вөлі дась сетны веськыд кысылы вөля, но сэки виччысьтөг паныдасис синьяснас смела видзөдысь зумыда сулалысь гөгрөс тошка мужиккөд, коді гын шляпа увсяньыс быттө көсийс бытшкыны видзөдласнас исправникөс, быттө көсийс сотыштны өзьялысь би киньөн, но некутшөм лөгавтөг шыасис:

— Бур асыв, ваше благородие. Кыдзиджык воинныд, бура-ө шойччинныд?— и копыртчыштліс юрсыс шапкасө пөрччөмөн.

Волковөс тайө падмөдіс: «Тайө али мый быдлаө суитчысь-ерепенитчысь Гаврила Поповыс?»

А Габө ассьыс:

— Эг төдөй, господин исправник, да и энө юөртөй асланыд воөм йылысь. А ми өд важөн нин виччысям тіянөс. Пара вөв эськө Дереваннойөдз мөдөдлім.

«Но и Габө!»— шензис неуна бокинджык Пөлудь Оньө. Шензисны и пельөсын сулалысь стражникьяс: мужик, а сөрнитө аскөдыс исправниккөд өткодь чинакөд моз.

— Сідзкө, ваше высокоблагородие,— Габө төдөмөн содтіс

Волковлы пöчитайтан чинсö,— воис жö тiянöдз миян гижöд-ным?

Волков гөгөрвоис: сёрнитны Габöкöд оз ло кокниджык Иван вокыскöд серти: «Оти рокöсөн шоммöдлöмаöсь, öти нянь зырийөн пачö сүйлöмаöсь». Тшöктiс Мамонтовлы да Ру-синовлы петны кабинетысь:

— Ми тiянтөг öти кывйö воам Гаврила Елисеевичкöд. Кор мöдъясыс петiсны, Волков недыр видзöдiс синкым увтiыс зумыд тэчаса мужик вылö да вöзйис пуксьыны.

Габö чöv олiг виччысис, мыйсянь заводитас Волков.

— Сiдзкö, шуан, Гаврила Елисеевич, быдлаö норасьöмъяс гижанныд?— быттьö небыда заводитiс Волков.

— Быть öд норась, кор голя помöдзид воас,— чорыда шуис Габö.— Кор крестьянинлысь олöм вужъяссö ордöны...— сэся чöv усьлiс да содтiс:— Ми правда корсям...

— И та могысь весиг царлы гижинныд?

— Да, мед государыс, либö престолонаследникыс видлалöны миянлысь шогнымöс-могнымöс.

— Но öд Россия-матушкакыд паськыд, и ачыс государь быдлаö оз вевъяв.

— Кöсийö кö тöдны аслас йöзлысь збыль олöмсö, позьö и вевйöдчыны...

— Вот ме и вои государь нимсянь тöдмасьны делöяснас.

— А куйм салдатыс либö мыйла?— чошкöдчис Гаврила.

Волков явö кутiс петны ку пытшсьыс. Лысöм юрыс ныйлöдiс да ковмис чышкыны ва больяссö. Но пыр на терпитiс, кöть и юасис эз нин ачыс, а Габö.

— Гашкö, и карö кöсьян лэччöдлыны?

— Ковмас кö, лэччылам. Норасьöмъяснытö земскöй уезднöй судын видлалам.

— Онi, господин исправник, меным карö ветлыны некор. Кöрым колö скöтлы тöv кежлö дасьтыны, нянь да картофель медым лым улö эз веськавны. Сёрнджык, буди.

«Наян»,— мövпыштiс Волков, а сэся шуис:

— Колö жö кызкö спорнытö ладмöдны...

— Вот медым и локтö уезднöй земскöй судьяыс миянö. Сылы ытшкыны ни вундыны-вартны оз ков. Небось казнаысь жалöваннö оз ичötöс сетны. Да и лэччöдны кö, колö öтлаын Мамонтовöс да...

— Сийö менам делö, кодöс лэччöдны!

— Кулöмдiнö кö судьяыд локтас, свидетельыс танi унджык петас,— эз сетчы Габö.— Да и эм нин карас миян öти воча кыв кутысьыс.

— Кодi нö?— заводитiс пузыны Волков, кодi пукалiс

өшиньлань мышкөн да эз аддзы ывлаын чукөрмысь мужикъ-ясос.

Зато Габё аддзис ассыыс ёртъяс-другъяссё, кодъяс да-сьось дорйыны быд здукё. И тайё сетіс вын да збойлун.

— Коді, шуан? А менсыым Иван вокёс, коді лэччис карё уездса начальство дорё, мыйла тюрьмаас йёршитін? Чайтан, нинём ог тёдй. А кытчö Мамонтовлөн посолыс, Липин Лазарыс воши? А öні көсьян менö босътны! Оз артмы.

— Ланьт. Ме арестуйта тэнö! Көрталёмөн лэччöда!— ра-вöстіс Волков.

— Меным пиньёс кеслыны некор, господин корошöй. Колö на зорöд чöвтны ветлыны,— и Габё чеччис лабич вылысь да мөдöдчис пороглань.

Волков чепöсйис, шашкасö кутіг, бёрсянныс, сатшкысис Габёлы пельпомас. Габё кватитіс исправниклысь килутшсö да сэтшöма шамыртёмөн песовтіс, мый сöмын шегъясыс ратшмунісны.

— Стража! Ме дорö!— доймöмысла мый эбөссыыс ойöс-тіс Волков.

Пыр жö воссис öдзöс, да порог дорö сувтісны Герасим, Родион да Микайлö.

— Ті коринныд, господин исправник?— серам сорөн юаліс Герасим.

— Стража, көні стража?— быялём синъяснас дзоргис мужикъяс вылö Волков.

— Служивöйяс сиктсакöд ас табак шпуткöны-куритö-ны,— вочавидзис Герасим.

— Таысь тиянлы прöща оз ло!— зілис на горзыны Волков.— Тэ коді сэтшöмыс?

— Ме — Герасим Сладкостиев, ваше благородие. Тшöк-тылёмныд тай кутны Питерö ветлігөн... А öні ме ог и тöд, коді кодöс кутіс...

— Ставнытö Сибирö кандалъясö дорёмөн ыстам!..

— Кобуратö да пистолеттö, мед грек оз ло, ковмас пөрч-чöдны, ваше благородие. Кузь пуртöса шашкатö и,— наяни-тіс Герасим.

Кор оружиеысь прöстмём исправникöс петкөдісны ывла вылö, Гаврил шуис салдатъяслы:

— Лэччөдöй господин Волковöс бөр, кытысь воліс. А пу-ля-пороктö ректöй. Миянлы зверь-пöтка вылö ветлыны оз мешайт, а тиянлы вылысь сетасны. Ружьенытö ог мырддöй. Кутшöм нö салдат, повзвöдчаныс кө абу.

Пуксьөдісны исправникöс да салдатъясöс Мамонтов Про-көлөн ыджыд пыжö, сетісны пелысьяс:

— Кывтöй Дереваннöйöдз, көть карөдз,— велөдіс Габё.—

Вовьяс сетны ог вермөй, а подон Дереваннойодз муны ог советуйт: господин исправник подон ветлыны абу велалёма, да и туй костас мян зоньяслы верманнуд шедны. Бурон мододам, бурон, господин Волков. Сомын каро воом борад Иван вокос пыр жо мезды, медым дзикодз ог логасьой.

Волковлы сомын и колис ас кежас герчкыны пиньяснас.

— Да висьтав губернаторлы: куломдинса по короны асьсо сарос либо наследниксо,— содтис туйо мододчысь Волковлы Гаврила Елисеевич.

Мыйон пыж йоткыштчис берег дорысь, Пиля босьтис ва бердысь кыбом борын помодз сотчым сэрапом, кадилон моз довкнитис-пернапасалис, городис Онисим поп голосон «С богом» да шыбитис съод пес торсо пыжланьо. Гашко, нарошно, либо эджык артышт, но сэрапомыс катшкысис пыж шорын пукалысь исправниклы юрас, кокардаа картузыс лэбис вао, и рытъя шонди югор улын дзирдыштис Волковлон лысом юрас. Картуз дорынччомон гумовтис васо да войис. А берегын: «Гы-гы-гы, ах-ха-ха!»

— Пыж шорын Эжва кузя толысь кывто!— городис Родионлон пиыс, Опонь.

И берегын лыбис сэтшом серам, мый исправниклон картузтом юрас медборья сиясыс сувтисны, а мыш кузяыс быттьо кодзувкотьяс визлалисны.

— Рёз-бойникьяс!— кулакнас грёзитис куломдинсаяслань Волков.— Ме тиянлы петкодла на!..

Коймод юкон

КУЛОМДИН ВЕСЬТЫН КЫМОРЬЯС

I

...Эз вов кокнион август толысья тайо войис Волковлы. Илля лунодз зэралом борын пуксис жар поводдя, кор крестьянин водз асывсянь да сёр рытодз тэрмасьомон идрало нянь да сидзи, медым муо эз коль ни оти шеп: «Оти тусь — чеполь пызь, быдса шеп — пошти ковдум», — тадзи шулисны нянь йылысь Эжва йывса крестьяна. А Волковлы и оти тусьсо эз удайтчы кокыштны, а шептыс — горшас сатшис. Восьса ошиньсо туйыштис занавескаон да пуксис гижны

рапорт. Дыр мышкырасис-пукаліс. И сөмын асыядорыс, кор ыркалыштис да вежорыс паляліс, помаліс гижнысö Кулөм-динө ветлөм йывсыс. Водыштліс недыр кежлө да, мыйон троньгис звөна часі, тэрмасьомон чеччис, сөйыштис да муніс колана кадө уездной начальник ордө.

Исправник векджык пыраліс Воронежский ордө докладтөг. Тайө пөрийө сійөс сувтөдіс секретарь.

— Его высокоблагородие лыддьө зэв төдчана документ. Виччысыштлөй, господин исправник.

Волковлөн мыш кузяыс мыйкө быттө визьнитліс, а морөс улыс ыркмуналіс. Но воссис кабинетө өдзөс, и ачыс Воронежский корис:

— Извинитөй, пөжалуйста, төді — ті воинныд. Кора, кора, пырөй.

Сэсся Воронежский топыда пөдлаліс кык пөвста өдзөссө, пуксьөдіс паньдөн Волковөс («Дзик жө сідзи, кызди ме Елесь Габөс», — думыштис исправник) да корис рапорт. Лыддис дыр. Частөкодь видзөдлывліс исправник вылө.

— Ме тіянөс правильная гөгөрвоа, исправник? Сідзи и вөлі, кызди гижөма?

— Ставсө стөча гижөма, ваше высокоблагородие.

— И тэнө нөйтисны, оружиетө мырддисны?

— Так точно, ваше высокоблагородие!

— И салдатьяслысь?

— Налөн винтовкаяс сьорсьыныс...

Воронецкий бара кузя видзөдліс сы вылө, сэсся босьгис пызан вылысь да кутис бергөдлыны ныр улас кутшөмкө гербөвөй бумага. Но эз петкөдлы. Сэсся юаліс:

— А мыйла эн вайөд сьорсьыд Елесь Габөсө?

— Сійөс босьтны абу кокни. Вөвлөм сельскөй писарь Поповөс дорйоны пөшти став сиктөн. А сэсся меным веськыда шуисны: кытчөдз пө он лэдзөй тюрьмаысь Елесь Габөлысь воксө — вөвлөм салдат Иванөс да кытчөдз пө оз волыны кулөмдинсалысь элясьомсө видлавны ачыс государь либө наследникыс — сөрнитны ог кутөй.

— Мда-а-а... — сөмын и артмис Воронежскийлөн.

Тайө «мда-а-а»-ыс нюжаліс. Воронежский өні ыджыда гөгөрвоис, мый тшөтасьом мужикьясөс уездса кион босьтны лөө сьөкыд. И век жө корсис туй. И юаліс Волковлысь:

— Тэ со гижан аслад рапортын: «Гаврил Елисеев Попов да сылөн өртьясыс корисны, медем тэ лэччөдин уездса мирөвөй судө Габөкөд өтлаын Мамонтовөс да зятьсө — Русинөвөс». Тайө жө вөлі Габөсө босьтны тэнад көзырөн? А тэ! Тэ воштін тайө көзырсө. Воштін. Сэсся гижан: корам пө мездыны вөвлөм писарь Иван Поповөс. Пыр на пукөдан?

Волков джөмдіс:

— Да. Тi жө асьныд...

— Ме вылө этшаджык ыстысь. Аски жө мезды, сет туй вылас деньга, и мед лөтиктө Кулөмдинө.

— Слушаюсь, ваше благородие!

Волков мунөм бөрын Воронежкий ещө өтчыд лыддис бумагасө, кодөс исправник волігөн суйыштлис нои дөра улө. Кулөмдинса крестьяна нимсянь гижисны:

«Земскөй полицияса господин исправник Волковлы.

Усть-Куломскөй сиктса обществоысь улынджык кырымасьём государственнөй крестьяналөн юөртөм.

Сетөма вөлі господин пристав Бордиловский пыр мирскөй шуөм серти январь сизимөд лунө...».

Водзө элясьөмас гижөма: «Мирскөй обществолы содтөмаөсь вотъяс да та вөсна дзескөдөны уджалысь йөзөс, кодъяслы колө матыса лунъясө петны вөрө кыйны зверь-пөтка... И мый ставыс тайө оз лөсяв олысь-вылысьяслөн эмбурлы... И ставсө вөчөма обществоөн бөрийсысьястөг, медым правительство эз вермы дугөдны беззакониесө...»

«Мда-а-а... И корөны, медым уважайтисны правительственнөй законъяс, медым лишнөй вот перйөм вөлі дугөдөма»,— мөвпаліс Воронежкий.

— Секретарь!— горөдіс сійө.— Тэ лючки босьтін тайө документыслысь копиясө?

— Да, ваше высокоблагородие,— вочавидзис секретарь.

Усть-Сысольскса уездөн веськөдлысь Воронежкийлы, кодi вежис тані Поповөс вылыс начальствоөн тшөктөм серти, вөлі мый йылысь думайтны. Кулөмдинсалөн элясьөм улын лыддьөдлөма некымын дас мужикөс, кырымасьөны велөдчывтөм да гижсыны кужтөмъяс пыдди сійө жө вөлөстьса крестьянин Михайло Попов да сійө жө обществоса Гаврило Попов. Попов Михайло кырымасьө дас вит мужик пыдди, Гаврило Попов — өкмыс пыдди да ещө Тихон Попов — дас нель пыдди. Сидзкө, гижөма комын көкъямыс крестьянин нимсянь. Ставыс жө Кулөмдин вөлөстын сө ветымын овмөс. Элясьөны став лыдысь нельөд юкөныс. И, дерт, көнкө абу лөк йөз найө. Повтөм вөралысьяс. Велалөмаөсь ас ногныс овны. Весиг со и исправниклысь оружие мырддьөмаөсь... Мда-а-а!...»

...Чорыда мөвпаліс та йылысь и Вөлөгдаса вице-губернатор Егоров.

1842-өд вося декабрь 14-өд лунся рапортын на сійө юөртліс Внутреннөй Делөяс кузя министерствоө да полицияса департаментлөн дас өтиөд исполнительнөй отделенилы губернияса начальниклы воөм отношение вылө. Вице-гу-

бернатор, кодї асьсö лыддис либералöн, вочавидзліс: «Государственной эмбурьяс палаталöн гижодъясысь тыдалö, мый Усть-Куломской обществоса крестьяна, 142 морт, шыодчылісны кольöм 1841-öд вося августын на да эялисны вöлöстьса да сиктса начальство вылö лишной денга босьтöмысь, да корисны, медым найöс видзисны дзескөдöмысь, кодöс вöчö гөлöва Мамонтов, а мый Палата тшöктыліс тайö эясьсöмсö видлавны Усть-Сыольскса уездной начальниклы, но кор сійö юөртіс, мый стрöг мераястöг крестьяналысь кывзысьтöмсö дугöдны сьöкыд, то Палата тавося январын нин шыодчис губернияса господин начальник дорö да корис лишной денга чукөртöм да крестьяна Поповьяслөн терпитны позьтöм делöяс йылысь следствие нуодöм могысь мөдöдны Усть-Куломской обществоö особой чиновникöс. Мый и вöлі вöчöма. Но зильöмьяс нинөмö эз вайöдны. Крестьяна öтвывшуисны, мый найö виччысьöны престолса наследникöс — либö царөн индöм мортöс и сэки ставсö висьталасны».

Вице-губернатор пунктіс точка да думыштчис.

Либерал Егоровкөд вензис царской чиновник Егоров, кодлысь Внутренней Делöяс кузя министр Перовский аслас департамент пыр корис стöч воча кыв.

«Мыйла воысь дырджык эз ланьтны Эжва йывса крестьяна? Мыйла найö зумыда сулалöны асланыс корöм вылын да «виччысьöны престолса наследникöс — либö царөн индöм мортöс?..»

А Елесь Габöыс, буракö, вежөра мужик, кужис кө ас гөгöрыс чукөртны-котыртны быдса вöлöстьса крестьянаöс. Куломдинсакөд гашкө и öтвылысь муноны Керчомьяса, Усть-Немса, Пожөгса да матігөгöрса олысьяс. Мый нö, ставыс найö «дикарьяс», кызди гижö аслас рапортын исправник Волков».

«Елесь Габö вöлі вöлöстьса писарөн. Мамонтов мездысис сыысь — эз лöсявны öта-мөдныскөд. Вермас лоны. Мамонтов крут да горш. Гаврил Попов веськыд да абу жö небыд характера. А сідзкө?.. Збылысь дорйö найöс гөлөвалөн дзескөдöм-кедзөвтöмысь? И сöмын-ö гөлөвалы паныд сүвтөдö йöзсö?»

А сэссия нем виччысьтöг вице-губернаторлы воис мөвп: «Габö мыжалö гөлөваöс да уездса начальствоöс государственной крестьяна весьтö казна гусялöмысь, взяткаысь и эскö, мый государь справедливой. Но кор да кутшöм кадö Россия-матушкааным эз вöвны казнокрадьяс да взяточникьяс?.. — И ачыс шайпаймуні: — Эз-ö нин гораа шусы?»

Сэссия вице-губернаторлөн чиныс бара вежис либерал Егоровлысь мөвпьяссö мөд туйвежö.

«Мамонтовос крестьяна Попов Гаврил юрнуодом улын вештисны голөваысь. И Усть-Куломын законной власть эз ло, властьюс бунтуйтысьяслон княсын. Сидзко?.. Сидзко, Куломдинса полудикарьяслон чукорын спокойствие оз ладмы».

Либерал Волков да вице-губернатор «воисны» оти кыв-йо: а сэся по гогорво, министр Перовский, ачид кыззи косян.

II

А Куломдинса мужикъяс олісны асланыс кад серти. Часі-ясыд вөліны сомын Мамонтовлон да Полудиевлон. Мукөдь-ясос жö садьмөдліс асывнас петук да некор помасьлытом төждысьомыс. Чеччас мужик, видзөдлас ошиняс, шуас: «Югдө, колө лөсьөдчыны удж вылө». А гөтырыс пачводз дорын нин клөнөдчө — мөстө колө вердны, помөйтө ыжъяс-лы петкөдны, челядь садьмигкежлө пөсь картофель пуышт-ны. А сэся пыш-шабді вольсавны-тыөдны.

Водз асывсянь да сөр рытөдз пессьоны мужикъяс, бабаяс и весиг сизим-көкъямыс арөса челядь. Аръявылыс кыздкө-мыйкө идралісны лөскут кодь муяс вылысь нянь, косьтисны чумалияс, чукөртисны на гөгорысь став шепъяс, новлісны рынышъяс дорө да тэчисны ляпкыдик чалькостъясө, а сэся, рынышъясө шөглөм бөрын, заводитисны вартны да төлөд-ны — лөсьөдны кузь да горш төв кежлө запас. «Чуп-чап, чуп-чап», — кыліс отка гозъялөн гумла дорысь. «Чупи-чапи, чупи-чапи...», — вочавидзлісны гумла дорын унаджык челядя вартысьяс. Медся гажа вөлі тайө кадас Мамонтовлон вевта гумла дорын. Но тавося арын вөвлөм голөва ассъыс муяссө идравны эз пет. «Бурджык, мед няньой лым улө усяс, а ме тшыгла ог кувсы!» — пиньсө герчнитіс сійө да вундынысө некодос эз и медав.

— Мыйла нө няньсө воштыны, мужикъяс? — шыөдчис оти рытө Габө, кор чукөртчисны төлкуйтны отлаын. — Муыс миян дедъяслөн да батьяслөн, пөсь-нъылөмсө найө кисьтліс-ны. А Мамонтов лым улө кольө. Сылы өд мый?

— А мый вөчны? — юалис Турьев Петыр, коді неважөн воис Эжва йывса сиктъясысь, коні сылы ковмис чуксавны отлаасыны куломдинсакөд сэтчөс голь йөзөс.

— Эв прөстө, Петрован. Аски сикт кодьон петам да идралам став няньсө да и сөрөмалам.

— Медым сэся Мамонтов вартас да и...

— Асьным жө и вартам!

— А няньсө нө, няньсө?..

— Неуна юклам. Сэссия өд и магазезя кумнымос тыртөг кольны оз позь,— вочавидзис Габё.— Сөмын эн горшасьёй. Да видзөдөй, медым сёрөмьяссьыс ни өти кольта эз вош.

Тадзи шуис и сиктса скод, кодос чукөртис Елесь Габё. И Мамонтовлысь мусө өти лунөн ректисны. Шалкисны нывбабаяслөн ёсь пиня чарлаяс, мужикьяс эз и чумалитчыны — воём нянь, кодлөн быд шептысь киссисны зарни тусьяс, өдйө мөдөдисны вевта гумла улө. И ставыс мунис гаж да серам сорөн.

«Со өд өтувья выныд!— нимкодясис Габё.— Тэ, вөвлөм гөлөва, миянөс көсйин тшыгйөн видзны? Оз артмы».

Но артмис виччысьтөмтор. Мөд войнас, кор сикт вөли узвө, ковөбтис вичколөн ыджыд джынниан. И ставлөн воши унзильыс, йөз сынисады котөртисны керөс йылө, көни ыпьялис да би киньясөн шыбласис арся пемыд вой: Мамонтовлөн вевта гумла улын сотчис нянь!

— Дарья, некытчө Машукөс эн эновт. Пиля! Котөрөн!— Габё кокас дзумгис сирваа кыса көмсө, тасма костас сюйыштис чер да чепөсйис жө гумлалань.

Ыджыд тэчас-сёрөм ыпьялис, ыршасис сотны ставсө матигөгөрысь...

— Пөрөдөй сотчысь чалькостсө, пөрөдөй! Энө полөй!— горөдис Габё да усыкөдчис биөн шымыртөм сёрөм дорө, перйис пыкөдьяссө да тшөктис,— разөдөй кольтаяссө, бабаяс!

Сылөн гөлөсыс, ыджыд да тшөктана, өтувтис йөзөс, и би вочасөн пөкөритчис. Чусалисны медбөрья нянь кольтаяс, өвтис нырө сотчөм няньлөн — медбөрья надеялөн — көр. Енэжын веськодя дзирдалисны турдөм арся кодзувьяс — шензисны, мый налөн син водзын ставыс тайө лоис.

Габё сулалис зумыш. Морөс улас быттө шырьяс гудйисны. «Чукөрти йөзөс, медым эг воштөй нянь, а өни...»— Чусалана би югөрьяс улын сийө аддзис өзйысь видзөдласьяс, кодьяс быттө корисны воча кыв. Көсйис на мыйкө шуны, но сэки рыныш сайын кылис ёрччөм:

— Антус пызь! Джөмдалан? Нолтө, йөз водзас петкөдчыв!

Кусөдчысыяс чукөрө дзөран кокөн петис Митрей Русинов, кодлы сыли тшуптас зурөдисны Герасим да Елесь Миш. Кисө Русиновлысь песөвтөмаөсь мыш саяс да домалөмаөсь сюмыс тасмаөн. Бөрсяныыс быйкнитисны Пилип да Опонь. Налөн синьясыс дзирдалисны енэжса кодзувьяс моз.

— Көни кутинныд?— стрөга юалис Габё шемөсмөм йөз дорын.

— А котөртө вөли гортланьыс гумла дорсянь, ми и коньялим,— вочавидзис Пиля. Изйөн лөсөбтим, да и ланьтис.

А сэсся со и Герасим да Миш дядьёяс отсөг вылө удитисны воны.

И йёз акнитисны, ыззисны сёмын на ыпьялысь би моз:

— Орлавны ки-коксё!

— Син бугыльсё перьявны!

— Пöжавны-жаритны тайё сотчём нянь сёрөмас!

Сёмын отнас эз шай-паймун Габö. Лэптис кисö, и ставөн чөв усисны, виччысисны, мый шуас сиктса юрнуодысь. Гөгөрвоис йöзлысь кёсиймсö Гаврил Елисеевич, и лөня шуис:

— Аттьö, мый энö лэдзöй став няньлы сотчыны. Аттьö, бур войтыр. А этайöс,— индис Русинов вылө,— мед судитö сарлөн суд. Онi жö — синмсö моз колö видзны отувья няньнымсö. Нуодöй, Герасим да Микайлö, кёинöс кёин позйö да сетöй, медым йирас сотчём кольтаяссö, гөгөрвоас няньлысь донсö.

Вермис кö эськö тöдмавны, мый вöчсис тайё луньясö Елесь Габö вежöрын! Гашкö нö гöтырыс — некор мудзытöм да мелi, но нинöмысь повтöм Дарьюшыс — сёлöмнас кылис верöсыслысь став тöждлунсö. Ассьыс думьяссö некор эз висьтавлы верöсыслы, эз падмöд сувтöм туй вылысь. Сöмын гусьöник видзöдлöм да пыдисянь ышловзёмыс и петкөдлисны сёлöм вийсьöмсö.

А ывла вылын матысмис төв. Колö вöли петны вөрö — арся прöмысла. Откымынөн сиктысь мунисны нин первойым кузя. А Габö эз мун. Эз лэдз кыйсыны ыли вөрьясын и писö.

— Таво, Пиля, и матигөгöрын урыд тырмас. Коз пу коллыд сылы киллынысö пөттöдзыс лоас, а кöни ур — сэнi и тулан. Сэсся и сьöдбöж, шуан, котралö. Пукты лэчьяс-дзугьяс, налькьястö дасьты идзас тэчасьяс гөгөр. Шырьясöс корсигөн сьöдбöжыд оз яндысь. Ена ылö эн мун, мися, матигөгöрынджык мед вöлин,— велöдис писö бать.

И пи кывзысис. Да и кытчö мунан, кор важ чомйис тувсов вöралигөн сотчис мөвпалана тальянкавискöд отлаын. Пивьюлань сетчыны? Сэнi жö абу налөн угождьöйс? Да и дядьясыс со оз тэрмасьны вөрö. А батьыс? Батьыс кö нин панис ыджыд делö — оз энотчы. Тадзи вежөртис Пиля.

Батьлы эз вöv кокни. Сийöс кыскис вөрö, кöни и сынöдыс кокни и лэч туйясыд тöдса, кöни быд пожөм да коз ичөтик төвруысь копрасьöны-чолөмалöны, кöни тшына чомйын чöскыда узьсьö лунтыр келалөм-собалөм бöрын. Но вөрö петны Елесь Габöлы некыдзи эз позь.

«...Да, некыдзи оз позь,— кыкнан ки пыдöснас юрсö пыкөмөн пукалис да мөвпалис Габö.— Ме кыв кута ас йёз во-

дзын — меным и ковмас ставсьыс медводз вочавидзны налы. И сѡмын-ѡ налы?»

Син водзас вѡтын серти югыдджыка сувтліс став олѡмыс. Со найѡ, вит вок, быттьѡ ѡти киѡ шамыртѡм вит крепид чунь, быдмѡны батыслѡн син улын. А Елесь, кѡть и эз озыра ов, но уджсьыд эз пов. И пиянсѡ велѡдіс сьѡкыдысь не повны. Нуѡдас вѡлі тыла либѡ видз ректыны, ружтѡ-бертѡ мыръястѡ, видзѡдлас быдмысь-сѡвмысь пияныс вылѡ да сѡмын шуас: «Тайѡ мыр вуж улас тїян шудныд». А медічѡт пивыс, Микайлѡ, мыртѡ бертыштѡм бѡрын гудйысьѡ, збыльысь мыйкѡ корсьѡ сѡтысь. «Мый нѡ, Мишук, адзин сѡн?» — серѡктас Елесь. «Сѡмын небыдик лыа, а шудыд абу», — нориника вочавидзас зонка. «Он на куж корсьнытѡ да сїѡн и эн аддзы, — вочавидзас ичѡт пилы бать. — Вот бертам став мыръяссѡ, небзьѡдам мунымѡс, кѡдзам... и арнас шудтѡ мамыд пызан вылѡ пуктас», — шмонитліс Елесь.

Кор Елесьлы тырис сизимдас, пивсьѡм бѡрын, еджыд дѡрѡм-гача, чукѡртіс пиянсѡ да шуис:

— Габѡ, тѡ менам шѡркост, медся вежѡраѡн лыддя. Иван вокыд салдатын. Менѡ ен ас дорѡ корѡ, да и мамыд мѡдар югыдсянь чуксалѡ. Эн вунѡд шуд да вын йывсьыд. Найѡ, муса пийѡ, абу сѡмын нянь-сола да вина-сура пызан сайын. Найѡ — йѡзлѡн ѡтувья вынын. — Чѡв олыштїс, пернапасалїс пиянсѡ, и лѡнис, кунис синъяссѡ ыджыда лолыштѡм бѡрын.

Вунас ѡмѡй батылѡн тайѡ велѡдѡмыс? Габѡ да сылѡн вокьясыс пыр вѡліны ас йѡзкѡд ѡтвылысь. И ѡні Габѡ казътыліс ставсѡ, дзик ставсѡ, мый лоис бѡрья куим-нѡль воѡн сылѡн олѡмын, быттьѡ кѡсйис юавны поконик батыслысь: «Правильнѡ-ѡ вѡча!» И быттьѡ кыліс сылысь вѡча кыв: «Правильнѡ, пийѡ, правильнѡ!..»

Княсыс Габѡлѡн лѡтмунісны да мездысисны пашкыр юрсьыс, кымѡсыс клонгысис пызан дорѡ. И садьмис Габѡ, вежѡртїс: «Узя али вѡтася?..» И дзикѡдз вошис унзїлыс: бара шымыртїсны юр садьсѡ сьѡкыд мѡвпьяс.

Став Кулѡмдїн да матїгѡгѡрса сиктъясын гижны-лыддысьны кужысьыд вѡліны лыдаѡн. Вѡвлѡм суворовскѡй салдат Елисей Попов первой ачыс велѡдіс начальнѡй грамотаѡ пиянсѡ, а сѡсся сетліс Уллынаса поп Тюрнин ордѡ куим вокежлѡ. Габѡ сѡні велалїс збоя лыддыны и псалтыр, евангелие и часослов, содтыны-чинтыны, таблица умножение да юклѡм гѡгѡрвоис. Сѡки сѡмын на вѡліны манастырын пувичко да пуысь жѡ вѡчѡм забор сайын дзескыдїник кельяяс. Манастырын кѡть вѡлі и гажтѡм, Тюрнин быд лун аддзыліс кутшѡмкѡ удж, но бать тшѡктїс велѡдчыны, и детинка

эз лысьт мунны тайё тшөктöмыслы паныд — «аз, буки, веди, глаголь, добро...» кывъяс да буквицаяс восьтісны сюсь вежöрсö. Евангелие велөдігөн Иисус Христосöс — Господь Спасительёс, чайтліс сэтшöм вынаён, кодöс весиг и ачыс Смерть оз босьт — рөспинайтас Понтий сар, а сійö бөр ловзьö да небесаö качөдчö...

И ставыслы талы ичөтик Габö эскис, полис енмысь. Эскис, кор лоис верстьöөн да ни öти праздник эз кольлыв вичкоё ветлытөг. Эскис сарлы — роч му вылын енлөн помазанниклы.

«Оз öмöй миян элясьöмным его величество киясöдз во? Весь али мый Питерöдз ветліс Герасим шурин? — юрсö гыжьяліс Габö. — Оз вермы лоны, медым миян элясьöм вылө эськö эз шыась государь-император. Дзёбöны сыысь правдасö, дзёбöны уездса да губернияса начальство! Эз öд весьшөрö вöтлы менö Мамонтовыд писарысь, кор синмас шуи кулөмдинсаясöс кедзөвтöм-увтыртöм йылысь...»

Енлы да сарлы эскысь Габöлы паныд воча сувтліс йöз дор сулалысь Габö. И кык Габö быттö вензисны öта-мöдныскöд. Первойыс гусьöник шöпкөдіс: «Весьшөрö, Габö, сувтін властьяслы паныд. Он мöй тöд важ йöзлысь кывъяссö: «Озыркöд эн панлась, вынакөд эн вермась». Но мöд Габö синіс асланьыс: «Медвынаыс му вылын — правда, и ми öтвылысь кутам сулавны сы вöсна помöдз», — Габö тöдлытөг камөбтіс гадьмөм кабырнас пызан помö — весиг кыз пöвйыс тшальдіс.

— Мый нö тэкöд, Гаврилушко? — звирк чеччис вольпась вывсыс гöтырыс. — Он-ö нин вöтась мыйкö лөкөс?

— Ог, Дарьюшка, ог, — такөдіс гöтырсö Габö да сибөдіс паськыд морөс бердас. — Ставыс бур, гöтырöй, ставыс бур. — Машукнымöс эн садьмөд.

Ичөтик, гөгрөс чужöма, еджыд юрсиа Машук нускис узис выль бать-мамлөн небыд вольпасын. Сійö нинөм эз вöтась — вöлі шуда ыджыд сьölöма гозъялөн тöждлунысь.

— Водін көть, узышт, — меліа нисьö стрöга шыасис Дарья. — Бөръя кадö абу и ас кодьыд, син гуранъясыд весиг вöйисны, регыд куш лыясыд колясны.

— Лыяс дорад яйыд быдмас. Да и куöй на абу сэтшöм вöсни, медым став лы-сьöмөс киссьыны лэдзис.

— Сьökыд ноп тэ, Гаврилушко, ас вылад босьтін. Гөгөрвоа ме тэнö,

— А ме ачымöс дугді тырвыйö гөгөрвоны, — босьтіс тувйысь пасьсö, павгис мыш вылас да мөдөдчис пороглань.

— Тэ нö кытчö?

— Петала Герасим ордö.

— Вой шөрнас?

— Сійо, тода, оз жө узь.— И Габө петіс, но Герасим өрдө эз мун, а пуксис кильчө помын чурвидзысь поткөдлытөм кыз конда чурка вылө.

Сэзь енэжын дзирдалісны лыдтөм кодзувъяс. Көша кодзув бергөдчөма нин юрвыв кодзув гөгөр да водөма көшнасувлань. Асыв-войвылын ыпъяліс вой кыа би. Сійо то кушыштлас, то сюръяөн качлас юр весьтөдз уна рөмөн, сэсса паськөдчылас да лаймавлас чусалысь зэв ыджыд ылі бипур моз.

«Оз-ө и миян олөмным тадзи жө ыпъяв-пөртмась?»— виччысьтөг мөвпыштіс Гаврил, буракө, и ывла ыркыдыс оз вермы лөнбөдны сылысь думъяссө.

III

Николай царлөн вернөй слуга граф Бенкендорфлысь корис аудиенция немеч Кайзерлинг.

— Гейдельбергса университет кузя менам ёрт да друг Отто Бисмарк, кодөс ті, ваше сиятельство, бура төданныд, корис менө ветлыны тиян зыряналөн странаө да төдмасыны, мыйын сәні делөыс. Ми, тайө великөй Германия, көсьям төдны... Тиян войвывса дикарьяс бунтуйтөны. Тайө збыль?

Бенкендорф синъяснас лапнитлытөг вочавидзис:

— Да.

— Мөд во нин?

— Оз бунтуйтны,— веськөдіс мөд визьөджык сёрнисө граф,— а сөмын оз кывзысьны местнөй начальстволысь да во нин оз мынтыны вот.

— Но өд тайө и эм бунт. А меным позьө ветлыны сэтчө, пөртны олөмө Бисмарклысь тшөктөмсө?

— Сэтчөдз зэв ылын. Да и вывті кодзыд сәні, верманыд кынмыны.

Бенкендорф көсйис явө падмөдны Кайзерлингөс Кулөмдіно мунөмысь. Но немеч вөлі сы кодь жө асныра.

— Но ті меным сетанныд ош ку тулуп, шоныд пими?

— Та сайын оз сувт. Но...— граф корсис мудерджык подув өлөдөм могысь. Чөв олыштөм бөрын содтіс:— Но... империяті ветлөм-мунөм вылө колө его величестволөн именнөй разрешение. Ме пөрта олөмө сөмын сылысь высшөй вөлясө. Оні жө сійо зэв занят мукөд төдчана государственнөй делөясөн.

— Интереснө төдны...— осьтіс вомсө Кайзерлинг, но Бенкендорф падмөдіс сійөс.

— Тайө аслас, императорлөн личнөй делө. Да и ог сө-

ветуйт рискуйтны тiяны ветлыны тiлын. Сэссия iд зэв вер-
мас лоны...

Мый «вермас лоны», Бенкендорф помiдз эз висътав:

— Зэв кi колi Бисмарклы, ветланныд сiрiнджык. Но,
шуам, во мысти, кор ставыс лiняс да лоас спокойнiйджык*.

— Висъталiй мясянь личнi чолiм господин Бисмарклы.

Немеч ещi iтчылд копыртчылiс кабинет порог дорын да
петiс.

«Гм-гм,— ружiктiс Александр Христофорович.— Талун
немеч, аски — англичанин либi француз... Нырисаiсь загра-
нидаса господа, тшын дуктi ылiсянь кылiны. Воласны,
пiльтасны гутысь слiнiс... Декабристъяслiн да Петрашев-
ский-Буташевичлiн делiяс кузя зыкыс на дзикiдз эз лiнь,
а iнi Кулiмдiнса бунтарьясiн нин интересуйтчiны. И ку-
тшiм позор, кутшiм позор, кор iти вiлiстъясь сьiд мужикъ-
ясiс, налысь ныршикiс — сиктса вiвлiм писарiс — судi
кыскыны уездса да Вiлiгдаса чиновникъяс оз вермыны. Вот
пiдта бунтсi, и iтиясыслы, и мiдъясыслы пiттiдзныс ше-
дас!..»

Эз на удит помавны, мый да кутшiм наказаннiи виччы-
сьi «мыжаясьiс», вайисны пакет святейшiй Синодсянь.

«Тайi нин мый водзын? Мыйла Синодлiн делiясiс ков-
мис суитчыны коймiд отделениелы?» — мiвпыштiс граф. Но,
вiлiмкi, корiм-шыiдчiмыс iти и сийi жi Кулiмдiнса делi-
яс кузя. Синодальнiй «святой батьяс» эляисны, мый зы-
ряна-дикарьяслiн бунтуйтiм вiсна Кулiмдiнын дзикiдз
падмис да коймiд во нин оз вермыны помавны святой апок-
тольяс Петыр да Павел, да Владимирса богоматерь ним
кузя кык судта выль вичко стрiйтiм».

«И попъяслы мясянь колi отсiг?»

Тадзи и шуис «попъяс». Бенкендорф iнасi эз эскы енлы
да пернапасавлiс сiмын iiоз син водзын, а дворцовой вичкой
царской iбедняясь вылi ветлывлiс императорской фаворит-
лiн мог серти. Александр Христофорович iнджыка надейт-
чис пуля да штык вылi. И iнi друг вежiрас воис история-
ысь англияса король Ричард Львиное Сердце йылысь ле-
генда, кiнi висътавсис Иерусалимысь господлысь гортсi
мездыны ветлан походъяс йылысь.

«Штыкiн да евангелиеiн, розгаiн да молитваiн ковмас
лiньiдны кывзысьтiм, вежiртiм зырянасi, — воис выводi
граф. — Мед лоас тадзи!»

* Кайзерлинг волiс Кулiмдiнi 1844-iд воын да весиг лэдзис
неыдждык книга.

Вөлөгдаса гражданской губернатор, действительной статской советник Волховский чукортис ас ордас государственной эмбурьяс кузя министерствоись коллежской секретарь Сухотинос, кодй воис Питерысь граф Киселевсянь, чиновник Пузыревскийос да Вөлөгдаса жандармьяслон штаб-офицер Соколовос, кодлы воис граф Бенкендорфлон тшөктөм — по-мавны Куломдинса делояс. Тайо высочайшой тшөктөмсö Бенкендорф пыр 1843-өд вося январь 18-өд луно сетис ачыс императорской величество.

Совет вылын вöли ещö вице-губернатор Егоров, кодй индöм комиссияса членьясысь пукалис торйөнджык да шонтис мышсö кафельон эжөм пач бокин.

— Мыйсянь заводитам, господа? — быдөн вылö торйөн видзöдлөм бöрын юалис Волховский.

Медводз шыасис штаб-офицер Соколов.

— Менам мог, — шуис сийö, — босьтны бунтарьяслысь нырщикьяссö да лэчöдны суд вылö. Лöсьöдны колана пöрадок вөлöстьын. Та могысь меным тырмас сьöрысь босьтны некымын жандармös.

Волховский чöла кывзис. А пач бокин пукалысь вице-губернатор Егоров некодөн казавтөг сöмын нюмьөвтис пашкыр ускас: «Кокниа кöсьян да он-ö Волков моз варгыльт аслад жандармьяскöд».

А штаб-офицер збодералис:

— Исправник Волков — трус, кöч сьölöма. Колö лоны решительнойон, нинөм накöд либеральничайтны!

— Меным, кызди министерствоса чиновниклы, — суйсис сёрниö коллежской секретарь Сухотин, — эськö эз вöv окота заводитны репрессиясянь. Оз-ö позь кызкö ладмöдны венсö мирөн?

— Куломдин вөлöстьса гөлöва Мамонтовос сэтчös олысьяс асьныс вештисны-вөтлисны. Колö вынсьöдны выль гөлöваос — Ефим Поповос. Нуöдны следствие. И вöлисти кыскыны кыв кутөмö мыжаясös, дерт, медводз бунтуйтысьяслысь юрнуöдысьясös. Тадзи ме гөгөрвои ассьым миссияос, — отсалис Сухотинлы Пузыревский. — А господин Соколов да сьлөн жандармьяс мед видзисны миян олігөн сиктын пöрадок.

Кузякодь төлкуйтөм-вензьөм бöрын Волховский шыасис вице-губернатор Егоров дорö:

— А мый ти шуанныд?

— Ме ассьым выводьясös гижлі нин кольөм вося декабрь 14-өд лунся рапортын его высокопревосходительство министр Лев Алексеевич Перовскийлы. Чайта, ти тöдсаöсь. Ассянь жö содта: оз ков лыддыны куломдинса мужикьяс-

лысь юрнуодысьяссö бöбъясөн. Ме думысь, налөн вежөрныс тырмымөн,— вочавидзис либеральной төлка вице-губернатор.

Волховский кывкёрталіс:

— Кулөмдінö мунасны государственной эмбурьяс кузя палатаысь особой порученияеса советник Бруевич да губернияысь казенной делöясса стряпчöй Сырнев. Налы тшöктöма дасьтысьны. Усть-Сысольсксянь воисны депешаяс Кулөмдінын бөрья кадö смута ёна паськалом йылысь. Бунтарьяс чукөрмөмаоь кыксё морт гөгөр, пöшти быдөнлөн эм оружие. Кулөмдінсакөд отувтчөмаоь матигөгөрсä откымын мужикьяс. Со мыйла сетöма распоряжение — Вөлөгдаса гарнизонной батальонысь мөдөдны Кулөмдінö офицерьяс веськөдлом улын куимсё салдатос, унтер-офицерьясöс да барабанщикьясöс. Накөд отлаын и петанныд туйö,— Волховский лолыштіс, чышкыштіс сьылісö батистөвöй чышъянөн, видзөдліс Соколов вылө да содтіс:— Индөм господалөн комиссиялы ковмас нуөдны законной следствие.— Сэсса кост бөрын төдчөдіс,— законнойос...

IV

Кольөм тулысса скөд вылын бөрйылөм Швеч Петырлы казенной печатьсö пуктыны бумага вылө ньотчыд эз ковмыв. Сійос шмонитөмөн сөмын шулісны гөлөваөн да печать видзысьөн. Став сиктса делöясөн мужикьяс шыөдчылісны Елесь Габö либө Герасим Сладкостиев дорö, а найö уездса начальство дінö эз шыөдчывны да та вöсна и печатьыс эз ковмыв. Уездсянь гөлөваө кандидатөн индөм Ефим Поповлөн збыль вылас властьюс эз жö вöv, кызди и старшина Степан Кузнецовлөн. И оліс Кулөмдін аслас вöляөн, виччысис «сарлысь наследникöс».

Габö ачыс кайліс Керчомьяö, сёрнитіс сэтчөс мужикьяскөд да кыкис ас дорас откымынъясöс. Татшөм жö могөн ветліс Усть-Немө Герасим да воис дөвөлен. Кулөмдінсалөн выныс содіс. Найö вочасөн збоймисны.

Арся вөрысь кыйсьөм бөрын декабрь заводитчигөн воалисны мужикьяс. И пöшти быд лун ломтысисны пывсянъяс. Сиктын ымраліс свежөй куйөд көр: ичөт лымйөн, отамөдлы отсасьөмөн, ректісны да новлісны муяс вылө карта-ясысь ставсö, мый чукөрмыліс кольөм вося арсянь. Унджыкыслөн йи сувтөм бөрын воис карта бердас и туруныс, а этшаник няньтö вартөм вылө уна кад эз ковмы. И мужикьяслөн тырмис пöраыс рытйысьны отчукөрын, жерьявнышмонитны отамөд вылас, төлкуйтны водзö олөм-вылөм йылысь.

Рытйысьлісны мужикъяс пырдзык Габö либö Родион вокыс ордын. Чукöртчасны, пестасны чигаркаяс да шпуткöны — лöz кымöр керкаын гөвкъялö. Дарья восьтас юшка öдзössö, медым тшынсö кыскас труба пырыс, ачыс Машököд пырас пыдi жырйö да печкö. А мöдарсянь сöмын и кылö «Гы-гы-гы» да «Ха-ха-ха». Медся нин, кор вöлі Габöлөн тани медичöt вокыс — Михайлö.

— Висьтав, Михайлö, кызди тэ поптö бöбийöдлин? — корас кодкö мужикъяс пöвстысь.

— Ме бара нöти эг бöбийöдлы, ставсö öтсöгласиеөн, инөн-ладөн вöчим, — вочавидзас Михайлö.

— Джын турунсö жö вайин поп видз вывсьыд, — озэновтчы юалысь.

— Сийö — менам пай.

— Но и Мишö, поплы пайö пырöма. Попаддясö нö эн водзсавлы?

— Тьфу, яндысьтöм рожа. Аслам öд гöтырöй орччөн пыр уджаліс, — дözмис Миш.

— Кывсьö, попыд пö тэ вылö дözмöма.

— Дözмытöг öд он ов, джын турунсö Мишыд аслыс вайöма да, — водзö дэльбöдöны Мишöс.

— Но и мый, вайи кö? Ме öд сөйöм вылö медасьлі, — озсетчы мужик.

— И кызидзык попыд вердіс?

— Ог элясь. Кос яйыд шыд вылö да рок пуны ид пызьыд пöшти быд лун вöлі.

— А туруныс?

— Менам мöскöй да вöлöй öд, буракö, сөйны жö кöсийоны. На ради и старайтчи попыды. Туруныс сылөн скöтлы тырмымөн лоис и меным вичмыштіс. А но тiянöс, сибдинныд ульйй вылö пывсян корöсь кор моз.

Татшöм шмонитöм-сералöм бöрын мужикъяслөн сөрни вуджліс быд лунъя тöждысьöмъяс вылö: тырмас-ö ыджыд видзöдз либö ыджыд лунöдз нянь, кытчö сетчивны нажöткала, мый вочавидзны кольöм вося мöд джынйысь вот мынтöмысь, уна-ö вынсьöдасны вотсö локтан во кежлö? Ставөн виччысисны воча кыв Елесь Габöлысь. И сийö вочавидзліс:

— Шуим кö нин öтчид вот не мынтыны, кытчöдз оз видлавны миянлысь корöмъяснымöс, то и колö сулавны öтвылысь. Мыйта лыддим законнойөн — мынтöма. А выльысь кö локтасны Мамонтовлөн, Елим Поповлөн да старшина Кузнецовлөн вот чукöртысьяс — тодышкалöй. Тадзи жö ми сөрнитчим Керчомьяса да Немдинса мужикъяскöд.

— А вайöдасны жандармьясöс?

— Кызди воасны — сідзи и бөр мунасны. Чайта, исправ-

ник Волков нырсö мöдысь оз нин мыччöдлы? Вернö, Сидöр?— шыасьліс мужикъясöн индöм Кулöмдинса старöста Морохин дорö Габö. Сидöр Морохинлөн чиныс вöлі сöмын Кулöмдинын. Вöлöстьса гöлва пыдди сійö эз кыв кут. Но бура тöдіс, кодлысь кывзысьöны ставöн. И вочавидзис:

— Тэныд, Гаврила Елисеевич, тыдаланаджык. Тэ öд эн öти во уджав вöлöстьса писарад.

— Веритам тэныд.

— Индав, кызди колö.

— Ми тэкöд быттö öти тупыльö гартöм сунис!— ыззылісны мужикъяс да сёрөн нин разöдчылісны гортъясаныс.

Керчомъяса да Немдинса мужикъяс кольччылісны узыны Габö, Родион да Герасим ордö. Но зэв этшаөн вöліны.

А сэк кості Кулöмдинö нöшта на öти чин воліс. Уездса начальник көсийс көть кызди, а дугöдны зыксöмсö, лöсьöдны кывзысьтöм сиктын пöрадок, перйыны индöм вот да таөн петкöдлыны губернияса веськöдлысьяслы да царлы ассыйс верноподданничествосö. И мөдöдіс Эжва катыдö станöвöй пристав Бордиловскийöс.

— Действуют кужöмөн, кут тöд вылад Волковлысь öшыбкасö, йöзöд Мамонтовöс вештöм йылысь да шедöд мужикъяслысь сöгласитчöм вöлöстьса выль начальствоöс вынсьöдöм да сылысь кывзысьöм вылö,— велöдіс Бордиловскийöс Воронежский.

Кузь сьöд усъяса да пашкыр бакенбардъяса ыджыд да ён приставлы, коді öтнас öдва тöрис көшовкаö, вöлі тшöктöма видлавны тшöтш декабрь 18-öд лунся зык, кор мужикъяс муртса эз нöйтны гöлваö кандидат Ефим Поповöс.

Мöд доддын пристав бöрся рöдтіс Шойнаты правлениесь полицейскöй частьса заседатель Ракин, кодöс мөдöдісны окружнöй управлениесянь Бордиловскийлы отсöг вылö. Пристав арталіс воны Кулöмдинö рöштво кежлö, кор, сылөн чайтöм серти, енлы эскысь мужикъяс лоасны рамöсьджык, кылö сетчанаöсьджык.

Кулöмдинö вотöдз медбөръя вöлökö петісны асьявылын. Көшовкаын турун пиö ош ку тулупö гартчöм пристав, Дереваннöйын шонöдчöм бöрын, додювъяс дзуртöм улö топыда уңмовсис да садьмис ватагаа вичко джыннянъяслөн троньгöм шыысь.

— Воим али мый?— паськыда очсыштöм бöрын юаліс Бордиловский.

— Воим, господин пристав,— вочавидзис ямщик да сотыштіс вöвсö сюмеыс орсөн: сійö радейтліс сиктö пырны öдйö,

төвнүр моз первой вөла бөрся чепөсйис и заседатель Ракин-
лөн вөлыс. Ставсө тайөс аддзылісны зонъяс, кодъяс лыдын
вөлі тшөтш и Пиля да кодъяслөн вөлі мог — быд вой кыйөд-
ны сиктө став воысьясөс да юөртны Габөлөн штабө, а Кулом-
дінысь петігөн кутны быдөнөс да вайөдны, медым төдмавны,
кытчө да мый могөн мунөны вой шөр войын.

Исправник да заседатель чеччисны доддысь да пырисны
Пөлудиев ордө.

Вөлаяс бөрся котөртысь Пиля гөгөрвоис: бара карсянь
начальство. И тэрмасис юөртны батъыслы.

— Карсянь, шуан?

— Дерт жө. Кысянь нө сэсся. Отныс пыригас өдва валь-
масьө, ыджыд тулупа, ош кодъ дзык,— тэрмасьөмөн висьта-
ліс Пилип.

— Но ладнө. Кынмин, көнкө, сөйышт да кай паччөрө
шонтысьны.

— А ме котөрөн локтігөн шоналі. Да и туй бок рынышсө
войнас ломтылім да эг кымөдчөй.

Кызди и пыр, Габө ордө вочасөн чукөрмисны мужикъяс.

— Мужикъяс,— лөнөдіс варовджыкъясөс Габө.— Эм
выльтор. Карсянь воөмаөсь. Пөлудиев ордө кындзи миянөн
виччысьтөм гөстъяс оз пырны.

— Пыр жө мунамөй да тодышкалам, мед весасьоны.
Пөлудылысь керкасө пузувтам!— горөдісны өтпырйө Родион
да Миш.

— Чөвлөй, биа юръяс!— лэптис гөлөссө Габө.— Эн лысь-
төй некодөс и чунънаныд вөрзөдны. Талун рөштво ради
найө гөститасны Пөлудиев ордын. Аски жө тыдавын кутас.

— А бөрсянныс кө жандармъяс воөны?— эз ланьт Миш.

— Сэки мөд делө. Сэки кывтыд помсянь найөс ковмас
бөрыньтөдны. Пищальясныд сэк кежлө медым вөлі зарада,
и асьныд дасьөсь дежуритны.

— Правильнө!— вынсьөдіс Герасим.— Ме первойөн заса-
даө муна.

— И ме...

— Ме тшөтш жө!

— Кутам виччысьны кортөм гөстъясөс!— өтпырйө горө-
дісны некымынөн — медся ярджыкъясыс.

Рөштво лун колис лөня-мирнөя. Асывсянныс челядь да
корысьяс ветлөдлыштисны керкаысь керкаө, көлядуйтисны-
славитисны, порог дорсянь на сьылісны «рождество твое
христе боже наш» да «светися, светися». Лышкыдджык кө-
зяин-көзьяйкаяс сетлісны небыд пирөг-шаньгаяс, көвдумъяс —
кодлөн мый вөлі, скупджыкъяс ордө эз сивавлыны — то пон-

мыс кильчө пос помас эралө, то вичко служба бөрын игна-сьомаось да узьоны.

Пөлудиев ордын топыд обед да сура-винаа пызан сайын пөттөдз пукалом бөрын пристав Бордиловский шкоргис небыд вольпась вылын сідзи, быттьо паськыд ныр розяс көс-йис кыскыны купечьлысь озырлунсө да мича нывсө. Заседа-тель Ракин йөжгыльтчис-куткыртчис шоныд паччөрө да нус-кис-кургис шыр вылө дасьтысьом кань моз. Пөлудиев эз лысьт корны ас ордас весиг поп-дякөс: пристав эз тшөкты — этшаджык пө мед йөз вөлі. Но, а гөлөваө кандидат Ефим Поповөс эз кор сы вөсна, медым не лөгөдны Габөөс, кодлөн быдлаын вөлі син да пель. «Бурджык не суитчыны сиктса делөясө. Мужикъяс скөрөсь. Со тай исправник Волков волі-гөн Елесь Родион быдса өшинь рама нөбалис додь вожөн. Менам аслам эмбур да семья, а пырөны кө нин уездса чинов-никъяс — өткажитан өмөй?»

Купеч вөлі быттьо кык би костын, он и төдлы, кодарсянь сотыштасны: өтарсянь — скөрмөм мужикъяс, мөдарсянь — начальство.

Рөштво мөд луно төрытья юөмысь палялом пристав пок-мелитчөмысь өткажитчис: сылы колө нуөдны крестьянакөд мирной сёрни. Завтрак да крепид чай бөрын сийө тшөктис корны вөлөстьса гөлөваө кандидат Ефим Поповөс да вось-тыны канцеляриясө. Сэсся мөдөдіс сийөс заседатель Ракин-көд да рассылной унтер-офицер Меньшиковкөд корны «бун-тарьяслысь» вожакьясөс. Ывла вылын вөлі нин паськыд югыд, пөльтис төв, коді чышкис-нөбалис туй кузя кос лым да вочасөн тэчис керкаяс бокө да потшөсьяс пөлөн толаяс.

Недыр мысти вөлөстной канцелярияө воисны гөлөваө кандидат бөрся Елесь Габө да куломдінса старшина Кузне-цов местаө мужикьясөн бөрийөм Сидөр Морохин. Швеч Пе-тыр лэчысис код юра улө да варгыльтис паччөрас.

— С рождеством христовым, господин пристав,— порог увсянь чолөмалисны Бордиловскийөс Габө да Сидөр. Водзө-сөн чолөмавны чеччысь кыз приставөс аддзөм бөрын думыш-тис: «Но и туша. Тшөгөдөм ош кодь».

— А көнөсь нө заседатель Ракин да рассылной унтер Меньшиков,— юалис Ефимлысь пристав.

Ефим көсийө вөлі нин восьтны вомсө, мед элясьны Рөдион ордо чукөртчөм скөралысь да горзысь «бунтарьяс» вылө, но Елесь Габө водзалис сийөс:

— Миян мужикъяс оз зэв эскыны уездса начальстволы да кольөдісны найөс заложникьяс пыдди?

— Но өд,— гуысь петөм ош моз мурөстіс Бордилов-ский,— Ракиныс судса заседатель и сийө должен төдны,

мый йылысь ми сёрнитам да мыйон помасяс сёрниным. Ме кора, они жо мездыны сийос.

— Сомын ко сёрниын делюйс, позьо и лэдзны,— согла-ситчис Габё.— Мед господин становой-пристав оз лыдды мянос дикар-розбойникъясон. Сидор ветлы Родион ордо да вайод съорсыд заседательос.

Сидор мунис. Канцелярияо колисны сомын пристав, Ефим да Габё.

— И сидз, Гаврило Елисеев, ти оно косийой признаитны законной властьюс, мырдон вотлинныд Мамонтовос, они оно кывзысьой со талысь?— пристав индис кыз чуньнас Ефим выло.

Пырисны Сидор Морохин да заседатель Ракин. Ёсь пель-нас Габё кылис, кызди управа дорын содоны мужикъяслон голосьяс. Кылис тайос и Бордиловский да эз косий Волков моз ошыбитчыны, мед не шедны скормом йозлон гыжъясо.

— Мый сани вочсьо?— заседательлысь юалис пристав.

— Скорулоны, ваше благородие. Лёкон ко по воинныд — бурон он муней.

— Сидз, сидз,— нурбыльтис пристав. Сэссия видзодлис Га-бё выло да шыасис:

— Мый ти вочавидзанныд менам юалом выло?

Габё шылькнитис гогрос ус-тошсо, нюмдис:

— Вочавидзны, господин пристав, абу съокыд. Мамон-товос вольстьса головаон ми эго борйыллой. А кутшом денга выло сийо гримобтис-кыподис аслыс да Русинов зятъыслы та ыджа короминаяссо? Тайо тодо оз сомын ен, но тодоны и вольстьса став олысьяс. Ефим Поповос ми эго жо борйы-ллой на.

— Кодъяс но тиян борйомъясыс?

— Куломдин сиктса старшинаон индисны со Сидор Олек-сеевич Морохинос, а вольстнойнас временно Швеч Петырос.

— Сидз, сидз,— бара нурбыльтис Бордиловский.— Но од ти вотлинныд Мамонтовос уездной да губернской властьюс-лысь юасьтог?

— Кор народлон быро терпеньюйс, сэки не сомын воль-стьса головаясочовталоны,— чорыда шуис Гаврил.

Бордиловский дзикодз шай-паймуні. «Мый коть сийо кутю тод вылас тадзи шуомнас?»— эз тод становой пристав, мый вовлом вольстной писарь кию веськавлисны и «запретной» книгаяс.

— А мыйла но, сидзко, ти оно мынтуй таво вотсо, кодос вынсьодома округса начальствоон?— юалис сэссия Бордилов-ский.

— Та йылысь ми гижлим эг нин отчюд. Ещю отчюд вись-

тала: вотыс абу справедливой, сийос урчитигон вольностьса выборнойяс эз вонны. Вовлом голова да писарь зятыс ставсо вочисны ас кежаныс да ведомостьяссо мододисны каро, а сени вовлом уездной начальник Андрей Попов да сылон отсасысь Троицкий. Кывсо, мый кыкнаннысо вештомаось должностьсыйс?

Пристав тодлытог согласной копыртлис юрсо.

— А найо и вынсьодомаось ложной документсо,— помалис Гаврил.

Ивлаын виччысыйс мужикьяс заводитисны кынмыны да вочасон пыралисны коридоро, кысянь пристав пельодз воис пыр содысь ызгом-вензьом. Откымынон мырдон суйсисны канцелярияо, но найос сувтодлис-олодлис Габо.

«Иджыд власть куто мужикьяс вылын, кинас овтыштомон лоньодо»,— думайтис Габо йылысь пристав, а сёрнисо помалан туй пом некызди эз аддзы. Сьокыд мовпсыйс мездис Габо.

— Ваше благородие, гашко, косянныд сёрнитны куломдинса «бунтарьяскод»? Ставон татчо оз торны, бурджык кильчо вывсянь.

Пристав повзьомон видзодлис Габо выло: «Збыльысь али серало, оз-о нин косийы, медым ыззыйс мужикьяс пурисны-косявлисны мено?»— мовпалис сийо. Но Габо видзодис веськыда, и Бордиловскийлы нином эз коль, бур совето кывзыйс-сьомысь кындзи. Габо да Сидор борся Бордиловский шашкатог да пистолеттог, кодыясос гогорвоис кольны Полудиев ордо, петис кильчо балкон выло. На борын сувтисны головао кандидат Ефим Попов да заседатель Ракин.

— Ланьтой, човсыйлой,— лоньодис кисо лэптмомон ызгысь мужикьясос Елесь Габо,— его благородие господин становой пристав тьянкод сёрнитны косийо!

Бордиловский матыстчис перилолань да казялис йоз чукорысь пищальяса мужикьясос. Се кымын морт лосьодчисны кывзыны. Кодко чукорсянь городис:

— Шапкато порччы, православной ко! Йоз водзын сёрнитан!

Пристав кывзыйс, сетис шапкасо заседатель Ракинлы да заводитис:

← Здорово...— косийс шуны «мужикьяс», но ас кадо казялис да ыджыд джыннань кодь голоснас равостис,— Куломдинса вольной государственной гражданина! Тьянлысь норасьомьясто видлавны, выль вольстойной головаос да старшинаос борыны матыса кадо воасны уездной начальник, а гашко и ачыс губернатор либо сыон индом комиссия, кодыяс...

— Жандармъяскөд?!— эз вермы кутчысыны медводзын сулалысь Елесь Миш.

— Тайос ме ог төд,— кытшола шуис пристав.

— Сомын мед ыджыд конвойтөг. А то, аддзанныд!..— бергөдчис да петкөдліс оружиеа мужикъяс ылө Миш.

— На вотөдз мед вөлі бура да лөня олөма,— помаліс пристав, быттьо куш сомын тайо юорсө вайны и воліс.

Габө овтыштис кинас, и мужикъяс заводитисны разөдчыны. Ачыс бөръяяс лыдын веськөдчис гортас. А пристав да заседатель кежисны Пөлудиев ордө. Бөрсяныыс лашиктис гөлөваө кандидат. Керкаө пырөм бөрын сійө нориника нурбыльтис:

— Ваше благородие, меным өні дзик нин оз позь кольчыны татчө. Йирасны ирөдъясыд.

Бордиловский вөлись лэдзис скөрлунсө:

— Сідзкө усьысь өдйөджык карө!

— Позьө тиянкөд?

— Позьө, аддзан кө пыр жө вөвъяс да надёжнөй ямщикөс!

— Отиос ме доддяла да ачым колльөда,— шыасис Пөлудиев, коді рад вөлі мездысыны кортөм дась нянь-сов сөйысь-ясысь, өд на вөсна и сылы вермас шедны.— Мөдсө, Епим, петав да кор старшина Кузнецовлысь.

Пөлудиев эз жалит ужын кежлө чөскыд сөян ни винасур. «Слава бог, мунасны. Аски мужикъяслы кык ящик вина сувтөда,— шөпкөдіс Каркосө көшовкаө доддялігөн, унджык тэчис доддяс турун да пуктис көзла пуклөс улө мешөк зөр. Сэсся сөвтис кучик мешөкө сола удж, ыджыд черинянь да пирөгъяс, четвертнөй бутылка роч курыдөс.— Коркө өд, бунт помасьөм бөрын, казътас жө бурөн»,— думыштис пристав йылысь купеч.

Регыд вайөдіс льөм пу көрзинаа рөзвальняө доддялөм вөвсө вөвлөм старшина Кузнецов. Воис и Ефим Попов, кыс-кис сөян тыра неыджыд мешөк. Вой шөр гөгөр петисны туйө.

...А Елесь Мишлы окота на вөлі тешитчыштны карса чин ылын. Сійө шоныда пасьтасис, босьтис зарада пищальсө да муніс Кывтыдпомса заставаын сулалысь зонъяс дорө. И кор кыліс матыстчысь вөлаясөс, петкөдіс зонъясөс да вомөналіс туйсө.

— Сувтөй! Кодъяс да кытчө?— скөрысь юаліс Миш да кутис первой вөвсө вөжжиөдыс.

— Господин приставөс колльөдам,— вочавидзис көшовка көзла ылын тулупө вөйтчөм Пөлудиев.

— Пышьяанныд, сідзкө? А тайо нө кодъяс?— мөд додь

дорын юалис Миш.— Но, сёморё! Эг өд төд. Заседатель Ракин, а ськөд гөловаө бөрийтөм кандидат! Нолтө, бергөдчөй бөр. Миян шуөма некодос не лэдзны Гаврила Елисеевичлөн да Сидөр Алексеевичлөн тшөктытөг. Торйөн нин войын.

И бергөдис вөлаясөс. Но вичко шор дорын паныдасисны Габө да Сидөр, кодъяс мөдөдчөмаөсь прөверитны заставасө.

— Тайө нин мый?— стрөга юалис вокыслысь Габө.

— Со тай, разрешениетөг пышйоны. Накөд тшөтш и Ефим мөдөдчөма. Ме и бергөди.

— Лэдз, медым мунөны с богом,— тшөктис Габө, да вөлаясөс бергөдөм бөрын Сидөркөд сувтисны додь бөжас, медым заставка эз нин мөдысь бергөд. Гортас воөм бөрын чорыда чиршөдлс Мишөс:

— Но и дурак жө тэ. Верстьө мужик, а пыр на дуран.

— Колс на заставасянь петигөн пищальысь лыйөмөн повзьодны,— жерьялис Миш.

— Кык пөвста дурак!— скөрмис Габө да чорыда ёрччыштіс:— Көсьян, медым воинскөй командаөн воисны?

Карө воөм бөрын Бордиловский мыйсө сөмын эз сукляв Кулөмдінса «ужасъяс» йылысь уезднөй начальниклы:

— Ярмөм-скөрмөм войтыр сөвсем оз гөгөрвоны убеждайтөм. Көртавлөны да Гавриллы сьлөн распоряжение улө нуөдөны, кытчө вайөдөм бөрын видзөны тшыгйөн, нөйтөны, мырддьөны кодлөн эм денъга, мырдөн тшөктөны ньөбны вина... Аслам олөмлы татшөм опасностьсө аддзөмөн ме өдва ьджыд сьөкыдлунъясөн верми вуджны мөд сиктө. Колө сөмын ьджыд вынөн лөньөдны найөс...»

Кулөмдін весьтө чукөрмисны сьөд кымөръяс...

V

«Гөгөрвоана, мыйла воисны губернатор, жандармскөй полковник да воинскөй командаса кыксө салдат да мыйла мөдөдчөны Эжва катыд,— Троицкөй соборысь молебен вылысь петөм бөрын майшасис Макар Клыков.— Нырыштны көсьөны кулөмдінсаясөс».

Гортас чукөртис ноптор, кытчө тэчис тувсов вөрө петигежлө дасьтылөм сукар, неуна кос йөра яй, пасьтасис шоныда, но кокныдыка, босьтис пищаль, өшөдс сьылиас пороховница да сувтис кыса лызьяс вылө.

— Но, тэ нө кытчө татшөм өдйөсө?— юалис гөтырыс.

— Эн юась. Вежон кежлө ветла. Делө эм.

— Мыйкө нө лоис?

— Мися, эн юась. И кывтө эн нюжйөдлы. Кытчө мөдөд-

чи — сэтись и бөр воа,— и тювгис-исковтис кыр горув да веськөдчис Эжва катыд.

Макар көсйис пановтны салдатъясөс да воны на серти Кулөмдинө төдчымөн водэджык, удитны өлөдны Герасимөс да Елесь пиянөс воинскөй команда воом йылысь. Сылы эз ковмы туй индөдъяс ни компас. «Кыксө мортыд мир туй кузьяд өдийө оз чепөсйыны, көть и вөвъясөн. Од налы ковмас шойчөдны вөвъяссө, аслыныс узымөдчывны да выль вөвъяс чукөртны, а то и подөн Пезмөг либө Важкурья вуджны. А ме сэк кості Маджа пыр весьтасала Нёбдинөдз, а сэсянь Вомынөдз вөлөн. Вомынсяньыд Кулөмдинөдзыд өти лунөн тювга»,— ас кежсыс сёрнитис Макар.

Нёбдинын пырис веськыда купеч Савельев ордө, коді аслас озырлуннас да скуплуннас нималис став Эжва катыдын, сылөн и карын вөлі аслас лавка. Висьтасис Урал бокө тувсов вөралөм вылө мунысьсөн.

— Сэні пө, кывсьө, Из бокад, таво зверыд уна, весиг пө низьяс шедлөны,— висьтавліс Макар пөсь самөвар сайын, купеч лавкаысь нёбөм винаөн асьсө жө көзяинсө гөститөдіг.

— А мыйла нө кокни нопйөн туяс петөмыд?— юасис Савельев да наяна видзөдіс кыйсьыны мунысь вылө.

— Нартөс да мукөд коланаөс,— наянитис Макар,— пийө вөлөн катөдө. Понмөс и. А ме вөрти весьтасали, найөс кокнөдөм могысь.

— Вой улө, шуан, вөлөн көсьян мунны? Ена жө тэрмасын.

Но Макарлөн воча кывйис век дась:

— Пийө Кулөмдинө вотөдз көсья Пөлудиевкөд договор вөчны прөмыс вузалөм вылө. Тулыснад өд ульдас, тыра нарттө карөдзыд кыскыны ас вылад сьөкыд лоө.

Савельев горша югнитліс синъяснас, сылөн кивсь вермасны. Исковтны чуньяс костөдыс дона зверь куяс.

— Пөлудиев, шуан?— өчөреднөй румка пөрөдөм бөрын юалис кыйсьысьлысь.— А мыйла не мекөд? Пөлудиев өд, ок кутшөм наян, пыр и конъялас-ылөдас.

«А-а, шедін»,— мөвпыштис Макар, гораа жө шуис:

— Кутшөм на өд удача лоө. Лыйтөм пөткатө, шулөмаөсь, оз куштывны, кыйтөм звертө оз кульывны.

— Тайө тө сідз, бур мортөй. Но удал кыйсьысьлы и звер-пөткаыд воча локтөны.

— Онөдз тай эз на пышйивны, чурки-буди. Позьө и тэныд вузальштны.

— Меным, и сөмын меным. А кутшөм төвар колө — карса лавкаысь верман босьтны. Ме дөверенность сета.

— Тэныд кө и тэныд. Меным бара дзик өткодь, кодлы

прөмысөс вузавны, Но, инө...— и Макар нюжөдiс веськыд кiсө, купеч шлапкис воча ассыыс. Макар сэтшөма топөдлiс, мый Савельевлөн весиг чуньясыс дубавлiсны да кельдөдiсны.

Ышмөм-лышкыдмөм купеч весиг эз кут доньясьны. Ас йөз пө, бөрас артасям. Ачыс мөвпыштiс: «Меысь он пыш-йы». Сэссия корис суседыслысь детинкасө, тшөктiс доддявны весь сулалөмысь дөзмөм меринөс да катөдны Вомынөдз.

— Төвзьөд баринөс моз!

«Ок и горш, ок и горш,— эшкын улын куйлiг вөйпис Савельевөс Макар.— Медтыкө мөд кийсь мырддыны, мөдлысь вомсыыс кусөк нетшыштны. Виччысь Макар Клыковсянь до-на куяс, на со тэныд!»— лөсьөдлiс эшкын улас кабырсө.

Вомынө вотөдз сетiс детинка-ямщиклы эзысь гривенник да корис катөдны Аныбөдз. Детинка и полiс, и гривенникыд частө гортас оз овлы. И колөмыс венiс полөмсө.

— Кутас кө видны сөрөнджык воөмысь, висьтав, узьсьө-ма пө,— велөдiс детинкаөс Макар.

Пөддельнойө сувтовкерлiсны шойчөдыштны вөлөс, и — бара водзө. Доддын Макар мыйкө мында вугралыштiс. Аныбын бара сувтiс лызьяс вылө. «Тасянь Ручөдз, шуоны,— дас, Ручсянь Дереваннойөдз — дас кык да сэсянь Кулөмдi-нөдз — кызь квайт верст,— арталiс мунигмозыс Клыков.— Абу нин сэтшөм кузь туй кост менам велалөм кокъяслы».

Заводитiс рөмдыны, кор Клыков воис Носим кыр йылө. Эжва сайын тыдалiс джуджыд мыльк, код горулын дөвви-дзис куполтөм на вичко, а сы гөгөрын матынджык нюжөд-чөмаөсь кывтыдланьө ляпкыдик керкаяс, кодъяс весьтын сэзь рытъявылын чурвидзисны енэжлань кыпөдчысь ур бөжъяс: ломтысьысь пачьясысь петiс тшын.

«Мый бара виччысьө тэнө?»— ас кежас шуис Макар.— Мый тэкөд лоас лун-мөд мысти?»

«Тэнө» кылас сийө йитiс ставнысө, кодъяс кыпөдчисны венө асланыс правда вөсна, найөс, кодъяслы ковмас кыв кутны сыысь, мый кык во чөж вермасисны да өнөдз эз пөкө-ритчыны асланыс нартитысьяслы. Пөрччылiс шапкасө, ко-пыртчылiс, быттьө чолөмалiс татчөс збой войтырөс, сэссия өдөбтөмөн тювгис-исковтiс Эжва вылө.

Сикт помын сылы виччысьтөг паныдасис шөркодь тушаа, паськыдник нин пельпомъяса зон.

— Кытчө нин пицалая дядьыс мөдөдчөма?— юалiс сийө.

— Тасянь пө матын парма чурк, сэсянь пө поскыс весь-кыда райө кайө. А ме поконикис батылы карсянь юөр вая,— шмонитiс Клыков.

— Менө сьорсьыд он босьт? Зэв нин окота видзёдлыны, кыдзи раяс олө менам Елесь дедөй,— эз коль водзёсөн и зон.

— А тэ тёдлин Елесь пөльтө?

— Водздзык, менам чужтөдз на кувсьылөма да өнөдз на мөдар югыдсьыс эз волы.

— А тэ төдан, көнi Герасим Сладкостиев олө?

— Мый не төдны, кор сийө менам мамлөн рөднөй вок.

Клыковлөн сьөлөм вылын кокняліс: ас йөзлөн зонмыс, сідзкө повны нинөмла. Но век жө видзчысис. И кор зон юаліс, кутшөм мөгөн воө, вочавидзис:

— Уна кутан төдны — водз дзорман.

— Ме — дзорма? Менам сөмын на ускөй петө, весиг чуньяс улө оз шед, а тэ — «дзорман». Ладнө, мунан ме бөрся, мый сэсся тэкөд вөчан.

Мыйкө мында муныштөм бөрын зон шуис:

— Со, эсийө шуйгавывса коймөд керкаас дядьө олө. Сийө сөмын өнi абу гортас, а миян ордын. Ешө кык керка, и воам.

Чардыштіс кө төв шөр төлын, а сэсся чорыда гымыштөм бөрын пельса дорысь моз зэрмис, весиг сэки эськө Герасим да Елесь Иван эз сэтшөма шай-паймунны, кыдзи пырысь Макара Клыковөс аддзөм бөрын. Сэсся Герасим уськөдчис сывьявны да оковны гьөртөм ус-тошка гөстьөс.

— Но и но...— тіліс синьяссө Герасим.— Кириллөвич, муса другөй да вокөй.

Сы бөрся чотігтыр сибөдчис Елесь Иван.

— Бара на аддзисим тайө енма-муа костын. Вай пөрччысь, шойччышт да шонтысь...

— Да ошйись, мыйөн воин,— содтіс Габө да чургөдөм кийөн воськовтіс Клыковлы воча. Шамыр сертиыс гөгөрвоисны кыкнанныс: абу слаб кияса рөдысь вөлөмаось.

Дарья тэрыба чукөртіс пызан вылө. Пөгребысь пыртіс сола чери, кодi коліс масленича бөрын, шонтіс пач вом дорын кынтөм шаньга-пирөг, мыйысь дасьтыліс верөсыслы да пиыслы тувсов вөрө мунтөдз сюра*, кыкис пачысь азя шыд.

— Мыйөн озырөсь, сийөн и радөсь. Энө дивитөй, дона гөсть. Кириллөвич өд, буракө.

— Аттьө, көзяюшка.

— Мый нө нин. Туйывса мортлы өти стөканыд оз ло грек, көть и чистөй вежон,— кевмысис Дарья.

— Но, инө, сэтшөма нин кө коранныд,— и ставкөд өтвылысь пөрөдіс-койыштіс вомас. Мөдысь дзикөдз өткажитчис.

* Сюра — комияслөн вөралан сөян, пуоны рок либө кизьбриник шыд.

— И дыр-ө локтін кыксё верстсö?— юалис неуна зумыш-мөм Габö.

— Кыксё версттö öд позьö на и чинтыны. Вернö, Герасим друг?— юалис карса гөсть.— Суткиөн-джыниён и ковмис.

— Тэ нö мый, йöра вылын төвзин?— эз эскы Елесь Иван.

— Ен да горш йöз отсалісны,— нюмьёвтіс гөсть да вись-таліс, кызди бөбйöдліс Нёбдінса купеч Савельевöс.

Кынöманыс кутчысьöмөн кочкавтöдзныс сералісны мужикъяс Клыковлөн висьтавлігөн.

— Тайö, Мишö, тэнад поп вылад тешитчöмысь на интереснöйджык,— серамысла джөмдалöмөн шуис Родион.

— Пöшти öтсыма,— веськодя вочавидзис вокыслы Миш.— Кыкнаннысö öтмоза горшлуныс джагöдö.

Гажöдчöмсö торкис Габö, гөстьлөн висьталігөн сöмын шпынныалыштіс да син бөжнас видзöдлывліс пач водзын чöла сулалысь гөтырыс вылö, быттö виччысис мыйкö сэтшöмөс, мый матыса кадö путкыльтас-вежас сылысь став олöмсö. И немвиччысьтöг юалис:

— Макар Кириллович, ме думысь, тэ локтін эн дзик прöста. Көть и тэ кужан гажöдны аслад шмонитöмөн, но вай восьт дзебассыд колана кывъястö, кодöс вайин сьöрсыйд.

Та бöрын ставөн лөнисны. Зумышмис и Клыков, коді, дерт, виччысис тайö юалöмсö. Висьтавны көзайка дырйи? Гашкö, оз ков? Но Дарья сэтшöм виччысяна дзоргис сылы веськыда синмас, быттö көсйис шуны: «Но нин, висьтав, мый чөв олан?» И ковмис воссьыны сы дырйи. Гөлöсыс вежсис-лөнис. Чуньяснас петкөдліс пызан сайын пукалысь мужикъяслы сибöдчыны матöджык. И кор ставөн копыртчисны да муртса эз мыджсьыны öта-мöдныскöд юръяснас, ньöжйөн-ник, тэрмасьтöг заводитіс притчаөн моз:

— Весьшөрö нинөм оз волы. Менам дедöй на шулывліс: «Лыа көса бокын кө пö посни гыяс ветлöны — кыптас бушков». Виччысьöй, другъяс, попъясöс. Крещенньöса вежа ваөн резыштны локтöны.

— Петыр Павел вичкосö эз на удитны помавнысö да?..— немвиччысьтöг артмис Елесь Мишлөн.

— Вежа ваыд пö, Микайлö, эзысь крестөн освятитöма да куим во оз бакшась. А вот тэ думышты рокöса вемнад, мый эськö тэ вöчан, попъяс бöрсяыс кө локтасны салдатъяс. Не дасөн, не кызьөн?..

— Петам да Дереваннöй туй костын и кокйöдлам-луй-лам!

— А найö кө сёөн либö кык мында унджыкөн. И сьöрсьыныс пушка?

— Лызьбй менам бура кысалёма, мун да и корсь мена! — збодералис Миш.

Габё кывзис зунгыртчёмён. Кывзис и аслыс эз эскы, мый татшём кытшолён заводитис сёрнитны гость. Юалис:

— Тэ, Макар Кириллович, збыльысь али смекайтчан?

— Гаврила Елисеевич. Тэ эськё ме местаын эн жё чепосый кузь туйё смекайтчём ради.

— Сидзкё, збыль?

— Да, — вочавидзис Макар. — Локтас-ё губернатор Куломдинёдз, стёча шуны ог вермы. А вот попьясыд, куимён, абу нин ылынёсь. Да и салдатъяслён штыкъясныс, конкё, Корткерёс таладорын нин дзирдалоны.

— Мый нё вочны? — спокойнёя юалис Герасим.

— Аски ме Висер вож пыр пета бёр карё. Тэ, Герасим друг, тодан менсьым лэч туйёс. Сэни пыр на човлөнъ. А ковмас кё, и ылджык вөрё вешыны позьё, — видзёдліс зумышмём кывзысьяс вылё да содтис: — Од тиянёс, юрнуодысьясёс, медводз тшапкасны. А менам карбердса угодыёысь кокниа он корсь. Да и кодлы воас вежорас, мый Куломдинсаяс карса начальстволён ныр улынёсь?

— Аттьё, зэв ыджыд аттьё бур вөзйёмсьыд, Макар Кириллович. Но ме ог вермы энотны ас чужан сиктса йёзёс. А ковмас кё саймовтчыны — сөмын матигөгөрө, мед пельён кылі и синмён аддзи, мый вочсьё. А ковмас кё... — Габё джёмдыліс, горш дінас кыптис морёс увсяньыс кутшёмкё курыд гөрөд, кодёс одва вермис ньылыштны. — А ковмас кё... пета да сетча властьяслы киё и висьтала ставсё, кызди да мыйла тайё лонс.

И сувтис пызан сайысь вылын юра, паськыд морёсьяса да зумыд пельпомьяса, сувтис да меліа видзёдліс кажитчана зумыш синкым увтис, сэсся петіс пызан сайысь, топыдата топыда сывьяліс Макарёс, куимысь окыштис да шуис:

— Став мирсянь аттьё тэныд, Макар Кириллович, — тшөктис: — Герасим, Родион, лосьёдой вежон кык кежлөнопьяснытё, лыйсян-кыйсянтё да лызьястё. Поньяснытё кольбй гортё. А тэ, Пилип, кольччан гортё. Бёб улё лэччысьнытё кё кужан — эн ло дзик бёбён да дурачит. Мамтё видз, ичот чойтё, — сэсся мыйкё шөпкөдіс пыислы, медым некод оз кывлы да гораа шуис: — Макар Кириллович, косьян кё петны бёр гортланьыд, мун Помөсдин пыр Сывьюдорё, а сэсянь Одыбё. Висер вожса вөрьясыд абу гольбёсь. Дрөб-пороктё сета. Босьт менсьым Бускоёс...

И ещө тшөктис пыислы:

— Ветлы да висьтав менам нимсянь: талунсянь кывтыд-

помса застава бырөдөма. Мед зоньяс гусьоникон разөдчоны гортьясанис.

— А ми тэкөд кытчө?— өтпырйө артмис Герасимлөн да Родионлөн.

— Мунамой, мися, мекөд,— заводитлис нуөдчыны Клыков, но Габө падмөдис:

— Ещө өтчюд аттё, Кириллович. Но тэ и сідз нин вочин мянлы бурсө сымда, мый кувтөдз уджйөзаөсь колям. Но ме ог көсий, медым и тэнө мянкөд өтлаын...— Габө көсийс шуны «мыждисны», но тайө кывсө шуны эз вермы: пыр на эскис, мый ставыс помассяс лючки-бура.— А Бускоөс босьт сьорсьюд. Сийө тэныд став бурсьюд — мясянь козин. Босьт вомад нянь тор, пиньсьюд сөдзөд виртө да сийөн вердышт, шылкнит-мелиав, и менө моз жө кутас кывзысьны. Тадзи велөдис батьөй.

— А ми кытчө?— казтыштисны шуриныс да вокыс.

— Кытчө — ме, сэтчө и ті. Парманым паськыд!— стрөга вочавидзис Габө.— А өні — гортаныд, дасьтысьөй туйө.

Гөстьөс Габө водтөдис узьны шоныд паччөрө, а ачыс топөдчис, гашкө, медбөрьяысь, муса, дона гөтырыс дорас, кодлөн киня улын нускис-узис нинөм на гөгөрвотөм ичөтик, кудель кодь юрсиа Машук. И дыр на кургисны-гудгисны ён вир-яя гозья.

А мөд лунө, сёр рытнас Пожөг туй вожө петисны нельөн. Быдөнлөн мыш саяныс ноп, пищальяс, косканыс черьяс. Быдөн сьорсьыс нуис сьөкыд мөвпьяс: «А мый жө виччысьө менө аски, некымын лун мысти?» И сөмын Пожөгөдз джын туй костын, көні туйсө вомөналө Кулөм ю, да чукыльөн-мукульөн тэрмасьө Эжваө — мам ордас, мужикьяс янсөдчисны.

— Тэ, Кириллович, вөр шөр вөрад абу пёрвойысь. Чайта, он ылав. Помөсдинсянь Бадьельөдз дас верстысь неуна унджык, а сэсянь, висьтавлісны ныв-зон, Сывью дорөдз войпукны ветлывлөмабсь. Прөщай, бур друг. Да Бускоөс эн кедзөвт,— кутлысигөн шуис Габө.

— А мекөд кө өтлаын?..— век на долис асьыс Клыков.

— Гашкө, туйным коркө и өтлаасьлас на. Но өні янсөдчам... Миян талун — мөд туй вож,— нормис, но чорыда шуис Габө, тапкис карса другыслы паськыд пельпомас да кежис веськыдвылө.

Бөрсянныс шалкисны лызьяснаныс Герасим да Родион. Габө дыр на кыліс Бускоыслысь шога увтыштлөмсө: пон пыр кежлө прөщайтчис аслас вөвлөм бур көзяиныскөд, кодлысь велалис гөгөрвоны быд кыв. И Габөлөн, коді некор эз вөв лышкыд синва вылө, понмыслысь быд увтыштлөм кылгөн, тюрөбтліс бандзиб кузяыс сола войт.

Эз на төдлыны куломдінсаяс, медым Йөвдөкия бөрын водз асывсынь гымыштліс. Мед көть өтчыд, но гымыштліс. Көть и шулісны пөрысь йөз: «Йөвдөкия луно кө войтва жөлөб дорысь виялас межлы юмөн, Олексея луно — ошлы тырмымөн. А сәсся, збыльмыліс кө вөйпөмыс содтылісны: «Егорей воас ваён, а Микөла — турунөн».

Ставөн надейтчылісны водзджык воысь тулыс выло: мед өдйөджык вежөд петас, тшыг нисьө пөт скөтинаөс куломысь мездас да и йөзлы содтөд сәян лоө: гөньө гум, шомкор да **том петшөр...**

Но вот Олексеяөдз, преподобной божьей мортлөн лунодз, сідзи гымыштліс водз асывнас, мый Эжва бокса сикт сыркмуналіс — садьмис. Тайө губернаторлөн тшөктөм серти Носим кыр йывсынь пушкаысь лыйөмөн юөртісны куломдінсалы воинской командалөн матысмөм йылысь. Снарядыс ковмуни-пөтіс сикт кывтыд помө вотөдз. Та бөрын пыр жө кутіс бовьявны Микөла-чудотворец вичколөн, кодөс стрөйтлөмаөсь 1600 воясын на, пу колөкөльнясынь звөныс, кыпөдіс ракачавканьясөс, кодьяс первой ульдөм бөрын воисны поздысьны да быдтысьны арөдз.

— Кар-р, кар-р, чав-чав!.. — горзісны найө.

Православной воинствоөс чолөмавны ляпкыдик важ вичкоысь Спаслөн да Микөлалөн образьясөн петісны Онисим поп бөрся крестьясөн, евангелиеөн да кадилөясөн епархияысь воөм зарни ризияса куим духовник, кодьясөс Волховский Дереваннойсынь кык суткиөн водзджык мөдөдіс бунтуйтысь сиктө молитваөн лөньөдны мужикьясөс да кодьясөс духовной саннысө пөчитайтысь крестьяна примитісны мирөн. Попьяс бөрся святой образьясөн мунісны шапкатөм купеч Пөлудиев, вөвлөм старшина Кузнецов, кузь кокьяса сотской Попвасев, Усть-Немса старшина Степан Игнатов да сылөн писар Иван Габов, «вөлөстной управаса добросовестнойяс» — крепыда олысь көзяиньяс, кодьяслы, быттьө, воис праздник.

«Спаси, госпо-оди, люди твоя-а.

И благослови досто-я-а-ние твоя-а-а...» горөдісны попьяс, кор сиктө первойөн пырис жандармской команда, на бөрся губернаторлөн да жандармской полковниклөн тройка. А некымын саженьөн бөрынджык маршируйтісны салдатьяс, налөн кык рада стройныс руд гундыр моз нюжөдчис сикт кузя.

Христово воинство, на бөрся люзгысыяс, кодьяс лыдын вөліны и киссьөм пасьяса да дөмасөсь дукөсыяса юрнуөдысь-ястөг кольөм мужикьяс, паныдасисны государь-императорлөн руд шынельяса да ёсь штыкьяса православной воинствокод.

Вичко дорын салдатьясөс сувтөдисны карреө, водзвыла-ныс губернатор да югъялысь погоньяса командирьяс. Попья-яс эзысь тасьтысь резисны көрталөм вөв бөжысь кропилка-ясөн суалалысь стройөс вежа ваён. Офицерьяс окалисны пер-напасасьёмөн попьяс кыысь чургөдөм крестьяс. Попьяс бла-гөслөвитисны найөс нэм чөж мырсысь-пессыс мужикьяс вылө, кодьяс смелмөдчисны не кывзысьны.

Во здравие государь-император Николай Павловичы «Многая лета» сьылөм бөрын губернаторөс да жандармской полковникөс корис ас ордас Пөлудиев, мукөд старшой чинья-яс мунисны вөвлөм старшина Кузнецов ордө. Унтер-офицерья-яс разөдисны салдатьясөс крестьянской керкаясө — кытчө кыкөс, кытчө куимөс, медьясө торья вежөсаясө да ичөтджык семьяяса ордө. Сө ветымын керкаө код төдас мый дыра кеж-лө овмөдчисны кыксө салдат, медым лөсьөдны сиктын «за-конной» пöрадок. И тайө асывянныс лун и вой Кулөмдін весьтын гөвкьялис пач трубаясысь тшын. Пытшкөсса делөяс кузя министр Перовскийлөн да государственной эмбурьяс кузя министр Киселевлөн индөд серти губернатор шуис верд-ны воинской командасө крестьяна тшөт весьтө. Лун и вой ломтысис походной кухня, көнi пуисны служивөйяслы му-жикьяслысь начкөм ыжъясөс, куканьясөс.

Воинской командакөд öтлаын воөм гөлөваө кандидат Ефим Попов, кодi Кулөмдинысь станөвой пристав Бордилов-скийкөд пышйылис карө, сиктса старшина Кузнецовкөд да сотскойяс Попвасевкөд да Елеевкөд öтлаын, губернаторлөн тшөктөм серти пыр жö пуксисны волостной канцелярияө лө-сьөдны благонамереннойяслысь да кывзысьтөм бунтарьяс-лысь списокьяс, медым кыкнанладорыскөд сёрнитны началь-стволы торйөн, төдны, кодi мый заслужитис. А стөчджыка кө, кодьясөс сувтөдны веськыдыв, а кодьясөс, аттьöалөм могысь, шуйгавыв.

Швеч Петыр ас кокнас вайис управаө Мамонтовлысь мырддылөм да сылы видзны сетлөм гөлөвалысь медальсө да казенной печатьсө.

— Матө во чөж быд вой вөтаси: мися, мыйла ме сөгла-ситчи босьтны, öд ни öти гижөд вылө печатьсө пуктивны эз ковмыв. Да и мый мор вылө меным сийö, ог кө ме нинөмөн юрнуөд, веськөдлы,— правдайтчис сийö.

— Важөн нин тадзи колis,— синкым увтыс видзөдлis Ефим. И кор Петыр мунис, шыясис старшина Кузнецов дорö:

— Кыдзи тэ ногөн, кум. Код спискас гижны Петырсö?

— Кыдзи көсьян. Миянлы тай ёнасö эз солав.

— И век жö...— Ефим думыштчис: «Первойяс лыдö гиж-ны? Медым став сиктса шуисны миянлы гусьөн отсасысьсөн.

Честыыс зэв ыджыд. Елесь Габөкөд өти лыдө? Но өд корко ковмас на и вурөдчөмөн шыасьлыны. А сы кодь вурсьысыыс вөлөсть пасьтаысь оз сюр. Мда-а-а».

И шуис: не гижны некоднан лыдас.

— Нолтө, сват Степан, мый тэнад артмис?

— Прокопий Мамонтов, Ефим Попов, Дмитрий Русинов, отеч Анисим...— заводигіс лыддьөдлыны благонамеренной-ясөс старшина.

— Энлы, сулав,— падмөдіс кандидат.— Тэ абу гөгөрвоө-мыд менө. Мыйла нө гижин найөс, кодъяс терпитісны. На йымысь и сідзи төдса начальстволы мян рапортъясысь. Налысь овъяссө кирит. Тэ сөмын сійө крестьянаөс пасъяв, кодъяс эз сулавны бунтарьяс дор да вермасны юасигөн висьтавы, кыдзи свидетельяс, мый вөлөстьса да сиктса начальство вөчисны ставсө законнөя да некутшөм лишнөй вот да содтөд недоимкаяс эз чукөртны, взяткаяс эз сетаवлыны. Гөгөрвоин?

И старшина выль пөв босьтчис гижавны. Недыр мысти шыасис:

— Этшаөн веськалісны.

— Кодъяс нө?

— Семен Самарин, Мөкей Липин, крестьянскөй детинка Диомид Булышев, сотскөй Федор Елеев, сотскөй Попвасев, крестьяна Иван да Иов Кирушев вокъяс...

— Матвей Липинөс содты, Усть-Немса старшинаөс, коді өні буретш тані, Степан Игнатовөс да сэтчөс писар Иван Габовөс...

— Найөс нин мыйла, найө өд абу Кулөмдінсаяс?

— Буракө өд өти вөлөсть улысь.

— Ладнө.

— Вот чукөртысыяс Василий Тимушевөс да Петыр Тарабукинөс ещө. Кымын унджык свидетель лоө — сымын мянлы бурджык.

— А кодъяс тэнад списокө веськалісны?— юалис Кузнецов.

— Менам кузьджык,— вочавидзис Ефим.— Перво-наперво Елесь вок котыр, Герасим Сладкостиев, Рассыхаевьяс, Афанасий Нифонтов, Иван Васильев, Андрей Поликарпов, Семен Ногиев, Петыр Кочанов, Педөр Турьев, Сергей Рассыхаев, Осип Липин, Иван Попвасев, Аника Турьев, Сава Тимушев, Никанор Меньшуткин...— ставныс, кодъяс горзісны да грөзитчылісны. Налөн нимъясныс асланыс норасьөмын пристав Бордиловский да исправник Волков ордын. Ветымын морт.

— А Елесь Габёлысь гөтырсө — Дарьясө мыйла абу ги-
жөмыд?

Старшина эз вермы вунөдны, кызди Габёос пристав дорө
нуөдны зилигөн Дарья гөститөдис юр пьдөсас кыза йизьом
чепнянас, да весиг өни, төдлытөг гыжыйштис доймылом ме-
стасө.

— Позьө и Дарьяос.

— И налысь писө. Батыс кодь жө рөзбойник быдмө.

— И сийөс позьө,— сөгласитчис Ефим. Но сэсся думыш-
тис: «А мый шуас его-превосходительство губернатор. Серам
вылө лэптас, бабаяскөд пө тшөктан воюйтны». И Дарьяос
киритис да списокъяссө сетис гижны мичаа выль пөв.

Волховский сетис стрөг приказ: торйөдны салдатъяслысь
наряд да тупкыны Куломдинысь воан-петан туйяссө Донлань,
Пожоглань, Кужлань да Носимлань, кытшовтны сиктсө лызь
туйон да патрулируютны сутки чөж, медым весиг ни өти шыр
эз вермы петны сиктысь. Донө, Кужйө да Носимө мөдөдны
дас мортөн. Кутны сиктысь быд петысьөс. Весиг турун да
пес туйяс вылө сувтөдны видзөдысь-кыйөдчысьясөс. И ку-
ломдинсаяс йөрмисны тывйөн кытшалөм төняө моз.

Рытьядор сикт кыкнан помсянь взводнойяс да унтер-
офицеръяс веськөдлом улын салдатъясөс да жандармской
командаөс мөдөдисны керкаысь керкаө шобсьыны-корсьысь-
ны. Индалысьяснас вөзийсялисны гөлөваө кандидат, стар-
шина, сотскойяс Попвасев да Елеев, кодъяс зэв көсийсисны
выслужитчыны гырысь начальство водзын. Ефим Поповлөн,
кодэ мунис сикт отар помса шобсьысьяскөд, да старшина Сте-
пан Кузнецовлөн, кодэ нуөдис салдатъясөс катыдлань, вөлины
«бунтаръяслөн» списокъяс. Видзөдлытөг эз кольны ни өти
керка-карта, рыныш-пывсян, ни өти пес лэбув, турун-идзас
чукөр. Пырәлисны гөбөчьясө, кодзыд кумъясө-пөгребьясө,
гудйисны картофель гуяс да весиг нянь йөртөдъяс, көни ун-
джык крестьяналөн вөли пөшти тыртөм нин, а керка-карта
пөлөн дөввидзисны медбөрья турун додьяс, мый висьталис
тшыг тулыс йылысь.

Пырасны гөлөваө кандидат, старшина, а бөрсяныс — ун-
тер да салдатъяс, несъявтөдзынс кураласны быд пельөсысь
буссө, и найөс, кодъяс веськалисны Ефимлөн пасьялом спи-
сокө, чорыда чырыштөны:

— Губернаторлөн приказ серти тиянлы оз позь, кытчөдз
оз ло торья индөд, сиктысь некытчө ни янсөдчыны, ни вет-
лыны суседьяс орданыд.

Пищальяс да пуля-порок мырддьялісны да тэчисны сьор-сьыныс вётлысьысь вёла доддё.

— Он кө кывзысь да петан сиктысь — бур оз ло. Верманнуд салдатлөн пуля улё, кызди дезертир, веськавны,— стражайтисны гөлөваё кандидат да старшина.

Торйөн ёна Ефим да Степан лукйысисны Габё, Родион да Герасим ордын, кодьясёс и көсийсны вайёдны көртавлөмөн губернатор да жандармскөй полковник водзё. Но Габё да Герасим быттё ваё вөйёмаось, вый моз сылөмаось — сиктсаяс пөвстысь некод эз вермыны висьтавны, кытчө саймовтчисны «пөрадок торкалысьяслөн» юрнуодысьяс. Эз адзыны и налысь пищальяссё.

— Висьтав бурён, кытчө сайёдчис верөсыд?— керкаё пырёмөн тшөтш равөстис Ефим.

Дарьялөн, кодлөн бөждорё кутчысьёма попөясысь повзём Машук, весиг и синкымыс эз вөрззы. Сийё асывсянныс нин виччысис кортём гөстыасёс, и өні вөлі дась воча кыв:

— Тувсов вөрө тай мунис. Мыйөнкө од воттё ковмас мынтыны. Со и мунис прөмысла.

— Эн ылөдлы. Көні дзєбсьясё?— сүйсис старөста.

— Оз дзєбсьяс, а көні кыйсьё — ог төд. Вөр керкасё од во сайын Лазар, мед адын антусыс сийёс вильөдө, соглөма. Кытчөкө од овмөдчис жө, пармайд тай паськыд.

— Төдан!— ырыштчис нывбаба вылө старшина, но жандармскөй унтер Серебряков кутис киөдыс:

— Киөн воны абу тшөктөма! Аски господин полковник кужөмөнджык юасяс.

Порог дорын өнөдз чөла сулалысь да ставсё сюся видзөдысь да кывзысьысь Пиля серам сорён шуис:

— Эз кө Уллынаса манакьяс дорө песовтчы. Ичөт дырйыс тай куим во сәні овлөма.

— Ланьт, кычан!— чырыштис зонмөс гөлөваё кандидат.— Кузнецов, петав кык салдаткөд да вайөд Габөлысь Михайлө воксё.

Кык винтовка костын некымын здук мысти пыртисны Мишөс, код ордын шобсисны нин, но бара жө нинөм эз аддзыны: весиг и пищальыс эз вөв.

— Висьтав, кытчө Габё, Герасим да Родион саймовтчисны?— юалис Ефим.

— Ме од абу ныриса пон, медым туявны найөс,— юрсө вылө лэптөмөн вочавидзис Елесь Миш.

— Тэ понсьыс ныриса, кор аслыд колө.

— Сийё — кор аслым. А тэнлы вылө кок туйяссё табакөн киськалөма да исасигөн несйөдлө,— Миш збыльысь чорыда несйис.

Пилиплөн серамыс петіс дядьыслөн нарошно кикимеритчөмысь. А Миш ещö отчыд несйис да шуис:

— Прöсти господийд, и збыльысь быттьö чушкан табакөн нырöс тыртöмаöсь. Ог, ап-чхи, ог тöд дай ставыс. Гашкö, выль вичколөн соборной купол улö либö Онисьöм поп гөбöчö овмөдчисны да.

— Тырмас тешитчынытö. Господин унтер-офицер, ме करा арестуйтны тайöс. Главнойяссыс тайö нинöмөн абу бурджык,— индiс Миш вылö гөлöваö кандидат.

— Тайö поэбö,— сöгласитчис Серебряков да тшöктiс Архип Кармакуловлы да Осип Широковскийлы нуöдны Елесь Мишöс.— А тi овмөдчанныд куимөн татчö, ми жö куимөн — Герасим Сладкостиев ордын олам. Кольччаныд öнi жö да лöй пыр дасьöсь. Кутанныд дежуритны засадаын переменаөн.

И мунiс конвоирьяс бöрся.

Герасим Сладкостиевöс шуöмыс Рöман Мирнойлы казьтiс мыйкö тöдсаöс, но вунöдлöмаöс. Шутик да Карпов пöрчысисны да, кызди тыр право кöзяиньяс, кöсйисны пырны пыдi жырйö, но Рöман öлөдiс найöс:

— Оз ков, другьяс. Сэни кöзяйкаыс ичöt нылыскöд. Миянлы и тани, водзинас лöб бур. Пöлатыс тай паськыд да паччöрас нюжөдчыны бердчан. Сэссия гартыштiс. чигарка да юалис Дарьялысь:

— Верöсыд нö куритчылис? Поэбö миянлы?

— Миянлысь оз юасьлыны,— вочавидзис Дарья,— кöть гөг сюрöс лөзөдтөдзыд шпуткöй.

Рöман гөгөрвоис: кöзяйкалы абу нимкодь «гöстьясöс» овмөдöмысь. Воськовтiс пач вом дорö, адззис пеша вевдорысь розь, кытi петiс ломзьясь сартаслөн тшыныс, öзтiс чигаркасö сартас помысь да тшынсö лэдзис розяс.

— Куритчыны, другьяс, кутам сьöрсөн-бöрсөн да со татчö, а то öтпырйö кö ставөн пешам — керкаыс тшынөн тырас и лолавыны пöлатяс лöб нинöмөн,— шуис Шутиклы да Карповлы.

И Дарьялөн мыйлакö личмунiс морöс улас. «Эмöсь жö и салдатьяс пövстын вежöра да небыд сьöлöма йöзыд»,— думыштiс пыдi вежöсö нылыскöд пырöм бöрын.

Дыр эз унмовсь шоныд паччөрö водöм бöрын Рöман Мирной. «Герасим Сладкостиев, Герасим»,— бергалiс сылөн вежöрын мыйкö зэв тöдса, но дзевсьöма юр вем пыдi пельöсö да некыз оз пет ортсö. Тадзи овлö мортлөн кадысь кадö, кор сийö кöсийö уськөдны тöд вылас важөн нин синьяс водзас петкөдчылöм да вунөдöм серпас. Сöмын сэк, кор вежöрыс здук кезлö ёсьмылис, синьяс водзас петкөдчылис Вөлöгдаын

увольнениею ветлан лунё Питерсянь гортас мунысь ён мужи-
чой, кодкөд паньдасисны дзик төдлытөг. «Герасим!— мурт-
са эз горөдсы Рөманлөн.— Дерт жө сийө мужикыс, коді вет-
лөма норасыны сарлы, коді төдмасьөма батьөкөд. Со, вөлөм-
кө, кодөс корсьоны»,— гөгөрвоис салдат. И унмыс дзикөдз
воши. Восьса синмөн асьявылөдз дзоргис пемыд пөтөлөкө,
быттьө сэтысь аддзис асьыс став олөмсө ичөтсяныс да та-
лунья лунөдз.

Асывнас Кирилокөд өтлаын ас могысь петалигөн шөпни-
тіс другыслы:

— Төдан кодөс куим лыдас корсьысям?

— Кодөс?

— Помнитан, Вөлөгдаса трактирад мужиктө? Ещө тай
эзысь шайт туй вылас сетім. Со коді дзевсясьысьяс лыдысь
өтиыс.

— Но-о!..— сөмын и артмис Кирилолөн.

— Вот тэныд и «но-о».

VII

Губернатор да жандармскөй полковник көть кызди, а шуис-
ны корсьны да кутны «бунтарьяслысь» вожакьясөс. Сылы,
коді индас налысь дзевсясянинсө да отсалас кутны, көсий-
сисны быд пышьялысьысь сетны вөлөстнөй казнаысь зар-
ниөн дас шайт. Гөлөваө кандидат, старшина да сотскөйяс
сэтшөма старайтчисны, мый весиг Елесь Мишлысь да Габө
Пилялысь сералөмсө пыдди пунктисны: волісны поп ордө, гуд-
йысисны салдатьяскөд выльысь стрөитан вичко пөдвалын,
кавшасьлісны лөскас. Весиг Уллынаса манакьяс ордө ветліс-
ны да юасисны. Эз кольны шобтөг и Носим, Куж да Дон
сиктьяс, көні йөзөдісны жө губернаторлөн награда йылысь.

«Эз жө өд Көтйөм вождь Канава пыр Из сайө веськөд-
чыны?»— гадайтисны ас кежаныс Ефим да старшина...

А сэк кості губернаторкөд воём чиновникьяс лукйысис-
ны вөлөстьса делөясин. Полковник Соколов допроситіс се-
төм списокьяс серти кулөмдинсаясөс. Елесь Миш пукаліс
арестантскөй чижовкаын да виччысис, мыйөн ставыс пома-
сяс, да мездасны-ө коркө сийөс. Салдатьяс да жандармскөй
команда лун и вой нуисны кытшалөм Кулөмдінын патруль-
нөй служба да ёрисны гусьөник и тайө вөр пөвстө дзевсьөм
сиктсө, и бунтарьясөс, и асьыныс помасьлытөм службанысө.

Медбөрья кылыс вөлі губернатор сайын. Но Волховский
эз көсий шуны тайө кывсө сэтчөдз, кытчөдз оз шедны Габө,
Герасим да Родион.

А найо, куимон, узисны ноддя дорын. И эз асья югөр садьмод найос, ни эз войся зверь. Садьмодис вежынь вома ичотик уркай, коді, любой кодзыд выло видзодтөг, пжө да быдтө ассыс пиянсө коз пуо дзебөм гуся позйын, ачыс сёйө да и поснияссө вердө коз коль кыш пытшкысь перьялом чөс-кыд, выя сирөд койдысөн.

Уркай лөня пукаліс паськыд коз йылын. Чөв оліс. И шензис, гашкө, мыйла пө ті торкинныд менсьым олом-выломөс? И ачыс тодлытөг уськодис креста ныр костсыс кильөм коз коль, коді веськаліс Родионлы веськыда нырас.

— Коді нө шыблассө?— звирк чеччис сійө.

Сылөн гөлөсө садьмисны Габө да Герасим.

— Шыблассө?— өтпырйө юалісны кыкнаныс.

— Узя вөлі гатшөн. Вөтася. Быттьө гортын. Друг тай кодкө швачкөбтас нырө.

— Пинь-пинь-пинь,— кыліс коз йывсянь.

Габө видзөдліс пу йылө, сэссия Родион куйланинө, аддзис ноддя бокусь коль да вак-вакөн серөктіс. Уркай бара шыбитіс кильөм кольсө да жбырөбтіс мөд коз йылө.

— Тэ эн-ө губернаторөс вөтась? Эз-ө сійө вөтнад нырад печикты?— серам сорөн юаліс Габө.

Родион гөгөрвоис, коді вөлөма мыжаыс, да аслас тшөтш петіс серамыс.

Герасим чөла лөсьөдаліс ноддясө, коді войбыд чусаліс да шонтіс мужикьясөс, тэчис пөртйө сывдыны лым, дасьтыны асья сёян.

Мукөд кадө кө эськө вөрын мужикьяслы вөлі долыд: и сынөдыс сөстөм, и лолавын кокни. Сёйыштан, сувтан лызьяс вылө, кесйөдан понтө и айда зверьясөс туявын, ай тарьяслы койт вылө чукөртчигкежлө лэчьяс сиавлыны — гөжөм кежлө шулялом кос яй дасьтыны. Став кыйөм-виөмасө — чомйө. А сәні сылөн эм бур стөрөж — пөт кынөма Буско!

Бөрья кывсө, буракө, Габө шуис гораа:

— Мый нө, зятьө, понтө чуксалан? Сійө, көнкө, миянсянь ылын нин.

— А мый?— друг пыркмуніс Габө.— Прөста сідз. Со тай ломалысь бипур вылө видзөдігөн, буракө, вугыртсьөма.

Сьокыд думьяс пессисны Габө юрын. Сөмын на вөлі Куломдінын көзяин пыдди. Кедзөвтөм йөз сувтісны сы гөгөр да вөтлісны ыж ку пася көин Мамонтовөс да сылысь зятьсө — Русиновөс. Эз лэдз Габө ыджыдавны и Ефим Поповлы. Нинөм эз вермыны вөчны ськөд исправник да станөвөй-пристав. Аслас кывйысь эз кеж: «Мед локтас ачыс сарпыс, көть нин губернатор!» Быд пөрйө, кор сійөс ылөдлөмөн и лөкөн көсйисны лэччөдны карө да судитны, кыдзи

«бунтаръяслөн нырщикос», сиктса войтыр сувтлісны дорйыны, сувтлісны асланы право вöсна. И со воис губернатор, кодос Габö и синнас эз аддзыв, воис кортом попьяс бöрся да вайодис сьöрсьыс 200 салдатос. А сійö, Габö, со кöни дзбсьясö. «Мыйла нö ме öни пышйи? Мыйла?..»

И бара шуис гораа. Эз кö öд, Герасим эз юав:

— Тэ, зять, узян али олан? Салдатъясöс казътылан?

— А тэ, ачюд, он казътыв найос?

— Нда...— сöмын и ышловзис мöдыс.

— Шыдныд пузис,— торкис зятя-шуринаос Родион, кодi öти пельнас кывзисис налөн сёрниö.

— Мед неуна кодзальштас. Ме эг велавлы чулькйөн пуан шыдтö сейны,— вочавидзис Габö.

— Зато олöмад чулькйөн пуан да и йöзос пузёдин.

— Ог тöд... Сöмын öни, ёртъяс, ми неладнö вöчим...

— Он-ö нин каитчы кыпöдчылöмсьыд?— юалис Герасим.— Сидзкö, бурджык поплы пöкаитчыны.

— Вежöра мужик тэ, шурин, а тöлкуйтан Микайлö вок сямөн.

— Мый нин сидзи?

— А со мый. Ми öни шышъяс моз вөрö дзбсим, ассьыным кунымос видзам, а йöзнымос, кодъясöс ас бöрсьыс нуöдим, кöинъяслы пурём вылö энөвтим. Асьным жö некымын лун мысти кытшалöм ош гуын кодьöсь лоам.

— Водзжык коліс мөвпыштлыны. Ме эськö...— заводитліс Родион.

— Мый эськö?

— Колö вöлі став мужикъяслы зарадитны пищальяснымос ош пуляясөн...

— И востны кыксё салдатлы да жандармъяслы паньыд би?

— Миян кыксё мортыс чукöрмис жö, гашкö.

— Гашкөыд пö кашкö на,— нерыштіс воксö Габö. Сійö видзöдліс Герасим вылö, кöсйис тöдмавны сылысь мөвпьясö, но мöдыс сöмын кывзисис кык воклөн вензёмö, сэсся перйис нопсьыс пу пань да шыасис:

— Тшыг кынöм вылö оз вензывны. Көдзавтöдзис бурджык паньясьыштны.

— Кымынысь эськö Миш вокыдкөд удитінныд лыйны кыксё военнöй винтовкаыслы паньыд да устав серти велöдöм салдатъяслы паньыд,— эз вермы öвсьыны аслас думъясысь Гаврил.— Да и мыйөн салдатъясыс мыжаöсь, найö öд эз ас вöляысь воны. А пушка йывсьыс вунöдин? Пузувтіс эськö став Кулöмдинсö, да и скöрмöм салдатъясыд прöща эз сетны. Та йылысь думыштлiн-ö тэ?

— А мый нө коліс вöчны?— эз энөвтчы тшöтъясьысь вокыс.

— Не пышйыны, а йöз водзын сувтны да асьыным правданымöс дорйыны. Комын квайт жалöбаным эз жö кытчöкö весьшөрö вош, ачыс жö губернаторыс локтö.

— Вай либö бергöдчам. И тэ первой губернаторыслы кок улас шыбитчы, кымыньöн уяв.

— Эг на велавлы нюклясьнысö да...

Миритіс вокъясöс Герасим.

— Виччысьлаам, кутшöм юөрөн воласны Микайлö, Пиля либö Опонь. Найö öд ылöсас тöдöны, кодарö сетчим, да аддзасны жö.

Та вылын вензбöмныс и помасис. Сёйыштісны, нопъясисны, сувтісны лызьяс вылö да веськöдчисны Джеджим парма асыв-войвылö — Мыслань, көні во-мöд сайын кыйсигөн Родион узис öтка вөр керкаын.

Но весьшөрö виччысисны мужикъяс. Ни Микайлö, ни Пиля, ни Опонь на дорö эз локны, көть и вежон нин олöны ылі вөр керкаын, гажтöмчöны да вензбöны ас костаныс. И сёяныс бырö, а йöз угоддьöад ёна кыйсьыны абу лöсьыд, абу велалöма коми мортыд... А сэк кості кытшалöм Кулöм-дінысь куим лун чöж морт ни пон петны эз вермыны. Елесь Мишöс видзисны чижовкаын. Куимысь лун сійöс допроситіс ачыс жандармъяс корпусса полковник. Но Елесь Миш, көть вöлі кокниа лыбысь кияса да öдйö пузысь вира мортөн, сьякнитлас, öзйылас биа из моз,— а тайö пöрйö йöршитчис ас пытшкас, кульчунь кодь лои — вушты пуртөн пызбöдз, но воча кыв оз сет. «Ог тöд, нинöм ог тöд, көні ветлöны. Пармаыд öд паськыд, да и туйыс налы абу потшöма Висер вожö, ни Печоралань, Көтйöм йылö ни Из сайö»,— сöмын и вочавидзліс полковниклөн юасьöм вылö.

Пилялы да Опоньлы — кык братанлы петан туйыс эз жö вöv. Гортын салдатъяс, быд воськов казяласны. Позис, дерт, войнас усйысьны, но подөн, лызьтөг? А лызьясьнысö Ефим Попов да Степан Кузнецов мырддисны. И пукалісны зонъяс гортаныс, гартісны ныра гез да дöмсисны, весиг öта-мöднысö некымын лун эз аддзывны, юкмöс дорын кындзи. Да и сэки сёрнитны эз сетлыны.

Правда, старшина сөветуйтис полковниклы, медым Габö рöдвужысь кодлыкö сетны туй пышйыны батьясныс дорö, зонъяслы лызьяссö бөр сетісны и на бөрся видзöдны дугдісны, но Дарья вежортіс да öлөдіс: «Тіянос öд кыйöдасны».

Но эмöсь кө апостольяс, на лыдын овлö и Иуда. Ыштис зарни дасаяс вылö озырмыны көсийсь Носимса Сысöй. Нэм чöжыс жö кыйсьыліс вöрын, но омöль син вöснаыс удачаыс

эз жö шедыв да йöз чöс туйясті радейтліс ветлыны. Катыв вөръясöд көть и эз келавлы, а век жö ныриса вöлі. Нырис вылас и надейтчис, кор старшина Кузнецовкöд рытивбыд шöпкöдчöм бöрын веськаліс полковник ордö.

Мöдыс примитіс Сысöйöс зывöка.

— Мый тайö мужикыслы колö?— рочөн юаліс сійö старшиналысь.

— Ваше высокопревосходительство,— старшина, угöдитöм ради, содтіс полковниклысь титулсö,— крестьянин Сысой Дзодзöгов вöзйысьö нуöдны салдатъясöс, медым кутны бунтаръяслысь вожакъясöс,— рочөн жö вочавидзис Кузнецов.

Полковник кок увсянныс да юр йылöдзыс дыр кодь видзöдіс гынмöм юрсиа, гежöдик ёсь тошка мужик вылö, быттьö гожся град вылö сувтöдöм полöкалö вылö. Сэсся пинь пырыс сöдзöдіс:

— Лысöм ракалы кутны варышöс?

— Ракаыд, ваше превосходительство, варыш сертиыд оз омöльдзыка аддзы, көні кокыштны шедö,— вочавидзис старшина.

— А мый нö көсйö тэнад ракаыд кокыштны?

— Губернатор жö наградаяс көсйысис...

Жандармскöй полковник шензьяштіс мужиклөн горшлун да ас кодьыс жö мужикъясöс вузавны дасьлун вылö. Сэсся шуис:

— Ладнö, медым нуöдас корсьысьны унтер-офицер Серебряковлысь нижнöй чиньяссö. Вит лун срок. Вайöдас кө атаман Гавриил Поповöс,..— полковник эз помав, öвтыштіс кинас: верманныд пö мунны.

...Унтер Серебряковкöд салдатъяс мунöм бöрын Дарья да Пилялы эз ло кокныдджык. Дерт, керкаын лои вöляджык, сöмын тай верöс да бать, вок да дядьясыс вöсна тöждысьöмыс эз чин, а мöдарö — содіс. И мам эз лысьт кесйöдны писö, медым мöдöдны батьыс дорö, эз көсйы янсöдчыны бөрья надеясьыс.

VIII

Пышйöмсянь дасöд лунас Габö петкöдіс Герасимöс да Родионöс Джеджим пармаысь Донö. Петкöдіс водз асылын югдандорыс, таркөдчис сват ордас, Михайлö вокыслөн тесть ордö, кодлөн керкаыс вöлі пöшти кывтыд помас нин. Пöрысь Тарас Микул эз эскы аслас синьяслы: сы водзын сулалісны куим сват: сьöдöсь, тошсялöмаöсь, тшыгöсь.

— Кытысянь нö? Көні дзевсясинныд? Тиянöс öд быд сиктын шобöны-корсьöны. Куим лун сайын на вит салдаткöд

Носимса Сысöй корсьысис сикт пасьта да Джеджимö кайис. Висьталіс, кутöмсьыс пö губернатор ыджыд награда кöсьысьöма.

— Вот и додьясь да лэччöд миянöс кöрталöмөн Кулöмдинö. Висьтав, мый тэ кутін, тэныд и наградаыс шедö,— нюмьёвтис Габö.— А кöсöй Сысöй мед корсьысьö сэтысь, кöні ми абуöсь.

— Свят-свят... Да мый нö ми? Вай пырöй öдийджык керкаö, кытчöдз суседьяс эз аддзывны. Пыр жö пывсян ломта. Кöсьянныйд кö, рытьявылас лэччамöй,— тöрмөшитчис дед.

— Со тайöс,— пищальяснымöс ылöджык да пыдöджык дзеб. Миянлы öні наысь нинöм,— пыртöдз на тшöктис Габö да первойөн воськовтис керкаö.

Тарас Микул оліс öтнас. Нывсö Елесь Миш сайö сетöм да гöтырыс кувсьöм бöрын дөвечаліс, кынöмпöтсö перйис Дон тыысь кыйсьöм помысь да кöть и энөвтчис вöлысь кын-дзи, кодтöг и пестö он вай, став гортса скöтысь, но тыртöм пызан сайö эз жö пуксьывлы.

Сейöм-юөм бöрын (дедлөн гөбöчсьыс и запас на шедіс), мужикьяс водісны пöлатьö да паччөрö, пывсьöмысь эз öткажитчыны. И дед ломтис керка дорö тшуплöм пывсян, шонтис унджык ва, перйис поконица гöтырыслысь приданной сундукуысь шабді дөра улыс дөрөм-гач. И сöмын пемдöм бöрын нуöдіс сватьяссö пывсянö.

...Кулöмдинö петісны рөзваль доддын. Тарас Микуллөн пöрысь мерин эз тэрмась. Сійö оз-оз да и бергöдлас юрсö додь вож да мегыр костöдыс пукалысьяслань, быттьö кывзысьö налөн сёрниö.

Кулöм ю пос дорö вотöдз Габö тшöктис:

— А öні, сват, кöртавлы мыш сайö кияснымöс öти гезйөн, ми водам рөзваляд öтчукөрö, ачыд босьт киад кремневка-пищальтö да мун бöрсянньым.

Микул эз радейтыв татшöм шмонитöмтö, скöрмис:

— Ме? Кöртавлöмөн вайöдны тиянöс салдатьяслы, кодьяс, дерт жö, сулалöны сикт помын?! Тэнад эм-ö, Гаврил Елисеевич, сөвестыд али вөр керкаад колин?

— Да öд, кызди висьтавлін, губернаторыд быд мортысь кöсьысьöма ыджыд награда, кутшöмöс и нэм чöжнад эн најöвитлы, коді кувтöдзыд тырмас. А миянлы дзык веськодь кöртавтöг ли кöрталöмөн воны губернатор водзö. Зато наградаыс ас морт киясö шедас.

— Сьöвзя ме награда вылас. Сизимдасöдз олі да йöзлысь жель пом эг босьтыв,— старик пернапасасис.— Сэссия нö коді веритас, медым öтнас пöрысь морт куим верстьö ён мужикöс кутіс да кöртавліс?

— Веритасны...— заводитліс и Герасим, но Микул во-
дзаліс.

— Эв кө окота, удитанныд на домод йылас ветлыны, оз
кө прөститны.

— Прөситом выло ыджыд надея абу.

— А көрталөмөн кө воанныд — этшаджык лоо? Ас вө-
ляысь губернаторлы сетчанныд, гашкө и бурджык. Но, муса
сватъяс, восьлалой гортланыд, а ме бөр. Куломдін менө оз
кыскы: кулан во помын ог көйы лоны юдаён.

Кор мужикъяс прөшайтчисны стариккөд, крест-накрест
куимысь окалісны сійөс, быттё янсөдчисны пыр кезлө, Ми-
кул велөдіс:

— А ті энө висътасъой кодъяс, шуой — Донса мужикъяс
пө, төдам көні дзебсясьоны бунтаръясыд да көсьям пө ин-
дыны налысь оланінсө. Патруль-салдатъясыд өд тіянөс оз
төдны, а сідзкө и гортаныд пыравны, гашкө, лэдзласны гу-
бернаторөдзыд нуөдтөдз.

Микул бергөдіс Саврассө гортланыс, швачкис сылы
задъяс вөжжиөн. И Донө вотөдз ропкис: «Йөзөс дорйыны
сувтисны, а өні... Эз кө эськө Габөыс бур сватөн вөв да ачим
кө томджык вөлі, шонтышті эськө бан боксө... Думыштөма
жө: нуөд найөс губернаторлы — ыджыд деньга сетас. А оз
гөгөрво, мый сійө зарныс кувтөдз и мөдар югыдын на мен-
сьым сьөлөмөс сотас. О, прөстит, господи-кростос!»

— Сувтөй! Кодъяс лоанныд!— Пожөгө да Донө вожалан
туй дорын мужикъяслы воча петіс башлыкө гартчөм кузь
винтовкаа салдат, кодлөн горөдөм выло керкасянь пыр жө
петісны ещө кыкөн.

Кызди и тшөктіс Тарас Микул, Герасим комиа-роча со-
рөн вочавидзис:

— Орчча сиктысь ми, Донса мужикъяс.

— Мый нө ковмис водза-водзсө татысь?— юаліс керка-
ысь ыркыдө петөм бөрын пельпом вылас кизявтөг чөвтөм
шынеля мөд салдат, буракө, нарядын старшой.

— Ми, господин служивөй, төдмалім, көні дзебсясьоны
Попов Гаврило да сьлөн другъясыс,— петіс водзө Габө,—
да локтам его превосходительство губернатор ордө. Көсьям
индыны налысь гуся местасө.

— Оружиеныд эм?

— Вөлі кө эськө, асьным кутім. Абу. Вот и локтім өтсөг-
лас,— шыасис вок мышсяньыс Родион.

— Гм-гм. Мый нө өні тіянкөд вөчны?— юаліс старшой.

— Нуөдөй мянөс губернатор ордө,— вөзйис Габө.

Салдатыяс мыйкө шөпкөдчисны ас кежаныс.

— Первой ковмас шобны тиянос.— И кор эз аддзыны пурт ни шыла, непөштө мукөд оружие, Габө шуис:

— Мед мяняос нуодас сувтөдысь служивөйыд. Ми — мирной мужикъяс, мянянысь повны нинөмла. А ті кыйөдөй көть виөй, а мянтөг пышьялысьястө он аддзөй.— Габө пернапасасис да бергөдчыліс вокыслань да шуриныслань.

— Онөй, онөй,— гөгөрвоисны Герасим да Родион да өти вомысь моз вынсьөдісны Габөлысь кывъяссө.

Старшой мыйкө мында думайтыштіс на, сэсся шуис:

— Иван, тэ сувтөдін найөс, тэ и нуөд. Да та воддзаөсө губернаторөс ни полковникөс эн садьмөд. Сдайт управаын пукалысь караулө.

...Кызди пырны дөвериеө да ылөдны салдатөс, медым көть здук кезлө аддзөдлыны гөтырсө да писө?— со мый жуис Габөлөн юрын. И аслас керка дорө воигөн нин вежөртіс.

— Мужикъяс, тиян куритчанныд абу?

Ни Герасимлөн, ни Родионлөн весиг чигарка ылө чеполь эз вөв. Салдат, «курит нету ли» кывъястө гөгөрвоис да вөйис:

— Менам неуна лоас.

— Вот и аттьө, служивөй. Куритчантөгыд югдөмтө дыр лоө виччысьны,— шуис Габө да гартыштіс салдатлөн ичөтик көшелысь чигарка, көсийс өзтыны, но...

— Тывкөртөс и биа изйөс өд гортө вунөді, канальөйыд. Тэнад, служивөй, өзтынытө эм-ө?

Салдат шобис ассьыс шынель зепсө, но гөгөрвоис: зептыс тыртөм.

Тайө вөлі и колө Габөлы. Аслас керка весьтас сувтовкерис, юалис салдатлысь:

— А позьө меным пыравны да корны көзяиныслысь өзтыны чигарка?

— Тані көзяиныс абу. Жандармскөй командаса салдатыяс патеруйтөны. Да лун нель-вит сайын кытчөкө Эжва катыдлань мунісны,— вочавидзис салдат, коді катыд помсянь матө куим верст мунігөн кутіс эскыны Донса мужикъяслы.

«Сідзкө, позьө сетны юөр»,— гөгөрвоис Габө да воськовтіс кильчө дорас.

— Тэ кытчө?— повзис салдат.

— Ме дзик пыр.— Габө эз понды таркөдчыны кильчөө, а восьтіс төдса гуся игансө да пырис посводзө, кытчө өдзөс дзуртыштөм шыө паччөрсянь чепөсийс пиыс. Но Габө порог дорсянь на кутіс Пиляөс, тупкис паськыд ки пыдөснас вом-

сö да гораа шöпкöдiс: «Куж кутны асьтö, ло мужикöн. Мамыд здоров? Машукид?.. Ми лоам управаын».

— Тi асьныд локтинныд?

— Асьным, пиö, асьным... Йöз вöсна.

— А миянын жандармъяс вöлины. Оти на пиысь зэв рам да бур сьöлöма.

— Прöщайтлы, Филип,— и Габö окалис писö да петiс туй вылö, кöни терпитны вермытöмла виччысис салдат, кöть мый эн шу, а служивöй эз зэв збойöн лыддды асьсö öтнасöн куим мужик пöвстын лымйöн тырöм ыли сиктын, кытчö ваййöдiс найöс губернатор. Но пыр жö збодермыштiс, кор Габö петiс да пестiс аслас жö биваысь перйöм кызд пу тшаксö, öзтiс чигаркасö, кыскыштiс-апыштiс куимысь курыд тшынсö да вöзйис салдатлы:

— Бур и табак тэнад, служивöй. На, эн брезгуйт. А дeтинкаыс тайö керкаас, чайта, вежöра...

Филип эз кöсйи садьмöдны мамсö: батыс эз тшöкты — горзыны пö мöдас, гашкö, да салдатыд ывлаын гöгöрвоас. Чеччас пö да кызкö юöрт. Но майшасьöмысь мам вöли садьмöма жö нин.

— Кодi нö пыралiс, пиöй?

Пиля шöйöвошис, и вочавидзис, мый первойöн воис юрас:

— Салдат тай волiс, юасьö...

— Öтарö корсьысьöны!— ышловзис Дарья, сэсся петiс мöс дорö.

Нем виччысьтöг воссис öдзöс, и асья рöмыдын порог дорö сувтiс шальöн гаровтчöм ныв. Сийöс аддзöм бöрын Пилялөн ёкмуни морöсыс.

— Он нин узбöй?— чолöмасьöм пыдди юалис ныв.

Ныв, а тайö вöли буретш Пöлудиевлөн Настаыс, вöлисти казялис паччөр дорысь Пиляöс. Сэсся бара юалис:

— Олысьясыд эз на воны?

— Мед кöть оз и мыччысьлыны,— лөгпырысь шуис зон, суйис кокъясас гын кöм да лэччис джоджö. Окота вöли кутлыны да окавны радейтана нылöс, но эз лысьт.— Мамö дзик пыр мöс дорысь каяс.

— Батыд да дядьясыд миянынöсь,— шöпнитiс ныв.

Йöв тыра пöдöнчаөн пырис Дарья, аддзис гусьöн сёрнитысь ныла-зонмаöс, повзбöмөн шуис:

— Мыйкö лоис, Настук?..

— Мог суис, Дарья тьöt...

— Мамук, öнтай...— суйис Пиля.

— Мый öнтай?— чуймис Дарья да друг лигышмунис, усьöм гөлöсөн юалис:— Батыд?

— Да, сийö пыралiс...

Эз кө Наста удит кватитны Дарья кнысь пөдөнчасө, мыськис эськө мөс вөра йөлыс джоджсө. Дарья нинөм на вежөртны вермытөг шлапкысис-пуксис паськыд лабичө. Кыв-мөнъя юалис пиыслысь:

— И тэ эн висьтав меным...

— Ачыс эз тшөкты...

Көть кутшөм крепыд сьөлөмаөн эз лыдды асьсө збой нывбаба, но эз вермы кутны тюрөбөн чепөсийсь синвасө, а сэсся сыркъялөмөн бөрддзис. Ныв пуксис орчөн да небыда кутис бурөдны Дарьяөс:

— Эн бөрд, ловьяөсь да здоровөсь куимнанныс. Миянө пырисны явитчыны губернаторлы. Ме и котөрти тэныд висьтавны. Петі, быттьө мөслы турун сетны, ачим — тиянө. Порог улын гусьоник Герасим дядьлы быдса черинянь киняулас суйышти. Но, ме бөр муна, а то батьө вермас казавны.

— Аттьө, Настук, дона ныв...

IX

Март помланьын поводдя песовтчис тулыслань. Войнас көть и кынмавліс на да асывнас крепыд чарөм вылө весиг лыбисны негырысь крестьянскөй вөвьяс, но лун сьөмөсын тюр-гис керка вевтьяс вылысь войтва, коді сёр рытын өшөдчыліс кузь йи нёнъясөн. Йи нень кө пө кузь, и тулыс пом нюжалас, шулөмаөсь важ коми йөз. Но лунысь-лун мир туй сьөдасис, сылыштөм вөв куйөдын гудйисисны ракаяс. Вот-вот небзясны и вөлөк кост туйяс: өдөбтас рөспута.

Воинскөй командакөд өтлаын воөм государственнөй чиновникьяс вөлөстьса гөлөваө кандидатлөн да Кулөмдинса старшиналөн список серти допроситисны быд мортөс. Государственнөй эмбурьяс кузя министерствоса чиновник, коллежскөй секретарь Сухотин да Вөлөгдаса гражданскөй губернатор бердын особөй поручениеяс кузя чиновник, титулярнөй советник Пузыревский водзвыв чукөртисны Вөлөгдаын да Усть-Сысольскын кулөмдинсалысь кызь нель нора-сьөм-жалөба да медбөрти воисны выводө, мый:

«...Высшөй начальствоөн вынсьөдтөг лишнөй деньга вөлі крестьяналысь збылысь чукөртөма, таысь кындзи, вөлі лэдзөма беспорядокьяс крестьяна пөвстысь выборнөй старшинаяс да мукөд начальникьясөс бөрийгөн.

Округса управление, лишнөй вот да мукөдтор вылө крестьяналөн шыөдчөм воөм бөрын, сы пыдди, медым колана ногөн төдмавны, подулалөма-ө элясьөмьяссө, лыддис найөс фальшивөйөн да ябедаөн, а следствие нуөдигөн зілис корсь-

ны сөмын элясысьсөс мыждан помкаяс да збыль делөсө дзе-
бис начальствоы юөртөмьясысь».

Габөлөн, Герасимлөн да Родионлөн воан мөд лун асыв-
нас чудотворец Микөлалөн вичкоса ыджыд көлөкөл бара
шызбөдис кулөмдинсаясөс. И пыр жө сиктлөн кыкнанла пом-
сяньыс салдатьяс тэрмөдлөмөн чукөртисны вичкогорувса йи
вылө ставнысө, кодьяс вермисны мунны ас кокнаныс, весиг
ар даса челядьөс. А сэсся, кор чукөрмисны пөшти став
олысыяс, салдатьяс босьтисны найөс кытшө. Нывбабаяс шен-
зисны, шөпкөдчисны:

— Мый бара көсйөны вөчны?

— Ог төд, сваття, нинөм ог төд.

— А скамьясыс нө мыйла?

— И пызан со вайөны.

Мужикьяс сулалисны зумышөсь, пиньяснысө мурч курч-
чөмөн. Челядь жмитчисны мамьясныс бердө да полгтыр
дзөргисны мырьяс моз сулалысь винтовкаяса салдатьяс
вылө. А мамьясныс шөпкөдчисны и шөпкөдчисны:

— Мыйла нө йи вылө чукөртисны?

— Тэ, сваття, начальствоыс локтас да налысь юав.

— И святой Микулай көлөкөльнясянь звөныс оз дугдыв.

— Гашкө, молебен көсйөны сывны да...

— Мед налөн молебенсьыд бөрдны оз ковмы,— ружөк-
тис бабаяс чукөрын сулалысь дзор дед.

— Со и попьяс локтөны. Югыд ризиаөсь.

Стрөитны помавтөм на купольястөм вичко боксянь ва
дорлань мөдөдчисны попьяс, а на бөрся — губернатор, сы-
көд воөм чиновникьяс, губернаторөн индөм выль вөлөстнөй
да сиктса начальство. Сэсся тыдовтчисны Елесь вокьяс:
Габө, Родион, Михайлө, Герасим да сиктса йөзөн скод вы-
лын бөрийөм старшина Сидөр Морохин. Найөс конвоируйтис
унтер-офицер Серебряковлөн квайт морта команда, кодї
мунліс тамыш Сысөйкөд кутны «зачинщикьясөс» да ко-
дөс сувтөдис да бергөдис нарошнөй Лебежнөйын нин. Елесь
Иванөс, Мамонтов дырся писарь Русиновлы отсасысьсөс
водздзык нин мөдөдисны уезднөй карө. Сэсся өд Елесь
Иван, көть кызд эн шу, а вөлі Наполеонлы на паныд импер-
атор Александр I дырйи война вылын, служитліс өнїя царь
Николай воклөн, Константин Павловичлөн полкын. Губер-
натор кутис тайөс төд вылын: царлөн престолыд вежласьө,
а сылы колө кыпөдчыны, вөчны карьера. «Мед көть и сла-
биник нидзув, но вермас и бур сямөн лоны», — тадзи думай-
тис Волховский.

Кор йи вылө вайөдисны «бунтарьяслысь» вожакьясөс,
нэль поп, кодьяс лыдын вөлі и Кулөмдинса «отче-благөслө-

вит» Онисим, пуктісны лöz нойөн кышөм пызан вылө кыз евангелие, дариносница, вежа ва тыра тасьті да кропильницяяс, кулөмдінса крестьяна, кодъясөс нэмъяс чөж, епископ Стефан Пермскийсянь нимтылісны зырянаөн, кевмысяна сё синъясөн видзөдісны великөй государьясьнь воөм медыджыд начальник вылө, коді сувтіс пызан дорө да лэптис велькыд кисө.

— Кулөмдінса государственнөй крестьяна!— вичко звөншы ланьтлігөн чөла шуис губернатор. Но гөгөрвоис: сылысь рочөн сёрнитөмсө оз ставөн гөгөрвоны да тшөктис кулөмдінса старшина Кузнецовлы висьтавыны зырянскөйөн. И мөдыс кутис гөлөс тырнас косявны-вуджөдны.

— Ми воим тіянө норасьөмъяс да корөм серти,— вуджөдіс губернатор бөрся Кузнецов.— Медым бөр лөсьөдны тіян вөлөстын да сиктаныд мир да пөрадок. Талунсянь ті кутаныд овны его величество став Россияса император Николай Павлович скипетр улын мирын и пөрадокын. Ме эска тіяны. Ті менө и императорскөй воинствоөс примитінныд бур верноподданнөйяс моз. Лоөй жө и водзө енлы да царлы слугаясөн! Энө сэсья сувтөй властьяслы паныд. Его императорскөй величество оз вунөд асьыс вернөй слугаяссө да подданнөйяссө.

И нель поп горш тырнаныс нюжөдісны:

Его императорскому величеству

Николаю Павловичу — мно-ога-я лета!..

Йөз чукөр кызсюрө шыасис. Микөла-угодниклөн көлөкөлясянь тоньөбтісны көлөкөляс.

— А өні кулөмдінсалы государь-император нимсянь высочайшөй приговор!— комиөдіс губернаторөс Кузнецов.

И гөгөр усис чөв-лөнө: мый бара тшөктис губернаторлы император всероссийскөй?

— ...Местнөй властьяслы кывзысьтөмысь да вынөн водзасьөмысь, вот мынтыны өткажитчөмысь, вөлөстын смута кыпөдөмысь бунтарьяслысь юрнуөдысьясөс: Гаврило Поповөс, Родион Поповөс, Герасим Сладкостиевөс, Федор Турьевөс, Сидөр Морохинөс нөйтны плетьөн. Быдөнлы кучкыны ветымынысь да мөдөдны нэм кежлө Сибирө.

Йөз сөмын и окнитисны. Кыліс нывбабаяслөн ырөстөм-бөрддзөм. Но ставөн өдйө лөнисны. Губернатор лыддис приговорсө водзө, а Кузнецов комиөдіс:

— ...сыысь, мый кулөмдінса унджык государственнөй крестьяна өтувтчисны вылын индөм юрнуөдөм улын рөзбойнөй шайкаө, коліс эськө и найөс чорыда накажитны, но его величество государь-император Николай Павлович аслас ыджыд милөстын шуис бур бать моз велөдыштны, медым

водзё вылө сылөн государственной крестьяна вöлины кыв-
зысьысьбось, рамось да некор эз кыпöдчыны властьяслы
паныд... Медым эз вунöдны мыжнысö ен водзын да сар
водзын да и мукöд сиктсаяслы медым эз вöв пöваднö, улын-
джык чукöстөм мужикъясö Афанасий Нифонтовöс, Иван
Васильевöс, Андрей Поликарповöс, Рассыхаевъясö, Семен
Ногиевöс, Петр Кочановöс... Государь-императорлөн индöд
серти, списокын лыддöдлөм крестьяна-мужикъясö быдөнöс
розгаавны кызь витысь кучкөмөн.

Буретш сэки кымөр костысь мыччысьліс шондї, быттö
көсийс видзöдлыны, мый вöчсьö Кулөмдинын, медым лоны
уна нэмъяс кезлö свидетельöн. Но зэв öдийö сайöдчис, кор
аддзис став мисьтөм серпассö. Кулөмдин весьтти бара шыв-
гисны букыш кымөръяс.

— А-а, со тай кутшөм вөлөма сарыдлөн «милöстывд»,—
горөдїс Елесь Габö.— Эн вунöдöй, кулөмдинсаяс!— Но жан-
дармьяс тупкисны сылысь вомсö.

Йöз чепöсийсны пышйыны, медым не аддзыны, кызди
кутасны кульны пельсаын көтöдөм-солалөм нбөръясөн му-
жикъяслысь мышкусыйныс кучиксö, кызди скамьяс бокö
кутас резсыйны потласьöм дойясысь вир. Но кыксё салдат-
лы начальство сетис приказ, и ёсь шыкъяс тупкисны туйсö.

Губернатор Волховский да сукöд воём чиновникъяс да
офицеръяс шпыннялөмөн видзөдїсны скамьяс вылө водтö-
дөм да топыда личкөм мужикъясöс, кодъяслы ывла вылын
лöсьöдїсны «пöсь пывсян». Бөрдїсны нывбабаяс, челядь,
вичко көлөкөлня бовгис-бувгис, звөн шылы отсалїсны воин-
скöй командаса барабанщикъяс. Сöмын ыджыд кымөр жа-
литыштїс розгаалөм вирöсь мышка «мыжаясöс», койыштїс
кöч пель гырся небыд тувсовъя лым, медым кокнбöдны му-
жикъяслысь дойяссö.

Елесь Габöос, Родионöс, Герасимöс, Турьевöс да Моро-
хинöс плетьөн пöвсавны тшöктїсны Серебряковлөн жандарм-
скöй командаса служивöйяслы, Герасимöс нöйтны веська-
лїсны Рöман Мирнöй да Кирило Шутик. Рöман шöпнитис
Герасимлы: «Эн ёна зэлöд мыштö, куыд озджык потлась». И
кок увсянныс выныштчөмөн öвтыштїс плетьнас, сöмын кор-
сой вечикыс воис юр весьтас, öвтыштöмыс нбöжмалїс да
плетьыс кокниджыка усис Герасимлы мыш вылө. Другыс
моз жö вöчис и Шутик. Сук лым сайын сулалысь губернатор
эз казав налысь мудеритөмсö, а Серебряковлы вöлі дзик
веськодь — öвтчöны тай и — ставыс. Морт кызь витысьөн
кучкөм бöрын, кор унтер шуис «тырмас», Рöман да Кирило
öдийö чеччөдїсны да отсалїсны Герасимлы пасьтасыны.

— Аттё, другъяс,— нисё збыльысь, нисё сералис Герасим.— Висьтав, Рёман, батыдлы мясянь чолём.

— Абу нин сійё ловъя...— Рёманлы тайё мырдёна уджыс пуктис морёс пытшкас сотысь из.

Плетялём бёрын попъяс локтисны кок йылын ёдва сулалысь мужикъяс дорё крестён да евангелиеён. Габё буквыша видзёдліс епархиясянь воём пёльтчём гёрд чужёма поп вылё да кор поп нюжодіс крестсё, медым «бунтаръяслён» юрнуодысь окыштіс «грексё вештём могысь», Габё ыджыда ышловзис, сэсса шуис:

— Святой отеч, тэнад крестад Иисусыд бёрдё.

Поп чуймис да весиг видзёдліс крестыс вылё, а Габё шуис водзё:

— Иуда Искарот вузаліс Христосёс царь Понтий Пилатлы. Тадзи, буракё, гижёма Матвейлён евангелиеын. И Понтий Пилат розгаён нойтём бёрын тшөктис Иисусёс рёспинайтны. А ті, христослы святой служитысьяс, благословитінныд нойтны правда вёсна сувтём православнойясёс жё. Оз ладмы тайё ставыс óta-мёдыскёд...

Габё вештыштіс крестсё да бергёдчис мышкён. Поп весиг эз смелмёдчы шуны «богохульник» кыв — сэтшёма чуймёдіс сійёс Гавриллён тадзи сёрнитомыс.

* * *

Действительной статской советник, Вёлөгдаса губернатор Волховскийлён миссияыс помасис. Крестьянаёс розгаён да плетьён нойтём бёрын, отлаын волём чиновникъяскёд «бунтаръяслысь» юрнуодысьясёс конвой улё босьтёмён сійё мёддчис Усть-Сысольскё. Кыксё салдатысь джынсё мёдөдіс карё жё, а сёёс коліс Кулёмдинё «пёрадок видзём да кывзысьтёмъясёс накажитём могысь» да тшөктис кывтны ва вощём бёрын. Пытшкёсса делёяс кузя министр Перовскийлён докладной серти, Николай I усердной губернаторлы вося оклад дорас содтіс нёшта кык тысяча шайт эзысьён. Волховский дьёбё эз коль...

А розгаалём крестьяна дыр на небзьөдісны мышъяснысё шоныд пывсянын, мавтісны-бурдөдісны ош госён, быдторнас, кодлён мый вөлі. И бурдём бёрас нин мужикъяслён частё луддзывліс мышку кучикныс. Да и кольөдём сё салдатёс тёлысь чөж ковмис вердны-юктавны.



Степан Фёдорович Тимушев

В УГРЮМОЙ ТАЙГЕ

Повесть

На коми языке

Художник **Н. К. Цветков.**

Редактор *А. В. Некрасов.* Художественный редактор *В. Б. Осипов.* Технический редактор *А. Н. Вишнева.* Корректоры *Т. А. Гудырева, А. А. Надуткина, М. М. Дейнега.*

ИБ № 955.

Сдано в набор 21.01.86. Подписано в печать 26.03.86. Ц00045. Формат 84×108^{1/2}. Бумага № 1. Гарнитура «Академическая». Печать высокая. Усл. печ. л. 7,56; усл. кр.-отт. 7,72; уч.-изд. л. 8,76. Тираж 4000. Заказ № 3186. Цена 75 коп. Коми книжное издательство. 167610, г. Сыктывкар, ул. Карла Маркса, 229.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Первомайская, 70.